


**DISSERTATIONES
HISTORICAE,
CRITICAE,
CHRONOLOGICAE IN
SACRAM...**

Mathieu Petitdidier, Josè Maria
Fonseca de Evora, Piro





Handwritten text, likely bleed-through from the reverse side of the page. The text is faint and difficult to decipher but appears to be organized into lines.

Tutto l'incenso considerato
con di Juncin nella locum
della roel.

DISSERTATIONES
HISTORICÆ, CRITICÆ,
CHRONOLOGICÆ
IN
SACRAM SCRIPTURAM
VETERIS TESTAMENTI.

AUTHORE D. MATHEO PETITDIDIER PRESBITERO
& Monacho Benedictino à Congregatione SS. Vironi & Hydulphi.



TULLI LEUCORUM,

Apud ALEXIUM LAURENT, Typographum Regium.
& prostant.

PARISIIS,

per PETRUM EMERY Bibliopolam in Angulo viae Gille-cœur
sub Signo Scuti Galliz. M. DC. XCIX.

Cum Privilegio Regio.

ORIGINAL

...

...

...

...

...

...



...

...

...

...



SERENISSIMO
AC REGIO
PRINCIPI LEOPOLDO
PRIMO
LOTHARINGIÆ
ET
BARRIDUCI, &c.



ON Injucundum fore Celsitudini tuæ Regiæ PRINCEPS

SERENISSIME, quod mihi summo ut offeram illi munus, persuasum habeo. Opus est elucubratum in scripturam sacram, quæ cum sit inconcussa Religionis Christianæ basis, Principi Christianæ religionis ita studioso, pergratum sane erit, quidquid ad illam spectabit. Enimvero pietas sincera, quam cum lacte nutricis suxisti, & quam in te mirantur omnes: simul & Religionis amor quem velut innatum, ab omni ævo Principes Lotharingi, quasi hæreditarium possident, ei omni qui aut pietatem promovere, aut Religionem tueri voluerit, te & probatorem & patronum præstant. Neque hisce tantum diebus, *SERENISSIME PRINCEPS*, sed ab omni ævo

Lotharingorum familia, tum singulari pietate, cum eximio in Religionem Christianam zelo spectatissima, Ecclesiae totam se addixit, illius hostes quocumque locorum debellatura. Vix exorta superiori saeculo haeresis, cum Germaniam fere omnem jam inundaret, ac veluti exundans, in Lotharingiam facto exercitu se se effunderet; Principes proavos tuos in ipsis ditionis suae limitibus in armis invenit, ab iisque profligata & caesa, impietatis suae penas dedit. Quoties verò processu temporis eadem haeresis Catholicae Doctrinae arma objecit, toties ejus nefarios ausus Lotharingorum familia armis repressit, & fidem Catholicam praestitit illaesam. Neque minus eam doctrinam

*suâ debellarunt Purpurati familiæ
tuæ Principes, cum aliis artibus
virus suum diffundere infælix hydra
tentavit, quam armis fecerant lori-
cati. Jam verò his non fuit satis
Ecclesiæ matri funiculum hæreditatis
ejus conservare incolumem, etiam li-
mites ditionis ejus latius protulerunt.
Nec opus ad hujus rei argumentum,
rem à multis retrò sæculis repetere,
aut ea præclarè gesta, in memoriam
revocare, quibus nominis tui Heroës,
honorificum illud Jerosolimorum re-
gnum, cujus cruces etiam nunc in
insignibus tuis fulgent, armis suis
demeruerunt. Unum opus est oculos
in te, PRINCEPS SERENIS-
SIME, Et in invictissimum CA-
ROLUM QUINTUM Patrem*

tuum convertere. Illicò enim vrbes,
Provincias, regna conspiciamus,
Christiani nominis hosti erepta, &
Ecclesiæ Catholicæ postliminio resti-
tuta. Hic ille est spectatissimus Prin-
ceps eximius patertuus, qui eo tem-
pore, quo Turcarum gens Barbara,
Romanum Imperium suis copiis inun-
dabat, ac diripiebat, solus cum mili-
tum manu omnes ejus impetus susti-
nuit, & repressit: solus consilia dis-
solvit, conatus irritavit, artes infre-
git. Cum hoste ferocissimo quoties se
dedit occasio prælium commisit; nec
adversus eum pugnavit unquam,
quin divino protectus auxilio expu-
gnaverit. Quot prælia, tot trophæa.
Dixisses ad eum spectasse divinum il-
lud Scripturæ oraculum: Ego quippe

dedi te in civitatem munitam, & in columnam ferream, & in murum æreum, super omnem terram. Et bellabunt adversum te & non prævalebunt, quia ego tecum sum, ait Dñs. *Hic ille est Princeps inclitus, qui Viennâ Austriacâ obsidione liberatâ, victricibus armis in hostis terras conversis, Imperii Romani fines ad terminos Pannoniæ, Sclavoniæ & Transsilvaniæ eâ celeritate transtulit, ut nec arces, nec exercitus, nec flumina victorias ejus morarentur. Uno verbo hic Princeps quocum nemo conferendus, simul extitit Imperii salus, Ecclesiæ columen, Asiæ terror, Europæ miraculum, Orbis amor & delicia.*

Hujus Herois Christiani victorias, tu PRINCEPS SERE-

NISSIME, tanti Patris non de-
gener filius, perfecisti. Tu ad illius
instar adversus Christiani nominis
hostes tyrocinia deposuisti. In iis
ipsis Regionibus, in quibus lauda-
tissimus parens tot lauros messue-
rat, visus es eâ animi firmitate
summa adire discrimina, quæ &
strenuum quemque, & in armis ex-
ercitatissimum percelleret. Medius
per tela per ignes furem hostem
jamque de victoriâ gestientem cobi-
buiisti, fractos in aciem reduxisti
civiles, tuaque virtute titubantem
ac dubiam victoriam hosti eripuisti,
& tibi favere coëgisti. Quid de tam
faustis initiis, tamque stupendis,
in tenerâ adhuc ætate, nobis spe-
randum non foret, ni Deus optimus

maximus, populorum tuorum felicitati magis quam tuæ gloriæ prospiciens, te illis tandem reddidisset. Verum etsi pax tuos morata est triumphos: at eas in te virtutes magis fulgere dedit, quibus Christianus Princeps, optimo populorum regimine fit commendatissimus. Tuum illud in fidem Catholicam studium, quo ante omnia curasti, hæresim à quibusdam regni tui angulis, in quos irrepserrat, & in quibus latebat, eliminandam: Illam in ætate juvenili senilem prudentiam, illam in annis immaturis maturam & summam sapientiam: illam in difficillimis quibusque negotiis ingenii aciem, quam in te stupent quotidie, qui ad te accedunt. Quid loquar morum lenitatem, cle-

mentiam, affabilitatem quibus omnium animos rapis? Quid animi & morum æquabilitatem, quâ semper serenus es? Quid tantam in subditos humanitatem? Quid benignitatem, quâ tam sollicitè eorum necessitatibus in annonæ penuriâ provides? Quid denique zelum, quo omnia ad ordinem revocas, suum cuique jus reddi curas, ac gratissimam omnibus præstas pacem? Tantas ob animi tui dotes, pietate non fucatâ, sed solidâ sustentatas, subditi tui **PRINCEPS SERENISSIME**, tum malorum præteritorum, cum præsentis penuriæ obliti, ob acceptum Principem tam perfectum, Deo sine intermissione gratias agunt. Hæc autem

*eo animo protuli , ut orbi universo
demonstrarem , quanta sit subdito-
rum tuorum felicitas ; simul & ut
aliquod indicium præberem arden-
tis studii , quo tuo sum devotus ob-
sequio. Tuus cum summa reverentiâ
in sempiternum futurus*

CELSITUDINIS TUÆ REGIÆ

Humillimus , observantissimus
& fidelissimus servus & subditus

F. MATHÆUS PETITDIDIER.

I N D E X

Dissertationum hujus operis.

DISSERTATIO PRIMA de Linguarum & Characterum origine.

SECTIO PRIMA de Linguarum origine.

SECTIO SECUNDA de Litterarum seu Characterum origine.

DISSERTATIO SECUNDA de Lingua Hebraica & Characteribus Hebraicis.

SECTIO PRIMA de Lingua Hebraica.

SECTIO SECUNDA de Characteribus Hebraicis.

DISSERTATIO TERTIA de textu Hebraico veteris, & Græco novi Testamenti: utrum alteruter aut uterque fuerit unquam malitiosè & datà operà depravatus.

DISSERTATIO QUARTA de Pentateucho Samaritano: de versionibus ejusdem Pentateuchi, & Samaritanorum Religionem.

DISSERTATIO QUINTA de variis Hebraici textus editionibus, ubi præcipuè de Masora.

DISSERTATIO SEXTA de Paraphrasibus Chaldaicis.

DISSERTATIO SEPTIMA de Scriptura versionibus in genere, & de historia versionis LXX. Interpretum in particulari.

DISSERTATIO OCTAVA de autoritate versionis septuaginta Interpretum.

DISSERTATIO NONA de variis editionibus versionis septuaginta Interpretum.

DISSERTATIO DECIMA de Latinâ versione Vulgarâ.

DISSERTATIO UNDECIMA de Canone Scripturarum.

DISSERTATIO DUODECIMA de diversis Scriptura sensibus, ac regulis ad eam intelligendam observandis.

DISSERTATIO DECIMA TERTIA de Authore Pentateuchi.

DISSERTATIO DECIMA QUARTA an ante Adamum alii homines extiterint, & utrum mundus in instanti creatus fuerit.

DISSERTATIO DECIMA QUINTA *de Paradiso Terrestri , de Serpente , & de Cherubim in aditu Paradisi collocato.*

SECTIO PRIMA *de Paradiso Terrestri.*

SECTIO SECUNDA *de Serpente qui Evam seduxit.*

SECTIO TERTIA *de Cherubim in Paradiso aditu collocato.*

DISSERTATIO DECIMA SEXTA *de Esu carniū ante diluvium. De congressu filiorum Dei cum filiabus hominum ; & de origine Idololatriæ.*

SECTIO PRIMA *de Esu carniū ante diluvium.*

SECTIO SECUNDA *de Congressu filiorum Dei cum filiabus hominum.*

SECTIO TERTIA *de Origine Idololatriæ.*

DISSERTATIO DECIMA SEPTIMA *de Enoch , Noë , Arcâ , & Diluvio.*

SECTIO PRIMA *de Enoch.*

SECTIO SECUNDA *de Noë & Arcâ.*

SECTIO TERTIA *de Diluvio.*

DISSERTATIO DECIMA OCTAVA *de Melchisedec , & Iacobo Patriarcha.*

SECTIO PRIMA *de Melchisedec.*

SECTIO SECUNDA *de Iacobo Patriarcha.*

DISSERTATIO DECIMA NONA *de Polygamia Patriarcharum.*

DISSERTATIO VIGESIMA *de Iob Patriarcha & ejus libro.*

DISSERTATIO VIGESIMA PRIMA *de Statu Reipublice Iudeorum tam quoad Civilia quàm quoad Sacra.*

SECTIO PRIMA *de Statu Reipublice Iudeorum , quoad Civilia.*

SECTIO SECUNDA *de Statu Reipublice Iudeorum quoad Sacra.*

DISSERTATIO VIGESIMA SECUNDA *de Miraculis Solis sub Iosua Duce , & Ezechia Rege. De sacrificio seu voto Iephie , & de anime Samuëlis defuncti apparitione.*

SECTIO PRIMA *de Miraculis Solis sub Iosua Duce & Ezechia Rege.*

SECTIO SECUNDA de Voto Iephie.

SECTIO TERTIA de Samuëlis apparitione post mortem.

DISSERTATIO VIGESIMA TERTIA de Authoribus librorum Iosue, Iudicum, Ruth, Regum, Paralipomenon, Esdra, Iudith, Tobia, Esther, Proverbiorum, Ecclesiastes, Cantici Canticorum, Sapientia, & Ecclesiastici.

§ 1.

De Authore libri Iosue.

§ 2.

De Authore librorum Iudicum & Ruth.

§ 3.

De Libris Regum.

§ 4.

De Libris Esdra.

§ 5.

De Libris Tobia & Iudith.

§ 6.

De Libro Esther.

§ 7.

De Libris Proverbiorum, Ecclesiastes, & Cantici Canticorum, Sapientia & Ecclesiastici.

DISSERTATIO VIGESIMA QUARTA de Psalterio Davidis, libris quatuor Machabaorum, tertio & quarto Esdra, & de Oratione Regis Manassis.

§ 1.

De Psalterio Davidis.

§ 2.

De Libris Machabaorum.

§ 3.

De Libris tertio & quarto Esdra.

§ 4.

De Oratione Manassis Regis.

DISSERTATIO VIGESIMA QUINTA de Divisione omnis ævi secundum Gentiles, Iudaos & Christianos. Nec non de temporis initio.

DISSERTATIO VIGESIMA SEXTA de Annis Solis & Luna, Mensibus, Cyclis, Indictionibus, Periodo Julianâ & eorum omnium usu.

DISSERTATIO VIGESIMA SEPTIMA *de annis primorum Patriarcharum. De annis Hebraorum & Ægyptiorum, simul & de Chronologia Sacra initio usque ad Diluvium.*

§ 1.

De annis primorum Patriarcharum.

§ 2.

De annis Hebraorum.

§ 3.

De annis Ægyptiorum.

§ 4.

De initio Chronologia Sacra usque ad Diluvium.

DISSERTATIO VIGESIMA OCTAVA *de annis chronologicis primorum Patriarcharum, in qua diversorum computorum rationes diversa referuntur. Et inquiritur potissimum, utrum Hebraicus Scriptura textus versioni Græcæ septuaginta Interpretum, in rebus chronologicis sit anteposendus.*

DISSERTATIO VIGESIMA NONA *de anno Diluvii, & de Meta vite hominum post Diluvium.*

DISSERTATIO TRIGESIMA *de secunda mundi ætate, & utrum ejus duratio melius assignetur in versione septuaginta Interpretum quàm in textu Hebraico.*

DISSERTATIO TRIGESIMA PRIMA *de Cainano Arphaxadi filio & de annis nativitatis Thara & Abrahæ.*

SECTIO PRIMA *de Cainano Arphaxadi filio.*

SECTIO SECUNDA *de annis nativitatis Thara & Abrahæ.*

DISSERTATIO TRIGESIMA SECUNDA *de tertia mundi ætate, ejus initio, duratione & fine.*

DISSERTATIO TRIGESIMA TERTIA *de quarta mundi ætate, ab egressione nimirum Israëlitarum usque ad Templi Salomonis adificationem.*

DISSERTATIO TRIGESIMA QUARTA *de quinta mundi ætate ab initio adificationis Templi ad ejus destructionem.*

DISSERTATIO TRIGESIMA QUINTA *de sexta mundi ætate à combustionem primi Templi ad Christum.*

Approbatio Regii librorum Censoris.

LEGI librum cui titulus est *Dissertationes Historica Critica Chronologica in Sacram Scripturam*. Datum in Sorbonâ die 15^æ mensis Junii anno 1692. PIROT.

Summa Privilegii Regii.

AUTHORITATE Regiâ sancitum est ne quis librum cui titulus est *Dissertationes Historica, Critica, Chronologica in Sacram Scripturam*, Authore Domino MATHÆO PETIT. DIDIER Ordinis Sancti Benedicti Congregationis Sanctorum Vitoni & Hydulphi Presbitero & Monacho, inter octo annos, à primâ operis promulgatione numerandos, typis mandet, aut alibi mandatum in hoc regno divendat, absque consensu ejusdem. Hocque omnibus notum, perspectû, indictum habeatur, perindè ac si Privilegium ipsum authenticum operis initio præfigatur. Qui secus faxit, pœnis Regio diplomate declaratis mulêtabitur. Datum Parisiis die 18. Junii anni 1692.

De Mandato Regis
Sig. BULTEAU.

QUOD quidem diploma in acta Bibliopolarum & Typographorum Parisiensium relatum est die 7. Augusti an. 1692. à PETRO AUBOUIN Syndico.



PERMISSIO REVERENDISSIMI
Patris Præsidentis Congregationis SS.
Vitoni & Hydulphi.

N^{Os} Præsident Congregationis SS. Vitoni & Hydulphi Ordinis Sancti Benedicti viso diplomate Regio quo facultas tribuitur R. P. D. MATHÆO PETITDIDIER ejusdem Congregationis Presbytero. & Monacho, typis edendi librum cui titulus est *Dissertationes Historicae, Criticae, Chronologicae in Sacram Scripturam*; eidem R. Patri editionem & divulgationem ejusdem libri per quemcunque Typographum vel Bibliopolam procurandi facultatem impertimur. Datum Nanceii die 20. mensis Januarii an. 1699.

Domnus GABRIEL MAILLET.

De Mandato Reverendissimi Patris
Præsidentis

D. FERDINANDUS DORDELU
Scriba

ERRATA GRAVIORA.

Pagina 7. linea 17. & ceteri, *lege* &c. pag. 13. lin. 13. nullatenus antea *lege*, nullatenus de antea. ibidem. l. 26. Arabica, leg. Aramica. pag. 32. l. 20. ac, l. at. pag. 36. lin. 21. quos, l. que. pag. 37. lin. 11. arbitrati, l. arbitrati sunt. pag. 42. lin. 16. ita uno, l. ita ut, uno. pag. 44. lin. 9. hæc, l. has. pag. 53. lin. 11. non autem, l. sex aut. pag. 56. lin. 12. habeant, l. habent. pag. 73. lin. 32. enim, l. est. pag. 87. lin. 23. authenticam, l. authenticum. pag. 97. lin. 7. recipiunt, l. recipi ut. ibid. lin. 31. adhaerunt, l. adhaerent. pag. 101. lin. 3. poterunt. l. poterunt. pag. 107. lin. 30. eveni, l. evenit. pag. 108. lin. 12. bucatis, l. fucatis. pag. 110. lin. 21. vel non, l. vel nos non. pag. 112. lin. 31. seu, l. fed. pag. 128. lin. 4. ante, l. ante Aristotelem. pag. 140. lin. 12. Ecclesiasticæ. l. Scholasticæ. pag. 146. lin. 12. cum, l. eum. ibid. lin. 13. apparuisse, l. apparuisse. pag. 149. lin. 17. qui, l. quæ. pag. 153. l. 19. de quâ, l. quam. pag. 157. lin. 4. minus l. majus. pag. 161. lin. 16. referant, l. referunt. pag. 168. lin. 3. conjugi, l. conjugii. pag. 176. lin. 14. Monarchicis, l. Monarchicus. pag. 180. l. 36. 384. l. 3840. pag. 184. lin. 30. altare, l. altari. pag. 188. lin. 9. aque, l. sique. pag. 191. lin. 18. iacteretur, l. iactaretur. pag. 194. lin. 25. conquiescunt, l. conquiescant. pag. 195. l. 23. eam, l. eum. p. 196. l. 35. demonstrare, l. demonstrari. p. 198. l. 26. ψ. & n. 10. l. vet. & nov. Testam. p. 205. l. 24. verborum, dictum, l. verborum dictum. p. 213. l. 5. Samuele, l. Lamuele. p. 216. l. 12. Athan. l. Athanasius. p. 217. l. 22. sit, l. sint. p. 223. l. 37. cum tamen l. tamen. p. 237. l. 5. quolibet, l. qualibet. pag. 238. l. 11. facile, l. facile est.

ERRATA LEVIORA.

Quoties reperitur Hæbraeus Hæbraicus &c. Cananus &c. Character &c. toties legendum, Hebraeus, Hebraicus &c. Chananæus & Character &c.

Pag. 7. lin. 25. Themisteco, l. Themistio. p. 10. l. 17. haberi, l. Heberi. p. 12. l. 7. nunquam ullam, l. nullam unquam. p. 16. l. 18. & 21. Aben-Eira, Aben-Eiræ, l. Aben-Esra, Aben-Esra, ibid. lin. 22. & 26. Masorethæ, l. Masorethæ. p. 20. l. 14. lenius, l. levius. p. 25. l. 27. interpretantur, l. interpretantur. p. 34. l. 32. nomen, *dele* p. 49. l. 17. Historicis, l. historicis. p. 51. l. 8. à quam, l. quam. p. 77. l. 19. Obelcos, l. Obeliscos. p. 78. l. 10. Laciani, l. Luciani. p. 80. Flamminius nobilius l. Flaminius Nobilius. p. 88. l. 6. & p. 89. l. 14. Consilii, l. Concilii. p. 92. l. 12. videbuntur, l. videbantur. p. 198. l. 23. Consilio, l. Concilio. p. 112. l. 10. adjudicarunt, l. abjudicarunt. p. 132. l. 29. inisse, l. ivisse. p. 133. l. 8. citam, l. sitam. ibid. lin. 11. & 23. Henilath, l. Hevilath. p. 148. l. 22. idoneam, l. idoneam. p. 150. l. 23. Pereum, l. Pererium. p. 152. l. 15. deprehenderet l. comprehenderet. p. 165. l. 20. prohibet, l. prohibita. p. 190. l. 3. historiâ l. historicâ. p. 191. l. 7. Hircæus, l. Hircanus. p. 199. l. 11. ventriloquâ, l. ventriloquâ. ibid. l. 30. Præpheta, l. Propheta. p. 206. l. 3. Hæsius, l. Hæsius. p. 210. l. 3. authenticam, l. authenticam. p. 218. l. 5. ipsum, l. istum. p. 219. l. 35. à Congregatione, l. à Congregatione. p. 220. l. 12. Patribus, l. patribus. p. 229. l. 27. Cliton, l. Cliton. p. 230. l. 33. Tisri, l. Tisri. p. 231. l. 9. distentâ l. distent. a. ibid. l. 18. Consilio, l. Concilio, & lin. 22. Consilii, l. Concilii. p. 232. l. 26. Consiliorum, l. Conciliorum. p. 234. l. 3. Calvium, l. Clavium. p. 242. l. 12. Polihistoro, l. Polihistore. p. 253. l. 13. Judaice, l. Judaicæ. pag. 254. l. 1. mutare, l. nutare. p. 261. l. 8. sequentem, l. currentem. ibid. l. 29. lectiones, l. lectionem. p. 263. l. 9. cum l. eum. ibid. l. 14. hæc, l. hæc. p. 263. l. 11. Nachor, l. Thare. p. 273. l. 16. convenient l. conveniunt. ibid. l. 17. tractaram, l. iactaram. p. 276. l. 30. apponant, l. opponant. p. 293. l. 4. ut sæculi, l. sæculi. p. 295. In ultimâ chyphrâ annorum mundi, loco an. 261. lege 2619. p. 315. l. 24. inchoatos, l. inchoatos. ibid. l. 26. Roboamo l. Roboamo. p. 316. l. 11. dicatur, l. dicitur. p. 327. l. 6. 78. l. 70. p. 330. l. 12. potestatem, l. potestatem. p. 333. & 334. reperitur pluries Macab, pro Machab. p. 335. l. 5. pulsus est. An. ibid. est, an. p. 335. l. 44. Cezicenus, l. Cyziceus. p. 337. l. 20. 3532. l. 3532.

THESE ARE THE

WORDS OF THE

PROPHET

ISAIAH

CHAPTER

XXXIII

THE LORD SHALL

REDEEM

ISRAEL

FROM ALL

UNJUSTICE



DISSERTATIONES
HISTORICÆ, CRITICÆ,
CHRONOLOGICÆ
IN
SACRAM SCRIPTURAM
VETERIS TESTAMENTI
DISSERTATIO PRIMA
DE
LINGUARUM ET CHARACTERUM ORIGINE.
SECTIO I.
De Linguarum origine.



IRCA Linguarum originem celebris est sententia
Diodori Siculi lib. 2. Bibliothecæ Historicæ; cui ad-
stipulantur Vitruvius lib. 2. de architect. c. 1. & Lucre-
tius, asserentes primos homines more belluarum, initio voces

inarticulatas & confusas edidisse; dehinc sonos aliquos articulatos effinxisse; ac postmodum processu temporis, per diversa signa notam sibi invicem fecisse rerum omnium interpretationem, & linguas integras efformasse. Diversitatem vero linguarum seu idiomatum, ex diverso in diversis hominibus rationis usu profluxisse docuerunt.

Quamvis autem hæc sententia sacris litteris contraria videatur, & ante annos plusquam mille trecentos ab Eusebio l. 1. de præp. Evang. c. 4. fuerit explosa; nuperrimè tamen Richardus Simonius hist. crit. vet. test. l. 1. c. 14. & 15. eam tueri aggressus, & cum sacrâ scripturâ conciliare conatus est; hac nimirum ratione, quòd ista opinio fidem nostram cum humanâ ratione, & Theologiam cum Philosophiâ conciliet. Nec valdè movet Simonium quod Scriptura videatur Deo tribuere tam linguarum originem, quam earum multiplicatè: præterquam enim Gregorium Nyssenum Orat. 12. contra Eunomium in hac sententiâ ducem & autorem habet: responderet Scripturæ verba non esse semper urgenda ad rigorem Grammaticæ: sed plerumque rationi esse accommodanda. Undè infert Scripturæ loca, quæ Deo multiplicatè linguarum tribuunt, sufficienter salvari, si linguarum confusio ad specialem Dei providentiam referatur.

Sed ut circâ quæstionem propositam mentem nostram aperiamus, dicendum est istam sententiam, difficilè cum rectæ Theologiæ principiis; difficilius etiam cum Scripturæ verbis posse conciliari: nec tutum esse hac in parte à communi sententiâ, quæ Deo auctori linguarum originem tribuit, recedere. Enimvero quod ad primam linguam attinet, quis sibi in animum inducat, Deum, cujus omnia opera perfecta sunt, creasse primum hominem in eo statu, quo suos conceptus absque summo labore uxori suæ patefacere non posset. Ecquid enim tanta imperfectio, cum perfectione in quâ creatus est, & tanta in exprimendis cogitationibus molestia, cum statu beatitudinis naturalis conciliari potuisset? Præterea si primus homo linguæ alicujus usum in creatione non accepit, sed processu tantum temporis suo labore acquisivit, quomodo statim à creatione singulis animantibus sua nomina imponere potuit? Quomodo statim Dei colloquio

nſus, & cum ſuâ uxore familiariter converſatus eſt? Quo-
modo tandem homo animal polyticum & ad ſocietatem na-
tum dici poſſet, ſi id ſine quo ſocietas ſtare nequit, in crea-
tione non accepſſet?

Concludendum eſt igitur primos homines cum alicujus
linguæ ſcientiâ, ejuſque expedito uſu creatos fuiſſe, ac pri-
mam linguam Deum authorem habuiſſe.

Quantum autem attinet ad alias linguas, quæ ex Babelycâ
confuſione profluxerunt, non erit magis difficile oſtendere
illas etiam à Deo authore profluxiſſe; clarior enim eſt hac
de re textus ſacer, quàm ut ejus verba in alienum ſenſum
detorqueri poſſint. Primùm enim expreſſè notat unicam fuiſ-
ſe linguam in toto orbe, cum cæperunt filii Noë turrim babe-
lycam ædificare. *Erat autem*, inquit Genef. ij. 1, *terra labii unius*
& ſermonum eorundem. Et v. 6. *Ecce unus eſt populus & unum*
labium omnibus. Deinde ſubdit v. 7. *Venite igitur descendamus &*
confundamus ibi linguam ipſorum, ut non audiat unusquisque vocem
proximi ſui. Poſtea vero ſubjungit quod factum eſt his verbis v. 8,
& 9. *atque ita diviſit eos Dominus in univerſas terras, & ceſ-*
ſaverunt ædificare civitatem, & id circò vocatum eſt nomen loci
illius Babel, quia ibi confuſum eſt labium univerſæ terra. Ex
quibus omnibus manifeſtum eſt 1.^o ante confuſionem uni-
cam, ut diximus, fuiſſe hominibus linguam. 2.^o confuſionem
à Deo fuiſſe immiſſam in pœnam, & ut ædificatores turris
opus ſuum imperfectum relinquere cogerentur; quod alioqui
non feciſſent, ut innuunt iſta verba v. 6. *Nec deſiſtens à cogita-*
tionibus ſuis donec eas opere compleant. Atqui iſta duo ſuffi-
ciunt ad evertendas reſponſiones, quibus Symonius ſcripturæ
verba conatur eludere. Nam 1.^o quod dicit hinc ortam eſſe
confuſionem linguarum, quia in ædificatione turris multa
occurrerunt, quæ necdum ſua habebant nomina; quis crederet
linguam, quâ unicâ nepotes Noë ab annis pluſquam centum
à diluvio elapſis, utebantur, quamque ab ipſo Noë ſexcen-
tis annis antediluviano didicerant, adeo imperfectam & in-
formem fuiſſe; ut necdum illis voces ad materiam & instru-
menta ædificiis erigendis neceſſaria exprimenda ſuppete-
rent?

Quod vero subdit idè scripturam Deo hanc confusionem tribuere, quia ad ejus providentiam pertinuit, & ab illâ fluxit, nimis etiam à textu sacro recedit. Quis enim ex ipsâ lectione scripturæ statim non perspiciat, effectum ædificationis esse non potuisse, quod in ipsius pœnam à Deo immissum est? Adde quod inficiari nequit Symonius, quin ista, quibus, in ejus hypothesi, nulla tribuerant adhuc nomina nepotes Noë, paucissima fuerint, in comparatione eorum, quorum nomina omnibus nota erant. At si dumtaxat in pauculis istis vocibus facta est confusio, Quomodo verum erit, quod ait scriptura, talem fuisse confusionem ut non audiret, id est, non intelligeret unusquisque vocem proximi sui?

Sed & si nulla scripturarum suppeteret autoritas ad hanc linguarum multiplicationem Deo tribuendam; sola tamen ratio id abundè comprobaret. Non enim tanta nec tam subita linguarum diversitas, aliundè provenire potuit, quam aut ex Dei voluntate qui illam immiserit; aut ex Angelorum potestate, qui illam prodixerint, (ut Origeni & nonnullis Rabbiniis visum est) aut ex hominum arbitrio, qui spontè & ex deliberata mente tantam linguarum diversitatem induxerint: atqui per Angelos id fieri non potuit; siquidem superat eorum potestatem, quâ nec in mentes, nec in voluntates agere possunt; sicut nec omnes species memoriæ impressas in momento delere, aliasque earum loco substituere: neque etiam per homines, cum incredibile sit eos in tantam linguarum varietatem consentire voluisse. Cur enim voluissent sermonem per tot sæcula usitatum, & ad vitæ societatem tam necessarium mutare, se seque tanto unius linguæ omnibus notæ beneficio privare? sed & si id voluissent, quomodo tamen perficere potuissent? Concipi quidem potest plures homines diversas linguas loquentes aliquam novam ad suos conceptus exprimendos excogitare posse: sed nunquam concipi poterit, quomodo multitudo magna hominum, qui linguam eandem habent, in aliâ novâ subitò excogitandâ consentire possit, præsertim absque notabili prioris linguæ admixtione. Sed ista ampliori probatione non indigent.

Quæritur vulgò quot linguæ ex babelica confusione

prodierint? ad quod unica certa responsio est id omnino esse incertum. Qui Hæbraico textui adhærent ut paraphrasis quæ Jonathani in Genes. ij. v. 7. & 8. tribuitur, & Talmudistæ tract. Sanhedrim c. j. plerumque septuaginta linguas numerant; qui verò sequuntur versionem τῶν ὁ septuaginta duas ex confusione ortas statuunt, juxta numerum familiarium, quæ in sacro textu recensentur. Hinc est, quod ferè omnes Patres tam græci, quàm latini, qui versione τῶν ὁ usi sunt, ut Clemens Alexandrinus stromat. lib. 1. Eusebius l. 1. chron. pag. ij. Epiphanius hæresi 39. quæ est Sethianorum. Augustinus lib. 16. de civ. c. 13. Prosper, sive author libri de vocatione Gentium lib. 1.º c. 9. Author libri de mirabilibus scripturæ, & author quæstionum in utrumque testamentum inter opera Aug. Philastrius hæresi 63. & cæteri septuaginta duas linguas ex babelyca confusione ortas voluerint. Nonnulli tamen authores ut Ephorus & alii quos refert Clemens Alexandrinus lib. 1. stromat. septuaginta quinque numerarunt.

Sed si res diligentius inspiciatur, facile erit animadvertere hunc numerum aut extendendum, si tot linguæ quot homines numerentur, cum longè plures fuerint ex Chami & Japheti posteris quam qui in Genesi recensentur: aut potius hunc eundem numerum constringendum esse; siquidem nonnulli eorum quos recenset Moyses Genes. 10. necdum nati erant cum ista confusio contigit, & plures eorum qui tunc erant etiam post confusionem primævam linguam loquuti sunt, ut de Cananæis ex Scripturâ manifestum videtur, & de aliis refert Samuel Bochartus Geogr. sacr. l. 1. c. 15. qui vix triginta linguas ex confusione ortas concedit.

Porro quamvis incompertum nobis sit quænam ex linguis hodiernis ab ista Babelis confusione originem trahant, inter eas tamen quæ nobis notæ sunt, nonnullæ quasi Cardinales, è quibus aliæ multæ pullularunt à viris doctis recensentur, nimirum Hæbraica, Græca, Latina, Teutonica, Slavonica, Tartarica & Chinenfis, quæ sunt omnium quas noverimus, antiquissimæ.

Verum cum omnia sint in perpetuo fluxu, nihilque magis obnoxium sit mutationi quam linguæ, varias etiam mutationes

hæ, quas modo recensuimus perpeſſæ ſunt. Hæbraicæ nitor jam diu in captivitate Babilonica ex Chaldaicæ commixtione deperiit. Græcæ idem accidiffe ex Turcarum in Orientale imperium irruptione cernimus. Sed nec latina lingua ſeipſam ab hujusmodi corruptione ſervare potuit, ex quo gens Gothorum Italiam aliaſque occidentales plagas occupavit, &c. Harum autem mutationum cauſa præcipua eſt; quod ſermo in uſu & conſenſu populorum, ſicut nummi valor, poſitus eſt, ideoque multis de cauſis, prout vulgus mobile eſt, immutatur.

SECTIO SECUNDA.

DE LITTERARUM SEU

Charaſterum origine.

QUOD ſpectat ad litterarum ſeu charaſterum originem, duo circa illam inquiruntur. Primum à quibus, ſecundum vero quo tempore inventi ſint charaſteres.

Hujus inventionis gloriam ſibi vendicarunt præcipuæ orbis nationes ut Ægyptii, Phænices, Hæbræi & Aſſyrii. Ægyptiis eam tribuunt Diodorus Siculus lib. 2. Plutarchus ſympoſiachon l. 20. c. . Cicero lib. 3. de natura Deorum & alii dicentes Deum quemdam ab Ægyptiis coli ſolitus nomine Teuth, litteras primum adinveniffe, eaſque Ægyptios cultores ſuos edocuiffe. Illum vero Teuth aſſerunt fuiſſe Mercurium Trimegiſtum, à quo libros innumeros conſcriptos fuiſſe docet Philo biblienſis apud Euſebium. Verum hæc omnia dubiæ admodum ſunt fidei; præterquam enim librorum illorum, nemo præter Philonem hætenus meminit; omnes ferè docti hodiè aſſerunt tam hunc Mercurium, quam quæ de illo feruntur eſſe fabuloſè conſcripta, aut ſi quæ vera conjiciunt circa litterarum inventionem, ea de litteris hieroglyphicis, non de charaſteribus elementaribus intelligenda ſtatuunt.

Nec magis favet Ægyptiis, quod dicunt Cadmum Ægi-

ptium primum fuisse qui Græcis litteras tradidit: nam & si res ita se habeat, minime tamen ab Ægyptiis, sed à Phœnicibus eas Cadmus acceperat, ut constat 1.^o ex Herodoto qui id expressè testatur in Terpsycore, 2.^o ex eo quod Græcos litteras non docuit Cadmus nisi post suum ex Phœnicia reditum; si tamen ex Ægipto in Phœniciam umquam profectus est, plerique enim veteres eum ex Phœnicia oriundum faciunt, ut Plutarchus symposiachon lib. 9. problemate 3.^o Clementis Alexandrinus stromat. l. 1.^o & alii apud Vossium de arte gramm. l. 1. c. 16. & Bochartum Geographiæ sacræ 2.^a partis l. 1.^o c. 20.

Omissâ igitur hac sententiâ quidam ut Eupolemus apud Clementem Alexandrinum ibidem Mosi litterarum adinventionem adscribunt; sed hoc omnino gratis; præsertim cum ipse Moses decem mandata in tabulis lapideis scripta à Deo accepisse legatur. Alii ut Plinius l. 5. & 7. Lucanus l. 3. Critias apud Athenæum lib. 1.^o & cæteri litterarum inventionem ad Phœnices referunt, & inde est quod apud Hesychium ἱερογνῆσαι seu phœnicissare est legere. Sed & si Phœnices Græcis litteras primi omnium tradiderint, ut est communis sententia fere omnium veterum, non fuerunt tamen primi earum inventores; siquidem ipsi ab Assyriis eas acceperant, ut docet Diodorus Siculus l. 5.^o Per Assyrios autem ipsos etiam Hæbræos sæpe intelligendos esse eruditorum nemo nescit, & evidenter ostenditur ex Themistheo, qui oratione 9. Hæbræorum libros vocat ἱερογράμματα τῶν ἀσσυρίων dum ex proverbii Salomonis id citat, *cor Regis in manu Dei*. Porro litterarum antiquitatem apud Assyrios eximie probat Simplicius comment. 46. in Aristotelis lib. 2.^o de cælo, cum refert Calisthenem rogatum ab Aristotele misisse in Græciam astronomicas Chaldæorum observationes ab annis mille nongentis tribus ante Alexandri magni tempora, id est ab annis 200. ante natum Abraham, paulo ante turris babelicæ ædificationem. Ex quibus patet ante dispersionem gentium Assirios litterarum usum jam habuisse. Eas autem ante diluvium jam usitatas & ab Adamo aut Setho excogitatas fuisse, & si nulla ratio invictè probat, multa tamen rem faciunt admodum probabilem.

Primò enim confecta res est si fidem Josepho habeamus. Scribit enim ille lib. 1.^o antiq. c. 3. rerum cælestium disciplinas in duabus columnis, quarum altera ad ejus usque ætatem conservabatur, ab hominibus antediluvianis fuisse conscriptas. Sed suspicari aliquis fortassis posset, Josephum hac in re, quæ suæ genti aliquatenus favebat, non satis cautum fuisse, ad cavendam deceptionem.

Secundò id confici potest ex sagaci Adami ingenio, & maxima litterarum utilitate. Vix enim credibile est Adamum plusquam novem sæculis vixisse, nec tamen in tanto temporis spatio aliquem modum excogitasse, quo & series annorum observari, & rerum gestarum memoria conservari, & ejus ad posteros scientia transmitti posset.

Tertiò idem probatur quod licet usus litterarum antiquissimus sit, ut ex dictis constat, nullum tamen certum tempus assignari potest quod earum inventioni fecerit initium. Ex quo sequi videtur eas semper in usu fuisse, proindeque Adamo non incognitas.

Quartò denique quia vix negari potest quin Enoch aliqua scripserit, cum ejus prophetia quam refert in epistola sua B. Judas per tot annorum millia sine scripturæ adminiculo servari non potuerit. Unde D. Aug. ait, l. 1.^o de civit. c. 15. *Scriptisſſe divina quadam Enochum illum ſeptimum ab Adamo negare non poſſumus.* Nec certe huic argumento ſatisfacit Simonius, cum ex historia Jannis & Mambre probare nititur multa alia beneficio ſolius traditionis fuiſſe ſervata: nam præterquam in temporum diuturnitate maxima eſt differentia, longè facilius eſt facti alicujus memoriam, quam ſententias ab aliquo prolatas ſine ſcripto conservari apud poſteros.



DISSERTATIO

DISSERTATIO SECUNDA.

DE LINGUA HÆBRAICA
& Characteribus Hæbraicis.

SECTIO PRIMA.

De Lingua Hæbraica.

Linguam hæbraicam sic dictam esse ab hæbræis nemo ambigit; at unde tandem Abraham & posteris ejus nomen istud obtigerit non ita omnibus est compertum. Alij enim hæbræos quasi Abrahamæos denominatos putant, sed hæc sententia jam diù ab omnibus doctis explosa est. Alij ab Hebero Semi pronepote nuncupatos volunt; & quidem hujus sententiæ sunt inter veteres Josephus l. 1. antiq. c. 6. Eusebius de prepar. Evang. l. 7. c. 2. Aug. de Civ. l. 16. c. 3. & l. 18. c. 39. Inter recentiores verò Peterius, Mercerus, Genebrardus, Cornelius à lapide, Simonius &c. Alij denique à voce *Ebri* quæ transitum seu trajectionem significat, Hæbræos appellatos fuisse contendunt. Cui sententiæ patrocinati sunt ex veteribus Africanus, Origenes, Diodorus Tarsensis, Chrysostomus, Theodoretus: ex recentioribus Josephus Scaliger, Brianus Waltonus & alij quorum sensus probabilior nobis apparet ob rationes sequentes.

1°. Quia verisimile non est Abraham qui sex generationibus Hebero posterior erat, ab eo nomen habuisse; cum nullus ex ejus progenitoribus licet ad Heberum magis accedentibus nomen istud habuisse deprehendatur.

2°. Quia Abraham ipse tunc primum Hæbræus appellatus est, cum Euphratem trajecit, & terram Chanaam ingressus est.

3°. Quia huic sententiæ apertè favet versio septuaginta interpretum, quæ capite 14. Geneleos, ubi legimus in vul-

gata, Abraham Hæbræo, sic habet, Abraham το πατρι id est transitori, nec valet quod adversarij respondent transitum illum Abrahami non fuisse actionem tam insignem, ut ei cognominationem novam mereretur; non enim ab actionis æstimatione, sed à personæ novitate & regionis transmutatione nomen illud Abrahæ à Cananæis impositum est: eodem modo quo nonnullos populos Ultramontanos, Transalpinos, aut Transmarinos appellamus.

4°. Quia hæc sententia etiam ex rationum alterius sententiæ debilitate firmatur; qui enim Heberi etimologiam conantur adstruere, duo tantum pro suâ sententiâ adducunt, quorum alterum male intellectum, alterum verò gratis assertum esse facile ostenditur. Primum est quod Genesis 10. de Semo dicitur eum esse *Patrem omnium filiorum Heber*. Sed respondetur aut, pro, filiorum Heber, legendum transfluvialium, ut docent plures interpretes non indocti, aut certè ideò haberi nomen expressum quia magis in particulari genealogiam ejus recenset Scriptura, quam aliorum filiorum Sem. Secundum quod pro suâ sententiâ adducunt, est quod lingua Hebraica in solâ Heberi familiâ conservata sit in remunerationem ejus fidelitatis quâ ædificationi Babelicæ turris consentire detrectavit. Sed respondetur 1°. Incertum esse an Heber ædificationi turris consenserit necne. 2°. Non magis certum esse an lingua Hebraica in Heberi familiâ conservata sit, imo certum videri Abraham non ab Hebero, sed à Cananæis linguam quam Hebraicam appellamus didicisse; siquidem ex libro Josue constat nomina montium, urbium, & cæterorum locorum terræ Canaam, etiam antequam ab Hæbræis possiderentur, fuisse hebraica; & ex Geneseos 27. clarum est linguam illius regionis, ex qua egressus fuerat Abraham, diversam fuisse ab hebraica. Sed hætenus dictum sit de nomine.

Ut igitur ad rem ipsam veniamus, quæritur an lingua Hebraica sit omnium antiquissima, eaque quâ Adam usus est. Ad quod respondemus affirmativè contrâ Grotium qui existimat primam linguam nullibi nunc extare, sed in confusione Babel periisse: & contrâ Theodoretum qui antiquitatis

privilegium Syriacæ seu Chaldaicæ linguæ tribuit. Firmissimum autem pro nostrâ sententiâ argumentum petitur ex nominibus hominum ac locorum quæ ab initio mundi usque ad linguarum confusionem in Scriptura recensentur. Cum enim eorum omnium radices & etimologiæ in solâ linguâ hebraicâ reperiantur, nec verisimile sit Moysen per totam historię seriem tot nomina tam aptè potuisse in aliam linguam mutare ut eorum vis & significatio eadem semper remaneret, indicium est manifestum linguam hæbraicam esse non solum omnium antiquissimam, sed eam ipsam quâ primus homo ejusque posterî ad diluvium usque usi sunt. Idipsum confirmatur tum ex nominibus Gentilium Deorum quæ plærumque ab hebraicis radicibus derivantur, tum ex ipsius linguæ simplicitate & puritate, quæ tanta est ut nihil ab alienis linguis mutuetur, cum tamen ferè omnes aliæ aliquid ab illâ acceperint.

Erit fortassis qui miretur & difficile credat linguam quæ apud solos Cananæos Chami posteros in usu erat post Babelicam confusionem dici à nobis omnium antiquissimam. Sed mirari desinet, si attenderit hoc privilegium Cananæis fuisse concessum solum in gratiam Israëlitarum qui linguam istam ab illis aliquando edocendi erant. Cæterum lingua hebraica post captivitatem Babilonicam Judæis paulatim desit esse vernacula. Cum enim per septuaginta annos coacti sint extrâ patriam suam Chaldæis servire, hinc contigit ut qui linguam Chaldaicam in captivitate didicerant, suæ facilius obliti sint, eamque paucis vocibus exceptis, penitus reliquerint. Interim tamen hic obiter notandum est contrâ communem sententiam eruditorum, Judæos statim à reditu captivitatis, linguam hebraicam adhuc intellexisse, ut manifestum est ex libri 2. Esdræ cap. 8. versu 2. ubi habetur : *Attulit ergo Esdras sacerdos legem coram multitudine virorum & mulierum, cunctisque qui poterant intelligere in die prima mensis septimi, & legit in eo apertè in platea usque ad mediam diem in conspectu virorum & mulierum sapientium : & aures omnis populi erant erectæ ad librum : & Versu 8. & legerunt in libro legis Dei distinctè & apertè ad intelligendum & intellexerunt cum legeretur.*

SECTIO SECUNDA.

De Characteribus Hebraicis.

Circà hebraicos characteres duo communiter inquiruntur, primum an semper in usu fuerint apud hebræos illi characteres quos hodie hebraicos appellamus. 2.^{um}. An iidem hebraici characteres puncta vocalia semper habuerint.

Quod spectat ad 1. variarunt hoc sæculo circà illud authorum sententiæ. Quidam enim ex Protestantibus non indocti probare tentarunt, nunquam ullam apud Judæos factam esse in characteribus mutationem. Sed hodie jam convenit inter omnes eruditos Israëlitarum characteres antiquitus eos fuisse quibus nunc utuntur Samaritani, quique apud Judæos in usu semper fuerunt donec post captivitatem Babilonicam ab Esdra in Chaldaicos immutati sunt. Hanc sententiam quam fusc probat Jacobus Capellus in tractatu quem de litteris hebraicis inscripsit, & Scaliger in epistolis ad Tompsonum & Hubertum & ad Eusebij annum 1657. Vossius de arte grammat. lib. 1. cap. 13. Drusius in Exodi caput 36. Grotius in notis ad librum de vera religione, & alii, paucis hic expediemus.

Probatur itaque primò ex testimonio veterum. Eusebius enim in Chronico ad annum mundi 4740. id expressè affirmat his verbis *Fuit Esdras eruditissimus legis divinae & clarus omnium Iudeorum magister qui de captivitate regressus fuerunt in Iudeam, affirmaturque divinas litteras memoriter condidisse, & ut Samaritanis non miscerentur Iudaicas litteras immutasse.* Idem docet D. Hieronimus in prologo galeato & præfatione in libros Regum ubi sic habet, *Certum est Esdras Scribam legis & Doctorem post captam Hierosolimam & instaurationem templi sub Zorobabele alias litteras reperiisse quibus nunc utimur, cum ad illud usque remous iidem Samaritanorum & Hebræorum characteres fuerint. Similia reperies*

apud eundem Hieronimum in Ezechielis caput 9. Denique idem confirmat venerabilis Beda citatus à Capello. Docet enim apud Hebræos nullam esse dubitationem Estdam litteras leviores sub nominibus earum quas hætenus habuerant excogitasse, priores Samaritanis reliquisse.

Qui contrariam tuentur sententiam ut Skiecardus, Picus, & Reuchlinus, respondent, aut istos authores à Samaritanis deceptos fuisse, aut de finalibus tantum litteris loqui, vel saltem de characteribus sacris qui in usum communem introducti sint. Sed ista omnia levia sunt. Primo enim commentitia est & nullo nixa fundamento ista quam inter sacros & prophanos characteres statuunt, distinctio. 2°. Patres aperte loquuntur de characteribus innovatis, nullatenus antea usurpatis. 3°. Quod de litteris finalibus obtrudunt aperte repugnat D. Hieronimo, qui de 23. characteribus non de quatuor finalibus loquitur. Denique quod addunt eos à Samaritanis deceptos fuisse, nequidem verisimilitudinis speciem habet. Quis enim credat Eusebium & Hieronimum qui cum doctissimis Judæorum tandiū conversati fuerant à Samaritanis hac in re decipi potuisse, si contraria Judæi sensissent. Sed tantum abest ut ista sententia aliquid à Judæorum traditione alienum habuerit, quin è contrā consentanea sit Patribus veterum Judæorum hac in re doctrina; sic enim habent in Talmude Babilonico tractatu Sanhedrim sectione secunda, *in principio data est Israël lex, scriptura Hebraica & lingua sancta. Postea data est illis in diebus Esdra scriptura Assyriaca & lingua Arabica. Postea elegerunt Israhelita scripturam Assyriacam & linguam sanctam & reliquerunt idiotis scripturam Hebraicam & linguam Chaldaicam. Qui sunt illi idiotæ? Respondet R. Chasda, Cethei. Quæ autem scriptura Hebraica? Respondet ite un R. Chasda, scriptura Libonea per quam omnes intelligunt Samaritanam.*

Probatur 2°. eadem sententia ex antiquis numismatibus & fidelis Judæorum ante captivitatem Cusis, quatum specimina præbet Brianus Waltonus tom. I. Bibl. poliglot. in prolegomenis ubi de monetis. Hi enim omnes litteris inscripti sunt Samaritanis. Ex quo invictè probatur characteres, quibus Ju-

dæi ante captivitatem usi sunt, alios fuisse ab iis quos assumperunt post captivitatem. Neque enim cuiquam oriri potest suspicio siclos illos à Samaritanis cusos fuisse, qui legerit eorum inscriptionem: quippe ex una parte ita habent: *Siclus Israël:* ex altera verò: *Hierusalem sancta.* Quis enim sibi in animum inducat Cuthæos qui urbi Jerusalem infensissimi semper fuerunt, eam nihilominus in suis siclis exhibuisse & sanctam appellasse? Aut quis non videat potius siclos Israëlitis nomine inscriptos non Samaritanis, sed Israëlitis esse tribuendos?

Ut adversarij hoc argumentum eludant, confugiunt iterum ad suam distinctionem de characteribus sacris & prophanis ante captivitatem. Sed ista cavillatio satis confutatur ex autoritatibus superius allatis: disertè enim asserunt scriptores adducti Esdræ characteres factorum librorum immutasse; quod tamen falsum esset admissa distinctione adversariorum, qui volunt characteres hodiernos in sacris paginis ante captivitatem jam fuisse usitatos: Samaritanos verò non nisi prophano usui deputatos.

Obijciunt tamen aliquos siclos reperiri hodiernis litteris inscriptos, quos ante captivitatem Babilonicam cusos nemini dubium esse potest, cum nonnulli eorum nomen & vultum Salomonis præferant; ut quosdam se vidisse testatur Skiocardus.

Respondco nonnullos quidem siclos hodiernis litteris inscriptos reperiri, sed eos ante captivitatem cusos nullâ ratione probari posse. Certum est enim eos, de quibus Skiocardus meminit, fictitios fuisse; siquidem Israëlitis lege prohibitum erat ullius creaturæ animatæ similitudinem repræsentare, idque ab ipsis summa religione fuit semper observatum, ut passim videre est apud Josephum in libris antiquitatum, & apud Tacitum Annalium lib. 5. Quod si quis dicat eorum monetam tempore Christi Domini vultum Cæsaris prætulisse, ut patet ex Evāgelio, responderetur Judæos ad id compulsos fuisse ex quo Romanis servire cæperunt; at quandiu sui juris fuerunt, omnes figuras & similitudines semper abominati sunt.

Quod ad punctorum vocalium originem attinet; alij ea consonis coæva faciunt; alij ad Moſen, alij ad Eſdras, alij denique ad tempora poſt-talmudica eorum inventionem referunt. In primis opinionibus tuendis plarique Proteſtantium tùm ſuperiori tùm etiam noſtro ſæculo ad Judæorum partes tranſierunt. Eoque libentiùs id præſtiterunt, quò ſententia iſta viſa eſt iſſis minùs favere argumentis Catholico- rum, quæ pro traditione aſſerendâ validiſſima ſunt contrà eos qui punctorum novitatem agnoſcunt, ut infra oſtendetur. Nihilominùs ultimam ſententiam cum Catholicis ſequuntur hodie inter Heterodoxos, quotquot eruditorem nomen ambiunt. Undè ut eam ſtabiliamus, præcipuas rationes, quibus fulcitur, hic referre non pigebit.

Probatur itaque primò ex confutatione aliarum ſententiarum: certum eſt enim 1°. puncta nec conſonis coæva, nec à Moſe inventa fuiſſe. Cum enim Moſes & poſt eum omnes Iſraelitæ uſque ad tempora captivitatis litteris hiſ uſi ſint, quibus nunc utuntur Samaritani, ut ſuprà probatum eſt: qui fieri potuit, ut puncta vocalia iſ characteribus ſint coæva, aut à Moſe fuerint addita, cum hùcuſque ſine iſtis vocalibus permaneant apud Samaritanos? 2°. Gratis omninò & contrà omnem veri ſpeciem inventum iſtud ad Eſdras reſertur. Cum enim ſedulo notarint veteres cum characteres antiquos mutalſe, nunquam punctorum vocalium inventionem tacuiſſent, ſiquid ſaltèm de eâ iſſis innotuiſſet. Cum igitur nec duæ priores ſententiæ, nec tertia ſtare poſſint, reſtat ut ultima ſit omnibus præferenda.

Probatur 2°. Ex ſilentio veterum tùm Chriſtianorum, tùm Judæorum. 1°. Enim D. Hyeronimus, qui ſæpiſſimè de diverſâ vocum hæbraicarum legendi ratione meminit, nullibi punctorum vocalium mentionem facit. Imo ſæpiſſimè queritur incertam eſſe apud hæbreos vocum lectionem, cum ſæpè eadem pro ratione diverſarum vocalium, quæ ad legendiſ arbitrium addi poſſunt, res omninò diverſas ſignificet. At ſi puncta in uſu fuiſſent tempore D. Hieronimi, ſingulæ voces ad unicam lectionem fuiſſent determinatæ. Ergo &c. 2°. Origenes, qui circà textum hæbraicum tam utiliter pro

Ecclesiâ laboravit , inutilem posuisset operam , dum græcis characteribus hæbraicum scripturæ textum in Exaplis expressit. Ad quid enim tantus labor , si textus hæbraicus tanta facilitate legi potuisset ? 3°. Adhuc magis urget Talmudistarum & Cabalistarum silentium ; cum enim Talmudici sæpe disputent de genuinâ vocum lectione & sæpe levissima circâ textum nōtent , nunquam omisissent , si puncta vocalia ipsis nota fuissent , quin alicubi de his differerent , aut ex illis genuinam lectionem determinarent. Cabalistsæ verò , quorum superstitiones & ineptiæ ex litteris & characterum conformatione petuntur , ne verbum quidem de punctis vocalibus proferunt.

Probat 3°. ex praxi & testimoniis Judæorum. Praxis enim eorum est , ut codices qui in Synagogis leguntur , sint absque punctis , accentibus & versuum distinctione. Quod aliud nequit habere fundamentum , nisi quia credunt communiter primum Mosis codicem sic exaratum fuisse. Judæorum verò doctissimi Elias levita & Aben-Eira , ille in lib. de Masora , hic in libro elegantiarum , apertè docent primam punctorum inventionem Tyberiensibus magistris deberi. Hæc sunt verba Aben-Eiræ : *sapientes Tyberiadis pro norma & canone lectionis habendi sunt , quia ab iis sunt Masorotæ , a quibus vocem punctationem accepimus.*

Confirmatur ex versione septuaginta interpretum , quâ constat idèò multis in locis eos aliter vertisse quàm habeatur in textu hodierno , quia aliter legerunt , quam Masorotæ , puncta vocalia apponendo , postea determinarunt.

Obji. Sublatâ punctorum authoritate divinâ , quæ lectionem ex se ambiguum ad unum sensum determinet , Scriptura nihil nisi obscurum & incertum continebit : atqui hoc repugnat providentiæ & bonitati divinæ , quæ dum sua arcana voluit hominibus manifestare , eo modo , qui ab hominibus posset percipi , præstare debuit.

Resp. Hanc objectionem eos tantum tangere , qui negatâ traditione soli textus sacri litteræ adherent , ut faciunt nostrates hæretici : sed Catholicos in nullo lædere. Hi enim quemadmodum Scripturæ sensum , sic etiã modum ipsum legendi

legendi Scripturam ex traditione repetendum censent : undè cum nulla essent puncta , genuina cujusque vocis lectio ex traditione addiscebatur ; proindèque non minus certa erat lectio licet difficilior , ac si puncta vocalia cuilibet voci adjuncta fuissent. Adde Scripturam tunc temporis non fuisse penitus destitutam vocalibus , siquidem quatuor litteræ Aleph, Vau, Jod, & He in multis vocibus supplebant vices vocalium ; sic que difficultatem aliquatenus minuebant.

QUÆRITUR I. Quo tempore & à quibus puncta Vocalia reperta sint.

Resp. 1. Inventionem illam Tyberiensibus magistris vulgo tribui, nullam tamen certam proferri posse rationem vel auctoritatem , quâ illis hoc inventum tribuatur , nisi quia authores extiterunt utriusque Masoræ , quarum partem facere puncta vocalia vulgo creditur.

Resp. 2. Minus adhuc certò definiri posse tempus , quo celebris ista punctorum additio sacro textui facta est. Tot enim ferè sunt hæc de re opiniones , quot alicujus nominis auctores. Plerique quos Waltonus sequitur , existimant eam ad finem quinti aut initium sexti sæculi sive ad annum Christi circiter quingentesimum esse assignandam : sed nullum aliud habent suæ sententiæ fundamentum , nisi quod Tyberienfes magistri , à quibus istam additionem factam putant , tempore D. Hieronimi celebres esse jam caperant , ut ex sancto Doctore constat. At non sequitur quod Academia , quæ multis post Hieronimum sæculis adhuc viguit , potius circà ævum ejus , quàm sequentibus sæculis opus istud perfecit. Quidam ut Simonius octavo circiter labenti sæculo inventionem istam assignant. Dicunt enim , quod satis probabile est, Hebræos puncta vocalia ab Arabibus mutuos fuisse : idque vel inde patet , quod omnia punctorum vel accentuum nomina Arabica sint. Atqui Arabes octavo sæculo scilicet circà Omari ætatem puncta vocalia Alcorano addiderunt. Ergo &c. Sed ut fateamur puncta vocalia ab Arabibus desumpta esse ; non tamen sequitur id eodem factum tempore à Judæis , quo primum à Mahumetanis usurpata sunt.

Alii ut Joannes Morinus 2. parte exercitat. Biblic. Exercit.

12. c. 7. n. 8. contendunt punctorum inventionem noni sæculi finem aut initium decimi non præcessisse, à quâ sententiâ non longè abest Isaacus Vossius in dissertationibus adversus Simonium cum huic punctorum usui non nisi sexcentos circiter annos tribuit. Suam autem sententiam probat Morinus ex diversis Judæorum in Scripturam observationibus, in quibus nullum punctorum vestigium reperitur. Primum enim nulla in toto Talmude fit eorum mentio; atqui Talmud ante annum 800. absolutum non fuisse probat idem Morinus ex multis quæ in eo continentur. Secundò tractatus Sopherim, quem Talmude posteriorem probat Talmudis ipsius de eo silentium, etiam de punctis omninò tacet. Terriò priores lucubrationes Masoretharum, tum etiam diversæ lectiones Orientalium & Occidentalium quarum pleraque eodem Talmude posteriores, præter ipsius silentium probat longè major numerus diversarum lectionum & annotationum, quàm in Talmude reperiantur, ne verbum quidem de punctis habent. Hoc autem eò magis observandum, quò plerumque de solis minutis tractant, ut de numero, figurâ & inversione litterarum, de diversis lectionibus & cæteris ejusmodi. At si tùm in usu fuissent puncta vocalia, nunquam omisissent, quin suas lucubrationes ad illa etiam extenderent, & Keri & Kerib circa illa annotarent: nisi quis contendat Amanuenses qui in vocibus integris sæpè cespitarunt, in punctis apponendis fuisse omninò ἀνάμνητες. At istis omnibus lucubrationibus quinquaginta saltèm anni tribuendi sunt à confecto Talmude; proindeque statuendum circa annum 850. puncta necdum fuisse apud Judæos usitata. Jam verò cum in lectionibus ben Nephtali orientalis, qui labente sæculo decimo florebat, multæ observationes circa puncta vocalia reperiantur; statuendum est intermedio tempore puncta vocalia fuisse à recentioribus Masorethis apposita, consequenterque eorum inventionem ad finem noni sæculi vel initium decimi esse referendam. Hæc Morini sententia ut firmioribus nixa rationibus cæteris præferenda videtur. Sunt tamen, ut nihil de diversis circa hanc questionem opinionibus omittamus, qui punctorum usum longè antiquiorem

indè concludunt, quod Caraitarum secta antiquissima apud Judæos, quæ omnes omninò traditiones à Judæis inventas respuit, nihilominus puncta vocalia receperit. Sed huic rationi responderi potest Caraitas non ob antiquam traditionem, sed ob summam utilitatem puncta vocalia recepisse.

QUÆRITUR secundò quid ex statuta punctorum novitate pro Catholicis inferri possit adversus Heterodoxos?

Respondeo, hinc firmissimo argumento negatam ab his traditionem stabiliti. Enimverò si ante sex aut septem sæcula vocalibus apud Judæos in usu non fuerint, cum Scriptura absque vocalibus legi nequeat, quis non statim videt genuinam sacri textus lectionem aliunde quam ex traditione disci non potuisse? Nec dicas quatuor litteras supra dictas vocalium locum habuisse; ut ut sit enim de istarum litterarum usu, certum est plures voces nullam ex illis habuisse, cum tamen pronuntiari deberent; plures vero è contrà aliquas habuisse quæ pronuntiari non debebant in quibus proinde ad traditionem necessarium confugiendum erat, ut Protestantes ipsi fateri coguntur.

DISSERTATIO TERTIA.

DE TEXTU HÆBRAICO
veteris & Græco novi Testamenti: utrum
alteruter aut uterque fuerit unquam mali-
tiosè & datâ operâ depravatus.

Q UÆSTIO est potissimum de textu Hæbraico veteris testamenti: circa quam plerique doctores catholici tam dogmatici quam scolastici, non nulli etiam critici affirmativam tenent, Judæosque meditatæ depravationis sacrorum codicum insimulant. His adstipulantur etiam aliqui ex reformatis qui idem crimen Judæis obijciunt. At è contrario ferè omnes eruditæ Critici, & ex scholasticis ipsis cordatiores, Judæos ab hoc scelere eximunt; quorum sententia præ cæteris nobis arridet, ideoque ejus fundamenta primò referemus; deinde adversariorum obiectionibus satisfacimus.


Probatur itaque primò : si Judæi Scripturæ textum malitiòsè corruperint ; vel id facinus ante Christi adventum admiſerunt , vel poſt ejus adventum . At id eos ante Christi adventum egiſſe , quis credet ? Nullum habebant ſacro textu pretioſiorem theſaurum , eum à Deo inſpiratum credebant , & ut ipſum Dei verbum venerabantur , unicum erat eorum Religionis & reipublicæ fundamentum : eo denique omnis ſpes illorum nitebatur . Quì ergo fieri poterat , ut tam eximium ſuæ antiquitatis monumentum ex indiſtriâ depravarent , & divinum iſtud depositum gratis à ſe abjicerent ? Deinde ſi ſacrilegium iſtud ante Christi Domini adventum commiſiſſent , quomodo Chriſtus Dominus , qui multà alia minus gravia Scribis & Phariſæis exprobravit de tanto ſcelere tacuit ? An fortè quia crimen iſtud ignoravit ; aut cognitum lenius quam ut illis objiceretur judicavit ? Præterea idem ipſe Chriſtus non ſolum Judæis iſtam corruptionem non exprobravit : ſed è contra Scripturam eorum approbavit ; cum & eam Synagogis expoſuit , & in concionibus ſæpiſſimè laudavit , & Judæos circa ipſum hæſitantes ad eam remiſit : ac denique Scribas & Phariſæos ſcripturam docentes audiri præcepit . At ſi Scriptura tunc tempotis à Judæis jam depravata fuiſſet , Chriſtus Dominus iſtis omnibus eos magis in errorem induxiſſet ; perſuaſiſſet enim Scripturam quam tanti faciebat ; & tantum laudabat eſſe incorruptam .

Jam vero non minus certum eſt corruptionem iſtam poſt Christi Domini adventum non accidiſſe . Si enim Judæi poſt Evangelii promulgationem voluiſſent aliquid in ſuis codicibus depravare ; id egiſſent maximè circa Prophetias , quæ Chriſtum Dominum verum Meſſiam demonſtrant . Atqui tantum abeſt , ut eas eraſerint è ſuis codicibus , aut immixta corruptione enervarint ; quin è contra plerumque contingit , ut notat Bellarminus , quod Prophetiæ magis urgent Judæos in Hæbraico textu , quam in verſionibus . Deinde ſi Judæi primis Eccleſiæ ſæculis textum Hæbraicum depravaſſent , cum vulgata verſio ad illius normam facta ſit , illique ut plurimum ad amuſſim respondeat , ſequeretur Catholicos non habere ſinceram ſcripturam , & Tridentinos Patres vehementer erraſſe ,

cum vulgatam versionem Ecclesiæ proposuerunt, & authenticam declararunt. Porro conformitas vulgatæ cum Habraico textu hodierno, satis demonstrat eam post D. Hieronimi tempora non esse corruptam.

Præterea si Judæi à tempore Christi Domini voluissent Scripturas depravare, quomodo id à primis Christianis non fuisset animadversum: quomodo si animadversum in Judæis non fuisset reprehensum: aut saltem ab iis qui à Judaismo ad fidem convertebantur non fuisset exprobratum? Denique & si gratis supponeremus Judæos omnes suos codices potuisse depravare & voluisse: qui fieri poterat ut etiam eos omnes qui à Christianis servabantur pari modo depravarent: id certè fidem omnem superat. Certum igitur maneat & inconcussum Judæos Scripturam sacram numquam depravare voluisse, nec si voluissent potuisse.

Probatum secundo tum ex divinâ providentiâ, tum ex studio Judæorum erga Scripturam. Ex providentiâ quidem, Deus enim ideo, juxta sanctos Patres, Judæos per univèrsam orbem dispersit, ut eorum circa libros sacros testimonio Religio nostra firmaretur. Unde D. Augustinus ait in Psal. 56. *Judæi tanquam capsa nostri libros nostros circumferunt, ut cum Pagani non credunt quæ nos de Christo prædicta fuisse dicimus, quasi à nobis essent conficta; mittamus eos ad inimicos fidei nostræ Iudæos qui libros nostros circumferunt in quibus eadem habentur quæ nos prædicamus.* At si Judæi Scripturas depravassent non potuissent Patres ad eos provocare, nec eorum testimonium Ecclesiæ profuisset; sed obsuisset magis, cum Pagani de Prophetiarum veritate dubitabant. Debit ergo divina providentia invigilare ne malitia Judæorum eos ad sacri textus corruptionem impelleret. At id eam præstitisse clarum est, vel ex solo studio quod Judæi erga Scripturam sacram exhibuerunt: tanta enim fuit quâ sacros codices colebant reverentia, & tanta quâ eos exscribebant ἀκριβῆς ut ex Josepho libro 1. contra Appionem, & Philone apud Eusebium lib. 8. capit. 7. & 8. Judæi mortem optere potius eligerent, quam vel unum Legis apicem mutarent, aut adulterarent. Unde tradunt Rabbini, quod si quando uni-



cum erratum in aliquo Legis codice deprehendunt, codicem illum pro illegitimo damnant, & abjiciunt. Nec libros incorrectos servari patiuntur ultra triginta dies; eos vero, qui ultra quatuor errores continent sepeliendos volunt cū probis hominibus.

Confirmatur ex eo quod Apostoli & Evangelistæ sæpe laudarint loca veteris testamenti juxta textum Hæbraicum, etiam iis in locis quibus ab eo discrepat versio ^{תנ"ך} ^{ד.} Si ergo corruptioni deputentur loca in quibus aliter habetur in Hæbraico textu, ac in versionibus, dicendum erit Apostolos eo modo loca Scripturæ adduxisse, quo sciebant à Judæis post modum esse depravanda: quod cum nimis absurdum sit & impium, concludendum est textum Hæbraicum nusquam & nunquam à Judæis ex industriâ fuisse corruptum.

Probatur 3. ex sanctis Patribus, qui passim docent in dubiis recurrendum esse ad originarios textus; eosque omnibus versionibus, ubi diversitas occurrit, esse præferendos. Ita docent auctor Sermonis ad Gentes sub nomine Justinī martyris, D. Hieronimus in caput sextū Esaiæ, & in epistola ad Suniam & Fretellam. D. Ambrosius libro de Spiritu sancto capite 6. D. Augustinus libro 15. de civit. cap. 13. lib. 18. cap. 44. & lib. 2. de doctrina Christiana cap. ij. Cassiodorus Divinarum lectionum cap. 15. Gregorius magnus, &c. At si textus originarii tempore sanctorum Patrum depravati fuissent, falsa esset eorum regula, nec sine injuria potuissent nos remittere ad fontes quos novissent esse vitiatos.

Probatur 4. quia si textus sacer ex industria fuisset aliquando corruptus potuissent, qui hætenus omnem moverunt lapidem, ut Judæos isto crimine reos agerent, tempus hujus depravationis deprehendere, & aliquas tam celebris Historiæ circumstantias annotare; aut saltem aliqua depravationis istius exempla assignare: quorum cum nullum hætenus præstare potuerint, indicium est manifestum nullam ejuscemodi depravationem factam unquam fuisse: nec sine manifesto calumniæ periculo tam grande scelus Judæis imponi posse. Sed ut hæc ultima probatio majores habeat vires, occurrendum est adversariorum objectionibus. Itaque.

Obji. 1. Plurima loca sanctorum Patrum, qui disertè affir-

mant Judæos datâ operâ sacros codices vitiaſſe: ergo ex ſententiâ ſanctorum Patrum textus Hæbraicus eſt corruptus, Ita Juſtinus martyr in dialogo cum Tryphone. Iræneus lib. 3. cap. 24. Tertull. lib. de habitu mulierum cap. 3. Euseb. Hiſtor. Eccleſ. lib. 4. cap. 18. Chriſoſt. Homil. 5. in Matth. Origenes Homil. 22. in Jeremiam, Hieron. in cap. tertium Epiſtolæ ad Galat. & alii.

Reſpondeo, malè à Morino tot Patrum authoritates adduci ad probandam textus Hæbraici corruptionem, cum nullus ex iſtis Parribus de illo agat. Quod ut maniſeſtum fiat omnibus, reſponderetur 1°. ad Sanctum Juſtinum, illum non agere de textu Hæbraico, ſed tantum de verſione τῶν δ', quam à Judæis depravatam queritur, ut legenti patebit. 2°. ad Sanctum Iræneum, nullatenus eum aſſerere Judæos Scripturam depravaſſe: ſed tantum eos verſionem τῶν δ' depravatu- ruiſſe, ſi utilitatem quam Eccleſiæ allatura erat prænoviſſent. 3°. ad Tertullianum, nihil aliud eum velle, niſi Judæos quosdam Scripturæ libros reſecaſſe ex ſuo canone, & ſuâ negligentia amiſiſſe, de quo hic non agimus. 4°. Origenem agere de verſione τῶν δ', in quâ hunc locum Jeremiæ: *peccatum Iuda conſcriptum ſtylo ferreo in ungue Adamantino* quem purum in Hæbraico textu repetiri notat, depravatam eſſe queritur. 5°. D. Hieronimi conjecturam pro corruptione iſtius loci: *Maledictus qui non permansiſtis in omnibus &c.* levem eſſe: certum eſt enim eundem omnino ſenſum eſſe, ſive legas locum iſtum cum voce, omnibus, ſive iſtam vocem omittas. Cæterum nemo certè aſſeret D. hieronimum malè de textu Hæbraico ſenſiſſe, aut illum corruptum putaſſe. 6°. ad Sanctum Chriſoſtomum eum Judæorum nomine Symmacum & Aquilam intelligere, quos Scripturam in ſuis verſionibus depravaſſe inſimulat. 7°. denique ad Eusebium non aliam ejus eſſe ac D. Juſtini mentem, cum ſimpliciter referat Judæos, iſtius depravationis ab eo convictos eſſe.

Obji. 2°. Pleraque Scripturæ loca quæ in Hæbraico textu videntur eſſe corrupta: primus petitur ex Genef. 4°. ubi truncatæ ſunt duæ voces, *Egrediamur foras*, quas tamen teſtantur Hieronimus & Cyrillus in *Samaritano codice* ſuo tempore jam

lectas fuisse & in editione τὰν ἑ nec non in vulgatâ reperiri constat. Secundus petitur ex psal. 13°. in quo desunt in hebræo tres versus, qui tamen ab Apostolo citantur in Epist. ad Rom. nimirum Sepulchrum patens &c. Tertius locus petitur ex psal. 18°. ubi versu 5°. sic habetur in hebræo; In omnem terrâ exivit *linea eorum*. Atqui ex Apostolo in eadē Epistolâ constat legendum, *sonus eorum*. Quartus, desumitur ex psal. 21°. ὧ. 17°. ubi ita habetur: sicut *Leo manus meas & pedes meos*; cum ex Evangeliiis constet legendum: *Foderunt manus meas &c.* Quintus locus habetur Genes. 49. ὧ. 10. ubi pro eo quod in vulgatâ legimus, donec veniat qui mittendus est, reperitur in hebræo, donec veniat Scilo corruptione manifestâ. Hæc autem posteriora loca notatu eo digniora sunt, quo apertam continent depravationem in duabus prophetiis quæ Christum respiciunt: negari enim non potest quin Judæi ex industriâ ista loca depravarint ut prophetias de Christo expungerent.

Respondeo in nullo istorum locorum malitiosam depravationem posse argui, ex quâ inferre liceat Judæos manus sacrilegas in textum hebraicum misisse, quod ut manifestum fiat, opus est ad singula loca respondere.

Itaque ad primum locum respondeo nullam notari posse depravationem: ad summum enim si voces istas pro textu sacro habendas certum esset, dicendum foret eas librariorum negligentia & oscitantia fuisse omittas, proindeque sphalma quidem, sed neutiquam corruptionem indicare. Sed incertum est an illæ voces pro genuino textu habendæ sint, id enim negat D. hieronimus in quæstione ad Genesim ubi ait: *& dixit Cain ad Abel fratrem suum*, subaudi ea quæ locutus est Dominus. Superflua sunt ergo hæc verba. *Eamus foras*. Ita D. hieronimus. Eodem modo exponit Aben Ezra: consentit etiam paraphrasis Chaldaïca, quæ voces illas non habet: & inde est quod Lyranus negat eas esse de textu.

Ad secundum respondeo cum D. hieronimo & Bellarmino versus istos non esse ex hoc psalmo ab Apostolo citatos, sed ex diversis Scripturæ locis collectos, ut docet Origenes in epistolam ad Romanos, illos autem postmodum intrusos in hunc psalmum fuisse; hinc etiam colligitur, quod nullus Græcorum

Græcorum Patrum, eorum qui psalmos exposuerunt, horum versuum in isto psalmo mentionem fecerit.

Ad tertium respondeo nullam hic annotari posse corruptionem, sed tantum diversam lectionem, vel potius diversam punctorum appositionem: vox enim hebræa, *קאן*, tam sonum quam lineam significat: hebræi autem posteriorem priori prætulerunt; cum tamen ex contextu satis pateat primam omnino esse præferendam. Adde quod utraque lectio in eundem sensum recidit, si per lineam cum Aben Ezra scripturam intelligas.

Ad quartum, respondetur, hic etiam errorem ex diversâ lectione provenire: nam etsi reverâ in textu reperiatur vox, *קארי*, sicut Leo, nihilominus jam pridem annotarunt Maforetæ ad Numerorum vigesimum quartum v. 9. in margine reperiri, *קארי*, foderunt, quam esse genuinam lectionem patet ex contextu, ut nonnulli Judæorum magistri fatentur, videlicet Jacob Ben-chajim, & Joannes Isac. lib. 2.^o adversus Lydanum. Nihil igitur aliud ex hoc loco elici potest, nisi quod dum diversa lectio in sacro textu occurrit, eam solent eligere Judæi, quæ Christianis minus favet. Hoc autem libenter fatemur, sed inde non conficitur eos etiam ubi nulla lectionum diversitas occurrit, sacrum textum depravare.

Ad quintum denique, respondetur accusationem de admisâ hic corruptione, manifestam esse calumniam, siquidem tria Targumina vocem hebraicam, scilo, disertè Messiam interpretantur: nec immeritò, ut alibi ostendemus, cum ageamus de prophetiâ Jacob circa Messiam.

Obi 3.^o magnam differentiam in plerisque locis annotari inter hæbraicum textum, & antiquas versiones, præcipueque eam quæ est *תאנ*, ex quâ inferunt hodiernum textum Judæorum esse corruptum: non enim aliundè, inquiunt, procedere potest tanta diversitas, quam ex eo, quod antiqui hæbræorum codices differrent ab hodiernis; ex quo necessariò sequitur, hodiernos esse depravatos.

Resp. negando diversitatem illam ex corruptione hæbraici textus provenire: Multæ sunt enim aliæ causæ ex quibus orta

est illa diversitas. Primò ex vario Interpretum genio, qui prout accuratiores fuerunt, aut minùs accurati, doctiores aut minùs docti, cautiores aut minùs cauti; aliter & aliter eundem textum verterunt. Secundò ex diversis variorum codicum lectionibus, quarum sæpè unam antiqui, alteram recentiores sequuti sunt. 3°. Ex unius ejusdemque vocis variâ expositione, pro variâ punctorum appositione: sæpè enim septuaginta Interpretes aliter legerunt quàm Masorethæ punctis additis legendum indicarunt. 4°. Ex ignorantia & oscitantia librariorum, qui diversas lectiones in utrisque codicibus suâ culpâ multiplicarunt. 5°. Ex eo quòd imperitiâ & audaciâ scribarum pluribus nœvis & maculis etsi levioribus, respersa sint ipsa textus originalis exemplaria. De quibus omnibus fusè agit Ludovicus Capellus in Criticâ sacrâ, qui tamen hodierno textui paulò iniquior est.

QUÆRITUR 1°. quid sentiendum sit de textu Græco novi Testamenti?

Respondeo easdem ferè rationes quibus probatum est Hebraicum textum nunquam ex industriâ fuisse corruptum, etiam pro textu græco novi testamenti militare. Quemadmodum enim impossibile erat Judæis scripturam suam corrumpere, quin statim eorum improbum facinùs deprehenderetur: sic etiam & multò magis Christianis impossibile fuit novum Testamentum vitare; quin statim fraus corruptorum patefieret Ecclesiæ Doctoribus, & ex antiquiorum Codicum fide convinceretur, ut notat D. Augustinus lib. 32. contrà Faustum cap. 16. confutans Manichæorum calumniam, quâ fingebant novum Testamentum ab initio nascentis Ecclesiæ ab hominibus semi-Judæis depravatum fuisse. Id etiam pro Græco novi testamenti facit, quod in Breviario Romano, inter egregia divi Hieronimi facinora, id ei etiam laudi tribuitur, quod novum testamentum Græcæ fidei reddiderit: fatendum enim indè est quod tunc perseverabat adhuc integer & incorruptus novi testamenti textus. At fortè post D. Hieronimi tempora contigit ista corruptio. Sed 1°. quid fuit possibile infinita per totum orbem dispersa exemplaria corrumpere? 2°. Cur id Græcis Latini nunquam exprobrarunt, si à Græcis

orta est depravatio ? Aut cur idem silentio prætermisſum eſt à Græcis , ſi corruptio Latinos habuit authores ? 3°. In Concilio Florentino ubi diſſidia Græcorum cum Latinis agitabantur , altum fuit de iſtâ corruptelâ ſilentium. 4°. Cur Leo decimus verſionem Eraſmi ad Græcum factam non ſolum approbavit , ſed ſuis etiam laudibus proſequutus eſt ? 5°. Denique cur codices manuſcripti , qui Hieronimi ævo æquales ſunt , cum aliis poſterioris ætatis , & verſio Syriaca , quæ Hieronimo etiam antiquior eſt , ſerè ubique cum Græco conveniunt iis in locis quibus vulgata ab eo diſfert ? Quis ergo non miretur quorundam recentiorum iudicium , qui ſola vulgatæ verſionis authoritate freti , quoties quidpiam ab eâ diverſum in Græcis Codicibus repererint , eos corruptelâ inſimulare non erubescunt ?

QUÆRITUR 2°. An ex textu Hæbraico veteris , & Græco novi teſtamenti utriuſque ſæderis verſiones ſint ſemper corrigendæ ?

Reſpondetur 1°. Nonnullos authores , ut Ludovicum Ferrandum celeberrimæ expoſitionis in Pſalmos authorem , quamvis Judæos meditatæ Scripturarum depravationis non incuſent , exiſtimare tamen textum hæbraicum nescio quâ temporum injuriâ vel hominum incuriâ tot mendis & erroribus ſcatere , ut , ſi ipsis credimus , potiùs ipſe ex verſionibus , quàm verſiones ex ipſo corrigendæ ſint.

Reſpondetur 2°. Quod licet nullus poſſit diſſiteri , quin multos habeat nævos uterque Scripturarum textus , in quibus norma verſionum eſſe nequit : univerſim tamen loquendo ſtandum ſit antiquorum Patrum iudicio , qui ſtatuērunt in dubiis ei potiùs linguæ credendum undè eſt in aliam facta tranſlatio. Enim verò ſi varii errores , qui in libros Ciceronis , Virgillii , Horatii &c. irreperunt , non prohibent quominùs latini eorum codices pro genuinis & authenticis Scriptorum iſtorum textibus , ab omnibus habeantur ; & ex illis , quotquot in aliam linguam factæ ſunt verſiones examinentur : cur non eodem gaudebunt privilegio ſacrarum ſcripturarum libri ; præſertim cum diverſæ lectiones & nævi ut plurimum frequentiores ſint apud prophanos authores , quàm apud ſacros ?

At, inquires , major cura de versionibus , quàm de textu habita est ; proindè emendatiores esse debent versionum quàm textuum codices. Imò quidquid sit de habitâ utrorumque curâ , cum multò sapiùs & frequentius versiones in manibus scribarum fuerint , quàm textus , ac illarum codices in majorem numerum excreverint , majori etiam diversarum lectionum numero ac pluribus navis respergi debuerunt versiones. Concludendum est igitur cum divo Hieronimo in Epistolâ ad Lucinium (cujus sententia in Jus Canonicum translata est) quod *ut librorum veterum fides de hæbrais codicibus examinanda est , ita novorum veritas græci sermonis normam desiderat. Ne , ut idem ait in epistolâ ad Suniam & FreteLLam (si aliter fiat) quidquid de fonte proficiscitur hoc queramus in rivulis.*

Duo tamen hic notari velim. Primum est quod etiamsi nonnunquam iis in locis quibus à textu discrepant versiones , omnes codices hæbraici in eâdem lectione conveniant , non statim certâ & infallibili lege sequitur versiones ad normam textus esse corrigendas. Quandoque enim contingit diversitatem indè provenire , quod aliam vocem in codicibus sui temporis legerint Interpretes , quàm legatur in hodiernis , quod tùm ex affinitate vocum , tùm ex serie versionum deprehendi potest. Secundum est diversitatem istam interdum etiam proficisci ex eo quod unam eandemque vocem aliter legerint Interpretes , quàm punctis additis legendum notarint Masorethæ ; quod faciliè quisque linguæ Hebraicæ peritus advertere potest. His porrò in casibus , neque hodiernis codicibus statim acquiescendum est : neque vicissim veteres ob solam antiquitatem præferendi. Sed res priùs juxtâ severioris criticæ leges discutienda est ; ac tunc demum , quæ plures melioris lectionis notas habuerit , præferenda.



DISSERTATIO QUARTA.
 DE PENTATEUCHO
*Samaritano : de versionibus ejusdem Pen-
 tateuchi, & Samaritanorum Religione.*

Cum post Hebraicum Judæorum codicem, nihil in sacris litteris antiquius sit Samaritanorum Pentateucho, congruum videtur quæstiones, quæ de ipso moveri possint, hæbraici Judæorum textus tractationi subungere. Ut igitur id aliquo exequamur ordine, 1°. de ejus sinceritate & auctoritate, postmodum de diversis ejus versionibus agemus. Quia verò Religionis Samaritanorum, diversorumque ejus statuum notitia, non parum lucis huic materiæ afferre potest: idèò nonnulla quæ ad Samaritanorum tum veterum, tum recentiorum historiam pertinent, subnectemus.

Quod igitur spectat ad primum, sciendum est Jacobum Usserium Armaeanum in Epistola ad Lud. Capellum, in quâ de variis textus hæbraici lectionibus disputat, docere, eum quem nunc habemus Samaritanum Pentateuchum, non illum esse hebraicum Scripturæ textum à Moïse scriptum, Judæisque traditum: sed farraginem quamdam scripturæ, partim ex hebraicâ, partim ex græcâ editione constatam à Dositheo quodam Samaritano Simoni mago cœtaneo; qui ut refert Origenes lib. 1. contrâ Celsum, & tractatu 27. in Matth. suis persuadere voluit se illum esse Christum à Moïse præ-nuntiatum.

Suam autem sententiam probat Usserius 1.º ex Sinodo Alexandrinâ sub Eulogio Patriarcha, quæ à Photio refertur in bibliothecâ codice 230. in qua de isto Dositheo asseritur quod infinitis diversisque generis corruptelis Mosâicam legem Pentateuchi adulteravit.

Secundò ex multiplici depravatione ætatis Patriarcharum

post diluvium; tam post *παροδον* quàm antè.

Tertiò ex transpositionibus versuum ab uno libro Scripturæ in alium, & ab uno capite in aliud: quæ pluribus in locis in Pentateucho isto reperiuntur: ut Exodi 20. v. 17. Deuter. 3.^o v. 2. Genes. 42. v. 16. &c.

Quartò ex manifesta depravatione quâ Deuteromii 27. v. 4. pro monte Ebal, mons Garizim substituitur, ut ipsius auctoritate Scripturæ, si superis placet, Samaritanorum schisma vindicetur. Alii addunt etiam nonnulla loca in quibus cum Hebraica lectio difficultates penè insuperabiles contineat, è contrariò Samaritana lectio sensum reddit perspicuum, ac difficultatem omnem adimit. Hinc autem corruptionem claram reddi docent, quòd plerique antiquorum Patrum in istis locis exponendis diu multumque desudarint; nec tamen ad Samaritani codicis, qui ipsis ignotus esse non poterat, præsidium confugerint. Exempla autem horum proferunt. Exodi 12. v. 40. ubi cum in Hebræo habeatur: *habitatio autem filiorum Israël, quâ manserunt in Ægypto, fuit 430. annorum.* In Samaritano ad elevandam difficultatem additum est, *ipsi & patres eorum.* Sic etiam Geneseos 12. versu 26. ubi in omnibus codicibus legitur: *vixitque Thare septuaginta annis & genuit Abraham, Nachor, & Aram.* In Samatitano. pro septuaginta legimus centum triginta, quo numero nulla superest in hujus loci expositione quæ alioqui gravissima est difficultas. Et hæc quidem sunt, quæ adversus Samaritani codicis sinceritatem proferuntur.

Verùm aliam ac prorsùs contrariam viam init Joannes Morinus, tum in præfatione ad editionem Parisiensem septuaginta Interpretum, tum maximè in exercitationibus ad Pentateuchum Samaritanum: non solùm enim negat contra Usserium codicem istum ex Hebræo græcoque mixtis confarsinatum & mera libidine depravatum fuisse: sed insuper addit, eum ita in omnibus verum ac genuinum Moylis codicem ad amissim repræsentare; ut Hebraico Judæorum codice, quem ex contemptu passim Masorethicum appellat, multo sincerior sit ac purior. Sic autem suam sententiam probare conatur.

Pentateuchus Samaritanus ab antiquissimis Patribus sæpè laudatus est, ut ab Eusebio, Diodoro Tarsensi, Hieronimo, Cyrillo Alexandrino, Procopio Gazæo, Syncello, & aliis. Ergo ab illis pro sincero Scripturæ libro, non pro Dosithæi figmento habitus est. Ac consequenter cum ex locis ab iis citatis appareat hodiernum codicem illum ipsum esse, quem Patres habuerunt, rectè etiam infertur, hodiernum esse genuinum & sincerum veteris testamenti exemplar.

Secundo ex verbis divi Hieronimi, quibus in prologo Galeato asserit quod *Samaritani Pentateuchum Moysis totidem litteris ac Iudæi scriptitant, figuris tantum & apicibus discrepantes*, legitime concluditur, quod cum hodiernus Judæorum codex in multis à Samaritano discrepet, necesse est hebraicum à Masorethis vitiatum fateri, proindeque Samaritano minus sincerum.

Tertio ex Georgio Syncello, qui in Chronico pagina 83. asserit, Samaritanorum codicem vetustissimum esse, & longè diversis characteribus exaratum, quem verum & primum esse Judæi confitentur. Ex quo conficitur, quod non solum ex Syncelli judicio, sed etiam ex Judæorum illius temporis calculo, Samaritanus codex Judaico præferendus est.

Quarto denique ex multis vocibus, quæ cum sint in hebræo defectuosæ, ut ipsi Masorethæ annotarunt, in Samaritano plenè leguntur & integrè, quod ultimum valdè urget Morinus, ut inde suo Pentateucho auctoritatem conciliet supra hebraicum.

Sed ut mentem nostram circa dissidium istud aperiamus, videtur hæc utraque sententia in excessum ire. Usserii quidem cum asserit Pentateuchum Samaritanum Dosithæi fictitium opus esse ex hebraico græcoque codice conflatum. Morini verò cum asserit eundem Pentateuchum hebraico in omnibus esse præferendum. Itaque probat quidem Usserius aliquos Samaritanorum codices à Dosithæo fuisse vitiatos: sed non probat istam depravationem in omnes codices pervasisse, aut hodiernum Pentateuchum à corruptis Dosithæi codicibus non differre. Contrarium vero Morinus veterum Patrum auctoritate abundè comprobatur. Probat etiam sufficienter Uss-

rius, Samaritanum codicem non ita sincerum esse, quin aliquibus in locis ex industria depravatus sit & immutatus, præsertim cum Morinus inficiari nequeat substitutionem montis Garizim pro monte Ebal depravationem esse: neque etiam diffiteatur multis in locis aliquos versus de industria esse transpositos. Sed minimè probat Usserius istum Pentateuchum iis locis quæ proferuntur, & aliis paucis exceptis, in reliquis textus sacri sinceritatem non referre, præsertim cum sæpe numero levissimè tantum, & in rebus nullius momenti ab Hebraico differat: sæpius verò cum eo conveniat.

Ex altera parte excedit Morinus cum ita effert istum Pentateuchum, ut non solum Judaico multò superiorem faciat; sed eos omnes, qui non statim idem præstiterint in senso & furioso in Religionem Catholicam animo esse, affirmare non vereatur. Quali vero præjudicata Morini opinio possit esse articulus fidei, aut Ecclesia Catholica, cui codex Hebraicus nulloatenus contrarius est, absque Samaritanorum Pentateucho non possit subsistere? Sed unde tandem paradoxum istud, probat Morinus? ex sanctis Patribus, inquit, qui Pentateucho illo usi sunt. Ac eorum usus probat quidem librum non esse adulterinum Scripturæ textum; Sed cum supra Hebraico-Judaicum, quem multo sæpius iidem Patres laudaverunt, effereudum esse non probat. Frustra etiam adducitur Hieronimi auctoritas, cum nihil aliud dicat, nisi Samaritanos sicut & Judæos 22. characteribus uti; neutiquam verò textum Samaritanum à Judaico sui temporis nunquam fuisse diversum, cum è contrario multis in locis varias inter utrumque diversitates idem sanctus doctor annotaverit. Georgii Syncelli locus innuit solum antiquiores esse Samaritanorum, quàm Judæorum characteres; sed de ipsius textus antiquitate non loquitur.

Denique quod de vocibus deficientibus & variis lectionibus adducit Morinus, probat potius Masorethas maximum adhibuisse studium ut editionem suam accuratam & sinceram redderent; cum & omnes varias lectiones annotarint; & vel unam litteram textui addere, aut ex eo detrahere religioni duxerint. E contrario verò certum est ipso Morino fatente

Samaritanos

Samaritanos pluribus in locis textum sacrum multipliciter immutasse.

Rejecto itaque utriusque sententiæ excessu mediam viam inire debemus, ac statuere Samaritanum Pentateuchum magnâ saltêm ex parte sincerum esse ac genuinum Moysis textum Hebraico coequandum: sed eum antiquam textus puritatem, illibatam in omnibus servasse aut Hæbraico præferendum esse, concedere non possumus.

Quod spectat ad hujus Pentateuchi antiquitatem, quidam ut Hænicus Hottingerus in Exercitationibus Antimorinianis, quò facilius Hæbraicum textum extollant, & Samaritanum deprimant, contendunt Pentateuchum istum post Estdræ tempora à Samaritanis ex codice Judaico fuisse descriptum, hocque ex eo probare contendunt, quod sæpè in Samaritano textu littera Aleph & Ain, He & Het invicem commutentur; quod aliundè quàm ex similitudine istarum litterarum in hodiernis Judæorum characteribus provenire non posse arbitrantur, cum in Samaritanis characteribus figuras habeant omninò dissimiles. Sed non advertunt isti authores quod rectè notat in Criticâ Simonius, non requiri similitudinem characterum, sed sufficere similitudinem pronuntiationis ut amanuenses negligetiores sæpè litteras commutent. At eundem olim fuisse, aut serè eundem istarum litterarum sonum testis est D. Hieronimus; proindèque Hottingeri conjectura non probat Samaritanos suum Pentateuchum à Judæis post immutatos ab Estdra characteres, mutuatos esse. Probabilius est itaque Samaritanos suam scripturam ab eo sacerdote habuisse, qui eis à Rege Salmanasar destinatus est, ut 4. Regum narrat historia: præsertim cum nullos alios libros præter Pentateuchum habeant.

Quod ad Pentateuchi Samaritani versionem attinet, tres vulgò recensentur, Græca nimirum, quæ ampliùs non extat, Samaritana, & Arabica. Græcam sæpiùs citatam à Patribus cernimus (nisi quod aliqui conjiciunt ipsum textum Samaritanum istos Patres legisse, eumque citando in suam linguam veruisse.) Sed indè malè infert Morinus versionem istam ab iisdem Patribus factam esse: multò enim probabilius est eam

à Samaritanis , qui Ægyptum incolebant , ad imitationem Judæorum Hellenistarum , qui versione τῶν ὁ utebantur , fuisse editam Samaritanam , cujus exemplar habuit Morinus à Petro Dellavallé Romano mutuatum , satis accuratam esse , ac de verbo ad verbum factam , testis est idem Morinus. Tempus tamen quo facta est , ignoratur. Denique Arabicam , quæ tamen litteris Samaritanis conscripta est , post Saadiæ tempora , hoc est post annum nongentesimum factam : hinc suspicatur Waltonus in prolegomenis , quod magnam cum Saadiæ versione habeat affinitatem ; ac multa ex illâ mutuari videatur.

Supereft ad hujus materiæ absolutionem ut de Samaritanorum origine necnon & de religione pauca dicamus. Itaque quod eorum originem spectat , cam habemus in Scripturâ relatam , 4. Regum 17. versu 24. & deinceps ; sic autem se habet. Cum decem tribus Israël quæ constituto sibi Rege Jeroboam filio Nabat à Roboam filio Salomonis recesserant , suis impietatibus , præsertimque idololatriâ , Dei iracundiam in se concitassent , post diversas Prophetarum suorum admonitiones & comminationes , post diversas etiam calamitates quibus eos affecerat , ut ad meliorem frugem se reciperent , tandem eorum impietate crescente , tradidit eos Deus in manus Salmanasar Regis Assyriorum , qui eos devictos in Assyriam transtulit , & Assyrios populos eis substituit. Hi autem cum ex diversis locis assumpti essent , uno tamen Samaritanorum nomine à Judæis plerumque designati sunt : sumptâ denominatione à Samariâ præcipuâ terræ illius civitate , olimque Regum Israël sede. Nonnunquam verò ab iisdem Judæis Cuthæi sunt appellati : sive quod plures de Cuthâ , quàm de aliis locis eò translati essent : sive quod nomen istud nomen magis esset odiosum Samaritanis : sive tandem ob aliam quancunque causam.

Porro cum isti populi idololatriæ penitus addicti , nullam veri Dei cognitionem haberent , neque ullum ei cultum exhiberent ; Deus immisit in eos leones , qui interficiebant eos. Ut igitur ab illis liberarentur , missis legatis ad Salmanasar Regem , obtinuerunt ab eo unum Sacerdotem ex

decem tribubus translatis, à quo veri Dei cognitionem & cultum addiscerent. Verùm cum idolis suis nimis addicti essent, quam ut ea vellent relinquere, monstrum quoddam religionis ex veri Dei & Idolorum cultu composuerunt; sicque facti sunt ἀμειψιστοί; ita ut nec meri idololatrar, nec iterùm veri Dei cultores dici possent. Hic autem Samaritanorum status usque ad captivitatem Judæorum in Babilone perseveravit. A tempore verò captivitatis & deinceps, certum est eos ab idololatriâ penitus abstinuisse, & unius Dei cultui addictos fuisse; hoc uno excepto, quod templo in monte Garizim ædificato ibi sacrificia Deo offerebant, nec umquam Jerosolymam ascendeabant: sicque nefario schismate à Judæis separati erant. Id autem indè patet, quod nec Josephus qui nullam occasionem prætermittit eos vituperandi, ullibi tamen eis idololatriæ crimen objiciat: nec mulier Samaritana Joan. 4. aliam diversitatem inter Judæos & Samaritas referat, præter locum adorationis. Sed neque Christus ipse idololatriam ei opponit. Adde quod Justinus Martyr in dialogo cum Thirphone eos etiam ab hoc scelere immunes declarat.

Quod si quis rescire cupiat num adhuc supersint hodie Samaritani, & quænam sit eorum conversatio, consulere potest duas Epistolas quas ipsi Samaritani ad Josephum Scaligerum superiori sæculo scripserunt, quas, cum in manus Scaligeri non devenissent, Joannes Morinus à Perrescio acceptas latinitate donavit. Ex iis enim discet res Samaritanorum melius se habere quàm res Judæorum. Licet enim ad exiguum numerum redacti, nihilominus suos adhuc habent Sacerdotes & summos Pontifices, quos de tribu Aaronis esse asserunt; suum adhuc Templum in monte Garizim, in quo sacrificia secundum legem Moysei jugiter à Sacerdotibus offeruntur; & præscriptæ in Lege solemnitates à cunctis Samaritanis illuc convenientibus celebrantur. Imò in nonnullis aliis quæ cum Judæis sunt adhuc communia, se Judæis strictiores ostendunt, verbi gratiâ in festo expiationis omnes pueri solis lactentibus exceptis jejunare coguntur; cum apud Judæos nonnisi septennes jejunare conlueverint.

Circumcisionem numquam ultrà octavum diem differunt ; quod plerumque fit à Judæis. Cum aliquam in somnis passi sunt immunditiam , aut matrimonio usi sunt, mane factò priùs se lavant quàm quidquam contingant. In his & aliis nonnullis Judæis religiosiores se exhibent. Suas autem sedes habent Samaritani apud Gazam , Sichem quam Turcæ Napolim vocant , Damascus & Cayrium , ex quibus urbibus statutis diebus in montem Garizim Napoli proximum , ut dictum est, conveniunt. Rabbi Benjamin qui circà duodecimum sæculum vivebat in suo itinerario confirmat pleraque eorum quæ de Samaritanis modò diximus , in quo & illud non omittit quod semper jactitarunt Samaritani , se nimirum veros Israëlitas esse ex tribu Ephraim oriundos , quod etsi ex Scripturâ falsum appareat , fortè tamen non incongruè quis dixerit indè ortam jactantiæ occasionem , quòd cum Salmanasar decem Israëlitarum tribus transferret in Assyrios , nonnullos ex plebeis reliquerit , qui postmodum cum Samaritanis mixti sunt , ac unum populum cum illis effecerunt.

Ceterum quæ nonnulli Judæi illis obijciunt , nimirum eos Sadducæorum errores amplexos esse insuper quos idololatriæ addictos, eorum Alphabetum tribus litteris He , Heth, & Ain, deficere , & alia ejusmodi , meræ sunt calumniæ , quæ ex hæcenus dictis sufficienter confutantur.

DISSERTATIO QUINTA.
DE VARIIS HÆBRAICI
*textus editionibus , ubi præcipuè
de Masora.*

Non est instituti nostri hic eas textus Hebraici editiones recensere, quæ ab inventâ arte Typographicâ adornatæ sunt; etsi enim aliæ aliis accuratiores sint, omnes tamen unû

eundemque Masoretharum codicem expriment ac representant. De iis ergo tantum agemus quæ aut celebriores fuerunt apud veteres, aut ad Hebraici textus intelligentiam magis conferunt. Itaque celeberrima omnium, & à veteribus magis commendata ea est quæ post captivitatem Babylonicam ab Esdrâ facta est. Tunc enim primum diversi Scripturæ libri in unum corpus collecti sunt, & antiqui Hebræorum characteres in Chaldaicos mutati, ut superius à nobis demonstratum est. De modo autem quo facta est hæc editio non consentiunt inter se veteres, nonnulli enim sanctorum Patrum arbitrati omnes Scripturæ libros tempore captivitatis Babylonicæ periisse, eosque solius Esdræ memoriâ fuisse reparatos. Sed cum ista sententia nullum aliud habeat fundamentum præter quantum librum Esdræ, qui ut apocryphus ab Ecclesiâ rejicitur, multisque narrationibus insulis ac ridiculis aspersus est, meritò à viris doctis exploditur hæc sententia: præcipuè cum certum sit ex Scripturâ Danielis 9. 2. tempore captivitatis libros sacros adhuc extitisse, & aliundè omnem veri speciem excedat cunctos Judæos tam plebeios quàm Magistratus, tam Sacerdotes quàm Prophetas, ne ipsi quidem Hieremiâ, Ezechiele & Baruch exceptis, tam ignavos fuisse ac verbi Dei ejusque cultus negligentes, ut nullum omnino Legis codicem conservarent, & ab excidio urbis Jerusalem eriperent.

Statuendum est igitur cum aliis Patribus, ac pro certo habendum, hanc editionem ex diversis codicibus melioris notæ inter se collatis diversisque libris in unum collectis confectam fuisse. Porro hæc editio ut quisque faciliè intelligit non omnes libros continebat qui nunc in nostris Bibliis reperjuntur, cum plures eorum post Esdræ tempora scripti fuerint, aut ea etiam referant quæ diù post ejus ætatem contigerunt. Sed iis omnibus constabat, qui aut ante captivitatem à diversis Prophetis, aut post captivitatem ab ipso Esdrâ conscripti fuerant. An verò plures fuerint quàm qui ad nos usque devenerunt, non adeò certum est. Cæterum probabilitate non caret, quod plerique docti asserunt, nonnulla in diversis Scripturæ libris ad majorem claritatem

quali per parenthesis ab Eſdrâ adjecta & in ſacrum textum inſerta fuiſſe.

Ab Eſdrâ temporibus uſque ad Chriſtum nullam aliam Bibliorum editionem factam, nullum alium Scripturæ canonem ab Hæbræis ordinatum fuiſſe reperimus. Unde Genebrardus & alii nonnulli qui aſſerunt ſub Machabæorum temporibus; itemque paulò ante Chriſti adventum alios canones à Synagogâ magnâ, ſeu Sanhedrim inſtitutos fuiſſe; ut libri Machabæorum, & alii qui poſt Eſdrâ tempora ſcripti fuerant, cum cæteris jungerentur, & inter ſcripturas ſacras computarentur, nullum ſatis firmum pro ſuâ ſententiâ ſtatuendâ argumentum proferunt, præcipuè cum iſtorum canonum nullibi veteres meminerint; inſuperque Joſephus l. 1. contrâ App. & Hieronimus in Prologo galeato libros iſtos extrâ canonem Scripturæ diſcretè reponant; quod tamen non impedit quominus aliæ editiones ſeu alii canones à Judæis græcâ linguâ utentibus facti fuerint, ut alibi fortaſſe dicetur.

Ut igitur ad ea omnia veniamus, quæ Judæi poſt Chriſti adventum circâ textum Hæbraicum præſtiterunt, inſignem imprimis operam in eo corrigendo, & contrâ omnem depravationem, quantum poterant, muniendo, collocarunt doctores Tyberiadis, qui ex titulo ſui operis Maſorethæ appellati ſunt. Quale ſit autem eorum opus agnoſci poteſt ex diverſis annotationibus & regulis criticis, circâ textus ſacri verba, voces, litteras, & accentus; de quibus breviter dicendum eſt. Itaque

Circâ verſus numerarunt 1°. Verſus cujuſque paraſchæ, ſeu ſectiõis totiùs Scripturæ. 2°. Verſus cujuſque libri. 3°. In quolibet libro verſum medium designarunt. 4°. Quædam etiam annotarunt in verſibus circâ voces & litteras quibus conſtant, aut etiam ex quibus incipiunt. 5°. Notarunt in quibuſdam verſibus eſſe hiatum, ſeu locum vacuum, ubi ſenſus eſt imperfectus. 6°. Quorundam librorum penultimum verſum repetunt ut Iſaiæ Threnorum, Malachiæ & Eccleſiaſtiſ. 7°. Denique in nonnullis verſibus correctiones ſcribarum notarunt, ſeu nonnullas voces quas ab Eſdrâ & Sina-

gogâ magnâ de industriâ mutatas fuisse volunt.

Circâ voces notarunt 1°. Varias lectiones , quas ex diversis codicibus deprehenderunt sub nominibus Keri & Ketib : per Keri autem lectum , per Ketib scriptum significari omnes norunt. Itaque iis in locis in quibus Masorethæ diversas lectiones reppererunt , ne quid in sacris codicibus immutare viderentur , eas in margine notarunt quæ textui videbantur præferendæ. Cum verò postea puncta vocalia apposuerunt , vocem Ketib , seu quæ in textu habebatur , iis punctis notarunt quæ ad Keri seu vocem marginalem pertinebant , ut demonstrarent hanc legendam esse & alteri præferendam ; nonnullis etiam in locis ubi quædam voces nimium obscuræ legebantur , alias magis honestas , quæ earum loco legerentur , substituerunt. 2°. Circâ voces notarunt quasdam certis in locis plenè , aliis verò defectivè scriptas esse. 3°. Quasdam situm notarunt respectu initii , medii , vel finis alicujus versus. 4°. Alicubi etiam nonnullarum vocum ambiguitatem notarunt , ut cum Genes. 19. 8. monent *El* octies accipi in significatione pronominis , cum alijs sit unum ex nominibus Dei. 5°. Circâ nonnullas voces numerarunt quoties in textu sacro reperiantur : sed loca in quibus reperiuntur non semper indicarunt. 6°. Notarunt voces quindecim uno vel pluribus punctis supernè notari.

Circâ litteras notarunt 1°. Quasdam reliquis majores alias minores , quasdam suspensas nonnullas inversas , quasdam verò medias in quolibet libro. 2°. Ad calculum revocarunt quot litteræ occurrant in singulis libris. 3°. Notarunt diversa loca in quibus nonnullæ litteræ commutantur , & pro alijs usurpantur ut v. g. He pro Vau, Aleph pro Hain, Resch pro Daleth , Jod, pro Vau aut è converso.

His de materiâ Masoræ præmissis , quaeritur quid de illâ sentiendum sit , seu quanam sit ejus cum utilitas , tum authoritas. Ad quod respondemus utrimque extrema vitanda esse , ut error caveatur. Quidam enim ut J. Morinus , & Lud. Capellus in tantum eam despiciunt , ut opus vanum & inutile , ac otiosorum hominum inveniri esse affirmant. Alii è contrâ ut Buxtorfus

Comm. in Masoram cap. 20°. Arias Montanus de variis in libris Hæbraicis lectionibus, Nicolaus Fullerus Miscellanæ Theologiæ lib. 3. cap. 13°. Mariana, Bronfrerius, Skicardus, & cæteri in tantum eam effertunt, ut contendant vix possibile esse textum sacrum in aliquo corrumpi, quin statim corruptio ex Masorâ deprehendatur, in quo cum Judæis consentiunt, qui Masoram sepem Legis appellant. Sed utriusque sententiæ authores dum suis præjudiciis nimis indulgent, in excessum feruntur. Neque enim tam inutilis est Masora ut volunt Morinus & Capellus, cum plerasque ejus regulas utilissimas esse, diversasque lectiones utiliter annotatas, negari non possit; ut contra istos authores probat Simonius Hist. critic. lib. 1°. cap. 24. & 25. Neque iterum ea ejus utilitas est, quam ei alii tribuunt, ut satis probat ipsa experientia. Constat enim hodiernos Hæbraici textus codices variis lectionibus resperfos esse; cum tamen ex Masoræ notis plerumque deprehendi non possit, quænam sit alteri præferenda. Deindè etsi circà eas voces, de quibus loquuti sunt Masorethæ, error non possit facilè obrepere: quomodò tamen errorem prohibebit Masora in iis litteris, de quibus non meminit? Præterea ipsa Masora diversis passim scatet erroribus: quomodò ergò poterit textum ab errore immunem reddere, quæ ipsa multis erroribus obnoxia est? Denique nullus est qui non videat numerum litterarum ad integritatem textus conservandam nihil conferre posse; cum & eodem numero remanente possint plures in vocibus mutationes fieri; & nullus hætenùs, cum difficultas aliqua exorta est, ad litteras cum Masorethis computandas confugerit. Dicendum itaque Masoretharum opus criticam satis accuratam in textum Hæbraicum nobis exhibere: sed istam criticam suos habere nævos, nec ad textus sacri conservationem absque alterius criticæ adminiculo solam posse sufficere.

Porro antequam ad alia transcamus, obiter hic notandum est antiquitùs Masoram à textu Scripturæ junctam fuisse, & separatim à magistris Judæorum traditam; nunc verò passim Scripturæ textui adjungi, & cum eo in Bibliis Hæbraicis communiter reperiri. Quod primùm in editis factum est in Bibliis

Venetis apud Bombergum. Cæterum alia est Masora textualis, alia finalis. Textualis in qualibet Bibliorum paginâ suprà & infrâ textum adscribitur. Finalis verò in fine Bibliorum ordine Alphabetico disponitur, & textuali diffusior est ob majorem spaciî amplitudinem. Textualis iterum duplex est magna scilicet & parva: illa, est quæ suprà & infrâ quamlibet paginam conspicitur; hæc verò, ea est quæ litteris Rabinicis inter textum Hæbraicum & Paraphrasim Chaldaicam in margine interiori describitur, & majorem compendium exhibet.

Præter Masoretarum editionem eorumque notas, quæ & à diversis magistris diversisque temporibus factæ sunt, exstant & aliæ duæ insignes apud Judæos textus Hæbraici editiones, quæ Academiarum Tyberiadis & Babilonicæ notas in eundem textum nobis exhibent. Prima, quæ sub nominibus Orientalium & Occidentalium circumfertur, facta est juxtà Morinum nono Ecclesiæ sæculo, constatque nonnullis variantium lectionum catalogis, quibus orientales, occidentalesque Judæi in minutis quibusdam à se invicem dissentiunt. Secunda, quæ Ben-Ascher, aut Aser Occidentalis, & Ben Nephtali Orientalis nomina præfert, continet varias notas circa puncta vocalia, quas isti Academiarum principes in suis scholis docuerunt. Sed cum istæ notæ plerumque levissimi sint momenti, nihilque notatu dignum contineant, ideo in illis referendis aut exponendis non immorabimur.



DISSERTATIO SEXTA.

D E

Paraphrasibus Chaldaicis.

Quandiu Judæi seu Israelitæ in terrâ promissionis sub Regum suorum dominio permanserunt, nec alienâ servitute oppressi Gentibus servire coacti sunt, Hæbraicæ linguæ, quâ divina eloquia conscripta erant, usum familiarem semper habuerunt: undè nec versionibus, nec peregrinæ linguæ Paraphrasibus usi sunt. Sed ex quo Babylonicæ servitutis diuturnitate factum est ut linguam Chaldæorum addiscerent, suæque & usum & intelligentiam paulatim amitterent, necesse fuit ad consolationem & instructionem simplicium, ut quoties in Synagogis Scriptura legebatur, toties ejusdem Scripturæ expositio linguâ Chaldaicâ Judæis notâ sequeretur. Hinc ortus Paraphrasum Chaldaicarum usus, qui à tempore captivitatis apud Judæos semper viguit. Et quidem admodum probabile est istas explanationes sic olim ordinatas, & sacro textui annexas fuisse, ut ad singulos versus Paraphrasis apponderetur, ita uno versu in textu lecto, statim idem versus Chaldaicè exponeretur, & ita successivè fieret ad quoslibet versus, ut colligitur ex pluribus M. SS. in quibus ista dispositio Paraphrasis cum textu deprehenditur. Non est tamen existimandum, cum dicimus Paraphrases à tempore captivitatis, aut paulò post, in usu esse cœpisse, velle nos eam antiquitatem Paraphrasibus, quæ nobis hodiè supersunt, tribuere: imò eas multò recentiores esse incunctanter asserimus. Neque enim primis sæculis, quibus Judæi Paraphrasibus usi sunt, videtur eas à magistris scripto traditas fuisse, sed potius vivâ voce primùm fuisse expressas, deinde sequutis temporibus à posterioribus Judæis esse conscriptas. Sed ut iis Paraphrasibus, quæ nobis hodiè supersunt, aliquam lucem asseramus, earumque

aliqualem notitiam ingeramus , de singulis breviter nobis agendum est. Itaque

Paraphrases Chaldaicæ pro consuetâ apud Judæos Scripturæ divisione , aliæ in Legem , aliæ in Prophetas , aliæ in Hagiographa scriptæ sunt. In Legem seu Pentateuchum , tres omnino reperiuntur. Prima Onkelosi nomen præfert. Secunda Jonathani tribuitur. Tertia est incerti Authoris. In Prophetas unica reperitur , quæ Jonathanis nomine inscripta est. In Hagiographa similiter unica reperitur , cujus auctorem ne ipsi quidem Judæi norunt.

Inter istas Paraphrases insigniores sunt , & ab aliis merito distinguendæ , quæ Onkeloso in Legem , & Jonathani in Prophetas vulgò tribuuntur. Certum est enim eas cæteris multò antiquiores esse , iisque tum ob styli tum ob sensum longè præferendas. Enim verò linguam Chaldaicam multò puriorem nobis exhibent , quàm aut in reliquis Paraphrasis , aut in ipsâ Gemharâ , seu Talmude reperiatur ; quod satis demonstrat eas ante confectum Talmud esse conscriptas. Sed an etiam Christi tempora præcesserint , aut saltem sub ejus sæculo conscriptæ sint , an Onkeloso & Jonathani tribuendæ , omnino incertum est. Antiquitatem earum non parùm favet puritas linguæ Chaldaicæ , quæ ad Danielis & aliorum , qui scripserunt post captivitatem , dialectum satis accedit , & à posterioribus sæculis aliena est. Sed aliunde non leve dubium contrà istam antiquitatem oritur ex silentio veterum Patrum Africani , Origenis , Eusebii , Hieronimi , Epiphani & cæterorum quibus istæ Paraphrases proculdubio fuerunt incognitæ. Videtur enim tales expositiones , siquidem temporibus istorum Patrum extitissent , nunquam ab iis omnibus fuisse silentio prætermittendas ; præcipuè cum multis in locis lucem aliquam textui sacro asserre potuissent ; iisque contrà Judæos argumenta plura præbuisent. Unde etiam non videatur omnino impossibile , quin libri isti apud Judæos conservati , Patribus tamen remanserint incogniti ; id nihilominus ita difficile est , ut tam altum sanctorum Patrum de his Paraphrasis silentium posteriorum eorum ætatem abundanter arguere ,

& tantum non demonstrare videatur.

Quantum verò ad alias attinet, certum est eas ad ætatem longè posteriorem esse referendas, non solum ob pleatque voces minùs antiquas, quæ in illis reperiuntur, ut Constantinopoleos, Turcarum, Lombardiæ, quas quidem non nemo suspicari posset postmodum iis additas fuisse; sed præcipuè ob styli diversitatem à prioribus: tanta est enim earum & priorum in stylo diversitas, ut cuique legenti clarum sit hæc nonnisi postquam lingua Chaldaica à suâ puritate plurimum defecerat, & pristinum nitorem penitus amiserat, fuisse conscriptas. Ut autem & in particulari aliquid de iis dicamus, fatentur omnes Eruditi eam quæ in Legem Jonathani tribuitur, ejusdem Authoris non esse qui in Prophetas scripsit, quod ex dictionis utriusque diversitate ita clarum est, ut nonnulli Joanni Morino propterea succenseant, quòd magno argumentorum apparatu id probare aggressus sit in exercitationibus Biblicis, quasi id non omnes Critici, qui vel mediocrem linguæ Chaldaicæ notitiam habent, libenter fateantur, & pro certo statuunt: licet alias Galatinus, Helvicus, Serrarius, Postellus, & nonnulli alii contrarium crediderint.

Quod autem attinet ad tertiam, quæ in Legem scripta reperitur, quæque vulgò Targum Hyerosolimitanum appellatur propter dialectum Syro Jerosolymitanum, quâ conscripta est: cum stylum omninò Barbarum, multisque diversarum linguarum vocibus mixtum nobis exhibeat, fatendum est eam recentiore esse præcedenti, cujus fabulis multas alias superaddit.

Denique idem ferè propter easdem rationes dicendum est de Paraphrasi quæ habetur in Hahlographa; nec enim stylus patitur ut duabus prioribus comparetur, sed potiùs exigat ut cum posterioribus collocetur. Hanc autem, licet à nonnullis Authoribus Josepho Cæco ea tribuatur, incerti Authoris esse multò probabilius est. Imò censet Elias Levita styli diversitatem exigere ut diversis Authoribus tribuatur. Sed his minutis discutiendis supersedem s, ut circa auctoritatem istarum Paraphrasum aliquid adjiciamus. Itaque.

Constat apud omnes eruditos Paraphrasis Chaldaicae auctoritatem utilitate metiendam esse, tantamque ei tribuendam auctoritatem, quantam nobis utilitatem præstat. At quæ tandem & quanta sit ejus utilitas non una est omnium sententia. Enim verò tam superiori quàm nostro sæculo non defuerunt plures Catholici qui omnes Paraphrases, ut Ecclesiæ proflus inutiles; imò propter insulas fabulas, quibus resperæ sunt, & superstitionem quam passim redolent, ut noxias rejecerint. Hinc factum ut quamvis Cardinalis Ximenius primum decrevisset omnes Paraphrases in suis Bibliis sacro textui adungere: nihilominus ad vitandum scandalum & querimonias multorum compescendas, solam Onkelosi paraphrasim, quæ istis fabulis caret, ediderit; cæteris in publicâ complutentium bibliothecâ repositis. Hinc etiam factum ut cùm Arias Montanus istas omnes paraphrases in Bibliis Antuerpiensibus seu Regiis edidit; plures Catholici de ejus opere, ac præcipuè de judicio, quod lectâ paraphrasum versione de iis tulerant Lovanienses, conquesti sint; eo quod illos ob adjunctas textui sacro tot fabulas ei injuriam facere, & Ecclesiæ notam, quasi approbati Judaismi, inurere viderentur. Unde necesse fuit, ut ad querelas eorum repellendas, & Lovaniensium judicium defendendum, Lucas Burgenfis librum apologeticum scriberet. Denique non ita omnes huic apologiæ acquieverunt, quin etiam nostro sæculo dum Parisiensia Jaii Biblia edita sunt, nonnulli ex Hispanis Joanni Morino epistolas dirigerent, quibus eum à consilio inferendarum in istam editionem paraphrasum dimoverent. Nihilominus altera sententia prævaluit, & tam in Bibliis Parisiensibus, quàm postea in Anglicanis Paraphrases editæ sunt. Itaque docent hujus sententiæ authores, quod licet istæ Paraphrases pluribus fabulis & superstitionibus sædatæ sint, quas nec credit Ecclesiæ, nec approbat; plura tamen continent quæ Ecclesiæ possunt esse utilia, ejusque causam adversus Judæos non parum promovent. 1.º In eo quod Hebraici textus integritatem confirmant, multisque in locis, ubi variant lectiones meliori stabiliendæ non parum inserviant. 2.º In eo quod multos fidei nostræ articulos contra Judæos confirmant.

v. g. cum plura Scripturæ loca & Prophetias quibus maxime urgentur Judæi de Messia exponunt. 3.^o In eo quod locis obsecuris atque difficilibus plurimum lucis afferant, tum in exponendis priscis Judæorum consuetudinibus & ritibus, tum in tradendâ ac determinandâ plurium vocabulorum genuinâ significatione.

Sed ut circa difficultatem istam, quod nobis videtur, apერიamus; licet non inficiemur quin istæ Paraphrases utilitatem aliquam asferre possint Ecclesiæ in iis quæ modò notavimus, nihilominus, quia multo plura sunt in illis quæ Judæis favent, eorumque superstitiones confirmant & approbant, multò congruentius, nostro judicio, fuisset istas paraphrases separatim à Bibliis edere, quàm eas in eodem opere cum Scripturis collocando ansam præbere Judæis gloriandi, quasi Ecclesia eorum deliria & impietates approbaret ac in canone Scripturæ computaret.

DISSERTATIO SEPTIMA.

DE SCRIPTURÆ VERSIONIBVS in genere, & de historia Versionis LXX. Interpretum in particulari.

CUM testante Apostolo Paulo, ante adventum Christi, solis Judæis ut populo peculiari, & præ cunctis gentibus electo sua Deus eloquia credidisset, quandiu sui juris fuit hic populus, summopere cavit, ne divini verbi arcana Gentilibus manifesta fierent: ne aut thesaurum sibi concredutum dissipare, aut eloquia sacra prophanorum irrisioni & blasphemix exponere videretur. Sed postquam extra natale solum Babylonii aliisque Gentibus, Deo propter ejus prævaricationes sic jubente, servire compulsus est, linguæ sacræ oblitus, victorum linguas addiscere, iisque uti necesse habuit. Hinc factum est ut Scripturam sacram in aliorum linguas converte-

re decreverit, ne divini verbi intelligentia, quæ ei antea familiaris fuerat, obscura postmodum & incomperta evaderet. Inde est quod post reditum à captivitate Babilonicâ quoties in Synagogis Scripturæ textus legebatur, toties lectionem explanatio linguâ Chaldaicâ sequebatur, ut superiori dissertatione didimus. Cum autem processu temporis maxima multitudo Judæorum in Ægyptum asportata, ibique etiam Chaldaicæ linguæ ferè oblita esset, in eorum solatium eadem Scriptura in græcum sermonem translata est. Hac porro translatione Scriptura quæ prius Judæis erat peculiaris, communis facta est cunctis gentibus. Quod quidem divinâ dispensatione ita ordinatum est, ut paulatim ejus lectioni gentilis populus assuesceret, ne post adventum Christi Evangelio prædicato tot ac tanta miracula quæ in gratiam Israëlitarum facta in Scripturis narrantur, viderentur esse fabulosa; vel etiam Prophetiæ quas in Christo completas esse Apostoli prædicabant, ab ipsis post mortem Christi confictæ crederentur.

Denique post vastatam à Tito Imperatore Judæam direptas dirutasque Judæorum Urbes, præcipueque Hierosolimam funditus everfam, dispersis per universum orbem Judæis, processu temporis tot versiones habuit Scriptura, quot linguas recutiti dispersi didicerunt.

Sed & à Christianis, ad quos vetus Testamentum cum novo transivit, Scriptura utriusque fœderis, in omnes linguas translata est. Verum harum omnium versionum historicam aut criticam disquisitionem longius prosequi nec vacat, nec nobis in animo est. De celebrioribus Græcâ nimirum & Latinâ, quarum cognitio majorem afferre potest utilitatem, paulo fufius agemus; cæteras plerasque vel indicasse sufficiet.

Circa Græcam versionem τῆς ὁ τρία potissimum agere instituiamus. 1.^o Historiam ejus discutiemus. 2.^o De ejus auctoritate inquiremus. 3.^o Varias ejus editiones cum veteres tum recentiores recensebimus.

Historia versionis, quæ nomen LXX. Interpretum præfert primû ab Aristæâ, teste illius ut volunt oculato, conscripta est; quamdeinde Josephus & Philo, ille in libris antiquitatum, hic l. 2. de vita Mosis, ex Aristæâ breviarunt. Dehinc sancti Patres

eandem cum quibusdam Hellenistarum additionibus post Philonis & Josephi tempora excogitatis, retulerunt. Demum post sanctorum Patrum sæcula omnes scholastici Doctores, qui ad superius usque sæculum floruerunt, ac passim alii scriptores qui de versionibus textus sacri aliquid attigerunt, hanc Aristæ Historiam cum suis plerumque additamentis unanimi consensu receperunt.

Verum superiori sæculo, quo cœperunt plerique auctores in evolvendis veterum scriptis esse diligentiores, in discutiendis historiis cautiore, & in fictis operibus detegendis sagaciores: ^a nonnulli in rebus Criticis non indocti, fictionem Judaicam in Aristæ Historiâ subodorati sunt, ac re discussâ & sedulò examinatâ ^b plura falsitatis argumenta protulerunt. Sed cum tot sæculorum cursus, tot Scriptorum concursus, tot Patrum consensus, contra novam opinionem præscribere videretur; hinc factum est, ut plerique alii etiam eruditi ^c maluerint veterum traditioni inherere, quam recentiorum argumentis assentiri. Ex quo contigit, ut diversas rationes, quibus ea resolverent quæ à prioribus adducebantur, excogitarint. Porro licet nostro sæculo ^d plures magis emunctæ naris authores, ad priorum sententiam accesserint; non defuerunt ^e tamen viri doctissimi qui veterum autoritatem

^a Lud. Vives ad lib. ij. de civ. c. 42.

^b Scaliger in animad. Eusebianis. ad an. 1734.

^c Bellarminus l. 2. de verbo Dei c. 6. & lib. de scrip. Eccl. Pamelinus ad Tertull. Apolog. nota 270. Ioannes Despeires de 70. interp. dubio 1.^o pag. 10. Margarinus Bignius in Bibliot. Patr. Salianus ad an. 1375. pag. 364.

^d Andreas Rivetus Isagogè ad sacram Scripturay. Henricus Valesius in notis ad Hist. Eusebii l. 5. c. 9. Ioan. Bona Card. in notitia authorum in ejus operibus citatorum. Agidius Menagius in Diogenem Laertium pag. 130.

^e Possevinus in Apparatu sacro. Ioan. Mor. in exerc. bibl. Iacobus Vsserius in syntag. de 70. interp. & in annal. vet. Testam. Vualtonus ad Biblia polig. Proleg. Vossius in Dissertatione de 70. interp.

horum rationibus præposuerunt, & quibus potuerunt viribus labentem sententiam sustinuerunt. Nihilominus quæ Historiam Aristæ rejicit sententia, hodie viris doctis * videtur magis arridere; & à nonnullis tanquam certa traditur. Cum autem horum rationes satis firmæ ac solidæ nobis videantur, ut antiquorum authoritati, in re criticâ, & à veteribus potius suppositâ quàm positâ & assertâ, præponderare possint, earum præcipuas hic breviter asseremus, deinde objectionibus adversariorum satisfacere conabimur.

Prius tamen quàm ad eas veniamus, prænotatum velim sententiam, quam hic amplectimur longe diversam esse ab eâ quam Leo à Castro, Salmeron & Serrarius secuti sunt, nempe Leo à Castro comment. in Isaiam, Salm. Prolegomeno biblico. 6. pag. 67. Serrarius: prolegomenorum Biblicorum c. 7. q. primâ, quam tamen cum nostra perperam confundunt viri alioqui doctissimi Gerardus Vossius, & Brianus Vualtonus: ille lib. 1. de Historiis græcis c. 15. pag. 77. hic in prolegomenis. Illi enim authores ea omnia, quæ à veteribus ex Aristæ referuntur, vera & certa esse approbantes libellum qui sub Aristæ nomine hodiè legitur, supposititiû & ab eo quem sancti Patres habuerant diversum esse contendunt. Nos contra libellum hodiernum Aristæ eundem esse supponentes cum illo quem veteres habuerunt, ut ex collatione locorum quæ à veteribus de Aristæ libro citata sunt, invictè demonstratur, utrumque codicem tum hodiernum tum veterem supposititiû & à Judæo quodam in gratiam Hellenistarum confectum esse contendimus. Hoc posito.

Probatur 1.º hæc sententia. Juxta omnes Aristæ Codices tam veteres quam recentiores versio, τὰς δὲ facta est sub Philadelpho, procurante apud Regem Demetrio Phaleræo ejus bibliothecæ Præfecto: Atqui constat Demetrium Phaleræum.

* *Henricus Hody Dissert. de Hist. Aristæ: Ludovicus Pinius Dissert. Prelim. ad Bibl. ant. Eccles.*

neque bibliothecæ curam, neque ullum aliud officium sub Philadelpho habuisse: ergo liber qui nomen Aristæ præfert non ab Aristæ cœvo ipsius Philadelphi scriptus, sed ab aliquo Hellenistâ falso illi adscriptus est. Probatur minor ex iis quæ de Phaleræo refert Hermippus apud Laertium. docet enim Demetrium, cum post mortem Cassandri in Ægyptum fugisset metu Antigoni, authorem fuisse Ptolomæo Lagi ut Philadelphum filium Berenices filiis Euridices in regni successione postponeret. Cujus concilium cum neglexisset Ptolomæus, statim atque Philadelphus mortuo patre solus regno potitus est, Demetrium procul a se in exilium delegavit, ubi paulo post mortuus est. Ergo Demetrius nullo unquam potitus est officio apud Philadelphum, pro indeque nec Bibliothecæ præfectus fuit, nec versionem τὰν δ' apud Regem procuravit. Porro sic se habet Laertii locus in vita ejusdem Demetrii: *Hermippus tradit illum post Cassandri mortem Antigonum metuentem ad Ptolomæum Sotere venisse, apud quem cum diu fuisset præter cetera ei concilium dedisse ut Regnum Euridices filiis relinqueret. Quod cum ei non suavisset, sed contra is diadema filis Berenices obtulisset, ait hunc ipsum post mortem ejus in ditione suâ custodiri jussisse, donec de illo aliquid statueretur. Hoc autem in loco remissius agebat, ac fortè dormiens morsu aspidis manum appetentis vitâ privatus est, sepultusque in Basilidis præfecturâ prope Diaspolim. Hæc ille.*

Cum hoc argumentum ex Hermippo petitiū peremptoriū sit, mirū est quantum hoc testimonium torserit Aristæ propugnatores, & quot responsiones excogitarint ut argumentum istud eluderent. Sed ab illis omnibus fusè vindicat Hermippū supra laudatus Henricus Hodi in dissertatione de hac historia; quam cum quisque possit consulere, nobis ea breviter attigisse sufficiet. Quidam igitur ut Serrarius Gretzerus, Gerardus Vossius, Salianus, Ullterius, Waltonus & alii, quò facilius ab Hermippo se expediant, eum tanquam authorem gentilem & obscurum cui res Judaicæ fuerunt incognitæ, rejiciunt; eique sanctorum Patrum auctoritatem & consensum opponunt. Sed quid tandem contra Hermippi testimonium facit quod gentilis fuerit? An quia gentilis, ideo de Phaleræo & Philadelpho

itidem gentilibus scribere non potuit? Aut quid sanctorum Patrum autoritas ad elevandam Hermippi auctoritatem facit? An ea quæ de historia septuaginta interpretum scripserunt, aliunde quàm ab Aristæa habuerunt? Atqui de ipsius Aristææ libri sinceritate agitur, de qua Patres nihil unquam scripserunt. At, inquit, Hermippus historicus sub Adriano tantum floruit, proindeque Demetrii historiam minus callere potuit, à quam Aristæas eidem Demetrio cœvus. Sed præteristū Hermippum qui Beritius fuit, constat alium fuisse Smirnæum multò antiquiorem, qui vitas Philosophorum scripsit, & à quo plerasque accepit Laërtius, quem Hermippum constat Theophrasto Phaleræi cœtaneo aut æqualem fuisse; ut volunt Isaacus Casobonus & Menagius, aut illis saltem subparem ut probabilius esse censet Hodus.

Alii ut Isaac Vossius in dissertatione de septuaginta Interpretibus & Joannes Baptista Riétolus respondent falsa hîc Hermippum prodidisse 1°. Cum asserit Demetrium post Cassandri mortem Ægyptum petiisse: quod probant ex Diodoro Siculo, qui si Vossio credimus, fugam Demetrii in Ægyptum assignat anno secundo Olimpiadis 118: cum tamen certum sit Cassandrum non ante annum secundum Olimpiadis 120. diem extremum obiisse. 2°. Cum asserit Demetrii fugam ex Antigoni metu contigisse; quem tamen ante Cassandrum obiisse constat. Atqui certum est in utrâque responsione Vossii Criticam cespitalse. Quod enim ad Diodorum attinet, non asserit, ut vult Vossius, Demetrium isto anno fugisse in Ægyptum: imò contrarium innuit cum cum primum Thebas, ubi Cassander regnabat, venisse, ac demùm in Ægyptum fugisse asserit. Quod idem habent Anagraphæ Olimpiadum & Strabo libro quarto Geographiæ, ubi disertè asserit fugam in Ægyptum non nisi post Cassandri obitum contigisse. Ad id verò quod de Antigono subdit, responderetur Hermippum non loqui de Antigono magno Demetrii Poliorcetis patre, sed de Antigono Cassandri filio, qui licet vulgò Antipater soleat nominari, tamen Antigonus etiam appellatur, ut patet ex Eusebiano Canone, & excerptis quæ Eusebiano Chronico Scaliger attexuit.

Causa autem metus Demetrii esse potuit, quod post trucidatam ab Antigono propriam matrem, eò quod in divisione Regni paterni eam minori filio & Antigoni fratri fuisse suspicaretur, timuerit Demetrius, ne ob similem suspicionem, similem quoque pœnam ab Antigono sustineret.

Alii respondent Demetrium Regis Philadelphi odium primum quidem incurrisse, sed postea in ejus gratiam rediisse, nec mortem ejus per aspidem ab Hermippo relatum esse, sed à Laertio Hermippi narrationi additam fuisse. Ita Usserius, Serrarius, & Salius. Sed præterquàm satis clarum est ex loco superius allato gratis asseri mortem à Laertio memoratam ex Hermippo desumptam non esse, idem mortis genus Demetrio tribuunt etiam Cicero Oratione pro Rabirio Posthumus, & Suidas. Adde quod nulla autoritas adduci potest, quâ reconciliatio ista suadeatur, & ratio videtur ipsi contraria; cum nemo non videat Demetrium non potuisse gravius in Philadelphum peccare, quam suadendo patri ejus ut alterum Regni constitueret hæredem.

Alii denique ut Gerardus & Isaac Vossii, Dionysius Petavius &c. respondent versionem τῶν δὲ factam fuisse per illud Biennium quo cum patre regnavit Philadelphus, quo tempore certum est Demetrium adhuc vixisse & à Ptolomeo Lago in honore habitum fuisse. Sed ista doctissimorum virorum responsio multis modis ex ipso Aristæa confutatur. 1°. Enim si superstite adhuc Ptolomæo Lagi versio ista confecta est, cur in totâ ejus historiâ ne verbum quidem de Lago ab Aristæa dictum est? Cur apud Josephum & Philonem, cum hujus versionis historiam referunt, altum est de Lago silentium? Cur Epistola Demetrii ad solum Philadelphum conscripta est? Cur Epistola ad Eleazarum Pontificem solum Philadelphi præfert nomen? Cur denique ipsius Eleazari Epistola quæ uxoris & filiorum Philadelphi meminit, de ipso regni capite & Philadelphi patre tacuit? 2°. Ex Aristæa constat Philadelphum, quo tempore versio nostra confecta est, uxorem & liberos habuisse; atqui non nisi post mortem patris ipsum uxorem duxisse multa probant.

Primò enim Herodianus affirmat eum in νιοτήτι seu in adolescentiâ regnum suscepisse; Porphyrius autem apud Eusebium in Chronico libro primo affirmat eum tunc adhuc fuisse, τὸν πᾶντα puerum.

2°. Ex Justino constat Ptolomæum Ceraunum, qui natus major erat Philapello, immaturum juvenem adhuc fuisse quando à Gallis occisus est, quod confirmat etiam Diódorus cum dicit eum fuisse, τὴν ἡλικίαν νῖον πάνθ' ἔχον, atqui ex Eusebii Chronico & aliis colligitur non nisi sub finem Olympiadis 124^a. aut initium 125^a. Ceraunum à Gallis interfectum fuisse, non autem septem annis postquam Philadelphus regnare cæperat. 2°. Athanasius describens stupendam Pompeam quam Philadelphus regnans cum patre celebravit, meminit quidem patris Ptolomæi & matris Berenices, sed de uxore omnino tacet. Quod satis ostendit eum uxorem nondum habuisse.

3°. Ex Epistolâ Eleazari Pontificis constat uxorem quam tunc habebat Philadelphus fuisse sororem ejus Arsinoën, quam eumduxisse plerique authores testantur. Atqui Philadelphus non potuit Arsinoën uxorem habere nisi multis annis post mortem patris: constat enim Arsinoën primum Lysimacho Regi Thraciæ, deinde post ejus mortem Ptolomæo Ceraunio in matrimonium datam fuisse, ut ex Justino probat Hordius suprâ laudatus, ex quo hæc desumpsimus.

4°. Constat ex toto Aristæi libro versionem τῶν δὲ non prius ceptam fuisse quàm Philadelphus Bibliothecam numerosissimam collegisset & innumeris propemodum libris adornasset. At certum est Philadelphum non, nisi post multos annos à suscepto regno, de Bibliothecâ cogitasse. Testantur enim omnes qui de Philadelphii studio in colligendis libris scripserunt, eum non nisi sub finem vitæ huic se studio addixisse: imò, si fides est Vitruvio, id serò admodum exequutus est Ptolomæus; tradit enim eum instruxisse Bibliothecam exemplo Regum Attalicorum seu Trojanorum. At primus qui Pergami Bibliotecam adornavit Eumenes anno duntaxat 4°. Olympiadis 129. regnare cæpit. Quo tempore Philadelphus triginta annis aut circiter jam regnaverat. Sed etiam

daremus Philadelphum ab ipso regni initio de adornandâ Bibliothecâ cogitasse ; cum tamen juxta Aristeam plusquam 84. mille volumina jam congregasset Demetrius , priusquam de Judæorum libris cogitaret : nemo est qui non videat tantam librorum copiam intrâ biennium non potuisse comparari ; sicque versionem non esse factam eo tempore quo cum patre adhuc regnabat Philadelphus.

Probatur 2.^o *robora* libri Aristæ ex eo quod Demetrium Phaleræum Alexandrinæ Bibliothecæ præfectum facit ; cum tamen extrâ omnem veri speciem sit , tantum virum , qui apud Athenienses ἀρχιεργος dignitatem habuerat , & in Ægypto maximis honoribus fuerat cumulatus, eò redactum fuisse miseræ ut Bibliothecæ curam suscipere cogeretur. Scio quidem Demetrium virum doctissimum huic muneri obeundo ineptum non fuisse : sed non fuit olim consuetudo ut viris doctis , qui in aliquo honore habebantur, Bibliothecarum cura traderetur. Nec contrarium probat Isaacus Vossius cum Dyonisium Tyrannum nobis objicit , qui privatus regno pueros docere coactus est : hic enim ab omnibus odio habebatur : Demetrius verò maximo in honore fuit apud Ptolomæum , ut testis est Ælianus apud Varronem Hist. lib. 3. cap. 13.

Probatur 3.^o Ex eo quod Aristæas utitur testimonio Ecatis Abderitæ tanquam veteris auctoris , quem tamen constat sub Ptolomæo Lagi vixisse , ut patet ex Josepho , lib. 1. contra Appionem.

Confirmatur ex eo quod idem Aristæas asserit Menedemum Erethriensem presentem fuisse in Ægypto quando versio Græca sub Philadelpho confecta est. At 1.^o Menedemus obiit septem circiter annis postquam Philadelphus regnum susceperat , scilicet tempore quo Antigonus Gonoræ Gallos vicit ; tunc autem plusquam octogenarius erat. Quî fieri ergo potuit ut versioni interesset, quæ, ut ex Aristæa infertur, non nisi multis annis post septimum Philadelphi confecta est. 2.^o Legimus quidem Menedemum apud Ptolomæum Lagi legatione functum esse priusquam ad Lysimachum se conferret, at nullus eorum qui de eo scripserunt , memoriæ tradidit

eum ad Philadelphum profectum unquam fuisse : quod tamen satis memorandum fuisset , si nimirum in tam longævâ ætate tam durum & difficile iter suscepisset.

Probatur 4°. ex victoriâ insigni quam à Ptolomæo Philadelpho contrâ Antigonum reportatam fuisse asserit Aristæas eotempore, quo Interpretes ad ipsum venerunt. Nullamenim aliam victoriam reportatam contrâ Antigonum legimus præter eam quæ ex Antigono magno Demetrii Polyorctis patre reportata est. At victoriam illam quæ contigit anno 3°. Olympiadis i18. non Ptolomæus Philadelphus , qui vix dum natus fuerat, sed Ptolomæus Lagi obtinuit. Graviter igitur hâc in re hallucinatus est Aristæas , qui id Philadelpho tribuit , quod tanto tempore factum est ante eum. Fingit ergo cum istis rebus interfuisse se asserit.

Respondent Isaacus Vossius & nonnulli, non ipsum diem victoriæ sed anniversarium tunc à Philadelpho celebratum fuisse , cum septuaginta Interpretes adfuerunt. Sed præterquam istam victoriam patri non sibi tribuisset Philadelphus , victoria illa non erat ita insignis , ut anniversario die celebrari mereretur. Propriè enim loquendo nulla fuit victoria ; siquidem prælium nullum commissum est , sed Antigonus dumtaxat ob sui exercitus calamitates , Demetrius verò ob tempestates coacti sunt ad propria redire. Præterea Diodorus qui lib. 2°. narrat Ptolomæum post Antigoni recessum sacrificio Diis oblato cum amicis epulatum esse , nunquam anniversarium fuisset omissurus , si talem Ptolomæus instituisset.

Probatur 5°. Ex fabulis & nugis quibus hæc Aristææ historia respersa est , quæ Judæi alicujus manum & ingenium apertè sapiunt , ac pleno ore redolent.

Talia sunt 1°. Quæ de septuagenario Interpretum numero refert , quem numerum à Demetrio postulatam asserit : in quo manifestum est alludi ad eorum numerum , ex quibus Synedrium constabat. Quorsum enim ad unicum librum Græcâ Linguâ donandum 72. homines adhiberentur , quasi non esset satis notum in hisce rebus multitudinem obesse potius & discordiam gignere , quàm prodesse & concordiam.

56 DISSERTATIONES HISTORICÆ, &c.
inservire ? Quorsum istum numerum ex duodecim Tribubus, & senos ex singulis sumere ? Demus aliquos ex decem Tribubus deportatis in Judæâ remansisse aut in Judæam rediisse; sed certè in minori erant numero respectu aliorum. Quomodo igitur nec plures ex Tribu Judâ, nec pauciores ex singulis, ad id muneris apti inventi sunt ?

2°. Fingitur Demetrium, qui quotidie Regem alloquebatur, cum quo etiam paulò ante de libris Judæorum sermonem habuerat, cum tamen non nisi per epistolam adiisse. Deinde tres Epistolæ quæ apud Aristeam referuntur, Regis scilicet Demetrii, & Eleazari unicuique auctorem habeant. Quem igitur nisi fictum ? Quis autem credet Isaaco Vossio asserenti Aristeam res sui temporis, & quibus aderat, narrantem, potuisse tamen illas epistolas, non iis quibus scriptæ erant verbis, sed suo modo & stylo referre.

3°. Supponit Aristeas nullos Legis Judæorum libros in totâ Ægipto extitisse : quod quam sit falsum & absurdum facile quisque judicabit, qui perspexerit ab annis plurimis, ipso fatente Aristeâ, multa Judæorum millia in Ægipto habitasse, & Alexandrum Magnum, testante Josepho, coloniam eorum Alexandriæ collocasse. Quod si ut extrâ dubium est, tales libri in Ægipto facillè poterant inveniri, quorsum tam celebris Ptolomæi ad Eleazarum legatio ut libros & Interpretes haberet, quos in suo regno tam facillè poterat invenire ?

4°. Apertè fabulam sapiunt quæ apud eundem Aristeam narrat Ptolomæus de quodam Theopompo & altero Theodecto qui gravissimis pœnis afflicti fuerant, eò quod aliquid ex libris Judæorum in suos transferre voluissent, sicque hominibus res divinas manifestassent. Quis hic cum Richardo Simonio non advertat affinitatem hujus narrationis cum iis, quæ Judæi accidisse fingunt, quando Jonathan Paraphrases Chaldaicas composuit ?

5°. Quis sibi inducat in animum Ptolomæum Regem pro uno Legis Judæorum volumine plus impendere voluisse, quàm in reliquâ Bibliothecâ comparandâ impendisset ? Quis non percipiat fictionem cum dicitur Regem & alios diris eos devovisse,

devovisse, qui ex factâ translatione quidquam mutarent? cum dicitur Regem anniversarium diem pro translatione factâ instituisse, librum Legis septies adorasse, ad conspectum ejus lacrymatum esse; Sacerdotes Ægyptiorum solitos fuisse Judæos appellare Dei homines &c. Mitto alia plurima ejusdem furturis, quæ Hodyum consulenti aut ipsum Aristææ librum legenti passim occurrunt.

Caterum ex iis omnibus simul sumptis non dubitamus invictum argumentum adversus librorum Aristææ sinceritatem confici; omnemque qui seriò dicta perpenderit, sententiam pro nobis adversus Aristæam prolaturum.

Quod autem pro suâ opinione tuendâ sanctos Patres proferunt adversarii, nihil omninò ad eam tuendam aut nostram infirmandam juvat. Ut enim libenter fatemur sanctos Patres Aristæam secutos esse, ejusque Historiam veram habuisse, sic ipsos Aristææ libri sinceritatem aut *veritas* nunquam discussisse contendimus. Enim verò cum Aristææ liber, quem ex Judæis Patres habuerant, tantum extolleret versionem *τὴν δὲ*, quam Judæi quantum poterant, tunc depri-
mebant; non potuit sanctis Patribus in suspicionem venire, librum istum à Judæo fuisse confectum; nec, si eis id in mentem venisset, utile erat ad Criticæ leges id examinare. Missis itaque adversariorum hæc in parte objectionibus, unica superest quæ alicujus momenti esse videtur; illa scilicet quæ petitur ex testimonio Aristobuli Judæi Peripatetici, qui sexaginta circiter annis post Aristæam sub Ptolomæo Philometore vivebat. Hic igitur in Commentariis, quos in Leges Mosaicæ scripsit, quasque Philometori Regi inscripsit, ut testantur Clemens Alexandrinus, & Eusebius, non solum commemorat versionem sub Ptolomæo Philadelpho factam, sed etiam à Demetrio Phalereo procuratam discretè asserit. At inquirunt adversarii nemo res gestas sub Philadelpho melius nosse potuit quàm Aristobulus, qui & nepotus ejus Philometori à studiis erat & ætatis ejus ad eò vicinus, ut res sub eo gestas ab oculatis testibus discere potuerit. Sed respondetur, 1°. Supposito quod isti Commentarii sint Aristobuli, qui etiam eo tempore vixerit, nihil

tamen magis ex ejus testimonio confici, quàm ex ipso Pseudonimo Aristea, à quo verisimillimum est accepisse quæ de versione istâ protulit. 2°. Aristobulum Commentarios suos non Philometori, sed alicui ex posterioribus Ptolomæis inscripisse: siquidem multis annis post Philometorem vivebat ut patet ex Epistolâ lib. 2°. Machabæorum præfixâ, quæ plus quàm viginti annis post Philometoris obitum scripta est, nimirum anno æræ Machabæorum. 188. id est juxta Eusebii computum 123. post mortem Philadelphi. Hoc autem indè confirmatur quòd Clemens & Eusebius, ex quibus habemus Aristobulum suos commentarios Philometori inscripisse, hâc in re non sibi constant, dum cum modo Philometorem, modo Philadelphum nominant. Anatholius vero apud Eusebium lib. 7°. cap. 32. in Computo paschali Aristobulum unum ex septuaginta Interpretibus facit. 3°. Denique hos commentarios Aristobulo suppositos esse, sicque eodem morbo, quo Aristea libellum laborare. Primus enim de iis mentionem fecit Clemens Alexandr. qui exeunte 2°. sæculo vivebat: quo sæculo, quot libri veteribus suppositi sint, nemo est qui nesciat; præsertim cum eo consilio scripti videantur illi commentarii ut ostendant Gentiles Philosophos, quidquid boni scripserunt ex Mosis Legibus desumpsisse: qui scopus erat ferè omnium Patrum illius ætatis. Suspicionem auget etiam Josephi silentium. Quomodò enim tam eximium opus, quod Eusebii & aliorum laudes meruit, Josepho Judæo fuit incognitum? Aut si notum, quomodò Josephus libros adeò celebres ut Regi Ptolomeo inscribi meruissent, tam alto silentio sepelire, aut sine laude prætermittere potuit? Nullum itaque negotium sententiæ nostræ facit testimonium Aristobuli, quod tot modis infirmatur. Sed quoquo modo res se habeat de isto testimonio, sententiam nostram non potest evertere: parum enim refert quo tempore liber Aristæ confectus fuerit, an scilicet ante Aristobulum, an verò postea, dummodo constet cum esse confectum; quod nî fallor abundè à nobis probatum est.

Quæres quid igitur de versionis Græcæ historiâ sentiendum

fit, & cur septuaginta Interpretum nomen sortita sit, si à totidem Interpretibus non prodiit?

Respondeo nihil ferè certi de eâ statui posse, cum nihil apud veteres reperiatur, quod ex Aristæ libro & figmentis Judæorum desumptum non sit: illud tamen certum videri, versionem hanc circâ Philadelphi tempora factam esse: tum quod ex eo tempore Gentiles majorem rerum Judæicarum cognitionem habuerint: tum quod omnem veri speciem superet Aristæ librum nullum habere fundamentum, nec quidquam veri continere. Id etiam doctis plerisque certum videtur, juxtâ pseudo-Aristæ, Jolephi, & D. Hieronimi testimonia, solum Pentateuchum 1^o. conversum fuisse; postea verò reliquos libros: maximè cum stilus versionis Pentateuchi à stilo cæterorum librorum diversus sit. Cur autem septuaginta Interpretum nomen sortita sit, inde factum suspicatur Simonius Crit. lib. 2^o cap. 2^o, quod à Synedrio magno septuaginta Seniorum approbata sit. Sed levis est illa conjectura; probabiliusque videtur ab eo tempore id nomen habuisse, quo Aristæ liber fidem obtinuit.

DISSERTATIO OCTAVA. DE AUCTORITATE

Versionis septuaginta Interpretum.

Versionis Græcæ quam vulgò septuaginta Interpretum dicimus, autoritas duplici respectu considerari potest, Judæorum nempe, & Christianorum. Cum enim hæc versio longè ante Christi Domini adventum facta sit, eamque Christi Ecclesia à Synagogâ acceperit, primò inquirendum videtur, quanti eam fecerint Judæi, tam ante quàm post Salvatoris adventum. 2^o. quo in pretio eadem à Christianis habita sit.

Quod igitur ad Judæos spectat, cum eo tempore quo

hæc Scripturæ translatio facta est Judæis plarisque in Egipto commorantibus lingua Græca vernacula esset, Hebraicæ verò, qua sacer textus conscriptus erat, intelligentia jam à multis sæculis tantum penès doctos remansisset, eo ferè modo, quo hodiè apud nos Latinæ linguæ cognitio; dubium non est quin valdè accepta fuerit iisdem Judæis Scripturæ versio, quæ facilem cuilibet Judæo divini verbi præbebat intelligentiam, & magistros ipsos Judæorum, tum in explicandis suæ genti Hæbraicis Scripturæ codicibus, tum in erudiendis Profelytis, tum in confundendis Gentilibus, multimodè juvabat. Hinc tanta elogia quæ huic versioni à Josepho, Philone & aliis tribuuntur. Hinc Aristæ liber confectus ad illam extollendam; hinc postmodum prodiit fabula de septuaginta Cellulis; hinc denique tanta apud omnes Judæos hujus versionis æstimatio, ut extrà Judæam & Chaldæam vix alia Scripturæ exemplaria privatim à Judæis legerentur. Et hæc quidem æstimatio versionis τῶν ὁ, eò usque permansit apud Judæos donec natâ Christi Ecclesiâ animadverterent eam Religioni Christianæ maximam utilitatem asserre, Evangelioque Christi disseminando ac fidei propagandæ mirum in modum inservire. Cum enim Apostoli & primi Christiani eas Prophetias in Christo adimpletas prædicarent, quæ jam diù in linguam Græcam conversæ, in manibus Gentilium erant, proindèque nec fictionis à Judæis aut Gentilibus argui poterant; indè non modicum fructum eorum prædicatio referebat, & Ecclesiam nascentem versio jam antiqua maximè provehebat.

Ab illo igitur tempore Judæi in odium Christianorum cæperunt detrahere versioni septuaginta Interpretum, & eam quasi Hebraico textui minùs conformem traducere, ut patet ex Epistolis divi Ignatii. Postquam autem Aquila Judæus aliam versionem Hebraico textui de verbo ad verbum, ut ferunt, respondentem adornavit, tunc versionem septuaginta Interpretum magis adhuc aspernati sunt, eaque relicta, plerique huic novæ versioni adhæserunt; quamvis plures etiam eâ nihilominùs uti non destiterint, eòquod & antiquior esset, & ipsis familiarior. Ex odio verò quod ob Christianos in

hanc versionem plerique Judæi conceperunt, ortum fortasse jejunium quod in eorum Calendariis ob factam versionem τῶν δ' annotatur, ut observat Scaliger in notis ad Eusebium.

Antequam autem ad Christianos tranſeamus diſcutienda eſt hic celebriſ quæſtio, an ſcilicet versionem τῶν δ' aliquandò in Synagogis publicè legerint Judæi; & an ex illâ lectione an verò aliundè quidam apud eos dicti ſint Helleniſta. Circa quod animadvertendum plures viros doctos exiſtimâſſe, ac nunc etiam multos exiſtimare biſariâ olim Judæos in lectione Scripturæ fuiſſe diviſos. Docent enim eos qui Paleſtinam incolebant, paucis aliorum coloniis exceptis, non alias in Synagogis Scripturas publicè legiſſe præter Hebræicas, eoſque inde Habræos fuiſſe nuncupatos. Alios verò qui extrâ Paleſtinam in Ægipto & Italia vivebant cum iis coloniis quas Hieroſolymis habebant, Græcis Bibliis uti ſolitos, non ſolum ad privatos uſus, quod omnes facilè concedunt; ſed etiam ad uſus publicos Synagogæ; hincque illos denominatos fuiſſe Helleniſtas. Sed hanc Helleniſtarum notionem fuſè confutat Salmaſius in diſſertatione de Helleniſticâ. Alii ut Iſaac Voſſius in tractatu de Sybillinis oraculis, & in Reſp. ad Criticam R. Symonii, iſtam notionem cum Salmaſio reprobant; aliam tamen tradunt rationibus & inſtituto Salmaſii magis adhuc contrariam. Volunt enim eos nec à linguâ Helleniſticâ, nec à Græcorum Scripturæ codicum lectione dictos eſſe Helleniſtas; ſed inde id cognomen ſortitos, quod partes Romanorum tuerentur, iisque tributa ſolverent; alios autem qui Cæſari tributa ſolvenda negarent, volunt Hebræos eſſe appellatos. Versionem verò ſeptuaginta Interpretum non in Helleniſtarum tantum, ſed in Hebræorum etiam Synagogis publicè lectam fuiſſe contendunt: adduntque nullam aliam linguam Hieroſolymis aut in totâ Judæâ fuiſſe vernaculam tempore Chriſti, & primis Eccleſiæ ſæculis, præter Græcam, quæ ibi tandiù permanſit, donec Arabes Provincias illas invaſerunt. At certè cum hæc utrâque opinio meris nixa ſit conjecturis, nec ullum in antiquitate fundamentum habeat, ſaltèm quod ab illis Auctoribus indicetur; probabilior nobis vibetur Salmaſii ſententia. tam

quoad Hellenistarum denominationem, quàm quoad Scripturarum in Synagogis lectionem.

Docet igitur 1°. Salmasius loco citato Hellenistas neque Græcos, neque Palæstinos Judæos fuisse: nunquam enim reperitur apud authores, Judæos Hebræis opponi, aut è contrà: Hebræi enim nomen nationem, non linguam designat. Undè tam apud sacros quàm apud prophanos authores, Judæi quocumque loco commorantes sæpissimè Hebræi appellantur: & indè est quod licet Paulus ex Ciliciâ esset oriundus, Hebræum tamen ex Hebræis se nominat, non Hellenistam. Constat nihilominus, inquit Salmasius, Hellenistas non fuisse religione Gentiles: antequam enim Evangelium ad Gentes transisset, jam erant Hellenistæ inter credentes. Verisimilius est ergò Hellenistas fuisse Judæos Profelytos, hoc est religione Judæos, licet Gentiles natione: maximum enim fuisse istorum Profelytorum numerum indè constat, quod Tacitus lib 2°. Annalium referat Romæ sub Tiberio ad quatuor millia Libertinorum Judaicam Religionem suscepisse. Hinc est fortasse quod actor. 7°. in creatione Diaconorum, quæ ad compescendum murmur Hellenistarum ab Apostolis facta est, expressè notatur quòd Nicolaus fuerit advena, seu Profelytus Antiochenus.

2°. Contendit Salmasius in Synagogis Judæorum, tam in Judæâ quàm in aliis regionibus non aliam Scripturam in Synagogis lectam fuisse quàm Hebraicam. Hoc autem probat 1°. ex Epiphanio, qui expressè docet Judæis consuetudinem fuisse, ut Scripturas Hebraicè legerent: refert enim Nazaræos, quamvis Christiani essent, seipso in Hebraicâ linguâ diligenter exercuisse, & omnes veteris Testamenti libros Hebraicè legisse quemadmodum Judæis solitum erat. Ex quo loco apertè colligitur, Judæos tempore D. Epiphanii non nisi Hebraicè legisse Scripturas, quemadmodum ab eis acceperant Nazaræi. 2°. Quia si Judæi Græcam versionem in Synagogis legissent, vel id fecissent, quia versionem textui prætulissent, vel quòd Græca lingua ipsis esset vernacula. Atqui neutrum horum potest assignari, non primum: quis enim dicere audeat Judæos textum Hebraicum minoris

inquam fecisse quàm versionem Græcam ? neque etiam secundum ; quia vernaculæ linguæ nullam rationem habent in Synagogis , ut patet ex praxi hodiernâ Judæorum , Germanorum . Gallorum , Italarum & Lusitanorum , qui licet vernaculas habeant Scripturæ versiones quas privatim legunt , in Synagogis tamen non nisi Hebraicis utuntur . Neque dici potest praxim illam recentiorē esse ; contrarium enim patet ex aliâ consuetudine quam habent iidem Judæi , codices , qui Synagogis inserviunt , scribendi sine punctis & accentibus ; quod non nisi ex antiquissimâ traditione provenire potest . Tùm etiam quia falsum est linguam Græcam apud Judæos penè omnes olim fuisse vernaculam , ut contendit Isaac Vossius nimio præjudicio pro versione τὰν à laborans . Constat enim 1^o. nec id diffiteri potest Vossius , Judæos seu potius Israelitas , qui Chaldæam & Assyriam incoluerunt , Græcam linguam non habuisse vernaculam : atqui totæ decem tribus ex duodecim in istas regiones translatae sunt, ibique, teste Josepho, remanserunt etiam post solutam à Cyro captivitatem : ergo jam maxima pars Judæorum aliâ linguâ quam Græcâ utebatur . 2^o. Quod attinet ad eos Judæos , qui Jerosolimis & in Judæâ habitabant , vix alteri quam Vossio in mentem venire potuisset aliam linguam à Græcâ non habuisse communem . Tot enim nobis in novo Testamento se præbent argumenta , quæ probant linguam Chaldaicam seu Chaldaico-Syriacam tempore Christi & Apostolorum Jerosolimis fuisse vernaculam , ut planè excutiat qui hoc in Scripturis non agnoscat .

Primò enim, voces quæ in Evangelio latinè non redduntur Chaldaicæ sunt , ut Abba , Satana , Siloë , Gabata &c.

Secundò, ad quid titulus crucis linguâ Hebraicâ , aut aliâ quàm Græcâ conscriptus fuisset , si lingua Hebraica seu potius Syriaca Jerosolimis vernacula non fuisset ? Atqui ideo præter Hebraicam Græca etiam & Latina additæ sunt , quia plerique Græci Profelyti Hebraicam , nonnulli autem Romani Græcam simul & Hebraicam ignorabant .

Tertiò, cur Paulus act. 22. Judæos alloquens Hebraicè eis loquutus est, nisi quia Judæis hæc lingua tunc erat vernacula?

Quartò, cur D. Mathæus Evangelium pro his, qui Jerofolimis & in Judæâ crediderunt, scribens, id Hebraicâ seu Syriacâ linguâ composuisset, nisi lingua ista tunc Judæis vernacula fuisset? Porro Hæbræo-Syriace scripsisse Evangelium testantur omnes veteres, Papias apud Eusebium, Irenæus, Hyeronimus, Epiphanius, Author Synopsis Scripturæ apud Athanasium, Cyrillus Jerosol. Augustinus & cæteri. Imo Irenæus & Hyeronimus disertè asserunt istud Evangelium linguâ vulgari Judæorum fuisse conscriptum.

Quintò, idem disertè asserit D. Petrus actor 1. dum dicit agrum triginta argenteis emptum linguâ Jerosolymitanâ vocatum esse Haceldama; quæ vox cum sit Syriaca manifestè demonstrat linguam Syriacam Jerosolimis vulgarem fuisse.

Sextò, idem ex eo quoque probatur, quod Epistola D. Pauli ad Hebræos Hebræo-Syriace scripta fuerit, ut testantur ex veteribus quicumque eam D. Pauli esse agnoverunt.

Ex quibus omnibus plusquam certò colligitur linguam Syriacam Jerosolimis tempore Christi & Apostolorum fuisse vernaculam; & Isaacum Vossium, cum id negavit, æstu disputationis & præjudicio anticipatæ opinionis pro septuaginta Interpretibus abreptum fuisse; proindeque nimis inconsideratè negasse aliam Scripturam à versione τῶν ἐν Ὑναγωγῇ lectam fuisse.

Ex Talmude tamen aliqua suboritur difficultas contrà istam sententiam pro parte Vossii: legitur enim in Ghemará Hyerosolymitanâ solâ cap. 7. R. *Levi ixit Cesaraam, audiensque eos legentes lectionem Deuteronomii 6. Græcè voluit impedire ipsos. R. Iosef id animadvertens irascebatur dicens: qui non potest legere Hebraicè, num omnino non leget? Imò legat quâcumque linguâ quam intelligit & novit, & sic officio suo satisfaciet.* Idem etiam confirmatur ex Justino Apol. 2. ubi testatur versionem Græcam ab omnibus Judæis legi; quod Tertullianus Apologetici cap. 18. de Synagogis disertè asserit. Sed facile est difficultates istas solvere. Id enim quod de Ghemata objicitur, sententiam Vossii potius evertit, quàm

quam statuit. 1^o. Enim patet ex isto loco talem lectionem insolitam fuisse nec in consuetudine habitam, alioqui R. Levi nunquam tentasset ipsam prohibere. 2. Licet R. Jose pro lectione Græcâ steterit, eam tamen in iis locis tantum tueri aggressus est, ubi nullus Hebraicè legere novérat, ac consequenter tacitè concedebat à versionis Græcæ lectione abstinendum, ubicumque Hebraicæ litteræ legi possent. Sicubi ergo; versio. *תרגום* publicè in Synagogis legeretur, id, inquit Salmasius, fiebat apud Profelitos tantum, qui Hebraicè legere nesciebant, non apud Judæos natione qui lectionem illam non ignorabant. Ad Justinum autem respondetur cum non loqui de lectione, quæ in Synagogis fiebat; Tertullianum verò id de Synagogis etiam Judæorum asserere, quia de factò in Synagogis Profelitorum, qui etiam Judæi dicebantur, talis lectio frequentabatur.

Si cui tamen ista non faciunt satis, cum notare velim nos in Salmasii sententiâ tuendâ, cum de Græcis agitur, nonnihil hæsitare; licet de eâ, cum sermo est de Judæis Hyerosolymitanis, Babiloniis & Assiriis, nullatenus dubitemus. Sed hæc de versionis *תרגום* apud Judæos autoritate dicta sufficiant. Ad Christianos veniamus.

Quod igitur attinet ad autoritatem quam apud Christianos primis Ecclesiæ sæculis versio septuaginta Interpretum habuit, certum est maximi eam fecisse omnes veteres, qui quatuor primis sæculis floruerunt. Nec solum in pretio eam habuerunt, sed summis etiam laudibus cumularunt. Hinc eam ubique contrà omnes adversarios tuerunt. Hinc docent septuaginta Interpretes in suâ versione à Deo fuisse inspiratos. Hinc denique illos Prophetarum vices & officia peregrisse asseruerunt. At verò tanta hujus versionis apud veteres Christianos existimatio ex duplici fonte profluxit. 1^o. Ex acceptâ à Judæis opinione, quod septuaginta Interpretes in totidem cellulis à Ptolomæo inclusi, sic in Hebraico textu vertendo à Deo inspirati fuissent, ut post septuaginta dies collatis inter se translationibus singulis, tanta inter omnes convenientia comperta esset, ut non sine magno stupore deprehendissent Philadelphus & omnes qui aderant,

eos non solum eundem sensum ubique reddidisse , sed ita etiam in vocibus convenisse , ut ne in unâ quidem ab invicem discrepassent. Alterum ex quo hæc versio tantam apud veteres nacta est auctoritatem , est quod persuasum habuerint plerique sanctorum Patrum Christum Dominum & Apostolos , in locis ex veteri Testamento citandis neglecto Hebraico textu solius versionis τῶν δὲ rationem habuisse. Verum in hoc utroque capite D. Hieronimus , qui minus in versionem Græcam propendebat , & erga textum Hebraicum magis afficiebatur , à communi aliorum opinione recessit. 1. Enim historiam de septuaginta cellulis tanquam fabulam rejicit , & ex contrario Aristæ testimonio confutat. 2. Contendit Christum & Apostolos , cum loca de veteri Testamento adduxerunt , Hebraico textu usos fuisse non versione τῶν δὲ. nisi interdum cum ad populos loquebantur , quia communiter jam recepta & pervulgata erat apud Gentes , ut habet S. Doctor in quæstionibus ad Genesim. Ex hac diversitate D. Hieronimi ab aliis patribus , factum est etiam ut idem S. Doctor de versionis τῶν δὲ auctoritate , longè aliam conceperit opinionem. Non solum enim eos Prophetas egisse aut fuisse à Deo inspiratos , palam constanterque negavit : sed etiam errori obnoxios fuisse , & de facto pluribus in locis errasse sine hæsitacione asseruit. Quod si quando aliud de septuaginta Interpretibus sensisse videtur & similia cæteris Patribus in eorum laudem protulisse , id ex aliorum opinione potius quàm ex propriâ fecit , & magis ut inimicis , qui de contemptâ Ecclesiæ versione ipsi invidiam apud multos fecerant , os obstrueret , quàm ut suum calculum reliquis Patribus adderet , aut versioni huic auctoritatem conciliaret. De quibus omnibus consuli possunt præfationes ejusdem S. Doctoris in diversos Scripturæ libros. Et hæc quidem de Patribus.

Jam verò recentiores trifariam dividuntur , circa auctoritatem hujus versionis. Alii enim eandem huic versioni conciliare conantur auctoritatem , quam ei olim Patres tribuerunt ; ut nimirum in omnibus infallibilis & à Spiritu sancto inspirata habeatur : adduntque ad Patrum sententiam hanc

versionem Hebraico textui , cum diversitas occurrit , longè esse præferendam : quod Patres nunquam docuerunt , ut supra à nobis ostensum est. Alii verò ita eam deprimunt , ut eam tanquam corruptissimam & penè infinitis scitentem erroribus versionem rejiciant , ac sæpè Interpretes ignorantia in transferendo accusent ; proindeque veritatem Hebraicam illi in omnibus præferendam censeant. Alii denique mediâ incedentes viâ sic versionis hujus partes tuentur , ob venerandam ejus canitiem , & eam quam Ecclesiæ nascenti utilitatem attulit ; ut tamen ejus authores non fuisse Prophetas à Deo inspiratos , sed Interpretes errori obnoxios definiant , textumque Hebraicum in plerisque etsi non semper ei præponant. Secunda sententia manifestè excessu peccat. Neque enim ita corrupta est , quam nunc habemus , Græca versio , ut diversa esse censenda sit ab eâ , quam veteres habuerunt. Si pauca excipias , quæ ex Theodotionis & aliorum versionibus cum illâ commixta sunt , cetera omnia ferè cum iis conveniunt , quæ olim ex eâ à Patribus adducta sunt. Sæpè etiam in iis locis in quibus recentiores ignorantia culpam septuaginta Interpretibus obijciunt , indè tantum provenit diversitas , quòd aliter tunc legerint , quàm à nobis hodie legatur. Denique navi qui Amanuensium oscitantia in diversis locis respergi sunt , huic versioni in vitium verti nequeunt. Quæ verò inter primam & tertiam sententiam intercedit differentia , maximâ parte oritur ex præjudicatâ opinione eorum quæ de hac versione à Patribus dicta & creditâ sunt. Quamobrem ut tertiam sententiam hic tueamur , discutienda à nobis est historia de septuaginta cellulis Interpretum , & utrum Christus & Apostoli huic versioni ita addicti fuerint , ut Hebraico textu neglecto , semper ex eâ testimonia deprompserint.

Historia Cellularum vix nullam hodiè potest facere difficultatem. Jam enim satis convenit inter eruditos eam fabulis & figmentis Judæorum esse annumerandam. Enim verò ut olim à Hieronimo notatum est , cum nec Philo , nec Josephus , nec ipse Aristas , qui nihil eorum omisit ex quibus hæc versio commendari poterat , de circumstantiâ illâ ,

quæ tanti momenti fuisset, quidquam dixerint: imò cum Aristæas ipse huic historiæ apertè contrarius sit, dum narrat Interpretes simul in uno loco positos, ac inter se differentes totum opus perfecisse; nemo est qui non videat historiam istam, meram esse fabulam quam post Aristæam Judæi excogitarunt ut majorem suæ versionis auctoritatem conciliarent. Licet autem aliam hujus fabulæ originem non sit necesse querere præter Judæorum ingenium ad quælibet fragmenta pronum; si tamen hic esset conjecturæ locus, suspicarer illam, ex malè intellecto Philonis loco, ubi de his Interpretibus agit, præfluxisse: sic autem se habet Philonis locus lib 2^o. de vitâ Moïsis: *In eo secessu cum confedisent solitarii, nemine interveniente arbitro præter naturam partes Terram, Aquam, Aërem, Cælum de quibus proximum prodituri erant Mysteria; tanquam numine correpti prophetabant, non alii alia; sed omnes ad verbum, quasi quodam suggerente & interius dictante singulis invisibiliter.* Quibus verbis exaggerat quidem Philo, quomodo septuaginta Interpretes in Pharum insulam secedentes, & à cæterorum hominum consortio separati, suam versionem confecerint: sed nullatenus asserit eos in totidem cellulis fuisse inclusos, ut volunt cellularum assertores. At cum & de prophetiâ loquatur & de singulorum in eadem verba consensu, & de solitario secessu, facillè potuit quis indè inferre eos in tali recessu à se invicem separatos, sicque in diversis locis seu cellulis ad suam versionem elaborandam fuisse inclusos.

Quod spectat ad aliud caput quæstionis, utrum scilicet Christus & Apostoli neglecto Hebraico textu hanc versionem sequuti sint; sciendum est non unam esse Eruditorum hæc de re sententiam. Alii enim ut Vossius, affirmativam sequuntur cum plerisque Patribus. Alii ut Salmasius & Simonius negativam tenent. Alii denique ut Usserius, Capellus & Valtonus mediam amplectuntur; docentque modo versionem istam, modo Hebraicum textum à Christo & Apostolis citatum fuisse, ne aut versionem communiter jam receptam negligere, aut eam textui præferre videren-

tur. Ut autem mentem nostram circa difficultatem hanc aperiamus ; distinguendum nobis videtur inter Christum Dominum & Apostolos. Cum enim Christus Dominus solis Judæis prædicaverit, eorumque regionem nunquam egres-
sus sit ; probabilius videtur eum Scripturæ loca quæ cita-
bat ex Hebraico textu sumpsisse quàm ex versione τῶν δ. Hoc à nobis indè probatur , 1°. Quod lingua Græca Christo Domino non esset vernacula, sed Hebraica seu Syriacæ; quæ cum multò majorem habeat affinitatem cum Hebraico Scripturæ textu quàm Græcâ , verisimilius videtur Christum Hebraicam Scripturam usurpasse quàm Græcam. 2°. Quia S. Matthæus qui pro Judæis fidelibus Hebraico-Syriacè scripsit Evangelium, testimonia quæ affert citat juxtà Hebraicū textum non juxtà versionem τῶν δ; ut ex Evangelio Nazaræorum annotavit D. Hieronimus lib. de Scriptoribus Ecclesiasticis in Matthæo. At quis credat Matthæum voluisse testimonia ex Hebræo desumere, si Christus Dominus eādem linguâ loquens, ea non ex Hebræo, sed ex versione τῶν δ desumpisset ? 3°. Quia nonnunquam ea loca, quæ tum Christus, tum Evangelistæ citant nullibi extant in versione τῶν δ, sed in solo textu Hebraico, ut v. g. *Ex Ægypto vocavi filium meum. Qui credit in me flumina de v. tre ejus fluent aque viva. Videbunt in quem transfixerunt. Nazaraus vocabitur &c.* Cum igitur ista loca ex versione τῶν δ non possint esse desumpta, probabilius videtur etiam alia loca, quæ à Christo Domino adducta sunt, ex eodem textu fuisse desumpta, quàm statuere Christum Dominum qui non Græcè, sed Hebraicè, & ad Judæos loquebatur, modo ex textu, modo ex versione loca citasse. 4°. Denique idem probant pleraque alia loca, quæ licet in versione τῶν δ & in Hebræo non reperiantur, constat tamen ex diversitate lectionis, ex Hebræo, non ex versione esse citata, ut verbi gratiâ Matth. 2°. 18. *Rachel plorans filios suos & noluit consolari.* In versione enim habetur *Rachel plorans noluit conquirere super filiis suis.* Item Matth. 4°. *Lux orta est eis ;* in versione habetur. *Lux oriatur vobis.* Isaïæ 9. 2. sic etiam Matth. 8°. 17. 12. 18. & 21. 5°. Loca citantur prout

jacent in Hebræo. At nulla afferri potest probabilis ratio, cur Evangelista aliter ista loca retulisset quàm in versione, si Christus Dominus secundùm quod habentur in versione, illa citasset. E contrà verò facilè reddi potest ratio, cur etsi Christus Hebraicum textum citarit, Evangelistæ nihilominus pleraque loca quæ in versione habebantur, retulerint: nimirùm quia cum Græcè scriberent, & ad gentes quibus versio Græca jam diù nota erat & familiaris; non debuerunt aliter loca Scripturæ citare, quàm in eâ habebantur, nisi cum major vis alicujus loci in Hebræo postulabat ut juxtà Hebraicum textum referrentur. Cæterùm notant aliqui recentiores, ex quadraginta locis quæ de veteri Testamento in Evangeliiis citantur, viginti duo magis ad Hebraicum textum, quàm ad versionem accedere, quatuordecim verò esse quæ cum textu & versione conveniunt: quatuor autem quæ magis sequuntur versionem quàm Hebraicum textum; ac tandem quinque esse quæ relicta versione, ut potè palàm vitiosâ, soli Hebraico textui ad amussim respondent.

Jam verò quod attinet ad Apostolos, qui Græcè & ad Græcos scripserunt, ac Græcè loquuti sunt, certum nobis videtur & extrà controversiam positum eos communiter Græcâ versione usos, præterquam in nonnullis locis ubi major vis expressionis erat in Hebræo, quæ peculiariter ad eorum institutum & dictorum confirmationem faciebat. Sic D. Paulus in epistolis, licet vulgò Græcam versionem sequatur, sæpè nihilominus ad Hebraicum textum recurrit, ut Roman. 9.^o 17. 10. 15. 11. 4. 12. 19. 1.^o Corinth. 14.^o 21. 15. 54. &c. Consule Jacobum Usserium in Syntagmate cap. 3. & Capellum Criticæ sacræ lib. 2.^o cap. 1.^o 3.^o & 4.^o.

Cæterùm Salmasii sententiam hic non moramur, qui absque ullo fundamento docet omnes Apostolos Hebraicè scripsisse. Sed neque aliam sententiam hic referendam aut confutandam arbitramur, quâ author Anonimus conatus est tribus dissertatiunculis, quæ ad calcem Criticæ Capelli referuntur, statuere neque Christum neque Apostolos versionem Græcam unquam laudasse, neque loca quæ in nove

Testamento de veteri referuntur, ex illa versione esse desumpta: sed ea potiùs quæ nunc locis citatis in versione habentur, ex verbis Christi & Apostolorum in illam esse translata. Docet etiam idem Anonimus Apostolos neque ex Græco, neque ex Hebræo loca Scripturæ citasse: sed ea ad suum institutum accommodasse, prout Spiritus sanctus dabat eloqui illis: procedente verò tempore aliquos Interpretes, loca ista in Græcam versionem iisdem verbis quibus ab Apostolis adducta erant, transulisse. Ideò autem hanc sententiam prætermittimus, ne in eâ confutandâ temporis iacturam faciamus.

His ista statutis circà loca quæ ex veteri Testamento in novo citantur, ut ad authoritatem versionis redeamus; dicendum est, magnam ei deberi authoritatem, tum propter eam quam habet antiquitatem &, ut nonnulli loqui amant, venerandam canitiem: tum propter eam quæ veteribus Christianis debetur reverentiam; ut potè qui nullam aliam Scripturam, quâ publicè uterentur habuerint: tum etiam quòd cum septuaginta Interpretes sæpè in suo codice aliter legerint, quàm in hodiernis Hebraicis habeatur, multis in locis textus hodiernus ad illam versionem emendari possit: tum denique quòd cum Interpretes isti nonnunquam paraphrastas egerint, eorum expositio interdum magnam lucem locis difficillimis affert. Quia tamen aliundè certum est versionem hanc multis in locis deficere, & ante D. Hieronimi tempora in multis jam à pristino splendore decidisse, pluresque nævos habuisse, partim ob Amanuensium culpam, partim ob editionum diversitatem; illi plus æquo huic versionì tribuere nobis videntur, qui non solum eam textui præferunt, sed quidquid in eâ occurrit statim absque examine tanquam Dei oraculum recipiendum decernunt, & quidquid cum eâ non convenit, corruptelæ & depravationis insinulant.



DISPUTATIO NONA.
DE VARIIS EDITIONIBUS
versionis septuaginta Interpretum.

CUM versio septuaginta Interpretum, quæ omnium Scripturæ versionum antiquissima est, tribus jam ferè sæculis ante Christi Domini adventum trita fuerit, & apud Judæos plerosque in Ægypto aliisque Provinciis usu recepta; fieri non potuit quin diversorum Amanuensium inadvertentiâ, negligentia, oscitantiâ, temeritate, aut ignorantia, multas maculas contraheret. Sed cum post Christi Domini tempora, prædicato ubique Evangelio, non apud solos Judæos, sed apud omnes gentes evulgata sit, & infinitis propemodum exemplaribus aucta, hinc factum est ut crescente exemplarium numero sphalmatum quoque ac nævorum numerus augetetur. Quod cum plerisque viris doctis perspectum esset nonnulli diversis temporibus diversisque locis suos codices juxtâ leges Criticæ ex aliis melioris notæ codicibus emaculantes, versionem τῶν δὲ emendatiorem & puriorem ediderunt. Porro tres ejusmodi editiones nobis occurrunt, quæ veteribus celebriores & apud eos magis receptæ sunt. Prima fuit Origenis. Secunda Luciani Martyris. Tertia Hesychii de quibus sigillatim hic nobis agendum est; postea verò de recentioribus ejusdem versionis editionibus nonnulla subjiciemus.

Inter omnes editiones versionis τῶν δὲ celeberrima & majori in pretio habita semper fuit, quam Origenes Adamantius in suis Exaplis adornavit. Enim verò omnem curam adhibuit Origenes ut eam omnibus modis illustraret, & Ecclesiæ utilem redderet. In iis perquirendis quæ ad eam aliquid conferre poterant, studio non defuit: in iis comparandis quæ opus promovere poterant, impensas non timuit: in

iis denique quæ editionis elucubrationem spectabant, labori non pepercit. Primum igitur versiones Aquilæ, Theodotionis & Symmachi sibi comparavit: deinde cum temporibus Caracallæ & Alexandri Mammeæ filii Imperatorum duæ aliæ repertæ fuissent, eas etiam sibi adscivit Origenes, iisque tertiam in Psalmos Hierichunte repertam adjecit. Eam porro quæ sub Alexandro reperta est, Nicopoli inventam fuisse constat, alteram verò Hierichunte juxtà Epiphanium de pond. & mens. & authorem Synopsis inter opera Athanasii. Sed Eusebius asserit incertum esse undè Origenes eam habuerit. Has igitur omnes versiones unà cum versione τῶν δ quam ex Serapæo codice exscripserat, & Hebraico textu, tam Hebraicis quàm Græcis litteris scripto, in unum corpus colligens, & per totidem columnas distinguens, Exapla primum composuit, postea verò omisiss Hebraico textu & posterioribus versionibus ex Aquilâ, Symmacho, Theodotione & septuaginta Interpretibus Tetrapla confecit. Porro hunc ordinem Exapla continebant, ut primò textum Hebraicum propriis characteribus, deinde eundem Græcis litteris conscriptum, tertio Aquilæ, quarto Symmachi, quinto septuaginta Interpretum, sexto Theodotionis, septimò quintam, octavo sextam & septimam in Psalmos exhiberent versiones. Ex quo apparet Josephum Scaligerum, nisi eum malè intellexerit Hensius, deceptum fuisse eum docuit in Exaplis Origenis textum Hebraicum utroque caractere scriptum post omnes versiones collocatum fuisse: contrarium enim apparet ex omnibus veteribus, ac etiamnum ad oculum conspicitur in specimine Exaplorum, quod ex manuscripto Barberino in sextum volumen Bibliorum intulit Waltonus.

Multa sunt circà Exaplorum editionem, de quibus plerique recentiores inter se dissentiunt & deceptant. Primum enim de Exaplorum nomine; undè scilicet fluxerit. Circà quod omisâ Erasmi & Magdeburgensium etimologiâ ut nimis alienâ, qui illa à verbo *εξανδω* explano, denominata volunt, duæ sunt potissimum sententiæ. Alii enim ex numero columnarum Exaplorum nomen tenent: alii verò ex numero versionum.

Pro primâ sententiâ stant Waltonus, Symonius & aliquatenus Huetius. Pro alterâ verò pugnant Ferrandus, Isaac Vossius, & Jacobus Usserius; cum hac tamen differentiâ quòd Usserius editiones Scripturæ potiùs attendit quàm versiones: undè duas hebraici textus columnas pro unâ editione numerat. Vossius autem & Ferrandus contendunt hebraicum textum ad Tetraplorum aut Exaplorum nomen nihil contulisse, sed solas versiones. At verò doctissimus Huetius qui pro columnis magis inclinat omnem difficultatem amovere sibi videtur, dum notat quintam aut sextam versiones non omnes Scripturæ libros sed aliquos tantùm exhibuisse, ut testis est D. Hieronimus in caput tertium Epistolæ ad Titum. Ex quo factum putat, ut licet cum aliis editionibus in eodem Exaplorum corpore legerentur; nihilominus ista omnia quæ alicubi ἑπταπλά, ὑεταπλά, & ἑνιάπλά, dici poterant; ex majori parte Exaplorum nomen retinuerint.

Ut autem in re difficillimâ mentem nostram aperiamus, licet Huetii sententia Epiphanium & Ruffinum pro se habere videatur, qui ex quatuor primis versionibus & duplici hebraico textu, Exapla denominant: nihilominus Eusebii locus, quem citat & refert Ferrandus, ipsi & Vossio magis favere videtur, & ex versionum, quas recensuerat, numero Exaplorum nomen eruere. Hæc autem sunt Eusebii verba: *Tantam porrò curam ac diligentiam in divinis Scripturis perscrutandis adhibebat Origenes; ut Hebraicam etiam linguam didicerit, aliorum quoque qui præter septuaginta Scripturas interpretati sunt, versiones pervestigaverit, nonnullus denique interpretationes à criticis illis vulgatisque Aquila scilicet Symmachii & Theodotionis diversas repererit, quas ille quidem ex nescio quibus cruras angulis, primus in lucem produxit; & cum obscurum incompertumque haberet cujusnam essent autoris, hoc solum de ipsis annotavit; alteram quidem à se repertam esse Nicopoli juxta Ægium, alteram verò in alio quodam loco. Quin etiam in Exaplis Psalmorum exemplaribus post insignes illas quatuor editiones cum non quintam modo, sed etiam sextam ac septimam apponeret versionem, rursus in*

principio unius notavit inventam illam fuisse Hierichime in dolo temporibus Antonii Caracalla, qui Severi filius fuit. Has igitur omnes interpretationes cum in unum corpus collegisset, & per certa cola ac membra distinxisset, & sibi invicem è regione opposuisset unà cum Hebraico textu, Exaplorum nobis exemplaria reliquit. Postea verò editionem Aquile Symmachi & Theodotionis cum septuaginta Interpretum versione, seorsim in tetraplis digessit. Hactenus Eusebius. Ex quibus verbis manifestè apparet ipsum in Exaplorum denominatione, magis versionum quàm textus hebraici rationem habuisse. Sed non est necesse diutius in hac disputatione immorari quæ ferè est de solo nomine.

Cæterum hallucinatur Isaac Vossius cum asserit Hebraicum textum in Tetraplis utroque charactere exaratum, unà cum quatuor versionibus locum habuisse. Non solum enim Eusebius, Epiphanius & Hieronimus de solis versionibus meminerunt; sed etiam apertè repugnat Epiphanius cum istis quatuor versionibus unà cum duplici textu hebraico nomen Exaplorum tribuit. Neque felicior est idem Vossius cum absque ullo veterum testimonio solo anticipatæ opinionis præiudicio nixus, asserit etiam Samaritanum Pentateuchum tam in Exaplis quàm in Tetraplis locum habuisse. Quis enim credat Eusebium, Epiphanium, Hieronimum & Ruffinum qui multis in locis de Origenis opere scripserunt & singulas illius editiones recensuerunt, Samaritanum Pentateuchum silentio prætermisuros fuisse, si inter cæteras editiones locum habuisset? Eusebium quidem pro se adducit Vossius: sed ut eum ad suas partes inclinet ejus locum sub specie correptionis corrumpere cogitur: cum enim Eusebii locus sic latine reddi debeat: *Vsurpatas apud Iudeos Scripturas primigenias, ipsis Hebraorum litteris descriptas comparasse*: Vossius ita locum vertit ut dicatur eum comparasse sibi Scripturas, *Quæ apud Iudeos prototypis Hebraorum litteris descriptæ esse feruntur*, pro accusativo Græco πρωτότυποις dativum πρωτότοις substituens. Addendum quod etiamsi locus pro Vossii iudicio corrigendus esset, nihilominus de primigeniis Hebraorum characteribus, non per oppositionem ad Estdæ characteres, sed

ad Græcos sub quibus textus hebraicus in Exaplis representabatur, intelligendus esset.

Jam verò alia exurgit quæstio circà hanc Origenis editionem; nimirum utrùm Origenes sicut Tetrapla distinxit ab Exaplis, & separatim edidit; sic etiã Octapla ab iisdem Exaplis distinxerit, & editionem quæ nomen istud haberet elucubravit. Affirmativam statuere videtur Epiphanius loco citato de pond & mens. quem secuti sunt hæcenus ferè omnes Eruditi ut Petavius, Valtonus, Symonius, Usserius, Armacanus, & alii. Sed negativam multo melius astruunt nonnulli viri doctissimi, Henricus Valeſius, Ferrandus, Vossius, & Pinius asserentes certum esse neque Eusebium, neque Hieronimum, quibus hæc in re major fides adhibenda est, Octapla ab Exaplis distinxisse; siquidem inter Exaplorum editiones & versiones quintam & sextam numerant atque septimam, ex quibus alii Octapla conficiunt; nec ullius editionis præterquàm Exaplorum & Tetraplorum meminerunt. Porro, ut id obiter dicam, nonnulli viri docti ex malè intellecto eodem Epiphanii loco decepti, putarunt Tetraplorum editionem Exapla præcessisse, cum Eusebius contrarium expressè tradat.

Superest ad hujus materiæ absolutionem ut non nulla de operâ, quam in editione τῶν δὲ corrigendâ, adhibuit Origenes, & de iis quæ illi inseruit, adjiciamus. Quod operam attinet: rem ab alio meliùs discere non possumus quàm ab ipso Origene, qui de eâ sic scribit: *In exemplaribus quidem veteris Testamenti quæcunque fuerunt consonantia Deo præstante coaptare potuimus; utentes judicio cæterarum editionum. Ea enim quæ videbantur apud septuaginta dubia esse propter consonantiam exemplariorum, facientes judicium ex editionibus reliquis, consonantia servavimus, & quadam quidem notavimus quasi non posita in Hebræo, non audentes ea omnia auferre, quadam sub astericis addidimus, ut sit manifestum, quoniam quæ non fuerunt posita apud septuaginta, ex editionibus cæteris addidimus convenienter Hebræo.* Hæc Origenes. Ex quibus apparet ipsum versionem τῶν δὲ ad alias omnes editiones, & ut verisimillimum est ad melioris notæ codices

contulisse, & quàm accuratè potuit edidisse. In eam vero nonnulla ex aliis inseruisse sub astericis, ex eodem loco constat. Quod ut melius intelligatur, advertendum est ex D. Hieronimo Origenem duo circà hanc versionem egisse. Primum est quòd ea loca notarit quæ ex Hebræo aberant, & in editione *תנ"ך* abundare videbantur. Secundum quòd ea loca addiderit, quæ cùm in versione non apparerent, in Hebræo tamen legebantur. Primam autem elucubrationem Obelisco, secundam Asterico annotavit. Has quidem notas, non alio consilio usurpatas asserit Rufinus, quàm ut sciremus, non quid nobis, sed quid Judæis adversum nos certantibus, aut deesse, aut abundare videretur. Verùm aliter censet Hieronimus; vult enim Astericos ab Origene appositos, ut versioni ex Hebræo lux nova accederet: Obeliscos verò, ut quod in versione abundabat, veru confodiendum esse indicaretur. Quæ Hieronimi sententia magis convenire videtur cum adducto Origenis loco, quàm expositio Rufini.

Præter Astericos & Obelcos, quibus hæc versio in Exaplis passim notabatur, aliarum etiam notarum meminit Epiphanius nimirum Lemnisci & Hypolemnisci; sed valdè obscurus est in eorum usu exponendo. Id tamen velle videtur, Lemniscum tunc ab Origene positum, cum plura Interpretum paria (Interpretes enim in triginta sex paria, & totidem cellulas divisos fuisse putavit Epiphanius:) inter se in versione convenerant; Hypolemniscum verò cum unicum par ita erat. Sed hanc expositionem, quam secuti sunt etiam Hesychius & Isidorus, meritò ut fictionem rejicit Andreas Mafius. Joannes verò Curterius alium istarum notarum usum excogitavit; vult enim Lemniscum tunc appositum fuisse, cum Interpretes in verbis quidem conveniunt, dissensiunt verò in sensu: Hypolemniscum autem, cùm tam in verbis, quàm in sensu discrepant. Sed longè probabilior est sententia Mafii docentis Lemniscum notatum fuisse, cum plures, Hypolemniscum cum pauciores codices in unam lectionem conveniebant. Porro hæc erat istarum notarum forma, Obelisci ← Asterici * Lemnisci ∩ Hypolemnisci. ∩

Cæterum licet D. Hieronimus in Origenem paulò severior has ejus notas & additiones alicubi vituperet, & corruptionis nomine infimulet; certum tamen est notas illas & ingeniosè excogitatas, & utiliter ab Origene additas fuisse. Quòd si quæ postmodum à librariis omisæ confusionem aliquam in versionem τῶν δ invexerint, id non Origenis culpæ, quam nullam fuisse suo exemplo probavit ipse Hieronimus, sed amanuensium negligentia tribuendum est. Verùm hæc de Origenis editione dicta sufficiant.

Quod spectat Hesychii & Laciani editiones, hoc unum de iis scimus, earum primam ab Hesychio Ægyptio Episcopo sub finem tertii sæculi elaboratam fuisse; secundam verò à Luciano Presbytero Antiocheno. Hanc circà Constantinopolim & Antiochiam, illam verò Alexandria & in Ægypto locum obtinuisse testis est Hieronimus in epistolâ ad Chromatium his verbis: *Alexandria & Ægyptus in septuaginta suis Hesychium probat: mediæ inter hos Provincia Palæstinos codices legunt, quos ab Origene elaboratos Eusebius & Pamphilus vulgaverunt: totusque orbis hæc inter se varietate compugnat.* Idem D. Hieronimus præfatione in Evangelia eos corruptionis in Scripturas invecæ arguit, & paucissimos habuisse codices asserit, quod non video, quî cum isto loco consiliari possit. En ejus verba ad Damasum: *Præmitto eos codices, quos à Luciano & Hesychio nuncupatos: paucorum hominum asserit perversa contentio: quibus utique nec in toto veteri instrumento, post septuaginta Interpretes emendare quid licuit; nec in novo profuit emendasse, cum multarum gentium linguis Scriptura antea translata, doceat falsa esse, quæ addita sunt.*

Circà Luciani & Hesychii editiones id notatu dignum est, eas Obelis & Astericis notatas fuisse ad imitationem Origenianæ editionis, ut ex Hieronimo satis clarè deducit Huetius. Sed in hoc vir doctissimus peccasse videtur, quod asserat istas notas ab ipsis versionum authoribus appositas fuisse. Cum enim altum sit hæc de re in totâ antiquitate silentium, nec ullus ex veteribus alteri quàm Origeni Obelos & Astericos tribuerit, verisimilius est notas illas ex Origene ad

Luciani & Hesychii editiones postea transiisse, quàm eas ab istis authoribus manasse.

Porrò antequàm ea quæ veteres editiones hujus versionis spectant, absolvamus, Jacobo Usserio breviter occurrendum est, qui quoniam inter versionem communem septuaginta Interpretum & eam quæ extabat in Exaplis apud veteres distingui perpexit, non solum duas unius versionis editiones, sed duas omninò versiones esse arbitratus est. Sciendum est igitur istam veterum distinctionem nullatenus duas versiones designare, sed per versionem communem, seu *κοινήν*, ut Patres vocant, eam editionem intelligi, quæ ex iis descripta est exemplaribus, quæ ab Origene correctæ non sunt; ex quibus suam editionem postea confecit Lucianus, à quo etiam *λουκιανός* appellata est, ut notat D. Hieronimus. Per eam verò quæ in Exaplis habebatur eandem versionem intelligi, sed ex melioris notæ codicibus desumptam & emendatam, quam Origenes in Exaplorum & Tetraplorum editionem inseruit. Ea verò quæ pro duplici versione statuenda profert Usserius, arguunt quidem diversitatem aliquam inter istas editiones, sed non probant duas fuisse versiones.

Quod spectat ad recentiores hujus versionis editiones: quemadmodum apud veteres tres tantum fuerunt celeberrime editiones (nam quæ ab Eusebio & Pamphilo tradita est, ab Origenis editione, quæ in Exaplis habebatur, non differebat) sic omnes quæ ab inventâ arte typographicâ factæ sunt à tribus præcipuis Complutensi, Venetâ & Romanâ, velut è fontibus rivi profluxerunt. Primam ex vetustissimis exemplaribus manuscriptis edidit Cardinalis Ximenius Archiepiscopus Toletanus anno 1515. quam Arias Montanus 1571. in Biblia Regia, Comelinus anno 1599. in Parisiensi Tetrascelida Francisci Vatabi commentariis illustrata, & Michaël le Jay anno 1645, in Biblia Polyglotta transtulerunt. Secundam ex vetustissimis itidem exemplaribus apud Aldum edidit Andreas Asulanus anno 1518. quam ordine mutato Argentorati anno 1526 Joannes Laureicenus, Basileæ anno 1545 cum Melancthonis præfatione Joannes Hervagius, ibidemque anno 1550 cum latinâ versione Nicolaus Bulingetius,

ac demùm Francofurti cum notis Junii, ut vulgò creditur, anno 1597. ejusdem urbis Typographi recudi procurarunt. Tertiã denique Romæ nobis tradidit Antonius Caraffa Cardinalis anno 1587. ex vetustissimo codice Vaticano, cui ex duobus aliis nonnullis in locis suppletum est. Hanc Græcè tantùm editam Flamminius nobilius collectis, quæ apud veteres Patres ex ea proferuntur testimoniis paucis additis, ubi veterum loca deerant latinam fecit, & anno sequenti ibidem edidit. Ultramque autem, id est tam Latinam quàm Græcam versionem cum scholiis & notis elegantissimè edidit Parisiis Joannes Morinus anno 1628. apud Nicolaum Bluon. Eandem in Biblia Polyglotta Londini anno 1657. edita transtulit Brianus Waltonus, ac demùm quibusdam immutatis ex manuscripto quem Alexandrinum & suum Anglici scriptores appellant ibidem in 4.^o separatim ediderunt.

Quæritur vulgò quamam istarum trium editionum sinceram septuaginta Interpretum versionem magis referat. Circa quod non una est apud Eruditos sententia. Romanam plerique viri eruditi cæteris præferunt, ut Andreas Masius, præfat. in Josue, Joannes Morinus præfat. in sua Biblia, & exercit. 9. Brianus Waltonus in prolegomenis ad Biblia Polyglotta, & Simonius l. 2. Criticæ c. 3. At contra Isaac Vossius eam omnium minùs sinceram magisque corruptam esse contendit. Complutensem verò, quam alii etiam Venetæ postponunt, duabus aliis anteponit. At certè in eâ re, quâ à plerisque viris doctis dissentit, suam sententiam non satis firmis probat argumentis. Ut enim Romana editio suos habeat nævos, cum tamen aliæ pluribus adhuc scateant mendis, his Romanam postponere nulla ratio suadet. Complutensem verò editionem dum Hebraico textui accommodare authores ejus studuerunt, à genuinis septuaginta Interpretum codicibus multùm recesserunt, ut Jacobus Usserius in syntagmate de septuaginta Interpretibus c. 8. brevi errorum specimine exhibito faciliè demonstrat. Dum tamen J. Morinus tam in præfat. suæ editionis quàm in exercitationibus Biblicis suam exemplar nimis effert laudibus, & paucissimis exceptis, mirum & omnimodam cum vera τῶν ἑπταεταῶν versione consensum habere

habere contendit, à rectâ semitâ sui operis præjudicio abreptus, exorbitat. Enim verò idem Usserius doctissimè probat multis hanc in rem ex ipsâ editione adductis exemplis, & cum iis quæ de versione τῶν δὲ veteres notarunt collatis, nullam esse ex quatuor notis, quibus suam editionem τοῦ δὲ in omnibus repræsentare contendit Morinus, quæ illi in omnibus conveniat, imò quæ eam multis scatere nævis & multis corruptionibus mixtam non demonstret. Sic ergo Romana editio cæteris præferenda est, ut tamen ad eam emaculandam & primæ sinceritati restituendam plurima adhuc desiderari fateamur.

Neque est quod quisquam objiciat antiquitatem codicis Vaticani, ex quo editio illa desumpta est, quem D. Hieronimi tempora præcessisse volunt. Nam ut de tantâ antiquitate, de quâ nonnulli hæsitant, quæstionem non moveam, antiquitas illa codicem ab errore immunem non arguit. Certum est enim D. Jeronimi ætate plerosque codices τῶν δὲ multis nec levibus corruptelis laborasse; ac inter alias causas quæ sanctum doctorem ad aliam versionem ex Hebræo textu conficiendam impulerunt corruptionem versionis τῶν δὲ non ultimam fuisse, ut ipse testatur pluribus in locis.

DISSERTATIO DECIMA.

De Latinâ Versione Vulgatâ.

CUM ab initio nascentis Ecclesiæ Græca versio 70. Interpretum, quæ jam diù apud Græcos authoritatē adepta erat, per totum Orientem in omnibus Ecclesiis obtinuerit, hinc factum est ut cum Latini de Scripturæ versione suis procurandâ cogitarunt, illam in suam linguam converterint, eo consilio ut in eadē Scripturæ lectione univêrsa Ecclesia conveniret. Licet autem temporis processu, versiones latinæ penè infinitæ prodierint, una tamen inter alias, quam Augustinus Italiam, Hieronimus Vulgatam, Gregorius veterem nuncuparunt,

quamque omnium primam fuisse meritò suspicamur , principem locum obtinuit. Hanc sub Apostolorum temporibus elaboratam multi opinantur, nec sine aliquo fundamento, ne latina Ecclesia Scripturarum thesauro tandiù privaretur. At quo demùm tempore , & à quo facta sit , certò definiri nullatenùs potest. Eius authorem in vertendo fuisse *θεωμενδός* cum asserit Serrarius , plerisque nugari videtur ; præsertim cum ejus sententia nullo nixa sit veterum testimonio. Certè quam huic versioni auctoritatem veteres tribuerunt , non à Latinis sed à Græcis Interpretibus mutuati sunt.

Porro versionem hanc multis jam sæculis oblitteratam , & omninò extinctam , Flaminius nobilius superiori sæculo excitare aggressus , & restituere conatus est. Cujus opus etsi propter immensum laborem sedulamque quam in evolvendis Patribus impendit operam, laudem & æstimationem Eru- ditorum mereatur ; non est tamen existimandum illud veterem Vulgatam , eo modo quo tempore Patrum existit , nobis omninò representare. Præterquàm enim certum est sanctos Patres in locis Scripturæ citandis sæpè sensum potiùs attendisse quàm verba ; constat etiam eos non ita Vulgaræ adhæsisse , quin interdum aliis versionibus uterentur ; ut ex eo palàm sit , quòd in diversis Patribus plerumque diversimodè eadem loca Scripturæ referantur. Quæ cum ita sint , de antiquâ versione judicium certum ferre non possumus , nec proindè de eâ fusiùs agere necesse habemus. Ad eam igitur quæ hodie nostra est , sermonem convertimus.

Circà Vulgatam hodiernam duæ potissimum quæstiones moveri solent. Prima ejus authorem , secunda ejusdem auctoritatem inquirat. Authorem quod attinet , plerique Catholici eam Hieronimo tribuunt , inter quos sunt Eugubinus , Mariana & Serrarius : nonnulli tamen ut Pagninus , Driedo , & Erasmus , quibus heterodoxifere omnes adstipulantur , eam sancto Doctore abjudicant. Verùm nisi præcon- ceptum in vulgatam versionem odium , plerosque ex Prote- stantibus rapuisset , & errata , quibus ante correctionem sca- rebat , nonnullos ex Catholicis movissent , facillimùm erat D. Hieronimum in hâc versione authorem agnoscere.

Primò enim id ex eo patet, quòd vulgata versio hodierna eadem sit cum eâ quæ in commentarijs D. Hieronimi in Prophetas ex Hebræo facta reperitur. Si quis enim eas inter se contulerit, vix in integro capite unius verbuli differentiam annotabit.

Secundò D. Hieronimus iis omnibus libris quos ex Hebræo convertit, præfationes apposuit, ut ipse testatur; at eas omnes vulgatæ versioni in omnibus codicibus præfixas cernimus. Quis autem credet totum D. Hieronimi opus amissum esse; omnes autem ejus præfationes interitum evasisse? Aut quis non credet potius istas præfationes propter opus Hieronimi in Vulgatâ asservatum, etiam fuisse conservatas?

Tertiò clarum est vulgatam versionem non ex 70. Interpretibus, sed ex Hebræo factam esse. Iis enim in locis, quibus ab Hebræo differunt Interpretes, differt quoque, ut plurimum, Vulgata ab Interpretibus, & cum Hebræo convenit: in aliis verò locis, quibus eadem profert uterque codex, vulgata versio suam nihilominus originem adhuc ostendit; versionis enim phrasi neglectâ Hebraicam ferè semper ad litteram exprimit. Atqui certum est nullum ex veteribus præter D. Hieronimum versionem ex Hebræo fecisse. Non alteri igitur quam S. Doctori vulgata versio tribuenda est.

At certum est nihilominus versionem istam non ita pertinere ad D. Hieronimum, ut nihil omnino, quod ipsius Hieronimi non sit, in eâ habeatur. Primò enim liber Psalmodum non est ex versione Hieronimi; sed ex versione τῶν 70 & ut multi volunt ex correctione Luciani: quod suo loco discutiemus. Secundò, neque etiam Hieronimo tribui possunt libri Machabeorum, Sapientie, Ecclesiastici, & Baruc, cum libros istos Hieronimus nusquam verterit: cæteros verò paucissimis exceptis quæ tum ex veteri Vulgatâ, tum ex Theodotionis versione admixta sunt, totos esse Hieronimi dubitari nequit. Enimverò quod ad ea attinet quæ ex veteri Vulgatâ retenta sunt, sciendum est versionem D. Hieronimi non statim in Ecclesiâ obtinuisse auctoritatem; cum o

contra plurimos initio habuerit contradictores tam inter ejus amicos, quam inter adversarios, ne ipso quidem Augustino excepto, qui eam in suis Ecclesiis legi prohibuit. Sed post Hieronimi obitum id paulatim consecuta est, quod ipso vivente obtinere non poterat. Procedente verò tempore sola etiam auctoritatem in usu obtinuit. Ex quo enim Gregorius magnus eam in libris *Moralium* veteri prætulit, ab aliis etiam sensum sine sensu prælata est, donec tandem sola recepta est veteri penitus neglectâ. Sed cum ita successivè nacta sit auctoritatem, ut aliquandiu sancti Patres partim novam partim veterem usurparint; hinc factum est ut etiam cum primas tenere & sola in usu esse cæpit, quædam etiam ex veteri quæ penitus abjici non potuerant, immixta habere cæperit, quæ deindè cum in eâ relicta & re-renta sint, ad nos usque pervenerunt. Porro ex multis capitibus hæc veteris versioris in nonnullis locis permixtio deprehenditur. Primò enim pluribus in locis quibus 70. Interpretes ab Hebræo dissentiunt, Vulgata nihilominus cum illis convenit, ut Gen. 4. v. 8. 8. v. 7. 14. v. 5. &c. Secundò nonnullis in locis D. Hieronimus in suis commentariis aliter vertendum docet, quàm in Vulgatâ habeatur, ut Gen. 3. v. 15. 4. v. 8. &c. Tertiò nonnullis etiam in locis vulgata versio quædam addit quæ in Hebræo non habentur, alibi verò nonnulla omittit quæ tamen habentur in Hebræo. Hinc est quod Villalpandus & Prædus asserunt centum in locis aliter vertisse D. Hieronimum quàm in Vulgatâ habeatur. Verùm paulò audacior est ista assertio: nec enim ea quæ modo retulimus ita præse sunt accipienda, ut quoties aliquid diversum ab Hebræo, aut Hieronimi Commentariis in Vulgatâ reperitur, statim aliter ab ipso Hieronimo conversum judicetur. Licet enim Hieronimi versio in plerisque Hebraicam litteram expresserit; nonnullis tamen in locis 70. Interpretibus suam versionem attemperavit. quo magis facilem aditum apud fideles ipsi consiliaret. Deindè rigorem grammaticalem vocum Hebraicarum non ita premendum in versione judicavit, ac in commentariis suis aut traditionibus Hebraicis pressit. Denique fieri etiam potest ut alicubi

D. Hieronimus aliter quidem verterit, postea verò in commentariis aliam versionem prætulit, ut eum fecisse cernimus ad Eſaiæ. 17. Ubi cumque ergo Vulgata ab Hebræo aut Hieronimo differt, priùs juxta Criticæ regulas ejus versio discutienda, & cum Hieronimo conferenda est, quàm ab ejus translatione aliena judicetur.

Cæterum quæ hucusque de autore vulgatæ versionis diximus à nemine possunt in dubium revocari, ex quo doctissimus Joannes Martianus Congregationis S. Mauri monachus ipsam D. Hieronimi puram versionem edidit ex vetustissimis codicibus M. SS. sub titulo *Divina Bibliotheca seu Canonis Hebræica veritatis*. Tanta enim est inter illam & nostram Vulgatam convenientia, ut iis libris quos notavimus & paucis locis exceptis, versionem D. Hieronimi Vulgata nostra de verbo ad verbum exprimat. Undè sic habet idem Martianus proleg. 2. in tom. 1. operum D. Hieronimi : *Quoniam in vulgatâ sacrorum Bibliorum editione aliquot integri libri retenti sunt ex antiquâ illâ versione quæ usû obtinebat ante Ieronimum, maxima tamen pars veteris Testamenti pura putâ est interpretatio quàm è fontibus Hebræis nobis edidit eximius ille Doctor. Et infra: adverte diligenter canonem Hebræica veritatis, uno psalterio excepto, totum reperiri in vulgatâ latinâ, cum duobus insuper Tobia & Iudith volumibus de Chaldaico in Latinum conversis ab eodem Ecclesiæ Catholice Interprete maximo. Præterea habes in libro psalms posteriorē emendationem Ieronimi quàm ipse edidit cum signis astericorum & obelorum Reliqui omnes libri instrumenti veteris retenti sunt ex illâ antiquâ vulgatâ quæ communis vel Italica dicta perhibetur. Hi sunt liber Baruch, Sapientia, Ecclesiasticus, ac libri Machabeorum primus & secundus. Nonnullas etiam deprehendimus sententias ac versus integros è veteri illâ editione in libros præcipuè Regum, inque Proverbia Salomonis derivatos. Hæc ille Jeronimianæ versionis restitutor. Ex quibus ea quæ de autore vulgatæ versionis diximus mitificè confirmantur.*

Jam verò ut ad alteram quæstionem veniamus, graves dudum sunt circa vulgatæ versionis auctoritatem Protestantium

ac reformatorum cum Catholicis altercationes, nonnullæ etiam Catholicorum inter se dissensiones. Imprimis heterodoxi, ex quo Tridentini Patres Vulgatam authenticam declararunt, convitiis suis tum Vulgatam, tum Ecclesiam ipsam lacerare non desinunt, hanc tyrannidis, istam corruptionis accusantes. Sed quàm iniqui sint in Vulgatam dum eam corruptionis insimulant, & quasi pessimam versionem exagitant, norunt & agnoscunt quotquot hodiè apud ipsos cordati reperiuntur; hanc enim versionem maximi faciunt, & optimam esse fatentur. Quàm verò in Ecclesiam Catholicam sint injuriosi & maledici ex ipsismet etiam colligere & arguere promptum est. Cum enim probè noverint, (quod etiam nonnulli eorum referunt) plerisque Doctores Catholicos viros gravissimos & doctissimos, ex quibus etiam aliqui Concilio Tridentino interfuerunt, docere non aliam fuisse Concilii mentem, cum vulgatam versionem authenticam declaravit, quàm eam in his quæ fidem & bonos mores spectant, incorruptam declarare; eamque inter omnes quæ tunc circumferebantur, tanquam erroris suspicioni minùs obnoxiam propter ejus antiquitatem, ad publicum Ecclesiæ usum eligere ac determinare: nullatenùs verò eam immunem ab omni nexo seu errato vel amanuensium vel interpretis definire: non possunt absque gravi calumniâ Ecclesiam Catholicam hâc in re Tyrannidis accusare; cum ne ipsi quidem ejus decretum eo modo quo à Catholicis exponitur intellectum, rejicere, aut ejus æquitatem inficiari audeant. Quid enim, ut ipsos adversarios hâc in causâ judices appellem, magis æquum erat vel rationi consentaneum fieri poterat, quàm eò tempore, quò tot novæ versiones ab hominibus plerumque minùs doctis utriusque partis factæ irrepserant, eam ad usum Ecclesiæ seligere, quæ & Hieronimum virum sanctissimum authorem haberet, & ab annis mille à Patribus usitata, tam benè de Ecclesiâ meruisset: & quod caput est, in suspicionem erroris, aut partium studii, hæreticis venire non posset?

At, inquiunt adversarii, vulgata versio authentica dici à Consilio non debuit. Nulla enim versio quantumvis perfecta

authenticam ex se habere potest : sed soli originario textui hæc prærogativa convenit. Verùm ut taceam quaslibet vocum definitiones pro arbitrio proferri posse, dummodò explicentur, ut vox authentica quâ utitur Concilium toties à Catholicis exposita est : undè habent hæretici solis originariis posse authenticam tribui ? Num è contrà in ipso jure Civili ac foro contentioso qualibet ἀπὸρραφα modo corruptelæ seu depravationis immunia sint, non minùs ac ipsa authographa fidem obtinent ? Quod si in præsentī instituto authographi necessitas ab adversariis premeretur ; cum certum sit nullā jam superesse Prophetarum seu Apostolorum authographa, sed ipsos Hebraicos Græcosque codices tantum ἀπορραφα nobis exhibere ; sequeretur vel ipsis invitis adversariis nullam esse ampliùs in Ecclesiā Scripturam authenticam. Quod si reponant saltem necesse esse ut apographum quod authenticum dicitur, ne in minimò quidem ab authographo discordet, quod de vulgatā versione asseri nequit ; hæc responsione etiam Hebraici Græcique textus authenticam jugulabunt. Cum enim in utroque textu diversas lectiones diversaque sphalmata cogantur agnoscere, necesse est etiam ut fateantur neutrum in omnibus cum authographo convenire, sed utrumque in multis diversum esse, ac consequenter juxtā suas rationes authenticam censeri non posse. Si autem diversos naves quibus textus uterque respersus est, nihil obesse putent quominùs pro authentico habeatur ; nullā ratione vulgatæ versionis errata majori vitio illi vertere, aut eidem authenticam abjudicare possunt.

Verùm, inquiunt, alium prorsùs habet sensum definitio Tridentina ; neque Concilium cum Vulgatam declarat authenticam, solam errorum in fide immunitatem ei tribuit, sed eam fontibus ipsis præfert, & ne latum unguem ab eâ discedere permittit, ut satis declaravit Congregatio Cardinaliū explicationi Concilii à Pontifice præposita sub Gregorio XIII. quorum declarationem refert Leo Allatius, in quâ expressè habetur, *ne unum quidem iota in Scripturā admitti posse, quod vulgatæ editioni repugnet.* Undè cum summi Pontifices prohibuerint ne quis præter istos Cardinales, Concilii

Tridentini decreta præsumat exprimere, huius declarationis potior habenda est ratio, quam privatorum hominum, quibus Concilii mentem ab istâ Congregatione discere necesse fuit, exponere verò non licuit. Ita Theologi Batavi in Epistolis criticis adversus Simonium quibus plerique Catholici de Theologorum grege in hâc Consilii explicatione patrocinantur. Sed facile est ab utrorumque laqueis se expedire, ac istarum aranearum telas disrumpere. Si enim hanc esse Concilii mentem ostenderimus, quam ipsi tribuimus, statim omnis difficultas evanesceat, & plumbea adversariorum tela retundentur. Atqui istud præstare nobis difficile non erit.

Primò nullus mentem Concilii ac decreti ejus de Vulgatâ, melius nosse potuit, quàm qui Concilio tunc temporis interfuerunt ejusque condendo decreto præfuerunt. Testatur autem Andreas Vega qui Sessioni quartæ Concilii in quâ Decretum istud editum est intererat, se pluries à Cardinali Cervino qui eidem Sessioni ut Legatus Apostolicus præerat, quique postea ad summi Pontificatus apicem evehctus est, dictum audivisse, Concilium nihil aliud per hocce decretum intendisse, vel intendere, nisi versionem vulgatam ab omni prorsus errore in fide & bonis moribus immunem, ac cæteris latinis versionibus præponendam declarare. Ne quis autem id Vegam Cervino mendaciter putet affingere, voluisse, notandum id Vegam scripsisse & publici juris fecisse cum adhuc Cervinus viveret, à quo, si falsa narrasset, de mendacio argui & puniri potuisset.

Secundò, idem de Concilii mente testatum faciunt qui postea eidem Consilio adfuerunt Melchior Canus, Salmeron, Laines, Andradius, & alii, quique diù cum his qui decretum istud ediderant conversati sunt, & sensum Concilii proculdubio didicerunt.

Tertiò, idem quoque de Concilio testatur & probat Cardinalis Pallavicinus in ejusdem Concilii historiâ, ubi post multa quæ ad id demonstrandum refert, profert etiam hanc in rem epistolas Farnesii & Maphæi ad Legatos, & Legatorum ad Farnesium mutuò datas, ex quibus constat tum Romæ tum in Concilio ab omnibus agnitum & pro certo

terto habitum fuisse vulgatam versionem plurimis mendis scaterere, non solum quæ ex amanuensium vel typographorum culpa; sed etiam ex Interpretis errore procederent; ob eamque causam optasse Romanos ut aliquid de errorum emendatione decerneretur; quod sufficienter factum responderunt Legati, cum de accuratissimâ editione Vulgatæ procurandâ in suo decreto statuerunt.

Ad id verò quod proferunt de Cardinalium declaratione, certum est illam nullam unquam auctoritatem habuisse, neque legem unquam fecisse. Quod cum jam satis pateat ex suprâ dictis, etiam indè confirmatur, quòd à tempore Gregorii XIII. multi graves Theologi ac viri doctissimi qui eandem quam profitemur sententiam tenuerunt, eodemque modo Consilii mentem exposuerunt, nullam tamen ejus declarationis, quamvis ipsis non incognitæ, rationem habuerunt. Etsi autem ea mens fuisset hujus Congregationis Cardinalium, quam illi tribuunt advertarii, nullus tamen esset, qui his non crederet libentiùs qui Concilio interfuerunt, & Tridentini decreti expositionem ab ipso Concilio acceperunt, quàm his Cardinalibus, qui cum diù post istud decretum vixerint, Concilii mentem non ita perspectam habuerunt. Sed nobis necesse non est laudatos autores huic declarationi opponere: siquidem ex ipsiusmet Congregationis judicio nullam meretur auctoritatem. Declararunt enim Cardinales diù post istam declarationem inter priores declarationes eas solas auctoritatem habere, quæ à posterioribus confirmatæ essent: quod cum circà eam quæ objicitur factum non sit, sequitur ex posteriori Congregationis decreto nullam ei inesse auctoritatem. Imò quod hîc obiter notatum velim, pleræque istarum declarationum in tantùm Romæ viluerunt, ut nonnullæ etiam in librorum prohibitorum indicem relatæ sint.

Iraque remotâ Hæreticorum calumniâ, qui eo sensu Vulgatæ authenticam definitam volunt, ut sola pro verâ Scripturâ divinitus inspiratâ posset haberi, originarii verò textus tanquàm Scripturæ spurix rejicerentur. Difficultas est inter Doctores Catholicos circà auctoritatem quæ ex Concilii

Tridentini mente vulgatæ versioni tribuenda est: plures enim Theologi eam sententiam amplectentes quam universæ Ecclesiæ tribuunt heterodoxi, & ex quâ occasionem arripiunt eandem de tyrannide accusandi, docent summam auctoritatem vulgatæ versioni à Concilio attributam esse; nec solum fontibus adæquatam, sed ita prælatam esse ut non jam versio ex fontibus, sed ex versione fontes corrigendi sint. Ex quo Concilii decreto volunt Vulgatam versionem maximè à tempore correctionis per Clementem VIII. factæ, quandam infallibilitatem & ἀνἀμάρτυσίαν consecutam esse: ita ut vel minimum nævum in eâ notare aut leve mendum reprehendere crimen sit. Hanc sententiam præter vulgus Theologorum tenent etiam nonnulli dogmatici, qui aliquid nomen inter eruditos consecuti sunt, ut Pineda, Ludovicus Tena, Melchior Canus, Joannes Morinus & alii. Imò nonnulli ut suum scopum assequantur, docent D. Jeronimum peculiari Spiritus Sancti afflatu versionem illam condidisse, eodemque Spiritu dirigente & movente ejus opus ab omni errore exemptum fuisse, nec usquam à textûs originarii obscuritate, omonymia, ambiguitate, transpositione, quæcumque illæ fuerint, neque ullis mendis quæ textum Hebraicum eo tempore quo illum versit, invaserant, aut latinum insederant cum novi Testamenti translationem antiquam, comparato ei textu Græco reformavit, ita decipi potuisse, ut errorem aliquem vertendo commiserit. Verba sunt Morini Exercit. Biblic. l. r. exerc. 6. c. 12. ubi pro eâdem sententiâ citat Salmeronem & Tithelmannum quibus adjungere potuisset etiam Gretserum. Vide Serrarium in Prolegomenis Biblicis cap. 19. quæst. 8.

At verò plurimi alii Theologi prioribus nec merito impares, nec eruditione inferiores, quorum sententiam ferè jam sequuntur quotquot inter dogmaticos alicujus doctrine laude præfulgent, contendunt non aliam fuisse Concilii mentem cum Vulgatam authenticam esse declaravit, quàm eam ab omni errore in fide & bonis moribus immunem asserere, ut suprà à nobis ostensum est: nullatenus autem voluisse

Concilium aut Vulgatam fontibus adæquare, nedum præferre; aut eam ab omni errore librariorum aut Interpretis & nævo immunem asserere. Hanc sententiam præter Andream Vegam l. 15. c. 9. Andradium l. 4. defenf. Concil. Trid. Pallavicinum & alios suprà laudatos, amplectuntur etiam Sixtus Senensis, Joannes Mariana, Serrarius, Bronfrerius, Adamus Condzen, Simonius, Cabassutius, Natalis Alexander, & plures alii.

Multis autem ac firmissimis rationibus sententiam adversariorum evertunt. Primò quia ex illà sequeretur neque Græcam Ecclesiam, neque ullam ex Christianorum orientalium societatibus Scripturam sacram habere; cum nulla ex illis Vulgatâ utatur; licet multi inter Orientales Romanam Ecclesiam agnoscant.

Secundò, quia dubium non est quin versio τῆς ἐκ primis Ecclesiæ sæculis authentica habita sit, cum plerique veterum eam à Spiritu Sancto dictatam, & miraculis auctoritatem adeptam esse crediderint. At non idè eam unquam aut ab omni nævo immunem, aut fontibus præferendam duxerunt; imò contrariùm omninò expressè docuerunt, ut suo loco à nobis ostensum est.

Tertiò quia certum est vulgatam versionem, quando decretum Tridentinum editum est, multis nævis respersam fuisse, ut ex subsequutis emendationibus Sixti V. & Clementis VIII. manifestum est. Non poterat ergo Concilium cùm decretum suum edidit, eam in sensu adversariorum authenticam declarare. Quàm absurdum est autem dicere quod respondent adversarii, eam declarationem Concilii pro tempore correctionem subsequuto esse intelligendam! Quid enim magis incongruum excogitari potest, quàm Concilium declarasse ne levissimum quidem nævum Vulgatæ superfuturum post correctionem, quasi de correctorum infallibilitate certum fuisset? aut dicere Vulgatam declaratam esse authenticam pro eo statu quem post quadraginta annos habitura erat?

Quartò. Sententiam adversariorum planè evertunt tùm ipsi qui Vulgatæ emendationi præfuerunt, tùm qui Bibliis

Clementis VIII. præfationem apposuerunt ; cùm ingenuè fateantur Vulgatam non ita expurgatam fuisse , ut nullus omninò nævus superesset : sed è contrà nonnulla loca certis de causis à se fuisse relicta quæ correctione adhuc egere videbantur. Sic enim habet Bellarminus , unus ex Correctoribus , in Epistolâ ad Lucam Burgensem qui suas in Vulgatam observationes ad eum miserat , quibus multa adhuc inemendata remansisse ostendebat , quæ tamen correctoriâ manu videbantur indigere. *Scias , velim , inquit , Vulgata non esse à nobis accuratissimè castigata ; multa enim de industria iustis de causis pertransivimus quæ correctione indigere videbantur. Varia lectiones quæ in Bibliis Lovaniensibus habentur , & in quas tu librum utilissimum scripsisti , mihi videbantur omninò addende. Authores verò Epistolæ Bibliis Clementis VIII. præfixæ ita habent : & verò quamvis in hac Bibliorum recognitione in codicibus M. SS. Hebrais Græcisque fontibus , & ipsis veterum Patrum commentariis conferendis non mediocriter studium adhibeum sit : in hac tamen pervulgata lectione sicut nonnulla consulo mutata , ita etiam alia quæ mutanda videbantur , consulo immutata relicta sunt : tum quod &c.*

Ex quibus clarum est eos à vero Concilii sensu exorbitare qui putant ejus auctoritati eum contrarium fore , qui vel levissimum errorem , seu nævum in Vulgatâ annotaret. Siquidem tam qui ejus emendationi quàm qui editioni præfuerunt contrarium apertè profitentur. Jam vero quod multi adversariorum asserunt , Jeronimum , cum suam versionem faceret , fuisse, *θεωπνεύστον* & infallibilem , tam ridiculum est asserere quàm quod magis. Sufficiet autem ad istud delirium confutandum Jeronimum ipsum contrarium omninò profiteri ; & se quandoque malè transtulisse ingenuè fateri. Hæc sunt ejus verba in Esai. 4. *Melius reor , inquit , proprium errorem reprehendere , quam dum erubescō imperitiā confiteri in errore persistere in eo quod transtuli.*

Cæterum quod hîc Morinum inter eos retulimus , qui in Vulgatâ nullum omninò nævum agnoscunt , summamque illi tribuunt auctoritatem , nonnullis fortasse difficultatem faciet.

Idem enim Morinus contrarium tam certum statuit, ut non vereatur asserere, quod si omnes qui naves in Vulgatâ agoscunt damnandi essent, vix ullus damnationem vitare posset Catholicus, cum vix ullus sit qui id alicubi non agnoscat. Sed sciendum est istam Morini assercionem non impedire quominus summam in omnibus auctoritatem Vulgatæ tribuendam, eamque ab omni errore immunem putet. Singulari enim opinione utrumque in suis dissertationibus conciliare conatur, dum variantes Vulgatæ lectiones & ab Hebraico vel Græco textu diversitates duplicis authenticitatis distinctione canonicas facit. Docet igitur Morinus aliud in Scripturis authenticum esse ex naturâ suâ, aliud verò per accidens. Ex naturâ suâ authenticum est quod eodem modo in Scripturis habetur, quo à Spiritu Sancto primitus inspiratum est sacris Scriptoribus. Per accidens verò authenticum est, quod licet à Spiritu Sancto inspiratum non sit, ex Ecclesiæ judicio auctoritatem adeptum & pro Canonico habitum est. *Quemadmodum enim*, inquit Morinus, *nonnulla quæ ex Prophanis Authoribus in Scripturis habentur, prius quàm ab Authoribus Sacris laudarentur, humanam tantùm habebant auctoritatem. Postcâ verò quàm ab Apostolis citata fuerunt, divinam consecuta sunt: sic diversæ lectiones quæ vel ex librariorum errore, vel ex Interpretum vitio in Scripturam irrepsérunt, ex se humanam tantùm habent auctoritatem. Sed ex quo versio vel textus in quo habentur, pro authentico ab Ecclesia receptus est, divinam infallibilem, & Canonicam consequuntur.* Et hæc quidem est Joan. Morini sententia, quæ tantum aberrat à verâ Theologiâ, ut quomodo viro doctissimo in mentem venire potuerit, satis mirari nequeam. Sed hæc de Vulgatâ dicta sufficiant.



DISSERTATIO UNDECIMA.

D E

Canone Scripturarum.

PER Canonem Scripturarum nihil aliud hic intelligimus præter Catalogum librorum quos Sacris Scriptoribus divinitus inspiratos credit Ecclesia. De quo quidem cum præsentī dissertatione agere instituerimus; ut quæ de eo dicemus clariora sint, primum de Canone veteris Testamenti agemus, postea verò novi disputationem adjungemus.

Quod spectat ad primum Hebræi trifariam partiuntur veteris Testamenti libros, nimirum in Legem, Prophetas, & Hagyo-graphia. Nomine Legis quinque Moysis libros complectuntur: inter Prophetas verò censent, primò librum Josue, deinde Judicum, cui Ruth quoque ob temporis affinitatem adjungunt. Postea verò libros Samuelis & posteriores Regum, ac deinceps alios qui in nostris Bibliis Prophetarum nominibus inscribuntur, uno Daniele, quem Hagyo-graphis accensent, excepto. Denique inter Hagyo-grapha computant libros Job, & Psalmorum, Proverbia, Ecclesiasten, Canticum Canticorum, Danielelem, Verba dierum, seu libros Paralipomenon & Esdram. Ex quibus patet eos non nisi viginti duos pro Canonicis agnoscere; ac proinde libros Tobiae, Judith, Sapientiae, Ecclesiastici & Machabæorum extrâ canonem reponere.

Difficultas est circa libros Esther & Baruch, utrum in Canone Judæorum fuerint, an extrâ Canonem rejecti. Nonnulli enim qui Canonem Judæorum sequuti fuisset videntur, libros illos inter Canonicos referunt: alii verò qui eundem Canonem sequuti sunt, eos rejiciunt. Liber Esther inter Canonicos recensetur ab Origene, Concilio Laodicensi, Jeronimo, Epiphanio, Hilario & Cyrillo Alexandrino.

Rejicitur verò à Josepho , Melitone , Athanasio , autore Synopsi inter ejusdem sancti opera , Gregorio Nazianzeno , Leontio , autore libri de cœlesti Hierarchiâ , Nicephoro , & aliis. Liber autem Baruch recipitur in Canone Laodice-
no. Item à Cyrillo Jerosolimitano , Athanasio , & autore Synopsi , qui omnes Jeremiæ illum adjungunt. At Orige-
nes , Melito , Hilarius , Gregorius Nazianzenus , Epiphanius de illo non meminerunt. D. autem Hieronimus illum expressè
rejicit. Sed quidquid sit de Canone Judæorum , certum est
istos libros in Scripturis computandos esse , & pro Canoni-
cis recipiendos. Præterquàm enim recepti sunt in Conciliis
Carthagenensì tertio , & Romano sub Gelasio Papâ , Esthe-
ris actio laudatur à Clemente Romano , & Clemente Ale-
xandrino ; Baruch verò ut Scriptura divina laudatur ab
eodem Clemente , Cypriano , Basilio , Ambrosio , Augus-
tino , Chrysostomo &c.

Judæorum Catalogo freti Lutherani & Calvinistæ quin-
que libros superiùs memoratos , nimirum , Tobie , Judith ,
Sapientiæ , Ecclesiastici , & Machabæorum ex suo Canone
expungunt , eosque ad Apocrypha rejiciunt. Sed in istâ sen-
tentiâ tuendâ malè affectum in Ecclesiam animum magis
demonstrant , quàm suæ Theologiæ principis insistant :
neque hâc in parte judæos tantum imitari , quantum Eccle-
siæ contradicere student. Enimverò cum juxtâ eorum prin-
cipia sacrorum codicum divinitas non ex traditione Ecclesiæ ,
sed ex diversis sanctitatis characteribus quibus divinos se
produnt , agnoscat : non aliam possunt asserre causam cur
quinque prædictos libros repudient , nisi quod vel talibus
divinitatis notis destituti sint , vel aliquid veritati pietativè
contrarium contineant. At certè neutrum istorum de illis sine
summâ injuriâ dici potest.

Primò enim si de prædictis libris deposito præjudicio lo-
quantur adversarii , facilè concedent eos in omnibus piete-
tem spirare & inspirare , nec minoribus divinitatis cha-
racteribus & notis præfulgere , quàm cæteros Scripturæ li-
bros. Imò negare non possunt quin (suppositâ traditione
quam non agnoscunt) liber Ecclesiastici longè magis afflatus

divinum sapiat , quàm liber Cantici Canticorum.

Secundò , neque etiam his libris vitio potest quod aliquid veritati vel pietati contrarium contineant ; nisi fortè Heterodoxi manifesta principii petitione quiddam ab eorum erroribus alienum est , aut fidei Catholicæ doctrinam confirmat , id pietati ac veritati contrarium esse pronuncient. Nam etsi aliqua in hisce libris occurrant quæ primâ fronte cum aliis Bibliorum libris , vel etiam cum prophanis historiis vix conciliari posse videantur : nihilominùs si considerentur attentius , & discutiantur accuratius , difficultates omnes evanescent , & quæ videbantur inter se pugnare facillè conciliabuntur , ut suo loco ostendemus. Interim hîc annotasse sufficiet , nonnullos adversariorum hanc veritatem in libris Machabæorum , qui potissimùm difficultatem in historiâ faciunt , jam agnovisse , & libris ex professo hâc de re editis demonstrasse.

Quod si objiciant adversarij nullam nobis inesse notam quâ hos libros ut divinitùs inspiratos agnoscamus , nullamque rationem quâ id asserere possimus , cum nec de eorum *θεωπνευσία* revelationem habeamus ; nec eam ex traditione acceperimus : siquidem Hebræi à quibus cæteros veteris Testamenti libros accepimus , horum autoritatem non agnoscunt , ut passim docet Divus Hieronimus , & ut videre est apud Josephum libro primo contrâ Appionem , ubi docet eos libros qui à temporibus Artaxercis Regis Persarum conscripti sunt , quales sunt ii de quibus nunc agimus , non habere divinam autoritatem ob interruptam seriem Prophetarum qui usque ad Artaxercis tempora sibi semper successerunt.

Respondeo , non ex novâ revelatione nobis factâ , ut cum suo privato spiritu passim factitant Heterodoxi ; sed ex veteri Ecclesiæ traditione his libris divinam autoritatem nos tribuere. Etsi enim primis Ecclesiæ sæculis de eorum autoritate dubitatum sit , præsertim ab iis Patribus qui eos in Hebræorum Canone minimè reperi didicerant : nihilominùs processu temporis eorum autoritas ab universâ Ecclesiâ agnita & recepta est. Nam & à Concilio Carthaginensi tertio quod postea in Græcorum nomocanonem insertum est,

est, & à Romano septuaginta Episcoporum sub Gelasio, & ab Innocentio 1^o. in epistola ad Exuperium, inter libros Canonicos qui divinam in Ecclesiâ nacti sunt auctoritatem, recensentur: & horum quidem Conciliorum definitioni non solum Ecclesia Latina acquievit; sed etiam Græca hanc postmodum recepit, siquidem certum est libros de quibus agimus ab Ecclesiâ Græcâ recipiunt *θεωπνεύσει* ut constat ex Græcorum testimoniis, quæ in fine operis de perpetuitate fidei circâ Eucharistiam leguntur.

Nec quemquam movere debet, quod Hebræi libros istos, inter Canonicos minimè computarint. Primò enim notum est etiam ipsis adversariis, quòd in novo fœdere plures libri aut librorum partes non nisi post tria, quatuorve sæcula pro Canonicis habiti & ab omnibus agniti sunt, cum tamen hodiè, fatentibus Heterodoxis, non minorem habere debeant auctoritatem, quàm illi de quibus à nemine dubitatum est usquam. Undè etsi libri de quibus est difficultas ab Hebræis necdum agniti essent, cum Christiana Religio vigere caput, sufficit tamen ad auctoritatem eis conciliandam, quòd tamen Ecclesia rebus melius perspectis eos receperit, & pro Canonicis haberi voluerit. Secundò, verum quidem est Judæos in suo codice prædictos libros non recensuisse; quia nimirum eos solos agnoscebant qui linguâ Hebraicâ vel saltèm Chaldaicâ scripti fuerant. Sed eos nihilominus alii Judæi qui Græcâ versione utebantur, quique Græciam & plerasque minoris Asiæ Provincias incolebant, ab initio receperant, eorumque auctoritatem agnoscebant; cum enim ab his libros istos Ecclesia nascentes acceperit, patet eos in sacris illorum codicibus inter alios libros *θεωπνεύσει* suum habuisse locum. Undè etsi à tempore quo Patribus Canon Hebræorum innotuit, nonnulli opinionibus eorum adhæserunt; ab initio tamen nascentis Ecclesiæ, nullus eos de quibus agimus libros, Apocryphis accensuit; cum è contrâ plures eosdem libros tanquam *θεωπνεύσει* indiscriminatim cum aliis laudarent.

Primò, enim liber Tobiae, præter auctoritates Conciliorum superius adductas, citatur ab Irenæo, Cypriano, Hylario,

Ambrosio , Chrysostomo , Augustino , & cæteris ; & inter Canonicos Scripturæ libros à Spiritu Sancto compositos numeratur.

Secundò , idem præstant de libro Judith Augustinus , Hieronimus , & cæteri : actionem verò Judith laudibus suis prosequuti sunt Authores antiquissimi, nimirum Clemens Romanus , Clemens Alexandrinus , & Tertullianus.

Tertiò , libri Sapientiæ & Ecclesiastici pluribus in locis citantur ut Canonici à Divo Cypriano , Ambrosio, & Augustino. Eorum etiã testimonio utuntur Clemens Romanus , Divus Barnabas , Tertullianus , Clemens Alexandrinus , & cæteri.

Quartò , idem præstant de duobus Machabæorum libris Cyprianus , Ambrosius , Chrysostomus , Hieronimus & Augustinus libro de curâ pro mortuis , & libro 18. de civitate Dei , ubi disertè asserit eos ab Ecclesiâ pro Canonicis haberi , quamvis Hebræi eos non recipiant ut Canonicos ; licet minùs affirmativè , magisque hæsitanter loquatur libro contrà Gaudentium ubi agit de actione Rasæ , qui se ipsum interfecisse refertur libro 2^o. Machabæorum capite 2^o. His adde Concilia Carthaginense tertium , & Romanum sub Gelasio ; nec non & Innocentii primi decretum ; licet in Consilio Romano unius tantum libri fiat mentio. Porro mirari subit quomodo Gregorius magnus , post tot ac tantas pro his libris autoritates , dubitanter nihilominùs de illis loquatur , imò disertè pronunciet non esse Canonicos , sed ad ædificationem Ecclesiæ promulgatos. Si quæ tamen fuerit adhuc circà libros supradictos dubitatio , processu temporis ablata est , eorum autoritate ubique receptâ. Hanc autem suis decretis confirmarunt Eugenius IV. in instructione ad Armenos , & Concilium Tridentinum sessione 4^a.

Ad id tandem quod ex Josepho nobis obijcitur , à tempore Artaxercis Prophetarum successionem interruptam esse , respondeo 1^o. tempus à Josepho assignatum non posse sumi in rigore , cum certum sit nonnullos eorum qui ab omnibus inter Prophetas & Authores *θεοπνευστων* numerantur , Artaxerci Regi supervixisse. 2^o. Quod si paulò post tempora

Regis Artaxercis defecit ea successio Prophetarum qui futura prædicebant, & Messiam venturum prænunciabant; non tamen defecerunt viri sancti & à Deo inspirati, qui ea quæ populo ejus insigniora eveniebant, aut quæ ipse iis occultè suggerebat, ad informandos hominum mores conscriberent. Neque enim omnes qui libros sacros conscripserunt, Prophetæ fuerunt; cum nec Josue, nec Esdras, nec Salomon qui plures libros conscripserunt, inter Prophetas à Judæis numerentur, aut eorum successioni accenseantur.

Præter istos libros, qui ab Heterodoxis integri extrà Canonem rejiciuntur, quædam sunt etiam librorum partes in veteri Testamento quas recipere detrectant, ut sunt historia Beli & Susannæ, nec non Hymnus trium puerorum apud Danielelem, & Appendix libri Esther. Sunt & aliæ nonnullæ de quibus Catholici inter se disputant, num sint in Canone computandæ, ut sunt Appendix Græca ad librum Job, tituli Psalmorum, præfatiuncula Threnorum, inscriptio Proverbiorum, & Cantici Canticorum, nec non Ecclesiastici Prologus & Epilogus. Sunt denique alii nonnulli libri, quos unanimi consensu omnes extrà Canonem rejiciunt; ut sunt tertius & quartus Esdræ, tertius & quartus Machabæorum, nec non & oratio Manassis, de quibus omnibus hîc esset agendi locus; sed quia in quæstionibus quas circà singulos Scripturæ libros instituimus aptior se offeret occasio, ideo hîc eorum examini supersedebimus.

Quod spectat ad libros novi Testamenti, cum nulla sit hodiè circà illos difficultas, excepto quod Martinus Lutherus cujus sententiâ reprobant omnes reformati, D. Jacobi Epistolam rejicit; sufficit hîc eos de quibus aliquandò dubitarum est, quosque Deuterocanonicos vocant, referre, ut ab aliis de quibus nemo unquam dubitavit, quosque Protocanonicos appellamus, distinguantur. Itaque in hoc numero censendi sunt caput ultimum Marci ab eo loco, *surgens manè Jesus*; historia de sudore Christi & confortatione per Angelum Lucæ 22^o. de muliere adulterâ Joannis 8^o. Epistola ad Hebræos; Epistola Jacobi & Judæ; secunda Petri, & tertia Joannis; ac denique Apocalypsis; quæ tamen omnia, nec unquam ab

omnibus rejecta sunt, nec ultrà quartum Ecclesiæ sæculum si fortè paucos authores excipias, apud eos, qui illa non rejiciebant, dubia remanserunt: affulgente enim Ecclesiæ Spiritu sancto & Apostolicâ traditione diutius exploratâ, divinam apud omnes auctoritatem obtinuerunt.

Quæritur, undè habeamus librum aliquem Scripturis sacris computandum & pro verbo Dei infallibili habendum?

Respondeo id nos habere ex Ecclesiæ auctoritate & traditione, non quòd Ecclesiæ autoritas efficere possit, ut liber aliquis, qui non sit à Spiritu Sancto inspiratus, Canonicus evadat & Canonicis annumeretur, ut perperam nobis imponunt Hæretici: sed quòd Ecclesia lumine traditionis illustrata Canonicos ab Apocryphis discernat, eosque quos novit à Deo inspiratos ab omnibus fidelibus recipiendos decernat. Enimverò vox Ecclesiæ prima est quam audiunt fideles & traditionis alveus unica est via quâ libros divinitus inspiratos dignoscere & ab aliis distinguere possumus. Quæ duo si tollantur ruit omnis fidei certitudo, & Scriptura divina Gentilium & Athæorum ludibrio exponetur. Nam quod ad vocem Ecclesiæ attinet, antequàm Fidelis de Scripturâ quidquam audierit, jam credit in Ecclesiam, ejusque auctoritatem cum omni subjectione reveretur. Ipsas verò Scripturas ab alio non recipit, nec ab alio Scripturas haberi discit, neque similiter divinas esse ab alio accipit, nisi ab Ecclesiâ in quam se credere & cujus auctoritatem se agnoscere ac recipere jam professus est. Ecclesia verò undè id habere potest nisi ex traditione? Undè scire nisi ab iis qui primi eas acceperunt ab authoribus sacris, quorum auctoritatem & *transmissam* comprobata habebant? Scio quidem Hæreticos nostri temporis docere, aliundè nos non agnoscere quinam sint libri divinitus inspirati, & ad Scripturam Canonicam pertinentes, quàm ex spiritu privato, vel ex quodam nitore gratiæ & pietatis, ac aliis divinitatis characteribus quibus (inquiunt,) Spiritus Sanctus humiliter & simplici corde cum quærentibus se prodit. Sed ista Hæreticorum doctrina non solùm sacrorum codicum divinitatem adversus Athæos probare nequit: sed insuper omni errori

& impietati aditum pandit ; quod utrumque facile est demonstrare.

Primò enim quomodo potuerunt adversarii Athæos de Scripturæ divinâ authoritate convincere ? Quomodo notas suas , suosque characteres illis objicient , qui negant se tales notas aut characteres in Scripturis deprehendere ? Quomodo contrâ ipsos ex Prophetiis adimplendis argumentabuntur cum Athæi facilè negaturi sint Prophetias ante eventum rerum quas prædicunt esse conscriptas ; nisi contrarium illis ex traditione demonstretur ? Quomodo tandem eximia præcepta & salubria consilia ad informationem morum pertinentia quæ in Scripturis continentur in medium afferri poterunt , cum statim responsuri sint Athæi , nec ista morum præcepta aut pietatis incentiiva in omnibus Scripturæ libris reperiri , cum nulla ejusmodi in Cantico Canticorum verbi gratiâ reperiuntur ; neque omnes libros in quibus talia reperiuntur , idèò dici posse divinitùs inspiratos ?

Secundò doctrina ista adversariorum ad omnem impietatem viam sternit. Supposito enim quod ex solâ luce quæ in Scripturis fulget earum divinitas agnoscat ; sequitur primò , nullum qui Scripturam integram non legerit , posse de ejus divinitate certum esse , aut actum fidei elicere. Secundò , cum juxtà adversarios articuli nostræ fidei ex solâ Scripturâ eliciantur & cognoscantur , sequitur nullum Fidelem antiquam eam integram legerit posse saltem circà mysteria sanctissimæ Trinitatis , aut Incarnationis (quæ tamen primaria sunt fidei nostræ fundamenta , ac veluti rudimenta) actum fidei efformare : proindeque mentiri ipsum quoties in recitatione Symboli se ista credere profitetur. Tertiò , talem fidelem in illo statu prudenter dubitare posse , num Evangelium sit fabula : num omnes Prophetiæ humani sint capitæ fragmenta : num Christus Dominus fuerit impius & pseudopropheta , meritò propter scelera à Judæis crucifixus : num resurrectio mortuorum sit delirium &c. quæ cum necessario sequantur ex doctrinâ adversariorum , ut invictè probat Illustrissimus Bossuetus Meldensis Episcopus in collatione Gallicâ cum Claudio Ministro Calvinistâ ; sunt tamen

itâ impia & blasphemâ , ut vel ipsis horrorem incutiant , quoties ex eorum principiis evolvuntur , illisque apertè proponuntur.

DISSERTATIO DUODECIMA.

DE DIVERSIS SCRIPTURÆ

sensibus , ac Regulis ad eam intelligendam observandis.

CUM nobis propositum sit in sequentibus dissertationibus præcipuas aliquas Scripturæ difficultates juxta severioris Criticæ leges investigare , easque quantum fieri poterit , apertè & genuino Scripturæ textu elucidare ; necesse est antequàm ulteriùs progrediamur , & ad singulos Scripturæ libros descendamus ut aliquid de ipso Scripturæ sensu , & de methodo , quæ ad eum intelligendum adhibenda est , præmittamus. Primum itaque definiendum est , quid & quotuplex sit Scripturæ sensus ; postea verò exponendum quænam sint regulæ quæ ad illius intelligentiam nos conducunt.

Quod spectat ad primum : cum apud omnes Christianos constet Scripturam sacram à spiritu Dei inspiratam & editam esse ; certum est etiam nihil aliud esse Scripturæ sensum , nisi quod verba ejus ex intentione Spiritus Sancti significant. Sed quoniam *Spiritus ubi vult spirat , & omnia scrutatur etiam profunda Dei* ; indè fit ut qui *vocem ejus audit* , non semper sciat *undè veniat aut quò vadat* , id est , quænam sit ejus intentio , vel quò tendat ejus inspiratio. Hinc est quòd in diversis Scripturæ sensibus designandis ac distinguendis varii variè sentiunt , dum alii unicum , alii duplicem , alii etiam multiplicem esse Spiritus Sancti scopum contendunt. Itaque.

Qui unicum esse Scripturæ sensum arbitrantur , duas in classes inter se omninò oppositas dividuntur : alii enim sensum mysticum prorsùs rejicientes , solùm litteralem recipiunt :

alii è contrà litteralem ità negligunt ut solum mysticum pro genuino Scripturæ sensu agnoscant. Porphirius, referente Eusebio, litem movebat olim Christianis, eosque ridebat, quòd in exponendis Religionis nostræ mysteriis sensum Scripturæ spiritualem seu mysticum interdum adhiberent. Idem præstitit Julianus Apostata, qui etiam ipsos Evangelistas traducere ausus est tanquàm seductores, eò quòd aliqua Scripturæ loca in sensu mystico intellecta Christo applicassent. Sic verbi gratiâ, Mathæum accusat, quòd locum Olée 2. *Ex Ægypto vocavi filium meum* de populo Israëlítico litteraliter dictum, ad Christum transtulerit, ut Gentibus ad fidem conversis isto testimonio illuderet. Hos magistros sequutus Martinus Lutherus, tanto odio exarsit in sensum mysticum, ut cum meretrici conferre non erubuerit: sic enim habet in Genesim caput trigesimum: *Scilicet hac allegoria tanquàm formosa meretrix est quæ ita blanditur hominibus ut non possit non amari, præsertim ab hominibus ociosis qui sine sententia sunt.* Ita ille. Cujus sententiam teste Sixtino Amamâ in Antibarbaro sequuntur hâc in parte multi Evangelicorum, pertendentes (inquit Amama) *unius loci & contextus unum tantum esse sensum à Spiritu Sancto intentum, quem litteralem vocant.* His Heterodoxis adjungit Serrarius Alphonsum Tostatium: sed sanè injuriam viro doctissimo, & de sacris litteris benè merito facit Serrarius. Licet enim neget de factò sensum mysticum, quem quisque pro suo arbitrio ex Scripturis eruit, à Spiritu Sancto intentum esse: nihilominus tantum abest ut cum Heterodoxis dicat ea loca, quæ Apostoli & Evangelistæ in sensu mystico de Christo intelligenda esse docuerunt, ad ipsum duntaxat esse accommodata, nec à Spiritu Sancto intentâ; ut è contrà contendat ea ad Christum pertinere sensu litterali; licet in eodem sensu litterali ad alia pertineant. Undè vix ab aliis Catholicis aliter differt Abulensis quàm in modo loquendi. Ab Hæreticis verò plurimùm discrepat; siquidem contendit unius ejusdemque loci sæpè duos esse sensus litterales.

Alteram sententiam Heterodoxis omninò oppositam sequuntur ex veteribus Philo Judæus, libro de vitâ contemplativâ,

ubi *Scripturæ* suos plurimum commendat, quod spiritualementem sensum sublimius quam veteres Judæi inspicerent. Additque eos comparasse sensum litteralem corpori, quasi invento mystico & spirituali sensu esset penitus abjiciendus. Inter recentiores verò Sebastianus Franschius præfatione ad sua paradoxa, & alii nonnulli de quibus sic loquitur Sixtus Senensis: *Graviter damnandi sunt inepti quidam nostrorum temporum expositores, qui rejectâ prorsus litterali expositione, tanquam re levissimi momenti, & Grammaticis potius, ut aiunt, quam Theologis dignâ, in singulis Scripturæ locis coactas quasdam & insulas allegorias protrahunt, vim inferentes divinæ Scripturæ, & destructâ historiæ veritate ridiculas cogitationes venditant, tanquam magna & arcana Ecclesiæ Sacramenta. Hactenus ille.*

Itaque Doctores Catholici mediam inter istas sententias viam ineunt, docentque duplicem esse Scripturæ sensum, unum litteralem seu historicum, mysticum alterum seu allegoricum. Per litteralem intelligunt communiter cum Divo Thomâ, eum qui proximè & immediatè ex vocum significatione seu propriâ sive translativâ aut metaphoricâ colligitur. Per spiritualementem verò seu mysticum, eum qui ex rebus significatis eruitur: itâ ut hi duo sensus subordinationem quamdam inter se habeant; cum spiritualis in litterali fundetur, eoque posterior sit. Malè ergò Lyranus docet sensum litteralem Scripturæ eum esse quem voces in propriâ significatione designant, etiam si à Spiritu Sancto non sit intentus: spiritualementem vero eum quem voces improprie & metaphoricè declarant; ut verbi gratiâ in hac propositione, *visit Leo de tribu Juda*, sensus litteralis ille sit quem ista verba strictè sumpta significant: spiritualis vero sensus sit, quod Christus vicerit. Ex quo infert eas propositiones quæ in strictâ verborum significatione falsæ sunt, ut est prædicta, nullum habere sensum litteralem. Malè etiam, aut saltem improprie, Abulensis, & Alphonsus à Castro sensum litteralem definiunt, eum quem voces, aut res per voces significatæ designant, modò à Spiritu sancto fuerit intentus.

Porro dari sensum spiritualementem seu mysticum in Scripturis

ex locis penè innumeris ejusdem Scripturæ probari potest. Pauca hic attingimus : Joann. 3. *Sicut Moyses exaltavit serpentem in deserto , ita exaltari oportet filium hominis &c.* Matth. 12. *Sicut fuit Ionas in ventre Ceti tribus diebus & tribus noctibus , ita erit filius hominis &c.* Matth. 2.^o. *ex Ægypto vocavi filium meum.* Joan. 19. *Os non comminuetis ex eo.* ad Galat. 4.^o. *Abraham avos filios habuit , unum de libera &c.* *hæc enim sunt duo Testamenta.* 1. Corinth. 10. *Patres nostri sub nube fuerunt & in Moyse baptisati sunt omnia enim in figurâ contingebant illis.* 1. Petri 3.^o. 1. Corinth. 9. versu 9.^o. *Non alligabis os bovi trituranti.* 2. Corinth. 3.^o usque hodie cum legitur *Moyse*, velamen positum est super eorum. Rom 10. versu 18. *In omnem terram exivit sonus eorum &c.*

Respondent Eterodoxi ista loca & similia in novo Testamento à Christo & Apostolis usurpari, non quod ex intentione Spiritus Sancti mysticam in veteri Testamento habuerint relationem ad ea quibus in novo applicantur : sed quod per sensum , quem vocant accommodativum de quo inirà , seu per quamdam accommodationem, rebus novi Testamenti, tribuantur. Sed responsionem istam magis erroribus suis , quàm Scripturæ verbis accommodare studuerunt Eterodoxi : Scriptura enim non solum ea quæ facta sunt in veteri Testamento eventibus novi accommodavit ; sed eam etiam accommodationem à Spiritu Sancto intentam fuisse expressè affirmavit. Matthei enim 2.^o. expressè asseritur Christum ex Ægypto rediisse , *ut impleretur quod dictum est per Prophetam.* Joan. 19. facta sunt autem ista *ut Scriptura impleretur : os non comminuetis ex eo.* ad Galat. 4.^o. *quæ sunt per allegoriam dicta.* 1. Corinth. 10. *omnes carnem istam spiritalem manducaverunt bibebant autem de Spiritu consequente eos, petra autem erat Christus.* 1. Corinth. 9. *numquid de bobus cura est Deo? an propter nos utique hoc dicit : nam propter nos scripta sunt.* Ex quibus & aliis multis quæ hic faciliè adducere possemus , patet quanta sit pseudo-Evangelicorum temeritas , cum audent asserere, contrà verba Scripturæ manifestissima , nullum sensum mysticum in Scripturis à Spiritu Sancto esse intentum, nec ullum veteris Instrumenti locum aliter in novo fœdere

Christo, Apostolis, aut Fidelibus, quàm per accommodat-ionem fuisse applicatum.

Sed etsi Scriptura tot in locis Spiritus Sancti intentionem tam discretè non exprimeret, unica Divi Pauli sententia quâ asserit 1. Corinth. 10. præcipua omnia & insigniora, quæ circa Israelitas in veteri Testamento facta sunt, figuras fuisse & umbras, ut idem loquitur Hebr. 10. *futurorum bonorum*, seu eorum quæ in novâ Lege Christianis eventura erant: hæc, inquam, unica sententia sufficit ad evertendum adversariorum errorem. Quis enim ita desipiat, ut dicat, Spiritum Sanctum in figuris exprimendis rerum figurandarum nullam habuisse rationem, & ad illas nullatenus attendisse? Itaque in rebus clarissimis diutiùs non immorabimur.

Porro non est hic silentio prætereundum, triplicem sensum mysticum vulgò à Theologis assignari, Allegoricum scilicet, Tropologicum, & Anagogicum. Allegoricus est ille quo, per ea quæ in veteri Testamento facta sunt, edocemur de iis quæ in novo Testamento sunt credenda; ut verbi gratiâ ad Galat. 4. duobus Abrahamæ filiis duo Testamenta designari. Tropologicus ille est quo res gesta sive in veteri sive in novo Testamento ad mores informandos assumitur: ut Matth. 12. Christus Dominus ex pœnitentiâ Ninivitarum duritiam Judæorum arguit. Anagogicus verò est quo res gesta in veteri Lege ad beatitudinem refertur æternam; ut Hebr. 4.^o Apostolus illud Psalms nonagesimi *si introibunt in requiem meam* de terrâ promissionis dictum, refert ad requiem beatitudinis. Denique nonnulli addunt etiam Catagogicum quo res gesta ad pœnas inferni vitandas refertur. Sed de istorum omnium distinctione non est quod multum laboremus. Fatendum enim est veteres Patres istas differencias sensuum mysticorum aut non agnovisse, aut plerùmque neglexisse; siquidem illas omnes sub Allegorico sensu ut plurimum comprehenderunt.

Quæritur vulgò à Theologis circa sensum litteralem Scripturæ, num unius ejusdemque loci sint quandoque plures sensus litterales? Affirmativam sequitur maxima pars Theologorum post D. Thomam: negativam verò tenent Medina

& Ribera ; quia , inquiunt , aliqui incerta effēt Scriptura & æquivocationi obnoxia : nec posset quis à sensu litterali efficaciter argumentari : quia quoties aliqua propositio duplicem patitur sensum , numquam potest esse præmissa demonstrationis : cum enim non magis pro uno probet quàm pro altero , pro neutro efficaciter & necessariò probat. Nobis autem sub distinctione respondendum videtur . si enim per sensum Scripturæ id solum intelligamus , quod à Spiritu Sancto primario ejus authore intenditur , probabilior videtur Medinæ & Riberæ , quàm aliorum sententia , propter allatam rationem. Si autem sensum Scripturæ generalius sumendo , sub eo comprehendamus etiam intentionem scribentis aut proferentis ea quæ in Scripturis proferuntur , fieri potest ut unus idemque locus duplicem sensum litteralem sortiatur , ut certum est de Caiphæ effato *expedit ut unus moriatur pro populo* , Joann. 11.

Cæterum præter sensum litteralem & mysticum , nonnulli tertium alterius speciei adjungunt , quem vocant communiter accommodatitium , Cajetanus verò transumptivum appellat , quatenus scilicet Concionatores quædam Scripturæ testimonia ad populum instruendum , aut veritatem aliquam fidei illustrandam accommodant. Neque verò tantum Concionatores , sed etiam Ecclesia ipsa in officio divino quædam ex Scripturâ Sanctis accommodat. Sic verbi gratiâ Ecclesiastici 44. de Noë dicitur quod *inventus est justus , & in tempore iracundiæ factus est reconciliatio* ; quem locum Ecclesia cuilibet Confessori Pontifici. accommodat. Verùm hic sensus non est proprius Scripturæ , neque à Spiritu Sancto ejus authore ullo modo intentus ; sed ex accidenri & fortuitò eveni : quippè cum alteri rei de quâ Author non cogitavit per solum lectoris inventionem adaptatur. Undè etsi valere possit ad res fidei illustrandas , non potest tamen validum pro his confirmandis argumentum suppeditare. Et ceterè cavendum est tam in hoc sensu , quàm in mystico usurpando , ne dùm Allegoriis & sensibus pro arbitrio excogitatis indulgetur , sensus litteralis & historicus negligatur , ut plerique faciunt , qui cum sensum litteralem ignorent , confectis

expositionibus verba Scripturæ ad suum intentum detorquentes, Scripturas depravant potius quàm exponunt; quos merito reprehendunt Sixtus Senensis, Ribera, Serrarius, & doctissimi Theologi, qui Romæ anno 1586. Regulas ediderunt *de ratione studiorum ab omnibus societatis nominis Iesu observandas*; quarum usus etsi jam diù in consuetudinem abierit, nihilominus valdè utiles sunt & eruditæ. Sic igitur plerosque suæ societatis Concionatores arguunt: *Concinatores etiam scholasticis tantum imbuti studiis, non raro in suis evanescent cogitationibus, de Scripturis verò quas vix primoribus labris degustarunt, aut nihil afferunt in medium, aut parum ad rem, alienis glossis & bucatis argutiis Scripturam adulterantes. Ità illi.*

Denique ut nihil de iis omittamus, quæ ad institutam quæstionem attinent, sciendum est Theologos inter se disputare nùm ex sensu mystico desumi possit efficax argumentum ad res fidei confirmandas: circà quod Medina docet sensum mysticum non esse minoris roboris ad res Fidei probandas, quàm litteralem. Cæteri verò Theologi communiter contrariam sententiam amplectuntur post Divum Thomam loco citato, probantque ex Dyonisio in epistolâ ad Polycarpum ubi ait: mysticam Theologiam, quam alio nomine symbolicam appellat, non esse argumentativam. Quod idem docet & Divus Hieronimus agens de iis Doctoribus qui ex parabolâ mulieris abscondentis fermentum in farinæ satis tribus..... Trinitatem deducebant: sic enim de iis habet: *pius quidem sensus, sed sciendum est quod parabola & dubia enigmatum intelligentia ad auctoritatem dogmatum non proficit.* Nihilominus facile esset utramque sententiam conciliare, si diceremus Medinam & ejus assecclas loqui tantùm de sensu mystico cognito & explorato, ut ab Apostolis & sacris Scriptoribus, qui eo interdum usi sunt, cognoscebatur; Authores verò secundæ sententiæ loqui tantùm de sensu mystico incognito, juxtà illud Divi Augustini: *Quis non imprudensissimè nitatur aliquid in allegoriâ positum per se interpretari, nisi habeat manifesta testimonia, quorum luce manifestentur obscura?*

Quod attinet ad regulas quæ in studio Scripturarum debent observari, cum multi veterum Patrum de illis scripserint, eas breviter hic referemus, quæ potiores & magis necessariæ nobis videntur. Itaque.

Prima regula hæc sit: Scriptura eo spiritu legenda est, quo condita. Undè cum duo spiritus ad eam condendam concurrerint; Spiritus Sanctus tanquam Author primarius, & spiritus Scriptoris qui eam proximè descripsit tanquam secundarius. Spiritus Sanctus autem eam cum maximâ sinceritate absque ullo furo & mendacio, atque non alium ob finem quam ut homines per eam de salute suâ, & mediis ad eam assequendam necessariis instruerentur, inspiraverit: similiter omnes Scriptores proximi sanctitate claruerint, saltè eo tempore, quo illam scripserunt: propterea eodem spiritu, nempe cum maximâ animæ puritate & sinceritate, & ad instructionem tam nostram quam aliorum, est legenda: ita ut qui secus faciunt, vix ac ne vix quidem possint ejus sensum assequi.

Secunda Regula. Ad intelligentiam Scripturæ non est negligenda humanarum disciplinarum ut Grammaticæ, Rhetoricæ, Dialecticæ &c. cognitio: sed præcipuè linguarum peritia magni facienda est; cum eam non tantum utilem, sed etiam necessariam esse constet ad Scripturæ sensum eruendum.

Tertia Regula. Intelligentia Scripturæ, quantum fieri potest, ex ipsâ Scripturâ petenda est; loca cum locis, vetus Testamentum cum novo, obscura cum manifestis conferendo. *Facilius (inquit Origenes) in Scripturâ agnoscitur quod quaritur, si ex pluribus locis quæ de eadem re scripta sunt, exempla proferantur.*

Quarta Regula. A verbis Scripturæ nunquam est recedendum nisi evidens ratio cogat nos recedere, & ad sensum figuratum recurrere, aliàs tota Scriptura periret, tantumque variis & importunis allegoriis, quas quisque pro arbitrio fingeret, constaret. Et hæc est causa cur in quintâ Synodo anathema decies pronuntiatum fuit adversus Origenem, quod sine ratione relicto sensu proprio, allegorias sectatus esset.

Quinta Regula quæ ex precedenti sequitur. Tunc à propriâ verborum significatione oportet recedere , & ad impropriam recurrere , quando quod propriè significatur vel falsitatem vel absurditatem , vel indecentiam contrâ honestatem morum , vel impossibilitatem involuit : verbi gratiâ , cum dicit Christus : *ego sum vitis vera*. Istud , inquit Augustinus , non per proprietatem sed per similitudinem intelligendum est. Et quamvis addat particulam *vera* , vult tantum se non esse vitem infertilem , qualis ea fuit , quæ expectata est ut faceret *unas & fecit labruscas*.

Sexta Regula. Cum aliquem Scripturæ locum per alium non possumus exprimere , neque aut per Ecclesiam , traditionem , uniformem Patrum consensum , aut per rationem ejus interpretatio constat ; sed è contrâ his omnibus consultis restat semper in expositione difficultas , nunquam dicendum est authorem errare ; error enim ille in Spiritum Sanctum redundaret sine dubio ; quippe qui est primarius & proprius Scripturæ author ; alii verò tantum secundarii & veluti instrumentales. Sed tunc asserendum est (inquit Augustinus) vel mendosum esse codicem , vel errare Interpretem , vel non intelligere.

Septima Regula. Diligenter attendendum est quomodo propositio Scripturæ distinguenda vel pronuntianda sit : distinctio quippe & pronuntiatio quæ sensum fidei aut bonis moribus repugnantem continet , viranda est ; ut cum Ariani ita distinguerent hæc verba : *in principio erat verbum , & verbum erat apud Deum , & Deus erat* huic particulæ punctum annotabant subjiciendo *verbum hoc erat in principio apud Deum* quo tuerentur suam blasphemiam contrâ divinitatem Christi cludendo argumentum Catholicorum.

Octava Regula. Quæ gesta sunt , ordine præpostero in Scripturis interdum describuntur per anticipationem , quando posteriora prius recensentur , vel per recapitulationem , quando priora posteriùs commemorantur , quo sensu Matth. 26. narratur Christum post sumptionem sanguinis dixisse : *non bibam amodò de hoc genimine vitis* ; à Lucâ verò hæc tanquam prius dicta referuntur. Huc etiam referri debet quod Scrip-

IN SACRAM SCRIPTURAM. IN
tura interdum loquitur de futuro per modum præteriti aut
præsentis, ut *Isaïæ 9. parvulus natus est nobis, & filius da-
tus est nobis. Propterea illa die fiet populus meus nomen
meum, quia ego, qui loquebar, ecce adsum.* Quæ de Christo
incarnando intelliguntur. Hoc autem factum est à Prophetis,
aut potius à Spiritu Sancto, ut certitudo Prophetiæ hoc
modo demonstraretur, cuius futurus eventus ita certus est,
ac si jam præterisset, aut actu præsens esset.

Nona Regula. Cum omnes Scriptores sacri seu veteris,
seu novi Testamenti, excepto fortassis Beato Lucâ, Hebræi
fuerint, varias loquendi formulas Hebræis proprias nobis re-
liquerunt; quo fit ut ad planiorem Scripturæ intelligentiam
necessarium sit Hebræismos, seu Idionismos hujus Linguae
advertere. Hoc patet in nomine fratris, cum enim Christo
attribuuntur fratres in Evangelio, hoc fit per Hebræismum,
quo nomine fratris contanguineus significatur.

DISSERTATIO DECIMA TERTIA.

De Authore Pentateuchi.

MOYSEM libri Genescos, & quatuor sequentium,
quos ei adjunctos, vulgò Pentateuchi nomine indi-
gant, authorem esse ut certum & indubitatum, ad hoc
usque sæculum tenuerant Authores omnes tam antiqui quàm
recentiores, tam docti quàm indocti, tam sacri quàm
prophani, tam Canonici quàm Ecclesiastici, denique tam
Judæi quàm Christiani. Hujus quæstionis facti tot catenùs fue-
rant testes, quot à Mosis sæculo ad nostrum usque per qua-
ter mille & amplius annos vixerunt homines. In hac tandem
sententiâ Synagoga & Ecclesia adoleverunt & senuerunt,
tantoque animorum consensu eam tenuerunt, ut nullus fuerit
in tanto Scriptorum numero, in tam longo sæculorum
decurfu, in tantâ opinionum varietate & opinantium di-
versitate, qui contrâ tam apertam veritatem vel mutire

cogitaverit. Sed nostro demùm sæculo, quo nec multorum Philosophia potuit consentire rationi, nec Theologia subditi authoritati, nec Ethica inhærere aequitati, nec Critica insistere veritati; quo certissima quæque Historiæ quâ sacræ quâ profanæ capita ab aliquibus in dubium revocata sunt: vixque ipsa fidei nostræ præcipua fundamenta tantam mali labem effugere potuerunt; non defuere etiam Authores tam ex Catholicis, quàm ex Reformatis, qui venerandum istud antiquitatis monumentum, quo veluti fundamento ac basi Religio nostra fulcitur, Moyse adjudicarunt tanquam ab ejus mente alienum, & ab ejus ætate longè remotum. Hujus sententiæ fuerunt ex Reformatorum sectâ Hobbius, author Præadamitarum, & Spinosæ; si tamen huic deistæ fuit aliqua religio. Ex Catholicis verò unus Richardus Simonius Critic. vet. Testam. l. i. c. 5. & seq.

Ut autem suum paradoxum tueantur Authores isti statuunt nulla nobis hodie superesse divinarum Scripturarum *αὐτοψία*; sed ea, quæ ad nos usque pervenerunt, esse tantum quædam veterum Scripturarum compendia, tantâ incurtiâ scripta, & tantâ caligine obducta, ut nihil plerumque intricacius, nihil obscurius legi possit. Adduntque multa in eis confusa, inordinata, trunca, & mutila, sæpius reperta, omissa, & extrâ proprium locum posita reperiri. Verba sunt authoris Præadamitarum. In particulari verò de Pentateucho negant illud tale, saltèm quale nunc habemus, à Mose conscriptum esse ob sequentes rationes.

Primò. Quia Deuter. 1^o. sic habetur: *hæc sunt verba quæ loquutus est Moyses, trans Jordanem*. Quæ verba, inquit, manifestè indicant librum hunc conscriptum esse postquam Judæi jam erant in terrâ promissionis: alioqui si antea scriptus fuisset, debuisset author dicere, non *trans Jordanem*, seu *eis Jordanem*.

Secundò. Quia in Pentateucho dum aliquid de Mose commemoratur, id fit semper in tertiâ personâ. Sæpe etiam aliqua in ejus laudem occurrunt, ut cum Numer. 12. appellatur *mitissimus inter homines*. Et Deuter. 34^o. dicitur quod *post Moysen nullus Propheta surrexit illi similis*. Quis autem credit,

credat, inquit, Moysen hæc de seipso commemorare voluisse?

Tertio. Genes. 12°. dicitur : *Chanaan autem tunc erat in terrâ*, quod manifestè indicat librum eo tempore scriptum, quo Chanaanus non erat amplius in terrâ; consequenterque multo tempore post mortem Moysis.

Quarto. Genes. 22. dicitur : *appellavitque Abraham nomen illius, Dominus videt*. Quod nomen (inquit) huic monti non ante ædificationem templi inditum est.

Quinto. Deuter. 3°. v. 10. & 11°. de Og Rege Basan sic habetur : *monstratur lectus ejus ferreus qui est in Rabbath filiorum Ammon novem cubitos habens longitudinis, & quatuor latitudinis*. At si ista (inquit) à Moysè scripta fuissent, cui bono veritatem historiæ ex lecti ejus mentione comprobare; cum Israelitæ, quos alloquebatur, ipsum Og non pridem antea vidissent?

Sexto. Genes. 14. dicitur quod Abraham Reges, quos debellaverat, persecutus sit *usque Dan*. Atqui nomen istud multo tempore post Moysen huic urbi inditum est, ut patet ex Jud. 18. Idem dicendum de Hebron & civitatibus Jarr Deuter. 3. v. 14. ubi hæc verba *usque in præsentem diem*, augment etiam difficultatem.

Septimo. Multa in Pentateucho commemorantur, quæ post mortem Moysis contigerunt, ut cum Exodi 16°. v. 35. dicitur : *quod filii Israël comederint manna quo usque pervenissent in terram Chanaan*. Sic etiam Genes. 36. v. 31. *Hæc sunt nomina Regum, qui regnaverunt in terrâ Edom priusquam haberent Regem filii Israël*.

Octavo. In fine Deuteronomii mors & sepultura Moysis referuntur, quæ tamen à Moysè scribi non potuerunt.

Nono. Libri à Moysè scripti sæpè in Pentateucho commemorantur, ut Exodi 24. liber fœderis. Numer. 21. liber bellorum Domini, & Deuter. 31. v. 9. liber legis Dei. Ergo (inquit) authores aliqui Moysè posteriores Pentateuchum scripserunt.

Præter hæc argumenta, quæ ex Moysis autoritate deprompta sunt, Richardus Simonius alia etiam superaddidit, quibus præcipuè innitur ejus sententiâ circa Scripturas.

Contendit igitur fuisse semper in republicâ Judæorum quosdâ à Senatu deputatos, quos Prophetas nuncupabant, qui rebus gentis suæ conscribendis incumberent, quorum scripta postmodum ab eodem Senatu examinata & approbata publicam merebantur auctoritatem. Hos autem Prophetas seu Scriptores historię reipublicę à Senatu dedicatos, sui temporis diaria conscripsisse asserit, quæ postea ab aliis sequioris ætatis publicis item Scriptoribus in compendium redacta, iterum Senatûs examini subijciebantur. Istos autem Scriptores à Synedrio rebus cujusque sæculi conscribendis designatos, divinitus afflatos fuisse non dubitat Symonius. Cæterum contendit eos sicut res gestas sui temporis fusiori stylo diartiorum more conscribere; sic priorum historias ac prophetias pro suâ voluntate breviasse ac immutasse. Unde factum putat ut dum sola compendia in manibus omnium essent, fusioribus historiis in archivo reservatis, sola etiam compendia pluribus in locis mutila ac valde neglecta ad nos usque transmissa sint. Hæc autem compendia iis in libris comprehensa esse non dubitat, quos in unum collectos veteris Testamenti nomine insignimus. Et hæc quidem sunt fundamenta, quibus Neotherica ista sententia innititur.

Verum facile est has araneorum telas dirumpere, librosque Mosæicos ab istorum Scriptorum temerariâ assertionem vindicare.

Primò enim, etsi gratis daremus adversariis, omnia loca Scripturæ quæ proferunt, alium à Mosè Scriptorem habuisse; necdum tamen inde inferri posset contrâ expressam utriusque fœderis infinitis in locis auctoritatem; contrâ receptissimam totius orbis traditionem, & indubitam celeberrimorum Scriptorum fidem, libros istos Moyse abjudicandos esse. Enimverò etsi ea, quæ ab illis proferuntur, vera supponeremus, probarent ad summum aliquam in istis libris à tempore quo vixit Moyses, mutationem factam fuisse. Quis autem nesciat libros antiquissimos quæ sacros, quæ profanos, de quorum authoribus nemo unquam dubitavit, ejusmodi mutationes passos fuisse, iisque rescriptos esse. Quis nesciat apud Homerum, Herodotum & alios veteres

autores, præsertim historicos, plurima urbium & locorum nomina immutata, plurima etiam explicationis ergo breviter addita fuisse. Id certè fatetur ipse Simonius in responsione ad objectiones Theologorum Bataviæ. Quidni ergo idem fieri potuisse in libris Moïsis facillè quisque perspiciat absque eo quod genuinum illius opus esse desinant, ipsique merito tribuantur.

Sed quamvis abundè sufficere posset ista responsio, loca tamen ab adversariis prolata, talia non sunt, ut in eâ solâ nobis hæreere necesse sit. Cum enim nullus locus ex iis quæ proferunt adversarii ætatem posteriorem, & manum Moïsis ævo recentiore efficaciter arguat, non est cur ad immutationes & additiones postmodum factas recurramus: quod ut manifestum fiat, breviter ad singula loca respondebimus. Itaque.

Ad primum respondeo, Verba Hebraici textus non magis *trans jordanem* quam *eis jordanem* significare, ut probat Franciscus Vatablus, & fatentur Pagninus, Buxtorfius, & quotquot mediocriter linguam Hebraicam callent. Undè si ad litteram vertatur hic locus, dicendum erit non *trans jordanem*, sed *in transitu jordanis*, sive cum Israelitæ Jordanem proximè transirent.

Ad secundum. Nihil fecisse Moïsem sive cum de se in tertiam personam locutus est, sive cum aliqua quæ ipsi in honorem vertebantur, protulit, quod non idem etiam Julius Cæsar in suis commentariis & Josephus in libris de bello Judaico effecerint.

Ad tertium. Dum dicitur quòd *Chananeus tunc erat in terrâ* sensum non esse quòd olim antequàm hic liber scriberetur, Chananeus erat in terrâ, ex quâ jam diù ejectus fuisset, quando conscriptus est, ut inferre conatur objectio: sed quòd eo tempore, quo Abraham cœpit istam regionem incolere, eam Chananeus jam tùm occupabat & possidebat.

Ad quartum. Objectionem gratis omninò supponere montem istum non antè ædificationem templi, appellatum esse montem *in quo Dominus videbit*; cum è contrâ clarum sit ex Scripturâ montem istum denominationem suam sortitum

esse à responsione Abrahæ ad filium suum , quando ipso interrogante ubi esset victima holocausti , respondit pater , *Deus providebit sibi victimam fili mi.*

Ad quintum. Potuisse id Moysen dicere : Primò quia licet ipse Moyse Og Regem Basan occidisset , non est tamen probabile omnes Israelitas , qui in tanto numero erant , ipsum Og vidisse. Secundò quia etsi illum omnes vidissent (quod parum verisimile est) poterat nihilominus Moses ex conservato apud Ammonitas illius gigantis lecto , fidem sibi apud posteros conciliare , ut solent omnes Historici , dum aliquid narrant , quod etsi eo quo scribunt tempore satis notum sit , dubium tamen posteris posset ingerere.

Ad sextum. Primò non fore mirum si nomina aliqua , quæ nonnullis urbibus post obitum Moysis indita sunt , in ejus libris iisdem urbibus tribuerentur , ut suprà dictum est. Secundò nihil hic asserri ab adversariis , quod Moses ipse scribere non potuerit. Nam certum est civitates Jair nomen istud sortitas esse ipsius Moysis tempore ; neque magis posteriorem ætatem arguere id quod subditur , eas nimirum sic fuisse appellatas *usque in præsentem diem* , quàm dum Petrus Apostolus Actor. 1.^o dicit agrum Judæ proditoris vocatum esse *Haceldama usque in præsentem diem* , inde inferri possit id longo tempore post mortem Judæ à Divo Petro dictum esse. Quod verò ad Dan attinet , nomen istud ipso etiam Moyse antiquius est , siquidem Jordanis fluvius à duplici fonte Jor nimirum & Dan suam appellationem habuit , & præter urbem , quæ à tribu Dan sic designata est , erat & alia urbs ejusdem nominis in tribu Juda circà regionem Sodomorum.

Ad septimum. Primò Moysen facile scribere potuisse filios Israël manna comedisse quadraginta annis , siquidem dicerat à Deo totidem eos annis in deserto futuros , priusquàm terram promissionis hæreditarent ; ut patet ex Num. 14. Secundò Mosen similiter certò præscivisse futurum ut filii Israël aliquando Regem haberent , ut patet ex Deuter. 17.^o , sicque nihil obfuisse quominus diceret : *ansequàm haberent Regem filii Israël.*

Ad octavum. Omisâ responsione Josephi & Philonis, qui volunt hoc à Mose scriptum fuisse spiritu prophetico, libenter fateamur, ea quæ de mortæ & sepulturâ Mosis ibi habentur, aut ab Esdrâ, aut quod probabilius est, à Josie Mosis successore addita fuisse.

Ad nonum. Primò nihil juvaturum adversariorum sententiam, aut librorum Mosis veritatem infirmaturum, etiamsi fateremur aliquos libros Mose antiquiores aut priùs jam ab ipso editos, postmodum in Pentateucho citatos esse. 2°. Probari nullatenus posse ab adversariis Mosen de ullo alio libro, qui in Pentateucho non comprehenderetur, loquutum fuisse. 1°. Enim valdè incertum est, an aliquis fuerit unquam liber bellorum Domini. Præterquàm enim in Hebræo non habetur: *sicut scriptum est*, sed: *sicut scribetur*, aut *dicitur*; siquidem vox Hebraica tam significat, dicitur, quàm scribetur; & sensus videtur esse, fore ut Israelitæ isto uterentur proverbio cum in sæculis futuris narraturi erant bella Domini; nisi quis malit cum nonnullis aliis id interpretari de aliquo Cantico in quo bella Domini & victoriæ ejus laudabantur. 2°. Locus Exodi 24. non probat Moysen scripsisse alium fœderis librum ab ipso Exodi libro distinctum: sed tantum illum ea quæ in monte à Deo didicerat coràm populo pronuntiasse; ac postea in ipso Exodi volumine conscripsisse. 3°. Liber Legis de quo mentio fit in Deuteronomio, ab ipso Deuteronomio non distinguitur.

Ex quibus omnibus patet, quam levibus nixi fundamentis, & quantâ temeritate conentur adversarii librorum Mosis auctoritatem evertere, & receptam ab omni ævo traditionem in dubium revocare. Sed necesse est ad opinionem istam radicitus convellendam, ut de publicis Symonii Scriptoris pauca subjungamus.

Sciendum est igitur ea omnia, quæ de Scriptoris istis fusè prosequitur Symonius tam in Criticâ, quàm in ejus defensione, meram hypotesim continere, nullumque in Scripturâ aut veterum scriptis habere firmum fundamentum. Quid enim etsi Prophetæ in Scripturis appellantur, qui plerisque Scripturæ libros ediderunt; an idèò istam

appellationem sortiti sunt, quia conscribendis sui temporis historiis deputati erant? An verò potius quia prophetico spiritu pleni futura prædicebant, divinamque voluntatem populo suo manifestabant? Certè hæc posterior appellationis istius ratio ubique Scripturarum manifesta est: sed prior nullibi comparet; nec uspiam ostendere poterit Symonius quemquam in Scripturis Prophetam fuisse nuncupatum, qui spiritu prophetico afflatus non fuerit. Asserere verò cum eodem Symonio illos omnes, qui scribendæ historiæ à Senatu deputabantur, prophetico spiritu statim afflatos fuisse, non solum est petere principium, sed etiam Scripturam Sacram Athæorum & impiorum ludibrio exponere. Quomodo enim probabit Symonius quoslibet de Israelitico populo, statim atque scribendis historiis à Senatu deputati erant, infallibiles evasisse, ac Divino Spiritu fuisse repletos? Aut quomodo persuadebit publicis illis Scriptoribus aliam deberi fidem quam aliis quibuslibet Prophanae Historiæ publicis item Scriptoribus? Neque ab hac difficultate expediet se Symonius respondendo Senatum Judæorum à quo tales Scriptores constituebantur, fuisse divinitus inspiratum. Quidquid enim sit de Senatus istius perpetuâ duratione, & infallibilitate, constat non aliam fuisse istius cætus infallibilitatem, quàm quæ hodie à Catholicis totius Ecclesiæ cætui in Conciliis tribuitur. At auderet-ne asserere Symonius cum omnem Scriptorem qui ab œcumenico Concilio sui temporis historiæ conscribendæ deputaretur, statim ab istâ deputatione infallibilem evasurum, & in exequendo munere fore divinitus inspiratum? Neque magis pro Symonio facit quod talium Scriptorum libri, priusquàm in republicâ consequerentur autoritatem, Senatus judicio & examini subjicerentur. Præterquàm enim tale examen magis adhuc incertum est quàm talium Scriptorum existentia & successio; tantùm abest ut aliquid pro eorum divinâ inspiratione faciat, ut eam potius elevet & evertat. Si enim tales Scriptores fuissent à Deo in suis historiis inspirati, non debuissent postea subjici Senatus examini. Nunquam enim talis inspiratio in Conciliis definitur, nisi cum ab aliquibus in dubium revocatur. At juxta

Symonium dubitari non poterat de publicorum Scriptorum autoritate, & divinâ inspiratione. Adde quod talis inspiratio nonnisi ex traditione & aliis signis exterioribus ab Ecclesiâ definiri potest. Ecclesia enim suam infallibilitatem divinâ inspiratione non consequitur, sed directione, quâ in fidei examine ab omni errore immunis conservatur. At quo tandem signo, Senatus Judæorum de suorum historicorum divinâ inspiratione & ἀνέμπτωτον judicasset? Quidquid circa hoc dixerit Symonius sine ullo erit fundamento.

Quod verò subjungit Symonius de privilegio suorum Scriptorum, quo nimirum præcedentium Prophetarum libros pro suâ voluntate breviabant, & sola sua compendia populo legenda præbebant, magis adhuc temerarium est & insulsum. Quis enim ferat authorem Catholicum & virum aliqui eruditum asserere cum Præadamitarum patrono nullam nobis superesse Scripturam nisi breviam, mutilam, confusam, intricatam, multisque refertam synonymis inutilibus, & historiis quæ aliter & aliter à diversis Scriptoribus referuntur? Quis sibi persuadeat frequentes earumdem vocum & sententiarum per alias synonymas repetitiones breviati libri argumentum esse, & non potius ad linguæ genium, seu idiotismum pertinere; & simplicem primi Scriptoris stilum, potiusquàm excogitatum brevioris sermonem exhibere? Quis credat omnes Scripturæ libros esse mera compendia, quia id de nonnullis Scriptura videtur asserere? Quis credat eos à tempore quo facti sunt & Spiritu Sancto inspirante conditi, sæpius tactos & immutatos fuisse? Quis demùm credat omnium librorum Scripturæ compendia ad nos usque pervenisse, integra verò & primitiva sacrorum Scriptorum volumina non solum periisse, sed etiam omnibus veteribus sive Christianis sive Judæis fuisse incognita? Hæc & alia multa quæ subungi facile possent satis demonstrant, quàm absurda sit opinio quâ Symonius sua compendia nullis nisi arenosis nixa fundamentis, reluctanti- bus Patribus, & ipsâ invitâ ratione conatur adstruere.

Quæritur potest quo tempore Pentateuchus à Mose conscrip- tus fuerit? Ad quod respondeo nonnullos autores, ut Lu- dovicum Thenam, & Bened. Pererium, docere librum

Genesis à Mose scriptum fuisse ante egressum Israëlitarum de Ægypto. Sed probabiliorem esse Eusebii & veterum opinionem asserentium nonnisi post Legis promulgationem, cum fuisse conscriptum. Hoc autem inde patet, quia liber Geneleos nonnullis in locis manifestè alludit ad aliqua Legis præcepta; ut cum Genes. 2.^o loquitur Moses de sabbati sanctificatione, & Genes. 7.^o ψ. 8.^o de animalibus mundis & immundis. Cæteros libros quod attinet, certum est eos post Legem promulgatam scriptos fuisse, immò probabilissimum ex nonnullis phrasibus, verbi gratiâ, *usque in presentem diem*, non nisi post multos annos ab egressu de Ægypto, & paulò ante obitum Moïsi esse editos.

DISSERTATIO DECIMA QUARTA.

AN ANTE ADAMUM ALII

*homines extiterint, & utrum mundus in
instanti creatus fuerit.*

QUAMVIS paradoxum, quo non ità pridem Author anonymus ex reformationum sectâ astruere conatus est Adamum non fuisse primum hominem, sed infinito jam propemodum tempore ante ipsum alios extitisse, magis contemptu & risu, quàm confutatione dignum videatur: nihilominus quia hisce temporibus plures reperiuntur inter ipsos Christianos, qui nullam occasionem prætermittunt Religionem nostram deprimendi, & sacram Scripturam ludibrio exponendi; quique ea omnia quæ adversus alterutram vel utramque aliquid facere videntur, avidè arripiunt: ne fortè Præadamitarum auctoris rationibus abutantur, ejusque cavillationes & deliria pro firmissimis argumentis venditent; non pigebit hinc eas referre, & sacre Scripturæ malleo conterere. Itaque.

Prima ratio quâ suos Præadamitas adstruere conatur

Neotericus

Neotericus Author, quam etiam passim urget, tum in dissertatione, tum in systemate Theologico, petitur ex Roman. 5^o. ubi Apostolus loquens de prævaricatione Adami, & de peccato originali sic habet: *usque ad Legem enim peccatum erat in mundo, peccatum verò non imputabatur cum non esset Lex.* Ex quo loco sic argumentatur: Lex de quâ hîc loquitur Apostolus est lex à Deo Adamo imposita; siquidem est lex ante quam nulla adhuc fuerat. Nihilominus tamen agnoscit Apostolus ante illam legem, quam Adamus in creatione accepit, peccatum jam fuisse in mundo, quamvis ob carentiam Legis non imputaretur mundo. Ergo agnoscit Apostolus ante creationem Adami jam extitisse homines peccatores, proindeque Præadamitas. Sed facile confutatur ista ratio; manifestè enim petit principium, cum gratis supponat Legem de quâ loquitur Apostolus, esse legem Adamo à Deo impositam. Contrarium enim manifestum est ex ipso capite quinto à Præadamitâ citato, in quo certum est Legis nomine non aliam à Mosaicâ designari. Primò quia disertis verbis Apostolus Moysen nominat, cum dicit mortem regnasse ab Adam usque ad Moysen, etiam in iis qui non peccaverunt. Secundò quia per Legem eam intelligit in quâ juxtâ ipsum nemo justificari potuit. At istam Legem non aliam esse à Mosaicâ passim inculcat Apostolus in Epistolis ad Romanos, ad Galatas, & ad Hebræos. Tertiò quia si ratio Præadamitæ subsisteret, falsò asseruisset ibidem Apostolus mortem & peccatum per Adamum in mundum intrasse; siquidem ante ipsum multi jam extitissent qui morti subjacuisent, ut fateatur ipse Præadamita.

Quod si urgeat locum Apostoli in quo sic habetur, *Peccatum non imputabatur cum non esset Lex.* Respondeo primo locum istum in Græco sic haberi ἀμαρτία διὰ τὴν νομίαν ἐν αὐτοῖς νομῶν, id est peccatum verò non imputatur, (vel potius non putatur seu non censetur) cum nulla est Lex. Vide Biblia Plantiniana anni 1580. notas Joannis Benedicti, & plerisque Interpretes. Secundò istud Axioma non afferri ab Apostolo per oppositionem ad Legem Moysis aut Adami:

sed in genere per oppositionem ad omnem legem juxta illud Romanorum quarti : *ubi non est Lex nec prævaricatio.* Ex quo inferit Apostolus , quod cum peccatum jam regnaret antequam Lex Mosaïca existeret , aliam legem fuisse violatam quâ peccatum originale contraheretur.

Secunda ratio Præadamitæ petitur ex diversâ origine Judæorum atque Gentilium , quæ hinc probatur quod Judæi in Scripturis ubique à Gentilibus distinguantur. Judæi enim vocantur filii Dei , Gentiles verò filii hominum. Vel si quando Judæi vocantur filii hominum , tunc Gentiles vocantur tantum Terrigenæ. At undè ista distinctio nisi quia Judæi ab Adamo , qui à Deo plasmatus est , originem ducunt , Gentiles verò ab hominibus quos ab initio mundi Deo jubente terra produxit. Sed respondeo hic quoque Præadamitam petere principium ac supponere quod probandum est : diversæ quippe appellationes diversam originem non arguunt , sed tantum prærogativas diversas. Hoc autem indè probatur quòd plerumque in locis à Præadamitâ prolatis , non alii Judæis opponuntur quam Chananæi , Philistæi , Idumæi , aut Aegyptii , quos tamen ab Adamo , non minùs quàm Judæos oriundos esse ne ipse quidem inficiari potest.

Tertia ratio Præadamitæ talis est. Creatio hominis quæ refertur Geneseos secundo , diversa & posterior est ab ea quæ Geneseos primo refertur ; atqui creatio quæ Geneseos secundo refertur est creatio Adami ; ergo creatio quæ Geneseos primo narratur , est creatio Præadamitarum. Probatur major , 1^o. quia Geneseos primo dicitur quod Deus masculinum & feminam simul creaverit , *masculum & feminam creavit eos* ; cum tamen Geneseos secundo expressè habeatur Adamum ante Evam formatum esse , certòque colligatur ex eodem capite non modicum temporis spatium intercessisse : siquidem non est formata mulier , nisi postquàm Adamo in Paradiso collocato , nominibusque cunctis animantibus impositis , quasi experimento advertit Deus non esse bonum hominem esse solum. Secundo quia in primo capite priùs mentio fit de specie quàm de individuis , fecit hominem *masculum & feminam creavit eos.* In secundo vero capite non

ita. 3°. Quia perfici non potuerunt uno die sexto, quo primos homines creatos fuisse Scriptura asserit, quæcunque capite secundo ante creationem Evæ facta referuntur, ut sunt formatio hominis, inspiratio animæ, translatio in Paradisum, adductio animantium, quorum plurima cum in remotissimis regionibus essent creata, tam citò adduci non potuerunt, impositio nominum juxta cujusque naturam, sopor Adami, uxoris ædificatio, & ad virum adductio. 4°. Quia Eva nonnisi lunâ secundâ creata est, ut volunt Judæi, referente Salmasio in annis climatericis.

Respondeo negando majorem. Contrarium enim in Scripturis ubique manifestè apparet: & certè utramque Scripturam tam veteris quàm novi Testamenti evertemus, si cum Præadamita statuerimus Adamum non esse primum hominem. Nam primò si infinitis penè temporibus ante Adamum jam extitissent homines, ut vult Præadamita, cur necesse erat, ut Adam à Deo crearetur, cum tam facile ex aliis hominibus nasci posset. Secundò cur dixisset Deus non est bonum hominem esse solum, si tunc temporis tot existissent formæ quæ Adamo in matrimonium jungi potuissent? Tertiò cur primùm tandem Adami tempore indita fuissent cunctis animantibus sua nomina? Quartò cur homo de quo loquitur Scriptura Geneseos 1°. versu 27°. non minùs disertè vocatur Adam quàm qui Geneseos secundo creatus est? Imò cur Hebraicè omnes homines Adami nomine nuncupantur, nisi quia omnes de terrâ rusâ, ut dicitur Geneseos secundo? Iaque adeò clarum est, ut id vel ipsi Poetæ agnoverint, quod patet ex Juvenali satyrâ sextâ, in quâ Prometheo tribuit, quòd primos homines ex luto formavit.

Composique Into (inquit) nullos habuere parentes.

Quintò Scriptura asserit Geneseos secundo, Sapientiæ undecimo, & Romanorum quinto, mortem ab Adamo incepisse. Et tamen si Præadamitæ credimus, infinitis antecum sæculis homines jam moriebantur. Sextò cur Geneseos 2°. Eva mater omnium viventium vocaretur, quæ tamen, si Præadamitæ ratio subsisteret, paucissimorū tantum in aliorum

comparatione mater esset ? Septimò cur Chronologia sacra ordine Synthetico ab Adamo orditur Genesios quarto, in cumque ordine Analitico definit Lucæ tertio ? Octavò cur omnes homines passim in Scripturis vocantur filii Adam, ut Deuteronomii 32. versu 8. Ecclesiastes 3°. Hieremiæ 32. 1. Regum cap. 26. versu 19°. 2. Regum cap. 7. versu 14° ? Nonò cur Christus Mathæi 19°. de divortiis agens & rem ἀπ' ἀρχῆς repetens recenset Adami & Evæ matrimonium, nisi quia de facto fuit omnium primum ? Quo etiam sensu idem Christus asserit Joannis 8°. Satanam homicidam fuisse ab initio. Decimò cur Apostolus actorum 17°. coràm Atheniensibus disserens dicit omnes homines esse *ab uno sanguine*, nisi quia de facto ex uno Adamo omnes prodierunt ? Nec responderi potest idè omnes ex uno sanguine, quia ex eadem terrâ : alioquin homines & asini ex eodem sanguine dicendi essent. Undecimò cur idem Apostolus Romanorum 5°. dicit per Adami peccatum mortem in omnes homines pervasisse, quia in eo omnes peccaverunt : nisi quia de facto omnes in eo seminaliter fuerunt ? Et certè injustum foret peccatum alicujus imputari alteri & in eo puniri, qui nullâ ratione cum eo qui peccavit conjungeretur. Duodecimò cur 1. ad Corinthios cap. 11°. idem Apostolus ad Gentiles scribens universim de specie hominum asserit non virum ex muliere, sed mulierem ex viro, si id de solis Judæis verum esset ? Cur primæ ad Timotheum 2. ut mulierum subjectionem ergà viros probet, assumit Adamum primum fuisse formatum deinde Evam ? Quid enim istud faceret pro mulieribus Gentilium quæ juxta authorem Præadamitam unâ cum viris formatæ sunt ? Cur denique primæ ad Corinthios cap. 15°. versib. 45. 47. 48. & 49. Adam absolute & sine restrictione dicitur *primus homo* ; præsertim cum instituta comparatio ab Apostolo inter Adamum & Christum stare non possit, nisi quemadmodum omnes ducunt originem cœlestem à Christo, terrestrem etiam ducant ab Adamo ?

Ad rationes vero quibus Præadamita majorem sui arguementi probare contendit, negatur masculinum & femininum eodem instanti creatos esse, nisi quis fingere velit cum Rabbinis

hominem creatum esse ἀνδρῶν. Masculum & foeminam creatos Scriptura quidem dicit, at eodem instanti creatos non dicit. Ludit autem Præadamita dum asserit tempus seu moram Deo fuisse necessariam ad plasmandum seu formandum Adamum: quasi verò Deus sit sicut homines. Idem esto iudicium de supposititio experimento, quo vult Deum comprobasse, non esse bonum hominem esse solum. Fingit autem cum de animantibus in remotissimis regionibus creatis agit: quippe cum omnia juxta Paradisum essent condita, ac per hoc faciliè adducibilia. Sapientissimus porro Adamus faciliè imponebat nomina rebus. Ridendum verò se præbet author systematis, cum tradit Adamum infantem creatum fuisse, Evamque similiter, Adamo jam adulto, infantem creatam; ut ei grandior tacta matrimonio jungeretur. Quis enim Adamo infanti ubera sua præbuit? aut pultes coxit? aut cum fasciis involvit? Ejusdem fursuris est quod addit Adamum edoctum fuisse naturalem historiam ut animalibus nomina posset imponere. Id autem hausit Præadamita ex quorundam fabulis qui Sombocher Adami præceptorem faciunt. Stultum denique pariter est quod de Judæis ex Salmasio refert Præadamita, Adamum lunâ primâ, Evam verò lunâ secundâ creatos esse; siquidem quarto die Luna creata est, biduò antè creationem Adami; tuncque ut admodum probabile est, Soli erat opposita, quamquam etsi Scriptura assereret, quod obtrudit Præadamita, facile posset explicari, quomodo Adamo & Evâ eodem die solari creatis, diversis tamen lunæ diebus creati essent. Cæterum tam improprie urgetur vox ædificandi in muliere pro diuturniori morâ in ejus creatione asserendâ, ac improprie diceretur Deum lapidibus ac cæmento usum esse in ejus creatione.

Quarta ratio Præadamitæ talis est: Incredibile est & contra consilium Dei initio mundi unicum hominem esse creatum. Sed necesse fuit plures simul in singulis regionibus creati; alioqui terra, quæ mirum in modum ornata fuerat in creatione, prius in solitudinem redacta fuisset, sylvisque repleta, quàm habitari posset. Insuper & multiplicata in singulis regionibus bestię eas reddidissent inhabitabiles. Quæ

duo prohibuerunt quominus Deus deleret pariter omnes populos terræ Chanaan, quos paulatim tantum delere voluit, ut habetur Exodi 23. & Deuteronomii 7°. Sed responderetur hanc rationem frivolum esse. Primò enim tunc tantum solitudo horrorem incutit cum est privativa, non verò cum est tantum negativa; sufficiebatque ut Adamus sciret omnem terram filiis suis brevi multiplicandis esse destinatam. 2°. Multiplicatio bestiarum timenda non erat, siquidem duæ tantum cujusque speciei fuerant conditæ, proindeque cum eis etiam genus humanum multiplicabatur.

Quinta ratio Præadamitæ ex eo petitur quod Genes. 3°. Scriptura referat Abel fuisse pastorem ovium, Cain verò agricolam: hæc enim duo necessariò supponere videntur Præadamitas. Ad quid enim Abel habuisset greges ovium, nisi fuissent homines qui eorum carnibus vescerentur? Ad quid oves custodisset, nisi jam tunc fuissent fures? Similiter quomodo potuisset Cain agriculturam exercere nisi jam tunc temporis plures aliæ artes extitissent quas agricultura supponit? Ejusmodi sunt artes effodendi ferrarias, fornaces excitandi, malleos fabricandi quibus secures cuderentur, & vomeres, ad cædendas arbores terramque secandam. Præterea divisio bonorum quæ tunc erat in usu satis arguit societatem jam diù formatam. Sed responderetur negando tot artes, quot author enumerat, necessarias fuisse, ad georgicam aut bucolicam artem. Quis enim nesciat artes omnes ab exiguis & rudibus initiis paulatim ad perfectionem progressum fecisse? Deindè facillimum tunc erat terram colere, hocque facilius adhuc in Mesopotamiâ quàm alibi. An autem terro an aliter tunc sulcata fuerit terra incertum est: id faciliè ex cæsis & acutis silicibus, aut ad id aptatis arborum ramis fieri poterat. Sed etsi diceretur Adamum præcipuas artes calluisse, easque filiosque suos docuisse, nihil incredibile & exoticum assereretur. Quod autem ad Abelem attinet, non solum ob fures cavendos, sed etiam ob lupos arcendos custodiuntur oves. Id tamen ob utrumque præstare potuit Abel. Dubitari enim non potest eo tempore quo Abel occisus est, nimirum circà annum 129^m. Adami, jam plures extitisse

hominum miriades. Cum enim Scriptura indicet eadē Abelis contigisse multis diebus postquā ipse & Cāin suas artes separatim exercebant, statimque post occisum Abelem Seth natus referatur; immeritō eadē Abelis ante annum mundi 129. aut circiter collocaremus. At eo tempore utrumque jamdiū uxorem duxisse non solum ratio suadet, sed etiam Scriptura clarē insinuat, cum eos separatim res suas habuisse indicat. Separari enim non debuerunt à parentibus nisi ut uxoribus quæ unā cum ipsis ex omnium consensu nate sunt, adhererent. At si juxta Hebræorum magistros supponamus eos saltē anno ætatis 20°. uxores duxisse, ac similiter reliquos magno numero ab Adamo genitos idem præstitisse, facile apparebit jam tunc temporis genus humanum mirum in modum multiplicatum fuisse.

Sexta ratio petitur ex eo quod Cāin fratrem suum extrā conspectum omnium duxerit ut eum interficeret, nimirum ne statim apprehenderetur & puniretur. Deindē etiam ex timore quo metuebat ne à quovis statim occideretur. Ut quid enim id timere potuisset, si præter Adamum & Evam nullus tunc superfuisset? Ut quid etiam in aliam regionem profugus migrasset? Nec certē absque fundamento erat ejus timor, siquidem Scripturā referente *Deus posuit in eo signum ut non interficeret eum omnis qui invenisset illum.* Confirmatur etiam ex eo quod Josephus refert eum in latrociniis totam vitam transegisse. Idem quoque probat quod Scriptura refert Cāin ædificasse civitatem quam vocavit nomine filii sui Enoch. Quomodo enim solus id facere potuisset? vel potius quomodo id facere cogitasset? Sed ista ratio sufficienter confutatur ex responsione ad præcedentem: supponit enim homines qui tunc vivebant non potuisse alios esse quam Præadamitas, quod tamen falsum esse demonstravimus.

Septima ratio indē petitur quod omnes antiqui Philosophi aut mundum æternum effecerint, aut ejus originem omnibus incognitam esse agnoverint. At si ea tantum fuisset mundi duratio, inquit Præadamita, quæ ab Adamo fluxit, fieri ne potuisset ut in istas opiniones abirent Philosophi?

Sed respondetur 1°. Quod si etiam veteres omnes mundi æternitatem astruerent, nihil aliud indè conficeretur nisi eos ejus originem ignorasse, quod nullatenus juvat Præadamitam. 2°. Nullum ferè ex veteribus antè universalem mundi æternitatem statuisse, ut in 8^m. Physicorum observant Conimbricenses.

Octava ratio petitur ex veterum Gentilium chronologiis quæ multo longiori tempore extenduntur, quàm ea quæ in Scripturis habetur. Chaldæi enim teste Diodoro Siculo usque ad Alexandrum magnum septuaginta annorum millia numerabant, ex quo sydera capissent observare; quod etiam de iisdem refert Cicero libro 2°. de divinatione. Ægypti verò referente apud Salmasium vetustissimo Scriptore 30°. Regum suorum Dynastias faciunt quas per tres annorum myriades durasse volunt. Refert autem Diodorus libro 1°. Bibliothecæ parte secundâ Reges indigenas ultrà 4700. Ægyptum gubernasse. Herodotus in Euterpe narrat sibi à Sacerdotibus Ægypti ostensos fuisse in quodam cænaculo 341. Colossos, quos imagines esse totidem Regum hominum asserbant; ostendebantque non solum eorum genealogiam, sed etiâ tempus quo isti regnum tenuerant nimirum. 10340. Refert etiam Plato in Timæo Solonem ab Ægyptio Sacerdote irrisum quod nesciret Athenas cives inclytos habuisse decem mille annis antè diluvium. Quod idem ex Platone refert nec refellit Arnobius. Denique Sinarum periodus referente Scaligero in libro de emendatione temporum constat annis 88888. cum quibus omnibus conveniunt Americani in suis chronologiis. Sed respondetur Præadamitam fabulas pro veritate adoptare, cum Ægyptiorum, Chaldæorum & aliorum chronologiis fidem adhibet. Sed & sibi in hâc parte contradicit. Negare enim nequit populos istos ex Adamo esse oriundos. Si tamen statuamus apud istos populos annos mensuratos fuisse aut quadrimestres, quales in Ægypto viguisse testantur Diodorus, Varro apud Lactantium, Plinius, Proclus, Plutarchus & alii, faciliè pleræque veterum Epochæ cum sacris litteris conciliari poterunt, ut de Ægyptiis ostendit Cælius ad annum mundi 1682. Non debuit itaque Præadamita tantum

rantum urgere, tum Ægyptiorum Chronologiam, tum fabulas à Sacerdotibus Ægypti Soloni assertas.

Nona ratio petitur ex progressu Astronomiæ, Astrologiæ, Theologiæ & Magiæ Gentilium. Cum enim, inquit Præadamita, ista scientiæ nonnisi post longissimas & diuturnas milliorum annorum observationes haberi potuerint, inde confici necesse est, mundum multò antiquiorem esse quàm vulgò feratur. Sed responderetur Adamum habuisse scientiam præcipuarum artium, proindeque eas suos posteros docere potuisse. Potuerunt etiam homines ante-diluviani (ut eos fecisse refert Josephus) Astronomiam exercere, & cum diù tunc viverent, facile unius vita ad eam perfectè addiscendam sufficere poterat : ut non sit necesse ad homines Præadamitas recurrere qui illas artes coluerint.

Decima denique ratio petitur ex ætatibus animantium ab Hesiodo & Aufonio relatis. Referunt enim justam hominum ætatem esse annorum 96. Cornicum 864. Cervorum 3456. Corvorum 10366. Phœnicis 93312. Nympharum denique, 933120. At, inquit Præadamita, ista tam exactè haberi non potuissent nisi retro antiquissima traditio istorum animalium ætates numerasset. Sed mirum est cur author systematis tot næniis, fabulis, ac deliriis fidem nos habere velit ? & certè necesse est eum maximo pruritu pro suo paradoxo promovendo laborasse, qui tales ineptias ut solidas rationes pro eo confirmando adduxerit. His itaque prætermisissis.

Queritur an historia creationis mundi quâ refertur in Scripturâ mundum sex diebus creatum fuisse, litteraliter accipienda sit ; an verò statuendum ea omnia quæ sex diebus facta fuisse Scriptura narrat in instanti creata esse ?

Respondetur 1°. D. Augustinum lib. 6. de Genes. ad litt. cap. 21°. & sequentibus ac præcipuè 33. affirmare post Phylonem mundum eo modo compositum & ornatum, quo à Moyse narratur, in instanti creatum esse, sexque dies, de quibus Scriptura loquitur, pro cogitationibus seu cognitionibus Angelorum accipiendos. Idem asserit inter veteres Procopius Gazæus, & inter recentiores Cajetanus.

Respondeo 2°. Distinguerendum esse inter creationem mundi

secundum substantiam, & ejusdem mundi creationem secundum modos; sive in mundi creatione distinguendam esse materiam ex qua cetera facta sunt, ab his quæ facta sunt ex ipsâ materiâ. Si creatio mundi primo modo spectetur, certum est eum in instanti creatum esse, cum talis creatio non sit obnoxia successioni. Si verò consideretur secundo modo, quamvis negari nequeat, quin Deus eum in instanti creare potuerit, tutius tamen est & historiæ sacræ magis conforme sex dies creationis statuere, quàm ad allegorias defleendo sensum litteralem Scripturæ absque ullâ ratione deferere. Neque aliquid pro alterâ sententiâ facit, quod Eccl. 40. dicitur Deum creasse *omnia simul*. 1°. Enim vox ista *simul* non denotat simultaneam rerum omnium creationem, sed tantum Deum nullâ re exceptâ omnia creasse: undè *simul* idem ibi denotat ac sine exceptione, seu omnia omnino. 2°. Quod etiamsi aliter vox ista deberet intelligi, facilè nihilominus exponeretur de simultaneâ creatione materiæ, non autem de simultaneâ productione formæ; quo sensu D. Gregorius l. 32. moral. cap. 10. hunc Scripturæ locum cum historiâ sex dierum conciliat his verbis: *Rursum querendum quomodo Deus cuncta simul condidit, dum Moyses sex dierum varietate distinctè creata describat, quod tamen citius agnoscimus, si ipsas causas originum subtiliter indagamus. Rerum quippe substantia simul creata est; sed simul species formata non est. Quod simul exiit per substantiam materia, non simul apparuit per speciem forma. Cum enim simul factum Cælum Terraque describitur, simul spiritalia atque corporalia, simul quidquid de Cælo oritur, simul factum quidquid de Terrâ producitur, indicatur. Et post pauca: qui enim diversis diebus creatum Cælum & terram, virgultum herbamque narraverat, nunc uno die facta manifestat, ut liquido ostenderet, quid creatura omnis simul per substantiam exiit, quamvis non simul per speciem processit.* Hæc Gregorius.



DISSERTATIO DECIMA QUINTA.

DE PARADISO TERRESTRI,

de Serpente, & de Cherubim in Paradiso aditu collocato.

SECTIO PRIMA.

De Paradiso Terrestri.

Vix ulla est in Scripturis difficultas, quæ tot & tam diversas opiniones pepererit, quot peperit quæstio de Paradiso Terrestri. Sive enim veteres authores adeas, sive recentiores consulas, tot ferè sententias reperies, quot alicujus nominis Interpretes. Origenes in Genes. Philonem sequutus, totam Scripturæ de Paradiso narrationem allegoricè exponit, ac Paradisi nomine tertium Cælum intelligit, per arbores autè virtutes angelicas, per fluvios aquas, quas putat suprà Cælos repetiri, per Adam & Evam animas hominum, per folia ficus corpora mortalia interpretatur. A quâ quidem sententiâ non longè recedit Ambrosius in Examerio. Eam autem fusè confutat Epiphanius, tum in Anchorato, tum in epistolâ ad Joannem Hyerosolimitanum. Alii quamvis Scripturæ verba secundum litteræ veritatem interpretati sint; nihilominus Paradisum in terrâ collocatum fuisse negarunt, asserentes eum in loco à terrâ plurimùm elevato creatum fuisse. Hanc sententiam tuentur inter veteres Rabanus Maurus, & Walafridus Strabus. Inter recentiores verò Georgius Venetus. Quamvis autem Divus Hieronimus mentem suam clarè non expresserit, hanc tamen sententiam multùm promovit, dum in traditionibus Hebraicis docet Paradisum ante Cælum & Terram conditum esse. Alii illum collocarunt in monte ita excelsò,

R. ij.

ut orbi lunari proximus esset. Alii denique ut Alphonsus Tostatus, docent eum viginti cubitis suprâ omnes montes fuisse elevatum. Undè factum putant, ut ab aquis diluvii nihil fuerit læsus.

Sed illæ omnes sententiæ facilè ex Scripturâ confutantur: certum est enim ex Genesîs historiâ Paradisum in terrâ situm fuisse. Primò quia Scripturæ verba id sonant cum docent Paradisum fuisse situm in regione Eden. 2°. Cum dicitur cum fuisse arboribus constitum. 3°. Cum designantur flumina, quæ ex Paradiso ortum ducebant, & regiones quas unumquodque alluebat ac eorum proprietates enumerantur. Denique cum ostenditur bestias terræ, verbi gratiâ serpentes, in Paradiso fuisse. Et certè id ita clarum est, ut Divus Chrysostomus existimet ridiculum esse id negare. Sic enim loquitur. Hom. 13. in Gen. *Ideò Moses describens Paradisum & nomen loci in quo erat, scilicet Eden, & plagam orientalem, quam spectabat, & nomina fluminum à Paradiso egredientium ferè nota omnibus, tam subtiliter & accuratè narravit; ut non liceret negari volentibus decipere simpliciores dicendo nullum fuisse in terrâ Paradisum, sed in calo, & alias fabulas suæque somnia jactando. Nam etsi Moses in describendo Paradiso diligentiam posuerit, nihilominus tamen fuerunt nonnulli fabulantes non fuisse super terram Paradisum, multaque alia à doctrinâ Moysis alienissima inducentes, & verba ejus aliorum, quàm dicta sunt, detorquentes; quid futurum fuisset, si non tam minutatim, tam dilucidè, denique tam enucleatè Paradisum descripsisset?* Hæc ille. Undè existimarim plerosque eorum, qui contrariam tenuerunt sententiam, præsertim recentiorum, in eam non aliam ob causam inisse, nisi ut salvarent opinionem quorundam Patrum, inter quos est Justinus Martyr, vel potius author quæstionum ad Orthodoxos inter ejus opera quæst. 75. 76. & 83. affirmantium Paradisum illum adhuc subsistere, ac in eo Enoch & Eliam translatos ad finem mundi asseruari. Hæc tamen sententia non est admodum certa, nec satis firmum in Scripturâ aut traditione habet fundamentum, ut propter eam aperta Scripturæ testimonia in allegoricum sensum detorquenda sint.

Jam verò inter eos, qui contendunt Paradisum, in quo primus homo collocatus; fuisse in terrâ constitutum, magna est adhuc opinionum diversitas, circa locum in quo collocatus erat. Alii enim terram Eden, in quâ Paradisum situm fuisse Scriptura narrat, collocant circa Regionem Damasci Palestine conterminam. Alii ut Bonaventura & Durandus eam constituunt in Plagâ æquinoctiali. Alii denique volunt terram Eden citam esse circa fines Mesopotamiæ; quæ sententia probabilior videtur: tum quia Tigris & Euphrates, qui Scripturâ testante egrediebantur à Paradiso, Regionem illam alluunt: tum quia terra Henilath, de quâ Scripturâ hoc in loco meminit, erat etiam huic loco vicina, ut patet ex Genes. 25. & 1. Reg. 15.

Narrat Moses in medio Paradisi fontem ascendisse de terrâ, qui irrigabat totum Paradisum, quique postea in quatuor capita seu quatuor fluvios dividebatur, Phison scilicet Gehon, Tigrim & Euphratem. Duo ultimi omnibus noti sunt, nec est qui de iis dubitet: sed priores non sunt adeò noti. Josephus lib. 1.º antiquit. existimat Phison eundem esse ac Gangem Indiæ fluvium; Gehon verò esse Nilum Ægypti fluvium. Sed ista sententia non est probabilis. Primò enim Phison ex Scripturæ testimonio circuibat terram Henillath; atqui terra Henillath non est in Indiâ sed juxtâ Mesopotamiam, ut modo ostensum est; Ergo. 2.º Gehon non potest esse idem ac Nilus: tum quia procul dubio Moses cum suo nomine Israëlitis notissimo designasset: tum quia Nilus nullibi in Scripturis Gehon appellatur: tum etiam quia non habet originem in Mesopotamiâ, sed in Ægypto: tum denique quia Nilus Æthiopiam Orientalem seu Arabiam non alluit, quod tamen de Gehon Scriptura asserit.

Cæterùm non est hic silentio prætereundum versionem Divi Hieronimi minùs accuratam esse, cum pro *Eden voluptatem*, pro Oriente vero *Principium* vertit hoc modo: *Plantaverat autem Dominus Deus Paradisum voluptatis à principio*: licet enim vox *Eden*, quando appellativa est, *voluptatem* significare possit: hoc tamen loco certum videtur appellative sumendam non esse; tam propter additam litteram

Eden, quæ æquivaler præpositioni *in*, quàm propter alia loca; in quibus certum est *Eden* singularem locum & regionem designare, ut Genes. 3.^o cum dicitur, quòd Cain habitavit ad Orientalem Plagam *Eden*. Similiter licet vox Hebraica, quam Divus Hyeronimus *principium* transtulit, id quandoque in Scripturis significet; nihilominus multò verisimilius est eam per Orientis vocem esse transferendam, ut Paraphrasis Chaldaica & versio τῶν ὁ transtulerunt; non solum quia vox *Eden* clarè denotat hic locum & situm Paradisi designari, sed etiam quia versio illa Divi Hyeronimi æquivocationi obnoxia est & plerisque veterum ac in primis ipsi Hyeronimo occasionem tribuit inferendi Paradisum antè Cælum & Terram conditum esse: quæ certè propositio Judaicam redolet tabulam, quâ Rabbinæ asserunt septem facta esse à Deo antè mundi creationem, nimirum Hortum Eden, Legem, Justos, Israël, Thronum gloriæ, Hyerusalem & Messiam. Itaque ut habeatur accurata hujus loci versio, sic transferri debet *Plantavit autem Dominus Paradisum in Regione Eden ad Plagam ejus Orientalem*. Et hæc quidem de Paradiso.

SECTIO SECUNDA.

DE

Serpente qui Evam seduxit.

QUOD spectat ad Serpentem qui primos parentes in Paradiso seduxit duo extrema circa ejus naturam cavenda sunt: nimirum ne aut existimemus diabolum solum fuisse sine serpente, aut serpentem à diabolo non inspiratum. Alii enim ut Josephus libro primo antiq. & post eum plerique Rabbinæ, docent serpentem illum nihil aliud fuisse quàm verum & naturalem serpentem, cui tum proprium erat loqui, intelligere, pedibus uti, ac veneno carere. Simile aliquid.

senſiſſe videtur Divus Baſilius. Sed certum eſt falſam eſſe hanc opinionem : cum enim bruta ſint mera automata, omnique prorsùs ratione careant ; non potuit ſerpens intelligere , qui intellectum non habuit ; nec loqui , qui cogitationibus quas exprimeret caruit. Alii ut Divus Cyrillus cenſent non fuiſſe verum ſerpentem, ſed diabolum qui ſpeciem ſerpentis induerat. Sed hinc confutatur iſta ſententia , quòd præter maledictionem , quæ in verum ſerpentem , non in ſolam ejus ſpeciem lata eſt , innuit etiam Scriptura ſerpentem poſt deceptionem primorum parentum in Paradifo adhuc remanſiſſe ; quod facturus non fuerat ſolus diabolus , qui procul dubiò expletâ malitiâ ſerpentis ſpeciem ſtatim depoſuiſſet. Alii ut Cajetanus totam ſerpentis hiftoriam allegoricè interpretantur ; voluntque primorum parentum tentationem totam factam eſſe in phantaſiâ , non autem per exteriores ſenſus. Sed iſta Cajetani opinio , meritò ab omnibus reprobat , ut potè doctrinæ Sanctorum Patrum & Eccleſiæ ſenſui contraria. Alii denique contendunt fuiſſe quidem verum ſerpentem , ſed in quem diabolus ſe ſe inſinuarit : quæ ſententia communior eſt, & ut ex aliarum confutatione patet etiam probabilior. Hinc eſt quod in Scripturâ primorum parentum prævaricatio dæmoni ſæpè tribuitur , ut Sapientiæ uº. cum dicitur *invidia diabolus mortem introiſſe in orbem terrarum* , & Joannis 18º. cum fuiſſe homicidam ab initio.

Jam verò quod poenam attinet quâ ſerpens à Deo multatus eſt , variant etiam authorum ſententiæ. Alii enim docent maledictionem ad verum ſerpentem eſſe referendam, propter ſenſum litteralem qui non poteſt de alio quàm de vero ſerpente intelligi : v. g. cum dicitur : *Super petrus tuum gradieris , & terram comedes cunctis diebus viſæ tuæ*. Undè volunt Authores nonnulli ſerpentem antea fuiſſe pedibus præditum ; ſed in poenam criminis his privatum eſſe. Alii contendunt maledictionem ad ſolum diabolum pertinere , ut Divus Auguſtinus , Beda , & Rupertus. Utraque autem illa ſententia poteſt admitti , prima in ſenſu litterali , ſecunda in ſenſu miſtico.

SECTIO TERTIA.

De Cherubim in Paradisi aditu collocato.

POST QUAM Scriptura narravit prævaricationem primorum parentum, ac sententiam à Deo in illos prolatam, subiungit Deum iis è Paradiso eiectis collocasse *antè Paradisum Cherubim, & flammæ gladium atque versatilem ad custodiendam viam ligni vitæ*. Quæritur ergo quid per Cherubim istud, quid per gladium versatilem, intelligendum sit. Circà quod plures sunt Interpretum sententiæ. Primò enim aliqui docent hanc orationem esse figuratam, nec per eam aliud designari nisi quòd Deus firmissimo præsidio aditum Paradisi munierit. Secundò alii existimant his verbis denotari situm Paradisi sub Zonâ torridâ & æquinoctiali circulo, *quoniam illum gladium tenebant Cherubim & Angeli Dei Calorum motores* ut ait Divus Thomas. 2.^a. 2.^a. quæstione 165. articulo ultimo. Tertiò Lyranus docet Paradisum in excelso monte situm igne circumclusum esse, ne aditus ad eum pateat, hocque per Cherubim & gladium ejus esse intelligendum. Quartò Divus Ambrosius scribens in istum versum Psalmi. 118. *Retribue servo tuo &c.* per ignem istum in aditu Paradisi collocatum Purgatorium intelligit. Similia habet Rupertus lib. 3.^o. in Genesi. cap. 32.^o. & 33.^o. Quintò Theodoretus putat Cherubim esse quasdam potentes & terribiles visiones ac figuras animalium horrificas, quæ Adamum territando ab ingressu Paradisi arcebant. Theodoretum sequutus est Procopius Gazæus. Sextò denique alii dicunt Mosis verba ita accipienda esse quatenus sonant, videlicet Deum Paradisi aditum Angelo & gladio versatili hoc est ex utrâque parte scindente, tum igne munivisse: quæ interpretatio communior est inter Theologos. Unusquisque tamen eam quæ sibi probabilior ex istis omnibus visa fuerit, potest eligere.

DISSERTATIO DECIMA SEXTA.

DE ESU CARNIUM ANTE

Diluvium. De congressu filiorum Dei cum filiabus hominum ; & de Origine Idololatricæ.

SECTIO PRIMA.

DE

Esu Carnium ante diluvium.

CIRCA esum carnium ante diluvium duo inquiri possunt. Primum utrùm esus carnium ante diluvium prohibitus fuerit. Secundum utrùm tunc in usum fuerit adhibitus. Sed cum neutrum istorum ex Scripturâ definiri possit, superest ut quod saltèm probabiliter ex illâ erui potest hic breviter proponamus. Itaque plures viri docti censent esum carnium ante diluvium illicitum fuisse, ac implicite saltèm à Deo prohibitum; ab eoque viros pios abstinuisse: quamvis fortè impii & filii Cain carnibus vescerentur.

Suam autem opinionem probant primò ex eo quod finito diluvio esus carnium primùm concessus legatur his verbis: *Omne quod movetur & vivit, erit vobis in cibum, quasi olea virentia tradidi vobis omnia.* Ex hoc enim videtur inferri esum carnium ante istam Dei concessionem non fuisse licitum; sed ab eo tanquàm illicito Noë & filios ejus abstinuisse.

Secundò verò quod Genes. 1.^o. vers. 29.^o. ubi victum Deus primis parentibus assignat, nulla sit mentio de carnibus animalium; sed tantùm de herbis & arborum fructibus. Sic enim

habet Scriptura : *Ecce dedi vobis omnem herbam afferentem semen super terram , & universa ligna quæ habent in se seminem generis sui ut sint vobis in escam.* Undè cum non debuerit homo aliud ad victum adhibere quàm quod ipsi pro victu à Deo assignatum fuerat , consequens est ut & à carnibus debuerit abstinere , quarum usus nullatenus ei concessus fuisset legitur.

Tertio consideranda est clausula quam Scriptura adhibet *genesi. 9. v. 3.* cum Deus esum carniū filiis Noë concedit ; ait enim *quasi olera virentia tradidi vobis omnia.* quibus verbis manifestè videtur alludere ad cibum quo prius homines utebantur , & ad priorem legem quā eis olera pro cibo constituerat.

Duo tamén hic sunt quæ difficultatem facere videntur : primum est Abelem fuisse pastorem ovium ; ex quo esus carniū inferri videtur. Cui enim bono greges aluisset nisi ut de gregum fructibus viveret ?

Secundum. Quod primi homines non multò post prava-
 ricationem tunicis pelliceis induti sunt. Ex quo satis probabiliter concludi posse videtur , ideò tantum tunicas pelliceas adhibuisse , quia eas habebant residuas ex animalibus quæ ad comedendum occidebant. Sed responderi potest ad primum ideò Abelem nutrire potuisse oves ut earum lacte vesceretur , & lanis tegetetur : non autem ut de carnibus earum comederet. Ad secundum verò primos parentes etsi vestimenta ab animalium pellibus quærent , potuisse tamen carnes eorum pro aliorum animalium pabulo relinquere. Vel quod probabilius videtur eorum tantum animalium pellibus vestitos fuisse , quorum carnes in holocaustum Domino obtrulerant. Quod si quis urgeat nonnullos ex ante-diluvianis hominibus venationi addictos fuisse ut de Lamech uno ex Caini posteris communis fert sententia , quod satis apertè videtur arguere eos victum ex animalium carnibus quæsis-
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

afferat. 2°. Nonnullos fortassis homines improbos maximè qui ex Caimi progenie oriundi erant, præter legem Dei, quam palàm in aliis omnibus contemnebant, carnes animalium comedisse: sed homines probos & legis Dei tenaciores aliud comedisse, quam quod eis ad cibum assignatum à Deo fuerat, neque probabile est, neque ullam habet verisimilitudinis speciem.

SECTIO SECUNDA. DE CONGRESSU FILIORUM

Dei cum filiabus hominum.

QUOD spectat ad congressum filiorum Dei cum filiabus hominum difficultas tota versatur circà sensum verborum Moysis Genes. 6°. ubi sic habet. *Cumque capissent homines multiplicari super terram, & filias procreassent, videntes filii Dei filias hominum, quod essent pulchre, acceperunt sibi uxores ex omnibus quas elegerant. Dixitque Deus, non permanebit Spiritus meus in homine in æternum, quia caro est &c.* Circà hujus loci intelligentiam variant tam veterum quàm recentiorum sententiæ. Inter veteres plurimi tam ex lectione versionis *tan ò*, quæ olim pro filiis Dei, ut plurimum legebat, *Angelos Dei*: tum propriâ opinione, quâ credebant Angelos esse corporeos decepti, existimarunt Angelos pulchritudine faminarum captos relicto Cælo in terram descendisse, & cum illis illicita junxisse matrimonia. Hujus sententiæ fuerunt Justinus martyr in apologia, qui indòrtas esse putat inter Ethnicos fabulas de Deorum matrimoniis, Clemens Alexandrinus l. 3. Strom. Tertullianus libro de habitu mulierum, ubi etiam docet id circò mulierem in Ecclesiâ velari debere propter Angelos Dei, quasi adhuc aliquid Angelis ex mulierum pulchritudine timendum esset. Lactantius lib. 2°. divinarum institutionum cap. 15. Sulpicius

Severus initio historię , & ante hos omnes Josēphus lib. 1.^o antiquit: cap. 3. & Philo lib. de Gigantibus. Sed ista sententia non solum rationi quā Angelos merē spirituales esse novimus , contraria est ; sed etiam Scripturę adversatur. Nam Christus Dominus ab hoc scelere Angelos satis vindicat , cum ait , quod post resurrectionem homines *neque nubent neque nubentur , sed erunt sicut Angeli Dei*. Undē plerique aliorum Patrum istam sententiam de in continentia Angelorum rejiciunt & confutant. Inter quos præcipui sunt Cyrillus , Augustinus , Cassianus , imprimisque Chrysostomus.

Alii referentibus Hugone de sancto Victore , & Authore Historię Ecclesiasticę existimârunt per Angelos seu filios Dei intelligendos esse dæmones incubos : hancque sententiam licet à Lyrano confutatam tueretur inter recentiores Paulus Burgenſis in primâ additione ad postillam Lyrani in cap. 6. Genesıs , ubi suam sententiam D. Augustino perperam tribuit , hoc fundamento nixus , quod S. Doctor dubitet an sint dæmones incubi : quasi verò de aliquo dubitare sit illud asserere ; aut quasi ex incuborum assertionē sequeretur eos de quibus est quæstio fuisse incubos.

Sed relictis hisce convenit hodiē inter omnes qui Scripturam paulò attentius legerunt , per filios Dei homines hic esse intelligendos : alioqui enim quomodò ex hoc scelere Deus occasionem habuisset adversus homines irascendi , & diluvium super terram inducendi ? Verum in genere hominum assignando non una est omnium sententia. Alii enim per filios Dei intelligunt homines corporis proceritate & robore cæteris insigniores , quomodò Scriptura cum aliquid sublime aut insolitum vult exprimere , nomen Dei solet ei ut plurimum adjungere , ut cum dicit *montes Dei , cedros Dei , spiritum Dei* , pro montibus excelsis , cedris sublimibus , & vento valido. Alii per filios Dei Potentes & Principes seu Judices intelligunt , quomodò in Scripturâ Magnates & Judices sæpius Eloim appellantur. Alii per filios Dei eos intelligunt , qui non sapiēbant secundum carnem , sed secundum spiritum , ac verum & spiritualemente Deo cultum exhibebant. Alii denique per filios Dei intelligi volunt filios Seth , per

filios autem hominum, eos qui ex progenie Caim deducebant originem. Hæc autem sententia communior est, ut potè quam plerique veterum secuti sunt, ut Chrysostomus, Augustinus, Theodoretus, Rupertus, D. Thomas &c. Et ratio est quia filii Seth secundum Deum vivebant; filii autem Caim secundum hominem corruptum, suis cupiditatibus indulgebant. Primam tamen sententiam præter Scripturæ phrasim juvare potest quod subdit Scriptura, nimirum ex ipsis matrimoniis Gigantes prodiisse. Cur enim istud nisi quia eorum parentes insigni corporis proceritate jam præditi erant? Sententiæ secundæ favent nonnulli veteres Interpretes. Aquila enim teste D. Hieronimo pro filiis Dei vertit filios Deorum; Symmachus verò filios potentum, quem sensum sequuntur etiam paraphrasæ Onkelosi & Jonathanis. Tertia verò & quarta in unam ferè coincidunt. Ex illis autem expositionibus quisque eam eligere potest quæ ipsi probabilior visa fuerit.

Queritur 1^o. in quo positum fuerit tam immane peccatum, ut Deo inferendi diluvii occasionem præbuerit? Respondeo vel in eo positum fuisse quòd ista matrimonia appetierint filii Seth, quæ ob malitiam & corruptionem stirpis Caim illicita erant: vel quòd cum inordinatâ cupiditate duci & pulchritudinis specie allecti filii Seth, hæc matrimonia appetiissent, in omne deinceps flagitiorum genus cum uxoribus suis corruerunt. Vel ut probabilius est id ex utroque ortum, nimirum quod semen sanctum cum impiis miscuerint, & quod tam improbo consortio depravati, totum genus humanum penitus depravarint & perdiderint. Ex quo factum est ut Deus qui ob pietatem filiorum Seth totum genus humanum, licet in Caim familiâ jam depravatum, conservabat, iisdem deinceps ex cæterorum consortio similiter corruptis, de eo penitus abolendo & aquis diluvii delendo sententiam tulerit.

Queritur 2^o. Quinam fuerint Gigantes, quos ex tali congressu ortos esse Scriptura testatur? Respondeo nonnullos authores per istos Gigantes intelligere homines insignes non corporis proceritate, sed impietate & grassandi libidine.

S E C T I O T E R T I A.

D E

Origine Idololatria

Q UOD spectat ad Idololatriæ originem Scriptura de illâ expresse non meminit. Unde celebris est quaestio, quo tempore ortus fuerit idolorum cultus, nimirum an antè, an verò tantum post diluvium. Communis est Theologorum sententia post Divum Thomam, nonnisi post diluvium ortam esse idololatriam, quia nimirum Scriptura de illâ ante diluvium non meminit. Contraria est autem Hebræorum sententia, qui contendunt non solum ante-diluvianos homines idololatriæ scelere pollutos fuisse; sed etiam nefarium hunc cultum multis ante diluvium sæculis in orbem invectum fuisse; nimirum à tempore Enos filii Seth. Suam autem sententiam deducunt ex ultimo versu cap. 4. Genes. ubi sic legunt: *Tunc, idest tempore Enos prophanatum fuit invocando nomen Domini.* Vel ut Fagius vertit per paraphrasim *In diebus ejus incepterunt filii hominum ut non orarent in nomine Domini.* Nec certè recens est illa Hebræorum sententia, ejus enim meminit D. Hieronimus in traditionibus Hebraicis ubi sic habet: *Plerique Hebræorum arbitrantur quod tunc primum, id est tempore Enos in nomine Domini, & in similitudine ejus fabricata sint idola.* Ex quo apparet hujus quaestionis discussionem pendere potissimum ex rectâ hujus loci intelligentiâ. Sed adeò difficile est verum ejus sensum deprehendere, ut tot ferè circâ illum reperiantur sententiæ, quot sunt nominis alicujus authores. Primò enim Vulgata nostra id ad ipsum Enos refert his verbis: *Isse cepit invocare nomen Domini.* Septuaginta vero ita habent: *Hic speravit invocari nomen Domini,* seu ut aliis magis placet: *vocari in nomine Domini.* Quod nonnulli quidem veterum ita intelligunt, ut

obscura erit & incognita, quàm inprimâ mundi atate. Primum enim idololatriæ vestigium quod in Genesi reperitur, habetur cap. 31. huius libri ubi Rachel dicitur furata esse *idola patris sui*. At ibi initium idololatriæ collocari non posse certum est: constat enim ex Scripturâ Josue 24. *¶* 2. jam à temporibus Abraham homines huic sceleri addictos fuisse; ipsumque Thare patrem ejus eo crimine fuisse maculatum. Sed nec in ipsius Thare atate sistendum esse suadet Achioris Ammonitæ oratio, Judith 5°. Si enim verbis ejus fidem habemus, ideò Thare & Abraham egressi sunt de Ur Chalæeorum ut venirent in Charan, *quoniam noluerunt sequi caeremonias patrum suorum quæ in multitudine Deorum erant*. Ex quo patet idololatriæ originem superiori tempori esse assignandam. Sunt qui velint Nemrod, quem Scriptura asserit primum fuisse qui regiam potestatem sibi tribuerit, ac Babylone regnaverit, etiam primum idololatriæ fuisse inventorem, & subditos suos coëgisse ut sibi supremos honores tanquam Deo tribuerent. Sed & hoc valdè incertum est.

Author libri Sapientiæ cap. 14. *¶* 15 idololatriæ initium referre videtur ad aliquem potentem, cui filius præmaturâ morte ante tempus ereptus est. Sed neque quisnam ille fuerit, aut quo tempore vixerit, nominat: neque utrum idololatriam primus omnium invenerit: an verò tantum eam multum promoverit. Diophanes Lacædemonius, qui eandem historiam referte videtur, id tribuit cuidam Ægyptio potentissimo, qui factâ imagine filii mortui eosdem à servis suis honores imagini exhiberi jussit, ac ipsi filio dum viveret. Sunt tamen qui probabilius existiment primam idololatriæ originem repetendam esse ab inordinato amore subditorum ergà Principes mortuos.

Sed quidquid sit de initio idololatriæ quod ex Scripturâ certo eruere non possumus, id unum certum videtur, eam nimirum ex quo exorta est, non ita invaluisse ut omnes gentes occuparet, nec ita in quâlibet gente, quæ eam sectari cæperat, statim prævaluisse, ut nullus omninò superesset, qui verum Deum agnosceret & coleret. Contrarium enim evincunt, tum rerum omnium exordia, quæ parva esse

146 DISSERTATIONES HISTORIÆ, &c.
solent & obscura: tùm exempla Melchisedecis & Jobi quos
constat unum Deum coluisse, licet inter gentes idololatrias
viverent. Idem & de amicis Jobi rectè inferri posse videtur
ex eorum verbis & sermonibus, qui nullatenùs idololatriam
aut falsam de Deo opinionem referunt. Sed hæc de re obscu-
râ & incognitâ dictâ sufficiant.

DISSERTATIO DECIMA SEPTIMA.

D E

Enoch, Noë, Arcâ & Diluvio.

SECTIO PRIMA.

De Enoch.

DUO communiter circâ Enoch inquiruntur. Primum est
utrum mortuus sit; secundum ex hypothesi quod non
sit mortuus, in quem locum fuerit translatus. Et qui-
dem quod ad primum attinet, certum est Enoch non
esse mortuum: licet enim Scriptura id non expressè asse-
rat Genes. 4°. sed dicat simpliciter eum postquàm 365 annis
vixisset non apparuisset, *quia tulit eum Deus*: Nihilominùs
rem clarè definit Apostolus Hebr. 11°. ubi disertè testatur eum
fuisse translatum *ne gustaret mortem*. Undè dubium non est
quin Enoch à morte fuerit præservatus; quod ideò factum
esse nonnulli putant, ut ejus exemplo demonstraret Deus,
quanta fuisset hominis felicitas, si in statu innocentie per-
severasset.

Sed multò major est difficultas, circâ secundum, ni-
mirum quem in locum translatus fuerit. Plerique Catho-
lici docent communiter eum in Paradisum terrestrem trans-
latum esse, ibique à Deo servari, donec in fine mundi indè

cum Eliâ veniat contrâ Antichristum prædicaturus. Hanc autem sententiam probant ex Ecclesiastici 44°. v. 16°. ubi dicitur : cum translatus esse *in paradysum ut det gentibus penitentiam*. Quod etiam confirmant ex Apocal. 11°. ubi de duobus testibus in fine mundi prædicaturis Scriptura loquitur ; quos Enoch & Eliam esse communiter credunt. Hanc autem opinionem nonnulli adedò certam arbitrantur , ut eam in articulis fidei computare non erubescant. Cum autem ab iis quaeritur quomodo potuerit Enoch tempore diluvii in Paradiso permanere ? Respondent non fuisse difficilius Deo ipsum ab aquis diluvij illæsum conservare, quàm ei postea difficile fuit Eliam ab igneo curru incolumem reddere. Sed quia hæc opinio firmum non habet in Scripturis fundamentum , idedò plures alii tum ex veteribus tum ex recentioribus contendunt incertum esse quem in locum translatus fuerit, docentque id curiosius non esse inquirendum, si quidem Scriptura in omnibus locis quibus de eo meminit id semper reticere voluit. Notant autem id quod ex Ecclesiastici 44°. adducitur in Græco textu non reperiri ; sed tantum quod Enoch translatus sit in exemplum penitentiae ; ubi neque de Paradiso , neque de prædicatione in fine mundi Scriptura meminit. Hanc autem sententiam sequuntur ex veteribus Chrysostomus, Theodoretus , & Rupertus. Ex recentioribus verò Serrarius & Cornelius à Lapide. Alii ut Genebrardus , Steuchus , Pererius , &c. qui Paradysum terrestrẽ aquis diluvii periisse putant , contendunt cum in aliquo secreto & amœno terræ loco, vel etiam, quod nonnulli malunt , in aliquâ cœli parte vivere. Videatur circa hanc quaestionem Pererius ad calcem tomi primi comment. in Genesim , quem legisse non penitebit.

Sed non est hic silentio prætereunda sectariorum nostri temporis opinio , quâ contendunt Enoch ab ascensu Christi in Cælum ad beatorum requiem simul cum Eliâ fuisse translatus : quam sententiam ut indubitatam apud ipsos teneri profitetur aliorum nomine Sixtinus Amama lib. 8. Antibarbari in fine. Verum ista sententia confutari potest tum Apostoli, tum Christi Domini testimonio. 1°. Enim Apostolus post Christi ascensum ad Hebræos scribens testatur ; Enoch translatus

esse, *ne gustaret mortem* ; quod clarè innuit necdum tunc temporis quo scribebat, Enoch fuisse mortuum. Certum est etiam cum, si in Cælum Beatorum translatus esset, nunquam esse moriturum ; atqui id stare non potest cum immutabili decreto, quo in eadem epistolâ scribit Apostolus statutum esse *omnibus hominibus semel mori*. 2°. De Eliâ testatur Christus Dominus Matth. 17°. Eliam in fine mundi venturum & omnia restitutum, hocque juxtâ Malachiæ Prophetiam cap. 4. vers. 5. quod manifestè supponit, neque mortuum esse Eliam, neque ante finem mundi in Paradisum esse transferendum.

SECTIO SECUNDA.

De Noë, Arcâ.

QUOD spectat ad Noë, nihil dicendum occurrit, nisi per respectum ad Arcam quam fabricavit, & ad Diluvium, quod evasit. Itaque circâ Arcam quæritur 1°. quænam fuerit ejus materia ? Respondeo in Hebraico textu haberi eam factam fuisse de lignis *Gopher*. Jam verò sunt, qui per *Gopher* intelligunt abietem, eò quòd propter levitatem maximè aptum esset ad ejusmodi fabricam. Alii autem intelligunt Pinum, alii verò Cedrum, alii denique Cypressum. Sed probabilius est vocem *Gopher*, quæ nullibi præterquam hoc loco in Scripturâ legitur, designare omnem lignorum speciem ad constructionem Arcæ idoneam. Neque enim credibile est in ædificii constructione Noë ad unicam lignorum speciem fuisse coarctatum. Septuaginta verterunt, *de lignis quadratis* ; Vulgata, *de lignis levigatis* ; Scholiastes Græcus *de lignis imputribilibus*.

Quæritur 2°. quænam fuerit Arcæ magnitudo, & utrum omnia animalia nec non & eas quæ eis ad annum sufficerent, capere potuerit ? Respondeo magnitudinis Arcæ definitionem à verâ cubiti notione dependere. Cum enim tre-

centos cubitos in longitudine , quadraginta in latitudine, & triginta in altitudine habuerit , quàmprimùm mensura cubiti determinata fuerit , certa quoque Arcæ magnitudo habebitur. Sed non conveniunt inter se authores , quanam olim fuerit cubiti magnitudo. Alii enim majorem , alii minorem faciunt. Communior tamen & verior sententia eam mensuræ sesquipedali æqualem facit. Nonnulli catholici authores arbitrati spatium Arcæ nimis angustum fore , si cubitus ad mensuram sesquipedalem coarctaretur , docuerunt cubitos , de quibus Moses loquitur , fuisse cubitos Geometricos , qui nimirum sex cubitos consuetos continebant. Sed istam opinionem doctè confutant Joannes Buteo in descriptione Arcæ , & Torniellus ad annum mundi 1557. ubi clarè demonstrant spatium Arcæ statutâ sesquipedali mensurâ pro cubito , fuisse plusquàm sufficiens ad omne genus animalium & alimentorum capiendum. Docent igitur Arcam habuisse quatuor contignationes seu tabulata , qui à Græcis *tristega* vocantur. Primum tegebat spatium infimum quatuor cubitorum altitudinis , quod erat quasi sentina Arcæ , in quam omnium animalium fœces deciderent. Addunt his nonnulli illud spatium etiam lapidibus aut arenâ magnâ ex parte repletum esse , ad majorem Arcæ firmitatem.

Secundum novem cubitis altum continebat animalia quadrupeda per cellas diversas distributa , juxtâ illud *mansu- culas in eâ facies*. Tertium octo cubitorum. annonas , tam pro animalibus , quàm pro hominibus conservabat. Quartum denique novem cubitorum ex parte quidem avibus destinatum , ex parte autem ab hominibus occupatum. Pars autem , quam homines occupabant , fenestram habebat , quam nonnulli volunt fuisse tantum unius cubiti , eò quòd in Scripturâ , postquàm dictum est : fenestram in Arcâ facies , statim subjungatur : *& in cubito consummabis summitatem ejus*. Sed manifestum est ex Hebraico textu , illud pronomen , ejus , non ad fenestram , sed ad Arcam esse referendum : siquidem vox Hebraica , quæ fenestram designat , est masculini generis ; cum tamen pronomen sit fœminini.

Quæritur 3^o. Quomodo intelligi debeat , quod de tecto

Arcæ in Scripturâ præcipitur his verbis : *& in cubito summabis summam ejus* ? Respondeo plures esse Interpretum sententias circâ hanc quæstionem. Alii enim volunt , ibi à Deo præscriptum esse ut summitas testi Arcæ unius cubiti latitudinem contineret : sive ista latitudo esset tantum in medio Arcæ , quæ formam pyramidis exhiberet , ut volunt Origenes , Beda , & Abulensis ; sive per totam Arcæ longitudinem extenderetur , ut docet Cajetanus. Alii quindecim tantum cubitos altitudinis Arcæ tribuentes , totidem tecto tribuunt. Alii volunt , nihil esse designatum per ista verba , nisi quod cubito , qui totius fabricæ mensura erat , tectum etiam esset metiendum , ut ædificatio Arcæ proportionaretur. Alii denique ut Joannes Buteo & Arias Montanus contendunt , tectum Arcæ non nisi uno cubito fuisse elevatum ; indeque Arcæ nomen habuisse , quia magis Arcam quàm navim præferebat.

Cæterum idem Buteo ostium Arcæ sic factum fuisse putat , ut suprà primum tabulatum incipiens , in inferiorem animalium contignationem , simulque in cænacula aditum præberet ; sicque accommodatum , ut dum apertum erat , quasi pontem quo pateret in Arcam ingressus , exhiberet. Qui plura de Arcâ legere voluerit , consulat Ariam Montanum , Benedictum Peresium ; sed præcipue Joannem Buteonem qui eruditorum judicio optimè omnium hanc materiam tractavit.



SECTIO TERTIA.

De Diluvio.

CIRCA Diluvium quæritur præcipuè, utrum universale fuerit? Author libri Præadamitarum inter alia paradoxa & temeraria dogmata, quibus opus ejus scatet, illud etiam astruere conatur, diluvium quo totum humanum genus periisse Scriptura testatur, nec universale fuisse, nec ultra Palæstinæ partes se extendisse, aut alios quàm Judæorum progenitores delevisse. Sed facile est errorem istum ex Scripturis refellere, & universalitatem diluvii earumdem auctoritate demonstrare. Nam ità clarè in sacro textu exprimitur universalitas diluvii; ut mirum sit quemquam, qui Scripturæ fidem adhibeat, eam posse in dubium revocare. Enimverò non solum ruptos fontes abissi magnæ & omnes cataraëtas Cæli apertas esse pronuntiat; sed etiam aquas diluvii ita universales fuisse, ut omnes montes, qui sub Cælo sunt, & operuerint & quindecim cubitis superaverint. Deindè refert durante diluvio expirasse omnem carnem, quæ reptabat super terram, volucrumque, pecudum & bestiarum. *Omne, inquit, cujus in naribus halitus erat spirationis ex universis, quæ degunt in sicco, mortuum est.* Quæ verba elariora sunt, quàm ut in alienum sensum detorqueri queant; aut de solâ Palæstinâ à Præadamitâ explicari. Præterea idem constat ex Genes. 9.^o ubi promittit Deus filiis Noë non fore ultra diluvium dissipans terram, cunctisque diebus, quæ sequentur noctem & diem, hyemem & æstatem, frigus & æstus, semen & messem non cessatura. At nisi supponamus diluvium fuisse universale, ista omnia nullum habebunt sensum. 1.^o Enim Deus cum iis iniit pactum suum de non inferendo ultra diluvio, qui mox universam terram repleturi erant; ergo diluvium universam terram occupaverat. 2.^o Promittitur continuatio tempestatum anni; ergo

tempore diluvii cessaverat ista series, proindeque diluvium universale fuerat. Sed & aliis Scripturæ locis eadem diluvii universalitas astrui potest, ut cum à Christo Domino clades diluvii comparatur ei quæ in fine mundi obventura est, diciturque sic futurum in consummatione sæculi *sicut factum est in diebus Noë cum diluvium omnes sustulit*. Aut cum 2. Petri 3. dicitur quod tempore diluvii, *mundus aqua inundatus periiit*.

Quod si rationem adjungamus iis quæ Scriptura refert de historiâ diluvii, non minus evincetur illud universale fuisse. 1°. Enim id satis designat causa inducendi diluvii, nimirum generalis hominum corruptio, *omnis quippe caro*, inquit Scriptura, *corruerat viam suam*. Quomodo autem generalis corruptio deleri, & mundus renovari poterat, nisi generali punitione quæ omnes omninò deprehenderet? 2°. Si diluvium generale non fuisset, cur nonnisi per Arcam ex ereptus est Noë & filii ejus & cuncta animalia terræ? Quid opus fuisset tam grandem machinam, tantoque molimine per centum annorum spatium fabricare? cum multò facilius fuisset eum ex istâ inundatione liberare, jubendo ut ab iis regionibus recederet quæ inundandæ erant, & ad alias diluvio non delendas migraret: quemadmodum postea Loth ex Sodomorum everfione ereptus est. Id certè multò melius istius Patriarchæ securitati & quieti consulisset, quàm eum in Arcam per annum integrum includendo, fluctuum inconstantia committere. 3°. Cur jussus est Noë de cunctis animalium speciebus bina saltèm secum in Arcam introducere, ut semen eorum salvari posset, si diluvium universale non fuit? Num longè facilius genus animalium reparatum fuisset vel potius conservatum ab iis quæ in aliis regionibus residua fuissent? Quod si etiam gratis supponeremus solas regiones inundandas, animalibus præditas fuisse, nonne facile poterant aves in alias evolare, & cætera animalia illuc pedibus secedere, maximè cum Dei consilio ista omnia regerentur?

His rationibus adjungi potest generalis memoria diluvii; quæ apud omnes gentes, ne ipsi quidem Americani exceptis, conservata

conservata est , ut ex antiquis authoribus , Varrone apud Censorinum , Beroso apud Josephum , Abideno apud Eusebiū , Alexandro Polyhistorē apud Cyrillum , Plutarcho , Nicolao Damasceno & Apollodoro apud Theophilum Antiochenum , Luciano & Molone apud eundem Eusebium , ostendit Hugo Grotius in notis ad librum primum de veritate Religionis Christianæ. Hæc enim generalis memoria manifestè demonstrat diluvium universale fuisse. Idem etiam probat generalis cognitio quam de tribus filiis Noë omnes gentes habuerunt. Undè enim ista cognitio nisi totum genus humanum ab illis fuisset propagatum ? Porro ista cognitio apud prophanos auctores manifesta est. Semi quidem ut constat ex illo Ovidii.

An tibi semo pater tu mihi sanctus eris.

Chami verò seu Ammonis ut ostendit vulgatus Jupiter Hammon in Ægypto præsertim agnitus & cultus. Audax denique Japheti genus Horatio memoratum omnes norunt. Ex quibus omnibus patet quanta sit temeritas authoris novi systematis Præadamitici qui eam veritatem inficiari ausus est: de quâ ne ipsi quidem Pagani apud quos nulla erat Scripturæ sacræ autoritas in dubium revocarunt : sed necesse est ad pleniorē ejus confutationem , ut objectiones ejus diluamus. Itaque.

Objicit 1°. Diluvium inductum fuisse dumtaxat in punitionem filiorum Dei : ex quo infert non debuisse delere omne hominum genus, sed tantum Judæos , qui nomine filiorum Dei censebantur. At certè contrarium apertè ostendit Scriptura, quæ filios hominum non minùs depravatos & impios fuisse docet quàm filios Dei. Disertè quippe asserit universam terram corruptam fuisse coram Domino. Neque Præadamitam juvat quod asserit nomine terræ solam terram Judæorum , Palestinam scilicet, esse intelligendam : tum quia tunc temporis nulli erant Judæi : nec ex quo fuerunt , Palestina statim fuit eorum terra , donec Josue ipsis eam tradidit in possessionem : tum quia cùm ista de diluvio scribebat Moses in Palestinâ non erat , ut nomine terræ eam posset intelligere : (quamquam negari non possit quin ab aliis sacris scriptoribus nonnunquam indefinitè sic appelletur) : tum denique quia constat

diluvium operuisse Armeniam, quæ tamen à Judæa longè remota est. Quibus addi potest quod de montibus Tessaliæ refert Solinus, aperta in iis diluvii vestigia remansisse.

Objicit 2.^o Columbam quæ ramum aut folium virentis olivæ in Arcam detulit satis ostendere diluvium universale non fuisse; siquidem non fuisset virens sed lutulentum, si in eâ regione refectum esset quæ diluvio fuisset inundata: sed futile est ista objectio. Quid enim magis contrà rationem esse potest quàm fingere columbam multa milliarium centena cemenfam esse, ut istud folium inveniret; cum facilè potuerit folium quod à transacto diluvio viruerat decerpere. Si autem, ut vult Præadamita, sola Palestina inundata fuisset, cur de columbâ primitus emissâ diceretur, quod *cum non invenisset ubi requiesceret pes eius in Arcam reversa est*? Cur etiam ex virenti folio intellexisset Noë quod cessassent aquæ diluvii super terram?

Objicit 3.^o Gentes quæ post diluvium dispersæ sunt, non alias regiones præter Palestinam & vicinas provincias occupasse, præsertim cum non essent tanto numero ut omnes replere possent. Sed præterquàm Moses apertè docet contrarium Genes. 10.^o id etiam clarè demonstrat Samuël Bochartus in idem caput: & licet terras omnes non statim repleverint, quia tamen eas incolere cæperunt, per suos saltèm nepotes eas impleverunt.

Sed antequàm ad alia transeamus juvabit hîc annotasse Isaacum Voosium existimare aquas diluvii, etsi reverâ universum hoc Hemispherium occuparint, nihilominus ad inferius Hemispherium seu Antipodas non penetrasse. Hinc autem suadere conatur quòd diluvium eo tantum consilio indutum sit ut omnes homines & cuncta animantia deleantur: atqui non erat, inquit, ad hoc necesse ut aquæ diluvii aliud Hemispherium, in quo nec homines nec animalia adhuc erant, inundarent. Sed etsi maxima differentia statui debeat inter hanc & Præadamitæ sententiam; nihilominus securius est communi sententiæ ut potè probabiliori & magis Scripturæ conformi insistere: maximè cum Christus & Apostoli non rarò diluvium & conflagrationem mundi quæ procul dubio

totam terram consumptura est, inter se conferant. Neque in iis quæ Scriptura refert in tantum suis conjecturis indulgendum est, ut ejus verba clara licet & perspicua in alienum sensum detorqueantur. Si enim quia solos homines & animantia Deus delere voluerat, non debuit diluvium inferius Hemispherium penetrare, quidni etiam dicetur mediam tantum aut quartam partem hujus Hemispherii, quod necdum ita habitatum erat, occupasse?

DISSERTATIO DECIMA OCTAVA.

DE

Melchisedece & Jacobo Patriarchâ.

SECTIO PRIMA.

De Melchisedece.

CIRCA Melchisedecis personam qui Abrahamo benedixit à cæde Regum redeunti, quæritur quisnam ille fuerit. Sciendum est autem plures olim fuisse errores circa hanc quæstionem. Alii enim dixerunt eum fuisse Angelum, alii Spiritum Sanctum, alii denique Dei filium antequàm de Virgine nasceretur. 1^o. errorem Origeni tribuit Hieronimus; 2^o. docuerunt Jerax Ægyptius & Theodorus Argentarius; tertium denique tenuerunt Heretici qui Melchisedeciani dicti sunt, contra quos scripserunt Epiphanius & Augustinus. Illorum sententiam post Cuxum & Molinæum nuper amplexus est Jacobus Gaillardus Calvino-reformatus, in libro cui titulus est *Melchisedecus Christus, unus Rex justitiæ, Rex pacis*. Suam autem sententiam probat primò ex eo quòd Melchisedech Abrahamo præstantior fuisse ab Apostolo memoraretur; cum tamen nullus homo fuerit Abrahamo præstantior.

Secundò ex eo quod ab eodem Apostolo dicitur *Rex justitiæ & pacis*, quod de solo Deo asseri potest. Tertiò quia dicitur fuisse *sine Patre & sine matre*. Quartò quia Sacerdotium Melchisedecis dicitur fuisse præstantius Aaronico, quod tamen dici non potest si Melchisedech fuit tantum simplex homo. Quintò quia Melchisedech non potest esse nomen proprium, siquidem ab Apostolo exponitur idem esse ac Rex justitiæ, seu Rex pacis. Sextò quia Christus asserit Abraham vidisse diem ejus: at hoc verificari nequit nisi Melchisedech fuerit Christus. Septimò quia Apostolus loqui incipiens de Melchisedece, dicit se habere multa de eodicienda eaque difficilia explicatu: quod tamen de aliis qui Christi figuram gesserunt dici nequit. Octavò denique quia si Melchisedech qui erat *Sacerdos Dei altissimi*, fuit simplex homo, habuit ergo sub se populum fidelem, sicque Abraham dici non poterit *Pater omnium credentium*, nec explicari cur Patriarchæ noluerint matrimonia cum Chananæis jungere.

Sed difficile non est istas omnes rationes confutare, si supponamus quod docet Apostolus, Melchisedecem typum & figuram Christi gessisse: hoc enim supposito, facile ista omnia consiliantur cum sententiâ quæ statuit eum simplicem hominem fuisse. Ad primum enim respondetur duplici titulo Melchisedecem Abrahamo fuisse præstantiorem, nimirum titulo regni, & titulo sacerdotii; quamvis pietate eo non fuerit præstantior. Ad secundum Melchisedecem vocari Regem justitiæ & pacis, quia ejus figuram gerebat, non verò quia erat. Undè Apostolus non dicit quod Melchisedech reverà fuerit Rex justitiæ, sed quòd nomen ejus Regem justitiæ significet. Ad tertium, quòd cum dicitur fuisse *sine Patre sine matre* id intelligi debet de patre aut matre in Scripturâ memoratis; sed non absolute quasi patrem & matrem non habuisset. Undè versio Arabica sic habet: *cujus Pater & mater non memorantur*. Ad quartum, Sacerdotium Melchisedecis in eo præstantius fuisse Aaronico, quòd typum gessit Sacerdotii Christi Aaronico procul dubio præstantioris. In eo autem typum gessit Sacerdotii Christi, quòd nulli

successisse nec ullum successorem in Sacerdotio habuisse legatur : quemadmodum in Aaronico filii Aaron sibi successisse referuntur , ut fusè disputat ipse Apostolus. Ad quintum , non esse minùs inconveniens quòd Melchisedech sit nomen proprium , licet ab Apostolo explicetur , quàm quòd Siloë , aut Cephias , quorum significationem Scriptura interpretatur , fuerint nomina propria. Ad sextum , non oculis corporis , sed oculis mentis Abraham vidisse diem Christi , nimirum quando voluit immolare filium suum , qui figuram gerebat Christi à Patre immolati. Ad Septimum , eaque Apostolus proficitur se habere dicenda de Melchisedece , spectare comparisonem Sacerdotii ejus cum Aaronico. Ad octavum denique , 1.^o non ita certum esse an Melchisedech etsi fidelis , populum fidelem sub se habuerit. 2.^o etiamsi id fateremur , id tamen non fore consequens , quod infert objectio. Abraham enim dicitur Pater omnium credentium : non quòd primus fuerit fidelis , sed propter tria quæ illi peculiaria sunt. Primum quod de medio populi infidelis & idololatæ à Deo mirabiliter ereptus sit. Secundum quod prior fuerit cui promissiones de Messia ex ejus progenie venturo factæ sint. Tertium quod Pater sit Judaici populi apud quem solum aliis omnibus deficientibus verus Dei cultus perseveravit , juxtà illud *notus in Judæa Deus* psal. 75. Relictis Itaque hisce nugis , statuendum est ac pro certo tenendum Melchisedecem licet in eo quòd figuram & typum Christi gessit , præstantissimus fuerit , non fuisse tamen nisi simplicem hominem. Id patet primò ex eo quod Scriptura in libro Genesios de eo tanquam de vero homine loquatur , ejus urbem designet , nempe Salem Chananæorum urbem : dignitatem patefaciat , nimirum regiam ; ac officium denotet nimirum Sacerdotale. At ista omnia verum hominem designant , inprimisque officium Sacerdotale : nam juxtà Apostolum *omnis Pontifex ex hominibus assumitur*. 2.^o idem probant ejus actiones , nimirum quod Abrahamo occurrerit , & decimas ab eo acceperit , quodque ei panem & vinum obtulerit. Tertiò ex eo quod Apostolus de ipso asserat *eum per omnia assimilatum esse filio Dei* ; id enim clarè probat , non ipsum

fuisse filium Dei, sed hominem ejus figuram gerentem. Idem etiam ostendit versus psalmi 109. *Tu es Sacerdos in æternum secundum ordinem Melchisedech.* Itaque dubium esse non potest, quin Melchisedech homo fuerit. Sed difficultas est quisnam ille fuerit. Hebræi, teste Divo Hieronimo, volunt eum fuisse Sem. Idem docent Samaritani, referente Divo Epiphanio, hæresi 55. Hanc autem sententiam, quam non improbat ipse Hieronimus, secuti sunt ex Christianis Lyranus, Abulensis, Cajetanus, Eugubinus, Rupertus, Galatinus, Genebrardus, & Tornicellus. Suam autem sententiam probant primò quia Sem tempore Abrahami adhuc vivebat. Secundò quia Sem primogenitus fuit Noë; atqui eo tempore jus Sacerdotii ad primogenitos pertinebat, ut docet Divus Hieronimus in traditionibus Hebraicis. Tertiò quia Melchisedech major Abrahamo fuit; siquidem ipsi benedixit; atqui nullus eo tempore præter Sem major fuit Abrahamo. Sed leves sunt istæ rationes, facillimèque confutantur. Nam primò esto quod eo tempore Sem adhuc vixerit, an inde sequitur eum aut in Chanaanâ habitasse, aut Regem Chananæorum fuisse? Secundò ut ileam valde incertum esse ne dicam falsum Sem fuisse primogenitum Noë; falsum esse constat Sacerdotium penès solos primogenitos fuisse, cum Abraham qui natus minimus erat nihilominus sacrificia obtulisse legatur. Tertiò denique Melchisedech non dicitur fuisse major Abrahamo in sanctitate, sed in Sacerdotii officio & regia potestate conjunctis. Verùm enim verò manifestè ostendit Apostolus Sem non fuisse Melchisedech, cum asserit hunc fuisse sine genealogiâ. Cum enim Semi genealogia in Scripturis recensetur, manifestum est ipsi convenire non posse quod de Melchisedech asserit Apostolus. Itaque relicta istâ opinione probabilius est Melchisedechem fuisse unum ex posteris Chanaan filii Cham, qui Rex urbis Salem fuerit. Hanc sententiam tuentur Divus Hieronimus in Epistolâ ad Evagrium in quâ etiam citat Hyppolitum, Irenæum, Eusebium Cæsariensem, & Eusebium Emisenum, Apollinarium & Eustathium. Josephus libro primo antiquit. Judaic. cap. 11. & lib. 7. de bello Ju-

daico cap. 18. Hegesippus, Theodoretus, Occumenius, aut alius ejus nomine in caput septimum Epistolæ ad Hebræos, & Cedrenus. Inter recentiores verò Ludovicus Tena & plures alii. Sed jam de Melchisedece satis.

SECTIO SECUNDA.

D E

Jacobo Patriarchâ

QUOD spectat ad Jacob Patriarcham, nihil nobis de ejus personâ dicendum occurrit, quod cuiquam mediocriter docto difficultatem facere possit. Sed celeberrima questio est inter Christianos & Judæos circâ sensum benedictionis, quam moriturus Judæ filio suo impertivit. Christiani enim contendunt eam continere insignem de Christo venturo prophetiam quam ex defectione Regni Judæorum eorumque dispersione completam esse concludunt. E contrâ Judæi recentiores nullum non movent lapidem, ut Prophetiam aliò detorqueant, & vim argumentationis Catholicorum eludant. Quapropter ut eorum pertinaciam retundamus, & prophetiæ veritatem stabiliamus, res paulò diligentius examinanda est. Primò igitur discutiendum est an verba Patriarchæ Jacob prophetiam de Messîâ contineant. Secundò quomodo ista prophetia intelligenda sit, & quando fuerit adimpleta. Sed prius verba prophetiæ hic adducenda sunt. Sic igitur se habent Genesis 49. in Vulgarâ: *Non auferetur sceptrum de Iuda & dux de femore ejus donec veniat qui mittendus est, & ipse erit expectatio Gentium. In Hebræo verò, non recedes sceptrum de Iuda neque dux de inter pedes ejus donec veniat Siloh, & ipsi obedientia populorum.*

Quod igitur ad primum attinet, convenit inter omnes tam Judæos quàm Christianos verba quibus Jacob Patriarcha Judæ filio benedixit, insignem aliquam prophetiam continere. Difficultas est solum, an ista prophetia Messîam spectet. Affir-

mant Christiani, negant recentiores Judæi. Sed facile est horum errorem, tum ex ipsius prophetiæ verbis, tum ex veterum Judæorum testimoniis demonstrare. Itaque in ipsius prophetiæ verbis tria tantummodo sunt quæ expositione videntur egere, nimirum *Sebeth*, *Mechokek*, & *Siloh*. Vocem *Sebeth* quam nos sceptrum transferimus, nonnulli virgam vertunt; quo nomine Judæi recentiores volunt intelligi virgam afflictionis, quâ Judæi utque ad Messiae adventum puniendi sunt: aut saltè, ut alii volunt, hoc nomine solum jus sceptri designatur. Sed certum est nihil aliud per vocem *Sebeth* quam sceptrum regium & supremam potestatem denotari, 1°. quia clarum est hic aliquid faustum & singulare prædici, quod tamen non esset si per istam vocem virga exactoris & afflictionis esset intelligenda. 2°. Ex paraphrasi Onkelosi, quæ de sceptro illam explicat, sic enim vertit: *non deficiet exercens Dominum*. 3°. Ex paraphrasi Jonathanis, quæ sic habet: *non cessabunt Reges & Principes*. 4°. Ex Targum Jerosolimitano in quo sic habetur: *non cessabunt Reges*. 5°. Ex Talmude tract. Sanhedrim pag. 5. colum. 1. 6°. Idem docent celebriores Rabbin. Rabbi Raschi, author libri Bereschith Rabba, Maimonides, Rabbi Bechai, Rabbi David Kimki, Rabbi Hirschia, Salomo Urbinas, & alii; ergo cum isti doctores maximam habeant apud Judæos auctoritatem, & paraphrasès vix ipsi Bibliorum textui postponentur, nulla ratione inficiari possunt Judæi recentiores, quin per vocem *Sebeth* sceptrum & suprema autoritas apud Judæos ad Messiam usque permanens debeat intelligi. Nonnulli Judæi per vocem *Mechokek*, intelligunt habitatores Jabes qui sanctionum Synedrîi custodes erant. Ita author libri Bereschith Rabba. Author libri Bereschith Ketsra duos scribas intelligit, qui semper adstabant Synedrîo; Rabbi David Kimki intelligit scribas Regum, seu eos qui ipsis futuri erant à secretis. Sed communior sententia id intelligit vel de Legis doctoribus, vel de iis qui insignem aliquem gradum in populo obtinerent.

Sed præcipua difficultas est in voce *Siloh* quam Judæi minus in modum torserunt ne Messiae posset accommodari.

Sunt

Sunt qui per istam vocem locum aliquem intelligunt. Sunt qui personam designari volunt. Qui locum intelligunt, exponunt vocem *Siloh* per locum ubi Arca reposita erat, in quo aliqui volunt unctum fuisse Saül. Alii verò Jeroboam, qui non erat de tribu Juda. Sed manifestum est, istam expositionem Scripturis contrariam esse. Præterquam enim nec Saül nec Jeroboam in Silo regiam potestatem acceperunt; siquidem ille electus est in Masphâ, confirmatus in Galgala, & unctus in Suph: hic autem in Sichem regiam potestatem adeptus est: præter hoc, inquam, clarum est, sceptrum Juda tunc temporis nullatenus defecisse, cum potius per mortem Saül in Davide emicuerit, & post mortem Salomonis in duabus tribubus usque ad captivitatem perseverarit.

Qui verò per vocem *Siloh* personam designari putant, ex iis alii ad Mosem referant ut Bechai, alii ad Saulem, alii ad Davidem ut Aben Esra; alii ad Jeroboam, ut Chaskumi, alii ad Nabuchodonosor, alii ad Ahiam Syonitem, ut Hyskia, alii ad Herodem ut Herodiani, alii denique ad Vespasianum ut Iosephus lib. 6. de bello Jud. cap. 31°. Sed non est necesse in his omnibus opinionibus confutandis immorari; cum paraphrases Onkelos, & Jonathæ, nec non & Targum Jerosolimitanum id apertè de Messia exponant. Sic enim habet Onkelos: *usque dum veniet Messias*. Jonathas verò & Targum Jerosolimitanum, *usque ad tempus quo veniet Rex Messias*. Idem habet & Talmud tract. San-hedrim cap. 12. Rabba in Genes. Raschi, Salomon Jarchi, R. David Kimki & alii. Undè patet Judæos negare non posse istam prophetiam ad Messiam spectare; quin suas paraphrases quas in omnibus tanti faciunt, rejiciant, & celebriores gentis suæ magistros ac doctores quos tam impensè venerantur, deferant.

Quod spectat ad secundum, nimirum quomodo hæc prophetia exponi debeat, duæ sunt potissimum sententiæ. Alii enim eam de solâ tribu Judâ exponunt, contententes potestatem & sceptrum in illâ tribu absque notabili interruptione perseverasse usque ad tempora Herodis, sub quo

potestate Judæorum deficientē , & sceptro ad alienigenam transeunte , Messias juxtā Jacobi vaticinium advenit , & omnes Prophetarum prædictiones adimplevit. Alii verò licet de tempore quo finem habuit prophetia cum his omninò conveniant aut ab illis parum discrepent , in modo tamen ab illis recedunt , contenduntque prophetiam non esse in solâ tribu Judâ coarctandam ; sed ad totam gentem Judæorum , cum aliquâ tamen prærogativâ in tribu Judâ extendendam.

Cum autem utraque sententia doctissimos viros propugnatores habeat , quorum rationes spernendæ non sunt : ideo utriusque præcipua fundamenta hic referemus. Itaque qui prophetiam Jacobi de solâ tribu Judâ intelligendam , & in eâ solâ completam esse volunt , spatium omne quod à Davide , sub quo prophetiæ initium statuunt , ad Herodem Ascalonitam effluxit , in quatuor partes dividunt. Prima comprehendit tempus quod à Davide ad captivitatem usque fluxit. Secunda annos captivitatis. Tertia , spatium à solutâ captivitate usque ad mortem Nehemiæ. Quarta denique incipiens ab obitu Nehemiæ desinit in Herode sub quo natus est Christus. Sic autem probant sceptri possessionem in solâ tribu Judâ per totum istud spatium. Nulla est difficultas à tempore Davidis ad captivitatem usque ; cum de eo consentiant omnes. Nulla etiam esse potest pro tempore ipso captivitatis , Scriptura enim testatur Hierem. 52. Jechoniam à Rege Babylonis exaltatum fuisse , & thronum ejus antepositum *omnibus Regum solis qui erant in Babylone*. Idem postea Danieli factum testatur Dan. 2. ʒ. 48. cap. 5. ʒ. 29. & cap. 6. primum quidem sub Nabucodonosor , deinde sub Balthasar postea sub Dario , ac tandem sub Cyro. Atqui Jechonias & Daniel erant de tribu Judâ Dan. 1°. Joseph lib. 10. cap. 11. Ergo clarum est quod tempore ipsius captivitatis tribus Judâ principatus successionem habuerit. A captivitate verò ad Nehemiam usque Zorobabel & alii Principes de tribu Judâ principatum obtinuerunt inter Judæos , ut patet ex libris Eldræ & Nehemiæ. Et licet expressum non habeamus in Scripturâ successores Zorobabelis aut ipsum Nehemiam fuisse de tribu Judâ : in hoc tamen habemus consen-

tientes Judæos, qui docent Principes exulum, quales fuerunt Zorobabel & Nehemias, fuisse ex progenie David. Denique à morte Nehemias usque ad Herodem nonnulli principatus durationem in Juda petunt ex uxoribus Assamonæorum, quas de tribu Juda fuisse affirmant. Sed præterquam gratis affirmant, & absque ullâ autoritate Assamonæorum uxores fuisse de tribu Juda; certum est istam uxorum successionem, si qua fuisset, non potuisse sufficere ad continuationem sceptri in familiâ David, cum notum sit familiam matris apud Judæos non vocari familiam. Alii ergo, ut rem melius explicant, recurrunt ad Synedrium quod volunt apud Judæos supremam habuisse auctoritatem. Docent igitur duos semper fuisse Principes in Synedrio, unum summum Sacerdotem, & alium Principem de tribu Juda, quem ultimum maximam ac ferè supremam habuisse contendunt in ipso Synedrio auctoritatem. Utrumque autem probant ex R. Abraham in Cabalâ Arabath folio 98. & R. David Zemach folio 35. ubi sic habet: *mos erat Hierosolymis, quandiu esset Regnum ex familiâ Asmonæorum, & post eos è familiâ Herodis ecce semper fuit Princeps ex domo David: nam Rex curabat exercitum & res bellicas. Verùm que ad legem pertinebant statutaque & judicia, ad nutum Pontificis & Principis ex familiâ David administrabantur.* Ex quibus patet continuam fuisse successionem Regum & Principum in tribu Juda à tempore Davidis usque ad Herodem. Atqui non minùs certum est à tempore ipsius Herodis ipsam Synedrii potestatem cessasse, & ad nihilum redactam esse. Id patet ex Evangelio, ubi fatentur Judæi sibi non licere, quemquam occidere. Probatur etiam tum ex Rabbinis, qui docent Herodem occidisse omnes Rabanum & extinxisse solem mundi: tum ex Talmude tractatu Sanhedrim cap. 5.º ubi fatentur quadraginta annis ante devastationem templi Synedrio ablatam fuisse potestatem judicandi in criminalibus. In diebus verò Rabbi Simeonis filii Jochai ablata esse judicia pecuniaria. Ex quibus omnibus contendunt authores hujus sententiæ, rectè concludi Messiam sub temporibus Herodis advenisse; siquidem tunc temporis summa potestas, quæ apud Judæos ad Messiam

usque permanſura erat, penitus iis ablata eſt.

¶ Qui autem contendunt prophetiam iſtam de ſolâ tribu Juda non eſſe intelligendam, ſed de totâ gente Judæorum, multò facilius rem paucis explicant. Dicunt enim regiam poteſtatem in tribu Juda & familiâ David permanſiſſe uſque ad captivitatem: à captivitate verò nonnullos Duces & Principes exercitus, Judæis reducibus aliquandiù præſuiſſe; his verò ſucceſſiſſe ſummos Sacerdotes in rerum adminiſtratione, donec ad Aſſamonæos tranſiret ſumma poteſtas, & totius Reipublicæ cura. Quæ poteſtas cum jamdiu regia eſſet, Regni etiam titulum & poteſtatem adepta eſt, eamque eo uſque ſervavit, donec Herodes Aſcalonita Antipatris Idumæi filius Regnum Judæorum, Romanorum favore & ope obtinuit. Quo tempore cùm Regnum ad alienigenam tranſiſſet, adſuit tempus; quo juxta Jacobi vaticinium Meſſias etiam adeſſe debebat. Alii nihilominus nec incongruè Reipublicæ Judaicæ ſtatum perducunt uſque ad totalem ejus deſtructionem à Veſpaſiano & Tito factam non multis annis poſt Chriſti paſſionem. Suam autem ſententiam fundant, 1.^o in eo quòd verſio τῶν ἐ ἐ expreſſè habeat non deſuturos, qui Judaicæ Reipublicæ præſint, *Donc veniat cui reſoſita ſint.* id eſt Meſſias. 2.^o In eo quod Judæi non deſtiterint efficere populum diſtinctum à reliquis gentibus, qui ſuis legibus & moribus regerentur, donec à Veſpaſiano vaſtati per totum terrarum orbem diſperſi ſunt.

Cæterùm ut circâ genuinum Prophetiæ ſenſum, quid nobis videatur aperiamus; licet prior expoſitio probari fortasſe poſſit Judæis, argumento quod vocant ad hominem, fatendum eſt nihilominus poſterioſiorem clariorem eſſe, minùſque intricatam. Undè non dubitamus eam priori eſſe preferendam, quemadmodum eam de facto prælatam eſſe à ple-riſque Patribus cernimus. Eam enim amplectuntur Chriſoſtomus, Juſtinus martyr, Euſebius, Auguſtinus & alii. Vixque ullus inter veteres, præter Cyrillum Alexandrinum, priori ſententiæ adhæſiſſe reperietur.

Unum tamen eſt, quod adverſus poſterioſiorem illam expoſitionem facere videtur, nimirum ex eâ ſequi Jacobum

Patriarchâ nihil peculiare de Judâ in ipsius benedictione prædixisse; cum tamen clarum sit ex Scripturâ Jacobum singulis filiis peculiare aliquid prædixisse. Sed facîle responderetur, sic toti Judæorum genti communem fuisse Judæ benedictionem, ut tamen ipsi etiam peculiaris fuerit, eumque magis quàm ceteros respexerit. 1°. In eo quòd soli filii Juda à Davide usque ad captivitatem, regiam dignitatem obtinuerint. 2°. In eo quod post captivitatem, cum ad aliam tribum potestas transire cæpit; nihilominus tota gens à Judâ nomen sortita est, tuncque primùm Israelitæ ceperunt Judæi cognominari. 3°. In eo quod licet alii quàm de tribu Juda principatum tenerent, in ipsâ tamen tribu Judæ principatus ille, usque ad destructionem Judææ perseveravit.

DISSERTATIO DECIMA NONA.

DE

Poligamiâ Patriarcharum.

VETERIS Testamenti libros evolventi nihil frequentius occurrit, quàm uxorum pluralitas. Neque solum in iis viris reperitur, quorum vitam Scriptura reprehendit; sed in his etiam, quos tanquam viros sanctissimos & legi Dei in omnibus addictos repræsentat. Undè meritò quaeritur, an talis Polygamia ante Legem, aut etiam Legis tempore fuerit prohibita. Circà quòd sciendum est, Manichæos implacabiles veteris Testamenti hostes docuisse Abrahamum, Jacob, & alios, graviter peccasse, cum plures duxerunt uxores. Contrà quos passim disputant tùm Augustinus, tùm alii Patres. Ita tamen perplexè & operosè hâc de re loquuntur, ut in quæstione tam lubricâ quasi difficultatis mole obruti, interdum videantur ita loqui, ut adulterium agnoscant; sed tale quod excusationem mereatur. Sic Ambrosius lib. 1°. de

Abrahamo cap. 4. Respondet adulterium illo tempore nondum fuisse lege prohibitum, eaque etiam ratione excusari posse, quod Abraham duxerit Agar consentiente Sarâ, non ardore libidinis, sed amore posteritatis. Similia ferè tradit sanctus Augustinus. Sed hæc difficultas aliter resolvî nequit, nisi definiatur, utrum lege naturæ prohibita sit nec ne uxorum pluralitas. Si enim Polygamia contrâ legem naturæ pugnet, mala est in se, vixque concipi potest quomodo Deus in illâ dispensare possit; cum neque se ipsum negare, nec quod ex suâ naturâ malum est, bonum reddere possit, ut plerique Theologi præbant in tractatu de legibus.

Itaque duæ sunt Theologorum circâ Polygamiam sententiæ. Prima est Estii, Bellarmini & plerorumque scolasticorum, qui licet fateantur pluralitatem uxorum non esse contrâ finem primum matrimonii, nimirum prolis procreationem & educationem, contendunt tamen eam jure naturali prohibitam esse, eo quod repugnet fini secundario matrimonii; nimirum mutuo conjugatorum obsequio & bonorum cõmunicationi.

Secunda est Durandi Tostati, Joannis Gerson, Cajetani, & nonnullorum aliorum: qui docent Polygamiam jure naturæ non esse prohibitam, quorum sententia cum probabilior nobis videatur, eam hic tueri aggrediemur. Itaque.

Probatur 1^o. ex Scripturâ, quæ de multitudine uxorum tanquam de re licitâ loquitur. Deuter. 21^o. dicitur: *si habuerit homo duas uxores, unam dilectam, & aliam odiosam, habuerisque ex eis filios, & filius odiosa fuerit primogenitus, voluerisque substantiam dividere inter filios, non poterit filium dilectæ facere primogenitum.* Advertendum enim est, hoc in loco non agi de aliquo privilegio: siquidem de quocumque homine loquitur Scriptura. Sic etiam Deuter. 25^o. præcipitur generaliter & absque ullâ conditione, ut quoties aliquis absque liberis defunctus fuerit, frater defuncti accipiat uxorem, ut suscitet semen fratri suo. Sic denique 2. Reg. 12^o. Deus exprobrat Davidi, quod ipsi dederit uxores Domini sui.

Confirmatur. Quia videmus eos, qui acceperunt plures

uxores nullam expectasse revelationem Dei, aut dispensationem. Sic Abraham accepit Agar, sic dum Laban Jacobo Rachelem secundò obtulit, non excepit Jacob illicitum esse habere plures uxores simul; sed eam accepit absque ullâ cunctatione. Similiter cùm David audivit mortuum esse Nabal, licet jam uxoratus, statim accepit uxorem ejus. Adde quod nullibi Scripturarum legimus ejusmodi dispensationem, nec Patres de eâ ullatenùs meminerunt: sed tantùm aliqui posteriorum temporum scolastici.

Probat 2^o. autoritate Sanctorum Patrum, inter quos primus occurrit Ambrosius, qui lib. 1^o. de Abraham cap. 4. sic habet: *cum Abraham duxit Agar, non commisit in legem, sed legem prævenit.* Quibus verbis manifestè supponit Ambrosius nondum fuisse legem, quæ pluralitatem uxorum vetaret. Idem docet Augustinus lib. 16. de civit. cap. 38. Eo inquit, *tempore multiplicanda posteritatis causâ, plures uxores lex nulla prohibebat.* Et lib. 22^o. contrâ Faustum cap. 47^o. Peccata, inquit, *alia sunt contrâ naturam, alia contrâ morem, alia contrâ præcepta: quæ cùm ita sint, quid tandem criminis est, quod de pluribus simul habitis uxoribus obijciatur sancto viro Jacob? Si naturam consulas, non lasci- viendi, sed generandi causâ illis mulieribus utebatur. Si morem, illo tempore atque illis terris factitabatur: si præceptum, nullâ lege prohibebatur.* Idem docet lib. 3^o. de Doctrinâ Christianâ cap. 10. *Suscipienda, inquit, prolis causâ erat uxorum plurium simul uni viro habendarum inculpabilis consuetudo.* Idem etiam expressè docet Theodoretus quæstione 66. in Genes. ubi ait: *Rogavit Sara sterilis Abraham, ut cum Agar conjungeretur, quo ipsa liberos inde susciperet. Quid quæso in eâ re peccavit Abraham? maxime cùm neque natura, neque lex ulla tunc scripta plures uxores ducere prohiberet.* Similia habet Divus Hycronimus in Epistolâ ad Oceanum, ac denique Hildebertus Cœnomanensis in Carmine de conjugii Sacramento in utrâque Lege, ab Homero nuper edito ubi ita habet:

*Hinc etiam plures uni nupsere marito,
Non solum quia quaque parens non inveniebat,*

*Sed quia Messiam proles paritura placebat.
 Tu genitrix Isaac venturi præcia Christi,
 Conjugi sociam patienter sustinuisti;
 Ante datam legem, Iacob & Rachel & Lia nupsit.
 Vxores sub lege duas simul Heleana duxit,
 Quæsitæ est soboles nec affectata voluptas.
 Temporis illius si vis attendere nuptas,
 Non sibi, sed generi matrona satisfacibat.
 Hinc uni multa, non multis una maritis
 Haeserunt. &c.*

Probatur 3°. Quia si Polygamia. esset contrà legem naturalem, Deus in illâ dispensare non potuisset cum antiquis Patriarchis. Deus enim juxtâ probabiliorem Theologorum sententiam, in tractatu de legibus, non potest dispensare in lege naturæ, quia non potest approbare & positivâ voluntate licitum facere, quod in se & naturâ suâ malum est; ergo si Polygamia legi naturæ contraria esset, dicendum foret antiquos Patriarchas in perpetuo adulterio vixisse, in eoque mortuos esse, quod tamen nec tolerari, nec cum certâ eorum salute conciliari potest.

Obijcitur 1°. Pluralitas uxorum contraria est institutioni matrimonii in Paradiso terrestri; ergo & legi naturæ. Probatur antecedens Genes. 1°. ubi Scriptura unius tantum uxoris cum uno viro meminit; *masculum & feminam creavit eos. Et erunt duo in carne una.* Respondeo, quod licet primum matrimonium sit tantum unius viri cum unâ uxore: nihilominus pluralitas uxorum non est contrà finem matrimonii, nimirum procreationem liberorum, eorumque educationem. Fatemur tamen istam pluralitatem aliquatenus degenerare à perfectione primi matrimonii inter unum & unam.

Obijcitur 2°. Si licita esset Polygamia jure naturæ, eâ usi essent Patriarchæ ante diluvium, nec non etiam statim post diluvium; quando necesse erat genus humanum multiplicari, sed eâ usi esse nullatenus reperiuntur; ergo &c.

Respondeo 1°. Nullatenus probari posse priores Patriarchas non habuisse plures uxores, cum non omnia eorum acta conscripta

conscripta sunt. 2°. Nihil contrā nos inferri posse, etiamsi fateremur eos singulares uxores habuisse; siquidem concedimus talia matrimonia perfectiora esse: quod tamen non impedit, quominus Abramam & Jacob viri sanctissimi, plures uxores habere potuerint. 3°. Aliam etiā afferri posse rationem, cur primi Patriarchæ plures uxores non habuerint, nimirum quod eo tempore tot ferè nascerentur masculi, quot fœminæ.

Cæterum post diluvium Polygamia omnibus passim hominibus licita erat ad humani generis propagationem. Nec enim solis Magnatibus & Principibus, sed etiam plebeiis hominibus, ut constat ex Deuter. 21°. & 1. Reg. 1. neque solum apud Judæos, sed etiam apud Gentiles id licitum censebatur, ut ex Laban, qui duas filias Jacobo uxores tradidit; & ex Esau, qui duas uxores duxit gentiles. Hinc Athenienses teste Hyeronimo Rhodio apud Medinam lib. 4°. de Sacrorum hominum continentia cap. 4°. duas admittebant uxores simul. Hinc Socrates ipse duas uxores habuit. Hinc denique permisit Julius Cæsar, ut narrat Suetonius in ejus vitâ. Ex quibus tamen malè quis inferret etiam in novâ lege eandem uxorum pluralitatem Christianis licitam esse. Contrarium enim patet 1°. Ex eo quod Christus Dominus Math. 19°. & Marci 10. juxta primam institutionem inter duos tantum vult constare matrimonii Sacramentum. 2°. Ex eo quod idem Christus Lucæ 16. abrogat libellum repudii, prohibetque ne quis uxorem dimittat, aut dimissam ducat. Si enim, qui dimissâ uxore alteram duxit, mœchatur, ut assermat Christus, multò magis, qui eâ retentâ alteram ei superinducit. 3°. Ex iis, quæ de matrimonio habet Apostolus 1. ad Corinth. 7°. 4°. Ex eo, quod matrimonium in lege novâ sit Sacramentum unionis Christi cum Ecclesiâ, ut non nisi in unâ uxore ista unio representari possit: siquidem pluralitas unitati Ecclesiæ adversatur. 5°. Ex communi doctrinâ Patrum, qui eandem veritatem passim inculcant, ut Siricii Pape, Augustini, & aliorum &c. in cap. 19^{um}. Mathæi. Unde eandem sententiam tanquam fide certam definivit Concilium Tridentinum sess. 24^a. can. 2°. his verbis: *Si quis dixerit*

Christianis licere plures habere uxores, & hoc nulla lege divina esse prohibitum, anathema sit.

Quæritur, utrùm omnes Patriarcharum uxores essent legitimæ: Plerique vulgò negativè respondent; tùm quia nonnullæ earum vocantur concubinæ; aliquando & ancillæ: tùm quia Ismahel filius Agar, non fuit hæres Abrahæ, ut potè ex ancillâ natus: cum tamen hereditare debuisset, quippe qui primogenitus erat Abrahæ, ex hypothesi quod Agar esset vera uxor. Nihilominùs respondeo affirmativè, tùm quia Scriptura passim eas uxores appellat: tùm quia id de nonnullis certum est ut de Rachel, de Liâ, de Annâ & Phenennâ &c. Nec obstat, quod nonnullæ uxores aliquando concubinæ & ancillæ dicantur: id enim nihil aliud denotat, quàm eas non fuisse uxores æqualis dignitatis cum aliis, nec in consortium bonorum adscitas: sed tantùm ad procreationem liberorum assumptas. Ex quo etiam sequitur earum filios non debuisse heredes institui, sed assignatâ sibi à patre familias portione contentos esse. Quod olim etiam apud Gentiles factitatum esse author est Agellius lib. 18. cap. 16.

DISSERTATIO VIGESIMA.

D E

Job Patriarchâ & ejus libro.

CUM sententiâ communi omnium ferè Interpretum receptum sit, Jobum Patriarcham labente tertiâ mundi ætate vixisse: idèò hic, quæ ad ipsum pertinent attingenda & discutienda esse arbitramur. Primum itaque circâ Jobum inquirendum occurrit, an verè aliquando extiterit? Quæstioni occasionem præbuerunt Talmudistæ, quibus Anabaptistæ hac in parte adstipulantur. Negant enim ullum unquam hominem extitisse cui ea contigerint, quæ de Jobo Scriptura

commemorat; undè ejus historiam fabulis accensendam esse pronuntiant: nec longè ab illorum sententiâ recedit Lutherus cum in convivalibus sermenibus titulo de Patriarchis & Prophetis, asserit Jobum tanquam fabulæ figmentum, propositum esse ad patientiæ exemplum. Sed hujus sententiæ temeritas & falsitas multis argumentis ostendi possunt.

Primò ex Scripturâ in quâ de eo pluribus in libris specialis fit mentio. Sic Ezech. 14. v. 14. dicitur: *Etsi fuerint tres viri in medio ejus Noë, Daniel & Job, isti justitia sua liberabunt animas suas*: neque enim Job cum Noë & Daniele conferretur, si nunquam extitisset. Sic Tobix 2. v. 12. *Hanc tentationem idco permisit Deus evenire illi ut posteris daretur exemplum patientia ejus sicut & Sancti Job.* Ibidem v. 15. *Nam sicut Beato Job insultabant Reges, ita isti parentes & cognati irridebant vitam ejus.* Sic etiam in novo Testamento Jacobi 5. v. 11. *patientiam Job audistis, & finem Domini vidistis quia misericors Dominus & miserator.*

Secundò ex ipso libro Jobi in quo non solùm ejus nomen refertur, sed etiam regio ex quâ oriundus erat, uxor ejus, numerus filiorum & filiarum ejus memorantur: quantitas etiam facultatum, boum, asinorum, camelorum, &c. recensentur: immò anni & dies vitæ ejus numerantur. Denique amicorum ejus non solùm nomina, sed etiam genus ipsorum, familia & patria referuntur. At quis ullius historiæ unquam veritatem affirmare audeat, si tot testimonia & adjuncta loci, temporis, ætatis, & personarum &c. ad hujus veritatem affirmandam non sufficiant.

Tertiò ex testimonio utriusque Ecclesiæ, Græcæ videlicet & Latinæ, quæ in suis Martyrologiis & Menologiis Jobi specialem mentionem facit, sicut aliorum Patriarcharum & Prophetarum. Quamvis enim talium librorum autoritas non sit irrefragabilis: nihilominus indè sufficienter indicatur ex utriusque Ecclesiæ traditione, certum haberi Jobum fuisse verum aliquando hominem, nec ejus historiam fictitiâ esse.

Quartò denique ex eo quòd nonnulli authores referunt etiamnum extare in Arabiâ Jobi sepulchrum, ibique indigenas

anniversariis honoribus Jobi coronas prosequi. Ita Nicetas qui catenam Patrum Græcorum composuit, in præf. Adricomius in theatro terræ sanctæ in Manasse num. 78. & alii ab eodem Adricomio relati. Neque obstat hujus historix veritati Josephi silentium; cum enim Josephus reipublicæ duntaxat Judaicæ historiam texeret, non erat ejus instituti, ut de Jobo, qui non Judæus sed Idumæus extitit, mentionem ingereret.

Quæritur 2^o. quis ergo fuerit Job, & quo tempore vixerit.

Respondeo duplicem esse sententiam circa Jobi genealogiam. Prima est Hebræorum quam sequuntur Hieronimus in traditionibus Hebraicis, & Rupertus, qui originem Jobi repetunt à Nachor Abrahami fratre, cujus primogenitus fuit Hus ut patet ex Genes. 22. v. 21. ex cujus stirpe Jobum genitum fuisse asserunt. Secunda est plerorumque veterum & recentiorum docentium Jobum ex familiâ Esau ortum esse. Horum autem sententia probabilior nobis videtur.

Primo quia Scriptura Genes. 38. inter filios Esau *qui regnarunt in terrâ Edom* recenset Jobab, quem eundem fuisse cum Jobo constat ex additione græcâ quæ legitur in fine libri Job. Quæ quidem appendix, licet non sit canonica; cum tamen sit antiquissima, ut potè quæ in versione Theodotionis locum habet, & in omnibus Græcis exemplaribus reperitur, insuper & ab Origene citatur in Epistolâ ad Africanum, maximam habet auctoritatem. Sic autem habet ista additio: *Hic Iob interpretatione redditur ex libro Syriaco, in terra quidem Austide habitans in finibus Idumææ & Arabiæ, & erat ei nomen Iobab. Cum autem accepisset uxorem Arabissam, genuerat filium, cui nomen Eurumon. Erat autem ipse ex patre quidem Zara de filiis Esau, matris autem Bosalez, ita ut ipse sit quintus ab Abraham. Et hi sunt reges qui regnarunt in Edom, cujus regionis etiam ipse dominatus est: amici autem qui ad eum venerunt Eliphas de filiis Esau Themanorum Rex, & Baldad Tyrannus Sochaorum, & Sophar Rex Minæorum.*

Secundò omnes ferè Sancti Patres hæc auctoritate nixi

affirmant Job unum fuisse de posteris Esau. Ita Origenes in Epistolâ ad Africanum. Eusebius lib. 9. de præp. Evang. qui etiam pro suâ sententiâ citat Aristam antiquissimum Scriptorem, qui ita habet : *Job fuit filius Esau, habitavitque in Idumæa & Arabia finibus, in iustitia & divitiis præcipuus.* Athanasius in Sinopsi, ubi asserit Job fuisse quintum ab Abrahamo. Chrysostomus Homilia 2^a. de Patriarchâ Job ubi ait : *Scriptura dicit Beatum Job fuisse de terrâ Hus provincie Esau, quo discas quibus ex malitia scholus quintus veritatis fructus eruperit. Nam Scriptura quinzum ab Abrahamo facit ipsum Job, Abraham quippe genuit Isaac, Isaac Esau, Esau Rabuelem, Rabuel Zaram, Zara Job. Successionem ergo ab Abraham per Esau habuit S. Job.* Ita Chrysostomus. Similia habent Augustinus, Theodoretus, & alii à Nicetâ adducti in Catenâ in Job. Tertiò idem confirmatur ex eo quòd Scripturâ testante, Job erat de terrâ Hus : Atqui terrâ Hus erat in regione Edom, seu in Idumæâ, quæ ad posteros Esau pertinebat, ut patet ex Thren. 4^o. ubi habetur : *Gaude & latare filia Edom, quæ habitas in terra Hus, ad te quoque perveniet calix inebrians atque nudaberis.* Constat igitur aut saltem admodum probabile est Jobum ex familiâ Esau ortum, esse : at quo tempore non adeò certum est. Conjici tamen potest eum vixisse circa tempora Moïsis, ante datam legem Israëlitis ; cum in toto ejus libro nulla Legis mentio fiat. Certè Jobum antiquissimum esse, longissima ejus ætas satis demonstrat. Existimavit tamen Divus Gregorius Jobum vixisse tantùm tempore Judicum. Talmudistæ tradunt Jobum eo anno natum fuisse, quo Jacob descendit in Ægyptum : mortuum autem anno quo Israëlita indè exierunt : sed Talmudistarum hæc in parte, sicut & in aliis, levis est auctoritas.

Objicies cum S. Hieronimo, contrâ Jobi genealogiam. Moïses Gen. 22. narrat Hus fuisse primogenitum Nachor ; atqui ab illo Hus originem ducit Job : siquidem in ejus terrâ natus est ; ergo &c. Respondeo terram Hus non à filio Nachor, sed ab alio Hus fuisse cognominatam. Tres enim

hujus nominis viri in Scripturâ reperiuntur. Primus est filius Haram unus ex Seminepotibus Gen. 10. à quo ipse Hieronimus in tradit. Hebra. vult habitatam fuisse terram Hus. Secundus est filius Nachor de quo Genes. 22. §. 21. Tertius est unus de posteris Esâi de quo Genes. 36. §. 28. à quo terram Hus cognominatam fuisse admodum verisimile est. Nec obstat quod fortassis post tempora Jobi vixerit; neque enim certum est tempore Jobi regionem appellatam fuisse terram Hus; sed sufficit modò id nomen acceperit, antequàm liber Jobi scriberetur.

Quæritur 3°. Quis fuerit author libri Job. Respondeo id omninò incertum esse. Alii Jobum ipsum hujus libri authorem faciunt, alii Moyfi illum tribuunt, alii Salomoni, alii Isaïæ, alii Jeremiæ, alii cuidam Prophetæ Idumæo, alii denique alicui Prophetæ ex captivitate Babilonicâ. Jobo illum tribuunt Origenes, Gregorius & Suidas, Moyfi Talmudistæ, author posteriorum commentariorum in Job., Methodius apud Photium, Polychronius, & Dyonisius Halicarnassæus à Nicetâ relatus. Hujus quoque sententiæ videtur esse Hieronimus præf. 2. in Job, cum tamen ejus verba satis obscura sint. Salomoni tribuunt Gregorius Nazianzenus, nec non Olympiodorus citatus à Nicetâ. Sed cum omnes istæ sententiæ vix ullum aliud fundamentum habeant præter conjecturas, easque levissimas, multò melius & satius est hæc in re judicium cohibere, quàm in re tam dubiâ quidquam definire. Hugo Grotius putat illum librum post Salomonis, & ante Ezechielis tempora scriptum esse, eo quòd nonnulla ex psalmis & Salomonis libris in libro Job imitata esse videantur. Sed quis Grotium docuit non ex libro Jobi potius Davidem & Salomonem quædam imitatos esse, quam authorem libri Job ex Salomone & ex Davide? Undè non magis probabilis est hæc ultima sententia quàm diversæ opiniones aliorum. Nonnulli tandem recentiores mediam ineunt viam, docentque Jobum ad meliorem fortunam redactum diaria quædam historiæ suæ scripsisse, quæ circà tempora Salomonis ab Hebræo quodam, elegantiori stylo, in Hebraicum sermonem sunt translata. Sed ut ista sententia non

fit omnino improbabilis , fatendum tamen est eam sicut
& præcedentes , non nisi conjecturis niti.

DISSERTATIO VIGESIMA PRIMA.

DE STATU REIPUBLICÆ

*Judaorum tam quoad Civilia quàm
quoad Sacra.*

SECTIO PRIMA.

DE

Statu Reipublicæ Judaorum quoad Civilia.

HACTENUS ea Historiæ sacrae capita expendimus , quæ ad priorum Patriarcharum ætatem spectabant , quæque potissimum in libro Genesis continentur. Nunc ut historiam Mosis prosequamur , ea à nobis in cæteris Pentateuchi libris discutienda sunt , quæ difficultatem alicujus momenti facere possunt. Sed cum vix aliud in illis libris occurrat (si historiam seponas , in quâ nihil difficultatis appareat) præter leges & ceremonias ad Reipublicæ statum , tam civilem quàm sacrum spectantes , opere præter nos facturos , simulque omnes difficultates elevaturos arbitramur , si utrumque hujus Reipublicæ & populi statum breviter exponere tentaverimus.

Itaque quod spectat ad Civilem Reipublicæ Judaicæ & populi statum , sciendum est eum pro diversitate temporum , diversum fuisse. Primus fuit sub Judicibus , secundus sub Regibus , tertius sub Aichmolotarchis seu captivitatis Principibus , quartus sub Ducibus , quintus sub summis Sacerdotibus , sextus denique sub ultimis Regibus. Primus status ,

qui sub Moysæ capisse videtur, perduravit usque ad vigesimum annum Samuelis, quo filii Israël petierunt sibi dari Regem. Secundus à Saùle initium ducens perseveravit usque ad undecimum annum Sedeciæ Regis Judæ, quo Hierosolimâ vastatâ & dirutâ, filii Juda & Benjamin ducti sunt Babilonem (decem aliis tribubus à Salmanazare jam antea in Assiriam deportatis.) Tertius spatiû captivitatis Babylonice non excessit. Quartus à tempore captivitatis Babylonice, circiter ad Antiochi Epiphanis regnum perseveravit. Quintus fuit à tempore Machabæorum sub Anthiocho Epiphane ad Aristobulum Joannis Hircani filium. Sextus denique sub Aristobulo usque ad necem Herodis Ascalonitæ, vel etiam usque ad Herodis Agrippæ obitum perduravit.

Status Reipublicæ Judaicæ sub Judicibus Monarchicis quidem fuit; sed Aristocratico regimine temperatus. Neque enim Judices ita absolute regebant populum, quin ad bella suscipienda, & alia majoris momenti gerenda, populi consilio uterentur: maximum enim fuisse discrimen inter potestatem Judicum, & eam quam postea Reges habuerunt satis patet ex primo Regum cap. 8.^o Porro juxta duplex Judicum mûnus, duplex fuit eorum potestas: altera ducendi populum, altera eundem judicandi, seu jus illi in omnibus secundum Legem dicendi. Constat enim ex Judicum 4.^o eos in judiciis, populi primatum habuisse, à quo ut à potiori sui muneris parte Judices sunt appellati. Cæterum Judicum Principatus non fuit hæreditarius, sed studiis populi delatus: unde nec semper in eadem familiâ, nec semper in eadem tribu fuit, sed modo in unâ, modo in alterâ. Ita ut ferè omnes tribus aliquos Judices habuerint.

Status Reipublicæ Judaicæ sub Regibus fuit purè Monarchicus: Regum enim, ut dictum est, major fuit quàm judicum auctoritas, cum non tam legibus quàm arbitrio, Republicam administrarent. Undè & absoluta in omnes subditos auctoritas eis tribuitur primi Regum 8.^o. Creati sunt primùm suffragiis populi: sed post Davidis tempora sibi invicem in regno tanquam in hæreditate paterna successerunt. Nihilominus sub Roboamo Salomonis filio regnum Israëliticum in duas

duas partes scisum est ; hinc tribubus Juda & Benjamin unam Rempublicam , illinc aliis decem tribubus alteram constituentibus.

Durante captivitate Babylonicâ non ita durâ servitute afficiebantur Judæi , quin in propriis negotiis aliquatenus sui juris essent : ita ut etiam jus vitæ & necis haberent , ut patet ex historiâ Susannæ , Danielis 13°. Fuisse autem tunc temporis aliquos captivorum Duces seu Principes , tum ex Scripturis satis apertè colligitur ; tum ab omnibus ferè Rabinis ut indubitatum traditur. Cæterum eos ἀρχιμελοτάρχους id est Principes captivitatis appellant.

Status Reipublicæ Judaicæ à tempore captivitatis usque ad Alexandrum Magnum , aut etiam Antiochum Epiphanem , aliquatenus Monarchicus fuit ; sed tamen ad Aristocratiam magis accedebat ; ut patet ex libris Eldræ & Nehemiæ. E contrâ verò ejusdem Reipublicæ status sub Machabæis & Assamonæis , licet Aristocratico regimine aliquatenus temperatus , ad Monarchiam nihilominus propius accessit.

Cæterum etsi in omnibus istis statibus Senatum Judæorum , quod magnum Synedrium vocant , à Moyse in deserto institutum , perseverasse , & suam potestatem habuisse , propriaque munia exercuisse tradant omnes ferè eruditi : vix tamen ista successio in Scripturis deprehendi potest , vixque ullum ejusmodi Senatûs vestigium sub Regibus apparet. Porro ad Synedrium spectabat , ut volunt , de causis maximi momenti tam ad Civilia quàm ad Legalia spectantibus judicare. Res verò quæ minoris momenti erant ab inferioribus tribunalibus septem & viginti trium Judicum definiebantur ; quamvis judicio non ita firmo , quin ab illis tribunalibus ad Cathedram Moysis , seu magnum Synedrium posset provocari. Moris autem erat apud Judæos in portis civitatum exercere judicia : undè Proverbiorum 3°. dicitur : *Νόμιλος ἐν τοῖς πυλῶνι τοῦ κυρίου ὁ κριτὴς τῆς γῆς* *bilis in portis vir ejus quando sederit cum Senatoribus terra.*

At verò præter istos Magistratus & Duces plures etiam alios noverant Judæi. Nam & quælibet tribus Principem habebat , & quælibet familia similiter. Singulæ etiam Civitates.

suos Præfides seu Principes agnoscebant , de quibus Judicum 9°.hique rursus Chiliarchi , Ekatonarchi, Pentacontarchi , & Decatarchi , seu Tribuni , Centuriones , Quinquagenarii & Decani pro numero hominum quibus præerant , appellabantur : præter ipsos autem erant & Scribæ , qui Legem populo exponebant , & scribendo , operam præstabant populo ; Magistratibus , & Senatui. Et hic quidem fuit status Judæorum quoad Civilia.

SECTIO SECUNDA.

DE STATU REIPUBLICÆ

Judæorum quoad Sacra.

QUOD spectat ad religionem Judæorum, quadrupliciter considerari potest , nimirum per respectum ad loca quibus verum Deum colebant ; per respectum ad dies quos ejus cultui consecrabant ; per respectum ad ritus quos in cultu divino adhibebant ; per respectum denique ad personas , quæ cultui Dei specialiter deputatæ erant ; de quibus omnibus breviter agendum est.

Tria potissimum loca sacra Judæi habuerunt , Tabernaculum nimirum , Templum & Synagogas. Tabernaculum erat ædificium instar templi ex lignis confectum ab Israëlitis in deserto. Ita autem elaboratum erat ut per partes compingi , dissolvi , & quòcumque transferri posset. In duas partes distinctum erat : in primâ , quæ sanctum dicebatur , erat mensa panum propositionis , & candelabrum cum lucernis. In secundâ verò , quæ Sanctum Sanctorum appellabatur, erat Arca fœderis , cujus operculum vocabatur propitiatorium seu oraculum , duobus Cherubim alas suas super illud extendentibus. Extrâ Tabernaculum verò erat altare æneum holocausti. Porro in Arcâ fœderis , tempore Moïsis erant

urna aurea habens manna , virga Aaronis quæ germinavit , & duæ tabulæ Legis. Tempore verò Salomonis neque urnæ , neque virgæ fit ulla mentio , sed tantum tabulatum quas solas fuisse in Arcâ Scriptura tertij Regum 8^o. testatur. Sunt tamen qui putent utrumque in Arcâ tempore Salomonis extitisse ; sed ideò nullam de urna & virga mentionem fieri , quia non erant intrâ Arcam , sed ad latus ejus appositæ. Horum autem omnium & aliorum , quæ tùm in tabernaculo , tùm postmodum in templo erant , qui figuras videre voluerit , consulat Torriellum , Villalpandum , Biblia Benedicti Ariæ Montani , & Biblia Critica. Porro tabernaculum è deserto in terram Chanaan ab Israëlitis delatum , primum in urbe Silo de tribu Ephraim cum Arcâ collocatum est , ut habetur Iosue 8^o. v. 1. ubi toto Judicum tempore remansit. Arca verò Dei tempore Heli Sacerdotis à Philistæis capta & postmodum restituta fuit ac in domo Aminadab in Gabaâ collocata. Tabernaculum Silo , regnante Saule , in civitatem Nobæ de tribu Benjamin , ubi erat Achimelech Pontifex , translatum est. Postcâ vero tempore Davidis in Gabaon deportatum , ubi etiam Salomon ante templi ædificationem sacrificia obtulit. Ab hoc autem tempore Mosâici Tabernaculi nulla deinceps mentio facta reperitur. Arca enim à Davide in montem Sion deportata in novo tabernaculo , ab eodem Davide extructo , collocata est. Undè psalmo 78. dicitur : *Et repulit tabernaculum Ioseph , & tribum Ephraim non elegit. Sed elegit tribum Iuda montem Sion quem dilexit : & ædificavit sanctificium suum in terra.* Porro Salomon perfectò templo , & sanctuario constituto , Arcam cum tabernaculo novo , & omnibus Sanctuarii vasis in illud transtulit , ut habetur 3. Reg. 8. Remansit autem ibi Arca cum tabernaculo , usque ad direptionem Jerosolymorum , & incensionem templi à Chaldæis : quo tempore ignis perpetuus holocaustorum cum tabernaculo , arcâ & altarî incensi , abscondita sunt à Jeremiâ Prophetâ ut narratur 2. Macab. 2. deincepsque Judæis manserunt incognita. Ceterum operculum Arcæ dicebatur Propitiatorium & Oraculum , quia de medio Cherubim Deus Israëlitis consulentibus

responsa dabat ut patet Exod. 25. §. 22. Num. 7. §. ult. Iud. 1.^o. 2. Reg. 6. At à tempore Davidis nullibi reperies oraculum ullum deinceps responsum dedisse, quamvis Rabbinis silentium Arcæ seu Oraculi, non nisi à captivitate Babilonicâ ordiri consueverint.

Templum Ierosolymitanum à Salomone incæptum anno 4.^o. regni sui, spatio septem annorum constructum est, in altero colle montis Sion nomine Moria, cujus forma, magnitudo, amplitudo & magnificentia referuntur lib. 3.^o. Reg. & 2.^o. Paralipomenon; habeturque ejus delineatio apud auctores suprà laudatos. Incensum est autem hoc templum à Chaldeis anno 11. regni Sedecix 400. circiter annis postquam à Salomone constructum fuerat. Post captivitatem verò à Zorobabele cum aliis Iudæis reducibus de Babyloniâ rursus ædificari cepit: sed à Samaritanis impeditum opus, jussu Cambysis Regis imperfectum remansit, donec sub Dario Hystaspæ, quem Afluërum esse plures autumant, perfectum fuit. Hoc autem secundum templum ab Ezechiele delineatum esse à capite 41. ad 47. communis est sententia; quamvis non ad eò certa. Denique idem templum 3.^o. instauratum est ab Herode 46. annis ante primum Pascha Christi prædicantis, ut patet ex verbis Iudæorum Joan. 2. cum Christo responderunt: *Quadraginta & sex annis ædificatum est templum hoc.* Quod plerique Interpretes ita exponunt ut ædificatio templi 46. annis cæperit antequàm hæc à Judæis dicerentur. Hujus autem templi, quod immensæ opulentix vocat Tacitus, magnificentiam vide apud Iosephum l. 6.^o. de bello Judaico, apud quem etiam libro 7.^o. ejusdem templi incendium post urbem à Tito expugnatam reperies.

Cæterum præter templum Ierosolymitanum aliud in Ægypto ædificatum est tempore Antiochi Epiphaniis ab Oniâ. Hic enim Onias alterius Oniæ Pontificis filius urbe profugus ad Ptolomæum Ægypti Regem se contulit, à quo cum in Heliopolitano solo præfecturam obtinuisset, templum ædificavit, ibique profugis Judæis Pontifex præfuit circa annum mundi 384. Eo autem tempore quo Titus Cæsar templum Ierosolymitanum cremavit, templum Ægypti à Paulino

Proconsule clausum est, ut narrat Josephus lib. 7^o. de bello Judaïco.

Synagogæ fuerunt quædam ædes in quibus ad orationem & lectiones vel conciones sacras audiendas populus sese recipiebat; hincque dictæ sunt Synagogæ seu Ecclesiæ & Congregationes. Duplex est autem sententia circa earum originem. Altera Sygonii docentis eas duntaxat post captivitatem Babyloniam extructas esse: altera Toleti cum Rabbiniis contententis tales Synagogas tempore Judicum jam extitisse. Harum autem sententiarum eam quisque tenere poterit quæ probabilior ei visa fuerit. Interim ad dies sacros Judæorum progressum faciemus.

Præcipua Judæorum festivitas erat ultimus cujusque Hebdomadæ dies, nimirum Sabbatum. Tanto autem honore ab iis colebatur, ut non solum ab omni opere in eo cessarent, sed ne ignem quidem ad usum domesticum eo die accenderent. Caput autem celebrari à Judæis hic dies (juxta communiorem sententiam,) cum Israëlitarum Legem acceperunt in deserto: cum antea tempore Patriarcharum esset incognitus.

Primus etiam cujuslibet mensis dies festivus erat apud Judæos, dicebaturque Neomenia, seu Novilunium. Hic porro dies festus non ex conjunctione Solis & Lunæ, sed ex apparitione Lunæ incipiebat. Ut autem quamprimum Lunam cernerent, constituiebant viros in cacuminibus montium, qui Lunam primum orientem observarent, eamque facilius & citius conspicerent; cum primum autem eam inspexerant, statim aut in ipsis montibus ignes accendebant, ut initium Neomeniæ omnibus indicarent, vel per singulas civitates cum tubis & clamoribus Lunæ apparitionem testabantur. Sed quia nonnunquam duobus vel tribus diebus à conjunctione Luna nubibus tegebatur, nec nisi 3^o. vel 4^o. die apparebat, hinc menses sacri inæquales erant, aliique alios tribus quatuorve diebus superabant.

Inter solemnitates Judæorum, Pascha præcipuum locum obtinebat, ut habetur Exodi 12. celebrabaturque decimoquarto die mensis Nisan, qui Martio vel Aprili nostro respondet.

Cautum autem erat lege Synedrîi Jerosolymitani, ut traditur in libro Seder-olam, ne Pascha secundâ, quartâ vel sextâ die hebdomadæ celebraretur; &, si in iis occurrisset, in diem sequentem transferretur. Quod nonnulli factum putant eo anno quo Christus passus est.

Pentecostes seu quinquagesimus dies post diem primitiarum, quo manipulum novarum frugum Deo offerebant, instituta fuit ad offerendos Deo panes è novis frugibus, quæ mense Aprili metebantur. Levit 23.

Festum Tubarum die primo septimi mensis celebrabatur, in memoriam ejus dici quo tubis clangentibus Deus Legem Moyli dederat in monte Sinai. *Ibidem*.

Festum expiationum decimo die ejusdem mensis cum jejuniis celebrabatur. Cujus festi ceremoniæ describuntur Levitici 17. & 23.

Festum collectarum, seu tabernaculorum, decimoquinto die ejusdem mensis celebrabatur, durabatque septem diebus in memoriam illius temporis quo populus Israëliticus in deserto sub tabernaculis fuit. Græcè autem hoc festum dicebatur Cœnopegia Exodi 23. Levit. 23. Num 29. Porro festum hoc fiebat, ut notant eruditi, post collectionem omnè fructuum, non verò post collectionem frugum quæ circâ mensem Aprilem fiebat.

Encœnia denique fuerunt solemnitates in anniversario dedicationis templi adhibitæ. Quatuor autem templi Jerosolymitani dedicationes celebratæ fuerunt. Prima fuit templi Salomonis, facta mense septimo, cujus mentio fit 2. Paralip. 7. Secunda fuit templi reparati à Zorobabele celebrata mense Februario ut habetur 1. Esdræ 6°. Tertia fuit altaris restaurati à Judâ Machabæo mense Novembri post ejusdem profanationem ab Antiocho Epiphane factam. De hoc autem mentio fit 1. Macab. 4. Quarta denique dedicatio fuit templi ab Herode constructi de quâ loquitur Josephus lib. 15. antiquitatum.

Præter hos dies festos duo etiam anni festivi erant apud Judæos, septimus nimirum & quinquagesimus. Septimo anno terra non colebatur nec ulla frugum collectio fiebat, ut

habetur Exod. 23. & Levit. 25. debita Israëlitarum dimittebantur, & servitus eorum solvebatur ut habetur Deuter. 15. Quinquagesimo autem qui dicebatur annus Jubilæus, remissio dabatur omnibus servis, & ager alienatus ad primum possessorem revertebatur, ut dicitur Levitici 25.

Cæteri dies festi Judæorum, qui post datam Legem celebrari ceperunt, fuerunt, primò memoria planctus filie Jephthe in exitu anni seu mense Febuario. Secundò memoria diei quo suscitatus est ignis extinctus post captivitatem Babylonicam die 2º. mensis Chasleu seu Novembris. Tertiò, dies victoriæ super Holofernem 25. ejusdem mensis. Quartò, victoriæ Esther adversus Aman 13. mensis Adar seu Februarii. Quintò denique dies victoriæ adversus Nicanorem Regem Syriæ decimoquarto die ejusdem mensis Adar.

Quòd spectat ad ritus sacros Judæorum, cum innumeri penè fuerint quos quilibet legere potest in libris Exodi, Levitici, & Deuteronomii, iis sigillatim describendis hîc superfedentes, de præcipuo tantùm ritu, nimirùm sacrificiis pauca dicemus.

Holocaustum, quod præcipuum locum tenebat inter sacrificia, erat sacrificium propitiationis, in quo divino igne tota Hostia consumebatur. Levit. 1.

Libamen erat fartum confectum ex farinâ mundissimâ absque fermento, ex oleo & thure in clibano, sartagine, aut craticula coctum. Vel fuit frumentum igni tostum cujus pars incendebatur, & altera Sacerdotibus tradebatur. Levit. 2º. & Num. 15.

Pacifica Hostia voti & laudis erat, hoc est, in quâ vel Deus orabatur, vel gratiæ agebantur. In hoc sacrificio solus adeptus cremabatur in odorem suavitatis Deo: pectusculum autem & armus erant Sacerdotis; reliquæ verò carnes ab offerentibus comedebantur. Levit. 3.

Sacrificium pro peccatis, hoc est per ignorantiam commissis, ut explicat Philo in libro de sacrificiis, describitur Levit. 4: & sacrificium pro delictis, hoc est à sciente & volente commissis, explicatur Levit. 7. ubi etiam cætera omnia sacrificiorum genera describuntur.

Sacra pecunia , quæ Siclus dicebatur , offerebatur Domino tanquam prætium pro animalibus , cedebatque in usum Tabernaculi, Exodi 30. Hanc exegerunt post multos annos Sacerdotes , templo extructo , deinde exigere desierunt. Cum autem pecuniâ opus esset ad faciendum templum , Rex Joas iterum solvi voluit , ac præterea arcam instituit , in quam omnes templum ingredientibus pecuniam illam conferrent. Hanc autem arcam Græco vocabulo Gazophilacium , Hebraico autem Corbonam appellarunt. 4. Regum 12. Hujus porro Gazophilacii custos fuit præpositus templi , ut vertit Vulgata , seu Quæstor templi , ut habet Græcus Interpres. Plures autem fuisse hujusmodi præpositos de numero Sacerdotum patet ex 4. Reg. 12.

Quod attinet ad personas sacras Judæorum , Pontifex , si ve summus Sacerdos , primum locum habuit inter Sacerdotes. Hic ex tribu Levi & familiâ Aaronis semper eligebatur , secundum Legem. Reliqui verò filii Aaronis simpliciter Sacerdotes dicebantur. 4. Reg. 23. Vestes Pontificis erant octo , Superhumerales , Rationales , Tunica hyacinthina , Tunica linea stricta , Fœminalia linea , Balteus , Thiara , & Lamina aurea , ut legere est Exod. 28. & Levit. 8. Harum autem vestium figuram , si quis videre cupit , consulat Tor. niellum ad annum mundi 2545. Munia Pontificis fuere , ut tabernaculum ingressus quotidie lucernas concinnaret : Levit. 24. Ingressus verò sanctuarium incensum ad altare Thymiamatis adoleret , 1. Reg. 2. Singulis septimanis panes propositionis conficeret , Levit. 24. Diebus festis sacrificia populi unâ cum Sacerdotibus faceret , Josephus lib. 6. de bello Judaico. Semel autem in anno sacris vestibus indutus , ingressus Sanctuarium , ipsum cum altare Thymiamatis à delictis & peccatis populi expiaret , Levit. 26. Et simul pro se ac domo suâ ac toto populo preces funderet. Ibid. Porro licet successio Pontificum non ita expressa sit in Scripturâ , quemadmodum successio Regum : si quis tamen eam nosse cupit , consulat Josephum in libris antiquitatum , & Torniellum ad annum mundi 2900. numero 2. & ad annum 3020. num. 15. & 16. ad annum denique 3517. num. 15.

Sub

Sub Pontifice, multi fuerunt Sacerdotes secundi ordinis, quorum vestes erant, Tunica linea, Balteus, Mitra, Feminalia, Exodi 29. & Levit 8°. Aliquando etiam induebant Ephod seu Superhumerales, sed lineum, ut habetur 1. Reg. 22. Consecrabantur autem ut Pontifices, id est offerebantur, lavabantur, vestiebantur, ungebantur, & consecrabantur, Exodi 29. Eorum officia erant ut olea conservarent, quotidie incensum offerrent, sacrificium quotidianum facerent diebus festis, sacrificium populi agerent: imò & extra ordinem pro populo vel privatis offerrent, & pelles Holo-caustorum detraherent, ut habetur Num. 4. primi Paralip. 6. secundi Paralip. 26. & 29. & Levit. 1.

Primi Sacerdotes fuere Nadab & Abiu, Eleazar & Ithamar, filii Aaronis, ex mandato Dei consecrati. Extinctis verò Nadab & Abiu, eo quòd ignem alienum sacrificiis intulissent, remansere Eleazar & Ithamar à quibus Pontificum & Sacerdotum progenies prodiit. Cum verò tempore Davidis sexdecim essent familiæ ab Eleazaro profectæ, octo verò ab Ithamar, omnes Sacerdotes in viginti-quatuor classes destinavit David, singulisque nomen imposuit ab eo qui tunc uniuscujusque familiæ principatum gerebat. Ordo autem eorum sorte ductus est; ita ut 24. sortes ductæ sint ut habetur primi Paralip. 24. Præterea nolens David omnes Sacerdotes quotidie occupari ministeriis sacris, singulas classes singulis hebdomadibus iussit operari. Unde Josephus libro 1. contra Appionem sic habet: *Licet sint 24. classes Sacerdotum quarum singula plusquam quinque millia hominum habent, per certos tamen dies particularis sit celebratio, quibus transactis alii succedentes ad sacrificia veniunt, & convocati in templum meridiè à precedentibus claves templi & omnia vasa ad numerum accipiunt, nullà re, qua ad esum attinet, in templum illatâ.* Porro videtur quòd singulis classibus Sacerdotum quidam præerant, qui etiam nomen commune cum summo Pontifice habuisse videntur, & à Latino Interprete dicuntur Principes Sacerdotum, vel summi Sacerdotes. Sic Marci 14. dicitur: *summi autem Sacerdotes querebant adversus Iesum testimonium.* & Act. 4. *Annas dicitur Princeps Sacerdotum.*

Post Sacerdotes sequuntur Levitæ, seu ceteri omnes qui erant de tribu Levi, præter filios Aaron. Horum ordo fuit duplex, unus à Moysè institutus Num. 1. cum jussu Dei commisit eis curam tabernaculi & vasorum, instrumentorumque ejus & Arcæ fœderis; ut ea deferrent & custodirent, & ut Sacerdotibus ministrarent, ut ibidem dicitur cap. 13. quod usque ad tempora Davidis perduravit. David verò Levitarum alium ordinem instituit, priore illo quodammodo abrogato. Nam Arcæ fœderis ferendæ onere sublato, Levitas alios Sacerdotum & templi ministros, qui propriè Levitæ dicti sunt, alios Cantores, alios Janitores, alios Scribas & Judices esse constituit. Ministrorum scilicet viginti-quatuor millia, Scribarum & Judicum sex millia, Cantorum 4. millia & totidem Janitorum ut habetur 1. Paral. 23. hocque confirmavit Salomon 2. Paral. 8. quod idem etiam postmodum restituit Rex Ezechias 2. Paral. 29. & 31.

Cantores constituti sunt ut confiterentur & canerent in organis coràm Domino. Hæc autem organa diversi generis erant, Tubæ, Cymbala, Psalteria, Citharæ, canebantque voce hymnos à Davide & aliis compositos. Tunicis bislinis induebantur, atque ita à Sacerdotibus lineas tunicas habentibus distinguebantur. Eorum officia describuntur præcipuè 2. Paral. 7. Permisit autem eis Rex Agrippa ut perinde ac Sacerdotes lineam vestem induerent, ut narrat Josephus lib. 8^o. antiquitatum.

Janitores templi januis excubabant, & sacras arculas in quibus erat pecunia observabant. De his multa habentur 1. Paral. 9. Divisi fuerunt in viginti-quatuor classes seu vices, quæ describuntur 1. Paral. 26. Joïadas autem Pontifex, regnante Joâ, constituit quosdam Levitas Janitores templi, ut neminem contaminatum ingredi sinerent, ut habetur 2. Paral. 23.

Nathinæi janitoribus adhæserunt ut habetur 1. Esdræ 2. sicut enim Sacerdotibus Levitæ; sic Nathinæi Levitis operam ministerii præstiterunt, ac quasi Subdiaconi nostri fuerunt. De his autem mentio fit 1. Paral. 9. & 1. Esdræ 11.

Præter hos autem, qui secundum Legis præceptum,

Deo rebusque divinis operam dabant, fuerunt & alii, qui licet sacra vasa non attingerent, nihilominus se totos Deo mancipabant, aut corpus suum Deo consecrando, ut Nazaræi; aut voluntatem & oracula Dei aliis annuntiando, ut Prophetæ; vel aliis Legem exponendo, ut Scribæ. Nazaræorum consecratio, victus, & conversatio describuntur Numer. 6°. Duos autem Nazaræos Scriptura nobis exhibet; videlicet Samsonem, Jud. 13°. & Samuelem, primi Reg. 1.

Scribarum munus antiquissimum faciunt Rabbini & Talmudistæ, voluntque Scribas jam extitisse tempore Moysis; ita ut hic Prophetæ primus Scriba fuerit, qui Legem voce explanavit, quam scripto mandaverat. Ea verò inquirunt quæ voce docuit primùm cum Josue communicavit. Seniores deindè Prophetis, ac denique Prophetæ Scribis propriè dictis eadem transmiserunt. Has autem traditiones schola Judæorum Cabalam nuncupat. Quamvis autem primis temporibus Lex de factò explicaretur; id tamen nonnisi à Sacerdotibus, & Levitis implebatur. Undè David instituit Levitarum familias ad docendum, ut habetur 1. Paral. 23. & 26. De Scribis autem propriè dictis nulla fit mentio antè captivitatem; sed post captivitatem sæpius, maximèque in libris Esdræ, in quibus Esdras dicitur Sacerdos & Scriba. Undè in novo Testamento Herodes Scribas consuluit ut ab eis disceret ubi Christus nasceretur. Porro Scribarum alii in templo, alii in Synagogis docebant. Undè primi dicti sunt Scribæ templi, alii verò Scribæ Synagogæ.

Prophetæ fuerunt homines Spiritu divino repleti qui Hebrais jussu Dei futura bona vel mala prænuntiabant. Hos primùm videntes, postmodùm verò Prophetas appellarunt ut dicitur 1. Regum 9.

Primus omnium isque præstantissimus cui Prophetæ nomen Scriptura tribuit, erat Moyses de quo Num. 12. Undè Deuter. 34°. dicitur: *Et non surrexit ultra Prophetæ in Israël sicut Moyses.* Porro spiritum ejus propheticum Deus septuaginta senioribus communicavit ut habetur Num. 11.

Samuël sub ultimis Judicium temporibus & primis Regum celeberrimus Prophetæ fuit. Hunc sub David & Salomone

mone exceperunt Nathan , Gad , Addo & Ahias Silonites ; postea verò sub Rege Achab & Joram filio ejus vixit Elias , qui zelo Dei accensus idololatrias jugiter persecutus est , & Regum Israël impietatem repressit , ac per annos circiter viginti propheticum ministerium exercuit , postea verò raptus est in cælum ut habetur 4. Regum 1.

Elizæus ejus discipulus sub sequentibus Regibus Jehu & Joachas vixit apud Israëlitas , atque ad Joæ Regis initia pervenit ut habetur 4. Regum 13. atque ita per annos circiter quinquaginta septem docuit. His successerunt per annos circiter quadringentos Prophetæ quorum scripta nobis supersunt , inter quos primus fuit.

Jonas , qui , si aliquibus Hebræis credimus , fuit ille adolescens , quem misit Elizæus ad ungendum Jehu , 4. Reg. 9. Quod quidem contigit circa annum mundi 3120. Longè autem postea missus est Ninivem circa annum 3213. sicque per integrum ferè sæculum inter Prophetas numeratur.

Osee prophetavit in Israël in diebus Oziæ , Joathan , Achaz , & Ezechia Regum Juda , & Jeroboam secundi , Regis Israël , ut habetur Osee 1. Sicque per integrum ferè sæculum vixit.

Amos prophetare cepit in Israël anno 28. Oziæ Regis Juda , ut vult Sanctus Hieronimus. Cum autem finem Regni Oziæ transgressus fuisset non legatur , ad summum per annos viginti quatuor prophetare potuit. Porro licet Amos in populo Israël prophetarit , erat tamen ex Judâ oriundus , ut habetur Amos 1.

Esaias prophetare cepit in Judâ anno vigesimo-quinto Oziæ Regis Juda , ut vult D. Hieronimus , hoc est circa annum mundi 3219. Atque sub Joathan , Achaz , & Ezechia perseveravit. Quin etiam sub Manasse ferrâ lignea dissectum tradunt utrumque Talmud , Justinus Martyr , Cyprianus , Lactantius , Hieronimus & alii plures ex Patribus ; ita ut videatur per integrum sæculum prophetasse.

Michæas Morastites prophetare cepit in Judâ circa annum mundi 3257 . ac sub Achaz & Ezechia Regibus Juda perseveravit annis circiter quinquaginta.

Abdias prophetavit in Israël tempore Esaiæ, & Amos ut volunt Theodoretus & Cyrillus; quia nimirum cladem à Sennacherib Idumææ inferendam quasi jam imminentem describit.

Nahum prophetasse post abductas decem tribus Israël docet D. Hieronimus; hoc est post annum 3283.

Hieremias anno decimo tertio Josiæ Regis vocatus est ut ipse refert cap. i. cum adhuc puer esset, hoc est anno ætatis decimo quinto, ut vult D. Hieronimus. Prophetavit autem usque ad annum mundi circiter 3420.

Baruch, Hieremiæ amanuensis & individuus comes fuit, cui etiam superstes vixit.

Sophonias ad quem factum est verbum Domini in diebus Josiæ, ut ipse refert cap. i.

Habacuc sub Joachim prophetasse videtur paulò ante captivitatem: siquidem Deus illi ostendit se illis istis diebus Chaldæos in Judæam immissurum, ut habetur Habacuc i.

Daniel qui unus fuit ex pueris præfecto Eunuchorum traditis sub Nabuchodonosor, vixit usque ad Cyri Regis tempora; sed an in terrâ Chaldæorum obierit, an verò cum aliis Judæis in patriam redierit post captivitatem, Scriptura non memorat.

Ezechiel Sacerdos anno quinto captivitatis prophetare cæpit, prophetavitque saltèm usque ad annum vigesimum septimum ejusdem captivitatis. Ezech. 29°. v. 17.

Aggæus reduce jam populo, anno secundo Darii Hytaspis, quem multi Assuerum esse volunt, cæpit Judæorum negligentiam in extruendo templo carpere. Aggæi i.

Malachias denique Prophetarum ultimus, videtur Nehemiæ fuisse æqualis circà annum 3550.

Superest ad perfectam Reipublicæ Judaicæ intelligentiam ut de diversis Judæorum sectis nonnulla breviter adjiciamus, quæ fusiùs legi poterunt apud Josephum Antiq. lib. 18°. cap. 2°. Epiphan. lib. 1°. adversus hæreses, & Baron. in apparatu. Fuerunt autem numero septem, scilicet Sadducæi, Pharisei, Hemerobaptistæ, Nazaræi, Esseni, & Herodiani, qui serè omnes diversis erroribus ac superstitionibus fuerunt implicati.

Sadducæi nomen acceperunt à Sadoch Antigoni discipulo , qui ad montis Garizim templum deferit , ut tradit R. Abraham in Cabalâ historiâ. Eorum errores erant , quòd omnia nostro arbitrio subjicerent ; animas mortales esse , ac proindè homines non resurrecturos docerent ; Deum videre mala , sicut & Angelorum aut spirituum existentiam negarent ; omnem traditionem non scriptam penitus rejicerent , & pleraque cum Samaritanis communia haberent , excepto quòd Jerosolimis sacrificabant.

Scribæ , Legis expositores , superfluam sæpè , aut noxiam etiam Legis interpretationem inducebant , ut Christus non semel illis exprobrat , frequenterque & superstitionè per lavacra se purificabant , ut narrat Epiphanius hæresi decimâ quintâ.

Pharisæi nihil molle aut delicatum adhibebant ut potè superioris vitæ homines. Fato omnia tribuebant , nec tamen liberum negabant arbitrium. Bis in sabbatho sive hebdomadâ jejunabant , virginitati ac continentiæ studebant , dicebanturque Pharisei , eo quòd separati essent ab aliis propter spontaneam sed superfluam Religionem ab ipsis susceptam. Phares enim Hebræorum linguâ separationem significat. Joseph lib. 18. Antiq. cap. 2. Epiphanius hæresi decimâ sextâ.

Emerobaptistæ cum Sadducæis resurrectionem mortuorum negabant , ac se quotidie baptizabant , quasi spes hæternæ dici esset mortua , inquit Epiphanius hæresi decima septimâ.

Nazaræi à Regione extrâ Jordanem originem trahentes , victimas non mactabant , nec animatis vescabantur , nec liberos Mosis probabant. Epiphanius hæresi decimâ octavâ.

Esseni , sic à Josepho dicti , ab aliis verò Osseni nuncupati , originem ducebant ab Ithureâ Regione & Moabitide , trans mare rubrum. Nuptias respuebant , alienos liberos adoptantes bona habebant communia , nullumque apud eos erat mercaturæ aliudve commercium. De his præclara multa referunt Joseph loco supracitato & Philo in libro quem inscripsit *omnes probos esse liberos* , sed Epiphanius hæresi 19. eos vocat Hypocritas.

Herodiani vani erant & hypocritæ, ait Epiphanius hæresi 20. Herodem docebant esse Christum in Lege promissum explicant de Herode hunc locum *Non deficiet sceptrum &c.*

Horum autem omnium sectariorum præcipui ante Christi adventum fuerunt Pharisei & Sadducæi. Populares Phariseis, Optimates autem Sadducæis se adjugebant, à tempore quo Joannes Hircænus novas traditiones Phariseorum ægrè ferens eorum potentiam sustulit & ad Sadducæos se contulit.

Gaulonitæ his omnibus addi possunt : sub Herode Ascalonitâ exorti sunt, & cum Phariseis in plerisque sentiebant. Sed cum Cæsar Augustus sublatis vectigalibus tributa ordinaria in capita & agros indixit, ob idque totum orbem Romanum censeri iussit, quidam Judas extitit qui adjuncto sibi Sadoch Phariseo negavit populum Dei alium Dominum quam Deum agnoscere debere, & censum Augusto solvendum esse. Unde Pharisei aliquando à Christo sciscitati sunt *an liceret dare tributum Cæsari*, eo quod res ista per hæc tempora variè jacteretur. Præcipuè autem Judas Sicarios & Zelotas concitavit, qui gladio & sicâ hanc opinionem tuebantur, & vitam repugnantibus adimebant, nec ullis suppliciis de sententiâ deduci poterant : ita ut etiam pueri istâ opinione imbuti, pertinaci tormentorum patientiâ spectatores obstupescerent ut narrat Josephus lib. 18. Antiq. & lib. 7. de bello Judaico.



DISSERTATIO VIGESIMA SECUNDA
DE MIRACULIS SOLIS SUB

Josué Duce & Ezechiâ Rege. De sacrificio seu voto Jephthe, & de anima Samuëlis defuncti apparitione.

SECTIO PRIMA.

DE MIRACULIS

Solis sub Josué Duce & Ezechiâ Rege.

MIRACULA quæ sub Josué & Ezechiâ facta sunt; in Solis statione vel etiam retrogradatione, clariùs habentur in Scripturis quàm ut possint ab ullo cordato viro qui Scripturarum auctoritatem agnoscat in dubium revocari. Nihilominùs non defuerunt nostris diebus qui in hoc utroque miraculo circà historiæ sacræ fidem hæsitarent, aut saltèm rem aliter quam ejus verba sonant exponendam esse ducerent. Enimverò Præadamitarum Patronus, cui videtur in animo fuisse omnia quæ in Scripturis habentur, inverttere, & certissima quæque in dubium revocare, contendit ista miracula non tanta fuisse quanta vulgò creduntur; sed Solis stationem tempore Josuæ nihil aliud fuisse, præter lucem quamdam post occasum Solis tandiù perseverantem, donec Josue ulcisceretur se de inimicis suis. Retrogradationem verò quæ tempore Ezechiæ Regis contigit, non fuisse in Sole, sed tantùm in horologio Achaz. Ex quibus infert primum miraculum extrà terram Gabaon, secundum extrà Jerusalem non fuisse conspicua. Rationes verò quibus utrumque miraculum infirmare conatur Præadamita, sunt, primò quòd

quod nullus author profanus horum miraculorum meminerit. Secundò quòd communis sententia conciliari non possit cum rationibus Astronomicis. Sed quàm temeraria sit hæc Præadamitæ sententia, nemo non videt. Enimverò quod attinet ad stationem solis sub Josuâ, Scriptura disertè testatur; primò Josuam Soli & lunæ imperasse ut cursum suum sisterent; *Sol contrà Gabaon ne mouearis, & luna contrà convallem Ajalon.* Secundò sterisse de factò visibiliter Solem & lunam: *Stetit itaque sol in medio Cæli, ait Scriptura, & non festinavit occumbere donec ulcisceretur se gens de inimicis suis.* Tertiò miraculum istud per unius diei spatium perdurasse. *An non,* inquit Ecclesiasticus cap. 46. *in iracundia ejus impeditus est sol, & una dies facta est quasi duo?* Quartò denique concludit nunquam antèa, nec ab eo tempore talem diem visam esse. *Non fuit antèa nec postèa tam longa dies, obediens Deo voci hominù.* Vel ut in Hebræo habetur: *non fuit talis dies ante illum nec post illum ut exaudiret Deus vocem hominis.* Ex quibus omnibus patet adèò claram esse, in hoc miraculo astruendo, Scripturam sacram; ut nihil clariùs excogitari possit. Enimverò si nihil aliud fuisset istud miraculum quàm fulgor quidam in regione vaporum, vel atmosphærâ, vel ex repercussione fulgoris solis in monte opposito, quomodo miraculum istud tandiù potuit durare, ut una dies facta sit quasi duo, ut Scriptura disertè testatur? Quomodo verum erit lunam etiam stetitisse ut eadem Scriptura non minùs luculenter asserit?

Quòd verò spectat ad retrogradationem quæ sub Ezechîâ contigit, licet res ista ita clara & certa non sit, quin aliqui eruditi Interpretes, ut Vatablus, Burgensis, Arias Montanus, Sanctius, & nonnulli alii, censuerint cum Præadamitâ solem in hoc miraculo non retrocessisse; sed solam umbram in horologio Achaz: nihilominùs plerique alii Theologi his numero plures, & eruditone non impares, contendunt miraculum non minùs in sole quàm in umbrâ contigisse. His autem Scripturæ autoritas apertè suffragari videtur. Testatur enim Isaias cap. 38. versù 8. id non solum in umbrâ sed etiam in sole contigisse; *Et reversus est sol, inquit, decem*

lineis per gratias quos descenderat. Idem etiam apertè confirmatur ex secundi Paralipomenon 32. ubi Scriptura docet Legatos Regis Babylonis ad Ezechiam missos esse, *ut interrogare de portento quod acciderat super terram.* Quomodo enim venissent de hoc portento interrogaturi, si extrà Hierosolimam, seu Babylone conspicuum non fuisset?

Quod verò Præadamira nobis objicit nullam istorum prodigiorum mentionem fieri apud Ethnicos authores, nullus est momenti: præterquàm enim omnes authores Ethnici multò recentiores sunt Josuâ, & rari adhuc erant temporibus Ezechie; nobis Christianis Divinæ Scripturæ authoritati instar omnium esse debet, ac omnibus humani ingenii ratiunculis & conjecturis præponderare.

Alterum verò quod objicit idem author ista miracula cum astronomicis rationibus non posse conciliari, nullam nobis difficultatem ingerit; id enim falsum esse jamdiù viri doctissimi ostenderunt. Ad primum enim de statione solis sub Josuâ Duce respondet post Laurentium Codomanum Jacobus Usserius Annal. veteris Test. parte 1. ætate 4. pag. 39. moram illam calculum astronomicum non impedire, cum sol & luna quæ tunc falcata erat & decrescens, ut colligitur ex situ vallis Ajalon respectu montis Gabaon, simul stare cœperint ac desierint: quemadmodum in concentibus musicis salva manet harmonia, nec soni discrepant si voces in signo convenientiæ conquiescunt, & postea simul juxta suas cujusque notas cantum pergant absolvere.

Ad secundum verò sic respondet idem Usserius, ad an. mundi, 3291. pag. 57. ejusdem operis. *Ad solis autem recessum quod attinet quemadmodum ad preces Josue, sole stante simul etiam luna stetit dicitur, ita hic & lunam, & reliquam celestem machinam una cum sole retroactam esse apparet, tantumque nocti detractum quantum dici fuit additum.* Licet enim in paræpibus τοῦ νυκτιπλου sive diei civilis anomalia extiterit admiranda, ita tamen divina providentiâ eam fuisse temperatam, ut constans sibi que perpetua similis celestium corporum motus, nullum inde detrimentum caperet, tres illa Lunares Eclipses ex Ptolomeo paulò antè à nobis propositæ fidem faciunt.

quarum calculus à nostris temporibus retro supputatus, idem nobis exhibet, quod à Chaldaeis fuerat annotatum, perinde ac si nullus ejusmodi retrogradus motus solis omnino intervenisset.

SECTIO SECUNDA.

DE

Voto Jephthe.

QUOD spectat ad votum Jephthe, quaritur utrum de facto filiam suam immolaverit, & in holocaustum Domino obtulerit, quemadmodum promississe visus est, Judicum. 11. v. 31. Circà quòd diversæ sunt diversorum authorum & Interpretum sententiæ. Quidam enim docent post Kimkium in hunc locum Jephthe non immolasse filiam suam, sed eam in domo reclusam virginitatem ejus Domino consecrassse. Alii verò post Josephum lib. 5. Antiq. cap. 9. communiter docent eum reveram filiam suam sacrificasse; sed in hoc contra Legis præscriptum egisse. Alii denique ut Ludovicus Capellus singulari dissertatione de voto Jephthe, contendunt ipsum filiam suam in holocaustum obtulisse, nec tamen in hoc contra Legis præceptum egisse; imò verò ad eam immolandam ex Lege Mosaicâ adstrictum fuisse.

Secunda sententia licet communior apud Interpretes, Scripturæ tamen minùs consentanea nobis videtur. Ut enim sileamus Judicum 11. ubi hæc refertur historia, neque votum Jephthe, neque ejus factum ullatenùs vituperatum reperiri; Paulus Apostolus Hebræorum 11. eam ab omni vituperio immunem facit cum eum inter veros Israëlitas & Deo fideles refert. Quis enim asserere audeat tantæ pietatis & fidei virum, quantæ ab Apostolo fuisse refertur, aut Legem Dei, quæ humanum sacrificium prohiberet ignorasse, aut si eam

sciebat, voluisse datâ operâ violare? præcipuè cum non nisi valdè invitatus & paterno affectu admodum reluctantè filiam unicam mactare potuerit. Superest itaque ut vel cum Ludovico Capello dicamus tale sacrificium non solum Lege divinâ non fuisse prohibitum; sed è contrâ eâdem Lege præscriptum: vel ut cum Kimbio & aliis statuamus tale sacrificium nusquam à Jephthe fuisse oblatum. Hanc autem sententiam priori multò probabiliorem esse non dubitamus. Primò enim Scriptura non dicit filiam Jephthe à Patre fuisse mactatam: sed tantum Patrem ei fecisse sicut promiserat, id est eam in perpetuum Domino consecrassè. Neque contrarium inferri potest ex promissione Jephthe, quâ voveret se oblaturum in holocaustum quod primum egressum fuerit de foribus domus suæ: verba enim ista: *quicumque egressus fuerit &c. erit Domino & offeram illum in holocaustum*, duo continent, consecrationem Domino & holocaustum. Consecratio verò spectat ea quæ non sunt apta ad immolandum; sicque sensus est: *quicumque egressus fuerit &c. erit Domino consecratus*, si non sit aptus sacrificio. Si verò aptus sit, erit etiam immolatus: non enim istud promissum sumendum est copulativè, sed disjunctivè: alioquin dicendum foret Jephthem immunda quoque animalia, si aliquod primum occurrisset, voluisse quoque in holocaustum Domino contrâ præscriptum Legis offerre, quod absurdum est.

Secundò nullibi in Lege cædes humana permittitur, nisi vel ob pœnæ legitimæ vel ob justî belli rationem: quin imò tantum abest, ut victima humana posset aliquandò in holocaustum Domino offerri, ut è contrâ omnis cædes humana etiam justa & licita cædentem pollueret, & purificatione egeret, juxta Num. 31. v. 19. Neque objici nobis potest votum Anathematis necem rei devotæ necessariò postulasse. Istud enim votum locum non habebat nisi vel contrâ hostes, vel contrâ cives jura & leges statutas violantes, ut factâ inductione omnium Anathematum quæ Scriptura refert, facile esset demonstrare.

Tertiò quia demonstrare nequit votum Jephthe fuisse votum Anathematis. Quod enim assert Capellus ipsum scidisse

vestimenta sua , maximumque dolorem habuisse , eo quòd votum suum nullatenùs retractare posset , non probat ejus votum de morte filix suæ fuisse : tristitia enim illa proveniebat ex eo quòd Jephthæ prolis spem omninò amitteret , dum filiam suam adhuc virginem Domino consecrabat. Itaque dicendum cum Kimkio quòd dum Scriptura refert Jephthæ fecisse filix suæ sicut voverat , nihil aliud indicet nisi quòd ei fecerit domum in quam eam introduxit , in quâ remanserit seclusa à filiis hominum & à rebus sæcularibus. Unde Judicum 11. versu 40. dicitur juxtà Hebraicum textum *statutum fuisse in Israël ut quotannis eam inviserent filia Israël.*

SECTIO TERTIA.

D E

Samuelis apparitione post mortem.

CIRCA apparitionem Samuelis mortui Saùli , ope Pythonissæ factam , vix quidquam certi de illa statui potest ex antiquis. Alii enim docent veram animam Samuelis Pythonissæ incantationibus eductam esse. Alii volunt quidem veram fuisse Samuelis animam , sed contendunt eam non incantationibus Pythonissæ , sed jussu Dei fuisse evocatam. Alii putant Deum figurâ Samuelis prout libuit efformatâ , vel per Angelum sub ejus formâ , Saùli respondisse. Alii denique contendunt rem totam dæmoniorum figmentum fuisse ; nec nisi phantasma & simulacrum Samuelis apparuisse.

Primam sententiam tuentur Josephus lib. 6. antiq. cap. 15. Origenes in primum Regum cap. 28. & Homiliâ 27. in Joan. Justinus Martyr in dialogo cum Tryphone , circa medium. Sulpicius Severus Hist. Sacr. lib. 1. & in eundem Sygonius , Anastasius Antioch. in *οδὴν* quæst. 112. &c.

Pro secundâ sententiâ stant author arm. contrâ Marcionem

inter opera Tertulliani lib. 3. cap. 5. Ambrosius in caput primum Lucæ. Zeno Veronensis Serm. de Resurrectione. Augustinus lib. de curâ pro mortuis cap. 15. Rabanus Maurus in Ecclesiasticum lib. 10. cap. 12. Divus Thomas 2.^o 2.^æ quæst. 174. art. 5. ad 4. Ex recentioribus verò eam defendunt F. Valeſius lib. de Sacrà Philoſophiâ cap. 33. P. Galat. de Lat. verſ. lib. 6. cap. 8. Eſtius in 1. Regum 28. Jodocus Cocceius theſauri cathol. tom. 1. lib. 5. art. 10. Alphoſus à Caſtro lib. 1. de pun. hæret. Soto in 4. diſt. 45. q. 1. art. 4. Torniel. Annal. tom. 1. ad annum 29. 79. Toſtatus in 1. Regum 28. Caniſius de corrup. verbi Dei lib. 5. cap. 21. Gregorius à Valentia tom. 4. diſp. 10. quæſt. 1. punct. 1. §. 9. Siarez in 3 part. D. Thomæ tom. 2. quæſt. 52. diſp. 42. lect. 2. Belarminus lib. 4. de anima Chriſti, & lib. 2. de Purgatorio cap. 6. M. Delrius Diſquis. Magiæ lib. 2 quæſt. 6. Percrius in Exodum cap. 7. diſp. 8. num. 48. Saliſius ad annum 2979. Lyranus, Carthus. Cajetanus, Sanctius, Serrarius in 1. Regum 28. Eugubinus Cosmopeiæ cap. 3. & plures alii.

Tertiam ſententiam ut probabilem admittunt Léo Patricius, Theodoretus, Procopius-Gazarus in 1. Reg. 28. Anaſtaſius Antioche. loco citato.

Quartam denique ſententiam amplectuntur Euſtathius Antioch. Diſſert. de Engaſtrimytho adverſus Origenem. Author quæſtionum ad Ortod. inter opera Juſtini quæſt. 52. Author de mirabilibus Script. lib. 2. cap. 11. Author quæſt. 5. & n. 10. quæſt. 26 inter opera Auguſtini. Tertullianus lib. de animâ cap. 57. Iſidorus lib. 8. originum cap. 8. Pionius Martyr apud Metaphraſten. Methodius lib. de Engaſt. adverſus Orig. Baſilius magnus in Eſai. 8. Gregorius Nyſſenus Epistoſâ de Engaſt. ad Theodoſium. Hyeronimus in Matth. 6. in Ezech. 13. & in Iſa. 7. Cyrillus de adoratione in ſpiritu & veritate. Philaſtrius Brixienſis lib. de hæref. hæref. 26. Georgius Syncellus in Chron. Rup. in primum Reg. lib. 2. cap. 17. Ex recentioribus verò in eâdem ſunt ſententiâ Cornelius Janſenius in Eccleſiaſtici 46. F. Vatablus in 1. Reg. 28. Allatius in Syntagmate de Engaſtrimytho &c. Denique idem apertè traditur in jure Canonico cap. nec

mirum quæst. 5. ubi expressè assertitur visum non fuisse à Saùle verum Samuelem ; sed ejus imaginarium phantasma.

Qui primam vel secundam sententiam tuentur eam probant primò quia ubique Scriptura de eo qui Saùli apparuit tanquam de vero Samuele loquitur. Secundò quia omnia quæ Saùli prædicta sunt eo modo quo prædicta sunt evenerunt. Nam & Saùl & filius ejus interfecti sunt , & Regnum ejus ad Davidem transiit. Tertiò quia Scriptura 1. Paralip. 10. & Ecclesiastici 46. v. 20. asserit eum qui apparuit , fuisse verum Samuelem : in primo enim loco sic habet , juxta septuaginta Interpretes *interrogavit Saùl in ventrilo quâ ad querendum , & respondit ei Samuël Propheta.* In secundo verò ita loquitur ; *& post hoc dormivit , & notum fecit Regi , & ostendit illi finem vite sue , & exaltavit vocem suam de terrâ in Prophetiâ , delere impietatem gentis.* Quæ verba ita clarè veram Samuelis apparitionem adstruere videntur ut vix in alienum sensum detorqueri possint. Quis enim sibi persuadeat eum quem de terrâ respondisse & prophetasse Scriptura asserit , non fuisse verum Prophetam , sed merum phantasma?

Qui verò contendunt totam apparitionem non nisi larvam dæmonis fuisse , suâ sententiam probant 1°. quia dæmones nullâ habent potestatem in animas Sanctorum , qui jam corpore soluti sunt , proindeque eas excitare pro suâ voluntatè non possunt , ut supponit prima sententia. 2°. Quia nullatenus etiam probabile est quod secunda statuit Deum , qui nempe Saùli respondere noluerat neque per somnia , neque per Sacerdotes , neque per Prophetas , ei tunc voluisse respondere , cum ad magicas præstigias se convertit , & à dæmone futuri prælii eventum requisivit. 3°. Quia fictus ille Samuel falsâ Saùli respondit , quod Samuel Præpheta non fecisset. Prædixit enim ei crastino die tam ipsum quàm filios ejus secum futuros , quod tamen non evenit ; siquidem nec crastino die commissum est prælium , nec nisi unus filiorum Saùl interfectus est ; nec Saùl , ut potè reprobus , simul cum Samuele Prophetâ in regione vivorum inter mortuos esse potuit.

Ceterùm quænam istarum sententiarum certior sit & verior , vix audemus definire. Si enim auctoritates ponderamus ;

utraque sanctissimos viros, & gravissimos Doctores, assertores habet. Si rationes rationibus opponimus, utraque rationes non contemnendas profert; & utraque oppositæ sententiæ rationibus respondet. Nihilominus magis inclinatur animus in eam sententiam, quæ jussu Dei verum Samuelem apparuisse contendit: 1°. Quia plerique Sancti Patres, quos pro se adducunt alterius sententiæ authores, licet magis de facto in eorum sententiam inclinent, alteram tamen ut probabilem admittunt, solamque Justini & aliorum rejiciunt sententiam, qui rem incantationibus factam esse contendunt. 2°. Quia rationes, quas contrà istam sententiam afferunt, non videntur esse satis efficaces. Ad primam enim sic responderi potest. Licet Deus prius nolisset Saûli per Prophetas respondere, potuit tamen fieri, ut postea ob ejus impietatem iratus, ei responderet in irâ suâ, pœnamque ejus sceleribus debitam prædixit. Ad secundam responderetur nullius falsitatis evinci posse verba quæ à Samuele prolata fuisse Scriptura testatur. Cum enim dies apud Hebræos à vespere ad vespem computarentur, crastinus qui dicitur dies, non ille censendus est, quo illucescente Saûl à Pythônissâ in suâ castrâ reversus est; sed sequens est intelligendus. Neque cum dicit: *Cras tu & filii tui mecum eritis*, id aliter intelligit quàm secundum parem conditionem mortis, non secundum æqualitatem felicitatis, ut loquitur Divus Augustinus in Epistolâ ad Simplicianum. Porro certum est Saûl & Jonathan in prælio interfectos esse in montibus Gelboë; sicque parem respectu vivorum cum Samuele sortitos esse conditionem. Nec denique quemquam morari debet quod filii ejus in plurali designentur, cum tamen non nisi unus sit interfectus: nemo enim nescit istum modum loquendi Sinechdochicè in Scripturis usitatissimum esse.

Tertia sententia è contrario non satisfacit rationibus quas pro se habet altera sententia. Ut enim fateamur Scripturam, interdum de rebus loqui prout nobis apparent, sicque potuisse cum qui apparuit, Samuelem appellare, licet phantasma esset Samuelem representans: nihilominus cum Scriptura constanter asserat cum qui apparuit fuisse Samuelem;

nec uno tantum in loco, sed pluribus & diversis, in quibus non jam Sath aut Pythonissa secundum suam sententiam loquuntur; sed in quibus Scriptura rem historice refert: cum etiam in iis omnibus quæ prædixit Samuel nulla falsitas inveniri possit: cum denique Scriptura ex hac apparitione verum Samuelem commendet, non videntur tot loca sacri textus absque gravi incommodo congrue ad phantasma detorqueri posse. Probabilius itaque videtur eum qui apparuit fuisse verum Samuelem, qui sive in proprio, sive, quod magis probabile est, in assumptione corpore apparuerit.

DISSERTATIO VIGESIMA TERTIA. DE AUTHORIBUS LIBRORUM

Iosue, Iudicum, Ruth, Regum, Paralipomenon, Esdra, Iudith, Tobia, Esther, Proverbiorum, Ecclesiastes, Cantici Canticorum, Sapientia, & Ecclesiastici.

CUM non sit instituti nostri agere de omnibus difficultatibus quæ in toto veteri Testamento occurrunt; neque singulorum Scripturæ librorum expositionem aggredi, sufficiet nobis circa illos 1°. inquirere à quibus & quo tempore conscripti sint. 2°. Quorumdam authoritatem Canonicam ab Eterodoxorum objectionibus vindicare. 3°. Nonnulla quæ generatim ad aliquos attinent elucidare. Quibus peractis difficultates, quæ in Chronologia totius veteris Testamenti occurrunt, elucidare, & accuratam temporum rationem tradere tentabimus. Itaque.



§ I.

De Authore libri Josue.

LIBRUM qui Josuæ nomen præfert, ab ipso conscriptum esse communis fert opinio etiam inter eruditos. Ita post Iud. l. 6. Orig. Junius, Vatablus, Abulensis, Driedo, Bellarminus. Ita quoque Talmudistæ. Probant autem prædicti auctores suam sententiam 1°. ex capite ultimo hujus libri ̄. 26. ubi habetur quod *scripsit Josue universos sermones istos in volumine Legis Domini.* 2°. ex eo quod totus liber, Josuæ nomen præferat. Sed ut hæc sententia communior sit & magis recepta, non est tamen adeò certa quin aliqui eruditi contendunt multis rationibus probari posse hujus libri auctorem Josuâ posteriorem esse. 1°. Enim notant rationes quibus sententia communis nititur, leviores esse, nec aliud demonstrare, nisi quod liber ille actiones Josuæ contineat: ex quo nomen ejus mutuatus sit: aut fortè etiam quod ultimum caput istius libri, in quo tædus cum populo Israël continetur, à Josuâ conscriptum sit. 2°. Notant cap. 10. hujus libri citari librum justorum, in quo bella Josuæ & ejus præclare gesta continebantur; quod satis arguit, inquit, hunc librum non à Josuâ, sed longo post tempore fuisse conscriptum. 3°. Auctorem sæpè asserere ea quæ narrat remansisse usque *ad præsentem diem.* At, inquit, non ita locutus fuisset auctor cujus ævo res quas narrat gestæ fuissent. 4°. Urbem Lûza seu Luzem quæ in hoc libro cap. 16. in possessione Joseph memoratur, non nisi post mortem Josuæ captam esse, ut habetur Jud. 1. ̄. 24. idem dicendum est de civitate Lais seu Lezem quæ Josuæ 19. ̄. 27. à Danitis capta memoratur; cum tamen id non nisi post mortem Josuæ contigerit, ut patet ex Jud. 18. ̄. 27. & 28. Similiter de eo quod inter Caleb & Axam filiam ejus, Othonielis uxorem, contigisse narratur cap. 15. Id enim non nisi post mortem Josuæ contigisse patet ex Jud. 1. 5°. Denique hoc in libro, inquit, terra *Chabul* commemoratur, quæ tamen non

nisi tempore Salomonis nomen istud consecuta est.

Hæc sunt scèrè argumenta quibus Simonius & nonnulli alii probare contendunt authorem hujus libri Josuâ recentiorē fuisse. Sed ut ingenuè fatear ea nec levia esse, nec contemnenda; nego tamen talia esse ut sententiam eorum invictè probent. Ad primum enim responderi potest, vel librum istum, in quo nihil aliud præter stationem solis memoratum legitur, ipsius Josuæ tempore fuisse conscriptum & vulgatum, vel, quod probabilius judicat Grotius, nihil aliud fuisse præter canticum post stationem solis editum, & ab omnibus decantatum. Neque certè, (etiamsi Theodoretò, Masio, & Simonio darcemus librum Josuæ ex Annalibus Hebræorum fuisse decerptum) indè efficaciter probaretur, compendium istud ab ipso Josuâ editum non fuisse. Ad secundum respondetur phrasim istam, *usque in presentem diem*: posse etiam usurpari circà ea quæ paucis ante annis contigerunt; quemadmodum Divus Petrus, ut jam suprà notavimus, paulò post resurrectionem de agro Judæ loquens asserit eum vocari Haceldama *usque in presentem diem*. Posset etiam responderi ista verba, posterius ab Esdrâ aut ab alio addita fuisse, quod & dicendum est de urbe Luzem, nisi quis malit dicere eam de quâ liber Jud. loquitur diversam fuisse ab eâ quæ in libro Josuæ commemoratur. Ad ea verò quæ inter Caleb & Axam gesta sunt, respondetur negando ea post mortem Josuæ contigisse: licet in lib. Jud. quasi per recapitulationem denuò referantur. Denique ad terram Chabul respondetur, hanc diversam fuisse ab eâ de quâ in libris Regum mentio facta reperitur, ut ex Josephi historiâ constat.

§ 2.

De Authore librorum Judicum & Ruth.

CIRCA Authorem libri Judicum nihil omninò definiti potest. Alii cum Talmudistis Samuëli eum tribuunt, alii Ezechix, alii Esdræ, alii denique contendunt singulos.

Judices suam conscripsisse historiam; postmodumque ab Esdrâ omnes in unum librum redactas fuisse. Sed quidquid sit de illius libri authore, constat eum antiquissimum esse, neque ex iis quæ continet probari posse, ut volunt nonnulli, cum demum post captivitatem Babylonicam conscriptum. Quod enim ex cap. 18. v. 30^o. obijciunt mentionem fieri captivitatis, malè ad captivitatem Babylonicam detorquetur; cum ex ipso loco manifestum sit, de captivitate, quæ temporibus Heli contigit, esse intelligendum. Quod etiam addunt ibidem haberi: *In diebus illis non erat Rex in Israël*, parùm urget: præterquàm enim id ab Esdrâ per parenthesis inseri potuit, nihil obstat quominus etiam ante Regum tempora id scribi potuerit, ut superius dictum est.

Cæterùm Liber Ruth quasi per appendicem libro Judicum conjungitur; undè & eidem authori, qui librum Judicum conscripsit vulgò tribuitur; quod tamen non est adèò certum; cum alioqui historia Ruth, quam sub uno Judice contigisse constat, in eodem volumine referri debuisset.

§ 3.

De libris Regum.

DUO priores Regum libri Samuëlis nomen præferunt; undè & ipsi magnâ saltèm ex parte vulgò tribuuntur. Docent enim plerique post Theodoretum, Diodorum Tarsensem, & Talmudistas singulos Prophetas, ea quæ illorum temporibus insigniora eveniebant, scriptis mandasse: sicque viginti quatuor priora libri 1. Regum capita Samuëli tribuenda esse: cætera verò à Prophetis Gad & Nathan addita fuisse. Idque probant ex 1. Paral. 29. ubi dicitur: gesta David priora & novissima scripta esse *in libro Samuëlis & in libro Natan & Gad Videntium*. Nonnulli tamen aliter rem se habere arbitrantur, contenduntque libros istos recentiorum manum redolere; quod probant, tùm ex eo quod primi Regum capite 9 versu 9. dicatur: *qui dicitur Propheta*

hodie, olim vocabatur Videns. & cap. 5. versu 5. propter hanc causam non calcant Sacerdotes Dagon, & omnes qui ingrediuntur templum ejus super limen Dagon in Azoto usque in hodiernum diem. Sed rationes istæ non sunt efficaces. 1^o Enim parenthesis illa cap. 9^o. versu 9^o explicationis causâ addi potuit ab Esdrâ, ne à posteris ignoraretur, quid nomine Videntis Scriptura indigaret. 2^o. Cum historia quæ narratur cap. 5. Samuële adhuc juvene contigerit, liber autem Regum ab eodem jam sene conscriptus sit, potuit sine controversiâ phrasim quâ utitur, usurpare. Unde nihil vetat quominus libri isti Samuëli & aliis Prophetis ejus ætati supparibus, tribui possint. Sed non æquè facile est posteriorum, id est tertii & quarti authorem designare. Id enim omninò incertum est. Alii ut Talmudistæ, Jeremiæ illos tribuunt, alii Esaiæ, alii denique Esdræ: quæ sententia etsi communior, nihilominus minùs probabilis nobis videtur. Si enim Esdras author est libri Chronicorum seu Paralipomenon, ut communis fert etiam sententia, & valdè probabile est, quis sibi persuadeat eum voluisse pleraque de industriâ in libris Regum omittere, ut ea postmodum in libros Paralipomenon infereret?

Cæterùm licet existimaverit Divus Hyeronimus hoc opus Paralipomenon idem esse cum eo quod sæpè in libris Regum memoratur sub nominibus Verborum, dictum, juxta titulum quem in Hebraico textu præfert; id tamen valdè incertum est, imò contrarium certum videtur siquidem liber 4^{us}. Regum in captivitate Babylonicâ desinit: 2^{us}. vero Paralipomenon etiam liberationis sub Cyro factæ meminit. Nisi quis contendere velit ista postmodum huic libro addita fuisse, quod eruditorum judicio relinquimus.



§ 4.

De libris Esdra.

CERTUM est ex libris, qui Esdræ nomine vulgò inscribuntur, priorem ab ipso Esdrâ conscriptum fuisse, cum ubique Esdras de se in primâ personâ loquatur. Undè nulla est de hujus libri authore inter eruditos controversia; nisi quòd Dan. Huesius in suâ demonstratione Evangelicâ contendit saltèm sex priora capita alium ab Esdrâ authorem habere; hâc ratione ductus quòd author illorum capitum videatur fuisse in Jerusalem cum aliis Judicibus statim à reditu captivitatis, vel saltèm tempore Darii, ut innuunt illa verba capitis 5. *Ad quod respondimus eis* &c. cum tamen certum sit ex capite 7. Esdræ nonnisi post mortem Darii regnante Artaxerxe in Judæam venisse. Sed facile est respondere ista verba: *Ad quod respondimus eis* ab Esdrâ dicta esse in personâ Judæorum contribulum suorum, ut consuetum est omnibus qui res suæ gentis scribunt.

Certum est etiam secundum Esdræ librum qui ab aliis Nehemias appellatur, ab ipso Nehemiâ conscriptum, ut ex ejusdem libri lectione manifestum est.

§ 5.

De libris Tobie & Judith.

LIBER Tobie ab alterutro vel utroque Tobîâ conscriptus vulgò creditur: 1°. quia Tob. 12. 8. 20. Angelus sic utrique præcipit: *Narrate omnia mirabilia ejus*. Pro quo in Græcis habetur *ῥητάει* 2°. Quia in Hebraico Græcoque codice uterque Tobias in primâ personâ loquitur. Constat autem hunc librum Chaldaicâ linguâ primùm conscriptum à Divo Hyeronimo Latine redditum fuisse, postmodumque in Hebraicam linguam fuisse translatum.

Author libri Judith omninò incertus est. Alii cum tri-

buunt Joachim Pontifici de quo mentio est in eodem libro; alii Jesu filio Josedech qui cum Zorobabele populum reducem à captivitate rexit; alii quoniam Chaldaico idiomate scriptus est, volunt cum captivitatis tempore fuisse conscriptum: alii denique contendunt eum non antè Antiochi Epiphanis tempora lucem vidisse. Sed quidquid sit de illius auctore & de tempore quo conscriptus est, notandum versionem Græcam hujus libri Latinâ multò castigatiorem esse & magis litteræ convenire. Fatetur enim Divus Hyeronimus se magis secundùm sensum illum vertisse, quàm secundùm litteram: undè nonnullæ difficultates, quæ in versione Latinâ satis graves esse videntur, ex Græcâ planiores fiunt & elucidantur.

Sed multò gravior est difficultas quò tempore historia quæ in isto libro narratur, evenerit. Circà eam enim sententiæ admodum diversæ sunt inter eruditos. Exploditur tamè vulgò sententia Hugonis Grotii, & nonnullorum Protestantium, qui post Lutherum hanc historiam meram allegoriam esse, & omnia quæ in eo libro narrantur, allegoricè exponenda esse censent. Undè hanc sententiâ prætermittit, alii antè captivitatem, alii post captivitatis tempora eam collocant. Qui primam tuerentur sententiam hæc pro se adducunt rationes.

Primò quòd hæc historia contigerit; ut ex ejus libro colligitur, paulò post ædificatam civitatem Ecbatanis: atqui tum ex Eusebio tum ex Herodoto constat civitatem istam à Dejoce Rege multò antè captivitatem Babylonicam ædificatam fuisse.

Secundò Nabuchodonosor qui Holofernem in Judæam miserat, in civitate Ninive regnasse refertur: atqui Niniæ ante captivitatem diruta fuit.

Tertiò quia Nabuchodonosor videtur non alius fuisse, à Sausduchino Sennacherib nepote, & filio Assaradonis Regis Babylonicorum, quibus consuetum erat Reges suos nomine Nabuchodonosoris appellare.

Quartò denique quia Heliacim seu Joachim, qui summus Sacerdos tunc fuisse reperitur, pontificatum gerebat sub Ezechiâ & Manassè, ut patet ex Esaïæ 22. versu 21. & cap. 36.

Qui verò contendunt historiam memoratam nonnisi post captivitatem evenisse, has pro se habent rationes.

Primò quòd eo tempore contigerit, quo nullus Rex erat in Judâ, sed tota autoritas pænes Pontifices erat; atqui id nonnisi post captivitatem contigit.

Secundò quia reperimus in libro 2°. Esdræ cap. 12. Eliacim post captivitatem Pontificem exitisse. At tempore historiæ Judith summus Sacerdos hoc nomen fortiebat.

Tertiò quòd Achior Dux Ammonitarum exponens Holoferni statum Judæorum expressè asserat, eos non multò ante in captivitatem, ex quâ jam redierant, fuisse abductos. Sic enim habet cap. 4°. *& plurimi eorum captivi abducti sunt in terram non suam; nuper autem reversi ad Dominum Deum suum ex dispersione quâ dispersi fuerant, adunati sunt, & ascenderunt montana hac omnia & iterum possident Ierusalem.* In Græco verò additur καὶ ὁ ναὸς τοῦ αὐτοῦ ἐν τῇ πόλει τῇ ἰερουσαλὴμ *& templum Dei eorum factum est in solum.* Quæ verba nonnisi de captivitate Babylonicâ explicari possunt.

Quartò denique quia cap. 16°. dicitur quod Judith post interfectum Holofernem nullum bellum vidit amplius in Israël; cum tamen 105. annis vixerit & adhuc juvenis esset cum adivit Holofernem. Ex hoc enim sequitur eam tempore Manassis non vixisse. Alioqui & bella post suam victoriam; & ipsam captivitatem Babylonicam vidisset.

Ad rationes autem contrariæ sententiæ sic respondent; ad primam quidem, urbem Ecbatanis pluries ædificatam fuisse. Ad secundam, urbem Ninivem à Persis fuisse rædificatam. Ad tertiam, nomen Nabuchodonosoris commune fuisse omnibus Babyloniorum Regibus. Ad quartam denique, probari non posse istum Eliacim de quo loquitur Esaiâs Propheta fuisse summum Sacerdotem. Nec, etsi fuisset, ex eo probari posse historiam Judith potius ejus, quàm alterius Pontificis ejusdem nominis tempore contigisse. Ex his autem duabus sententiis eam quisque eligit quam probabiliorum judicaverit. Licet enim posterior magis probabilis videatur, fatendum est nihilominus neutrius rationes invictas esse, & utramque suas pati difficultates. Ut enim cætera sileam quæ contrâ
secundam

secundam sententiam afferri possunt, clarum esse videtur ex Scripturâ Judæos à tempore captivitatis Regibus Persarum semper fuisse subditos, usque ad tempora Alexandri; neque ullum extat in Scripturis vestigium quòd ullus Rex Persarum aut Assyriorum à tempore captivitatis bellum in Judæâ excitavit.

§ 6.

De libro Esther.

CIRCA authorẽ libri Esther non minor est quàm circa præcedentes difficultas: alii enim ut Epiphanius, Augustinus, & Isidorus, hunc librum tribuunt Joachimo Pontifici nepoti Josedech. Alii ut Talmudistæ illum Synagogæ magnæ tribuunt, voluntque idèò hunc librum ab isto cœtu editum, ut originem & cæremonias festi Purim aperiret. Alii ut communiter Interpretes, cum Mardocheo adjudicant eo quòd id asseri videatur capite 9. versibus 20. & 23. & cap. 12. versu 4. Alii denique ut Serrarius & nonnulli alii ipsam Esther adjungunt Mardocheo in hujus libri editione, suamque sententiam hauriunt ex versione Græcâ τῶν δ' capitis 9. ubi idem de Esther quod de Mardocheo asseri videtur. Licet autem omnes istæ opiniones satis incertæ sint, tertia tamen probabilior nobis videtur, propter loca Scripturæ in quibus fundatur. Sed quidquid sit de auctore hujus libri.

Duæ occurrunt circà hunc librum difficultates. Prima est utrùm sex ultima capita efficiant partem illius, & inter Scripturas Canonicas recenseri debeant. Secunda est quò tempore historia quæ in hoc libro narratur, contigerit.

Quod spectat ad primam, notandum est sex ista capita in Hebraicis codicibus non haberi, eaque ex Theodotionis versione esse desumpta. Origenes in epistolâ ad Africanum docet ista capita in Hebraicis codicibus primùm extitisse; sed incuriâ hominum ex illis postmodum excidisse. Bellarminus & nonnulli alii suspicantur duas extitisse hujus libri editiones, quarum una diffusior hæc capita continebat, altera brevior illis carebat. Sed Grotius contendit ista capita à

Judæis Hellenistis & Profelytis composita esse. Sixtus verò Senensis docet ea ex Josephi historiâ fuisse deprompta. Unde circa illorum capitû authenticitiam & Canonicam autoritatem bifariè dividuntur Interpretes & Critici, aliis hæc capita in canonem recipientibus, aliis ea rejicientibus. Ea communiter recipiunt omnes Catholici maximè à tempore Concilii Tridentini, quo sancitum est *omnes libros in Bibliis contentos & eorum partes, prout in Ecclesiâ legi consueverunt*, esse canonicos. At quædam ex his capitibus deprompta publicè in Ecclesiâ leguntur; ergo. E contrâ verò eadem communiter rejiciunt Eterodoxi quibus inter Catholicos ad stipulantur Sixtus Senensis Biblioth. S. lib. 1. pag. 20. cujus sententiam quamvis temeritatis incuset Natalis Alexander in appendice ad sæculum 4^m. eam tamen amplectitur Ellias Pinius in dissert. Pleg. Bibl. Author. Ecclesiast. ubi de Canone Scripturæ veteris Testamenti. Sed hunc locum postmodum melius consultus retractavit.

Quod spectat ad 2^m. difficultatem, non magis de tempore quàm de autore hujus historiæ Interpretes inter se conveniunt; alii enim volunt eam sub Xerxe contigisse, alii sub Artaxerce, alii sub Ciaxare Medorum Rege; alii denique sub Dario filio Hystaspis. Hæc autem sententia probabilior nobis videtur ob sequentes rationes.

Prima est quia ad nullum Dario posteriorem referri potest hæc historia: cum enim cap. 2. versu 26. disertè asseratur Mardocheum de eorum numero fuisse qui cum Jechoniâ Rege Juda captivi ducti sunt Babilonem, si ad alium Dario posteriorem referretur historia, dicendum esset tunc Mardocheum plusquàm 150. annis natum fuisse, quod absurdum est, maximè cum indè etiam sequeretur Esther jam tunc vetulam fuisse, & omnem ejus pulchritudinem emarcuisse.

Secunda ratio est quia omnia quæ de Assuero dicuntur in libro Esther, Dario Hystaspis apprimè conveniunt. 1^o. Enim quod asseritur Assuerum regnasse ab Indiâ usque ad Æthiopiam, optimè Dario convenit, & nulli qui antè eum vixerit, aptari potest. 2^o. De Assuero dicitur quòd Suze habitavit: testatur autem Ælianus Darium nostrum palatium Suzis

construxisse; additque Herodotus, cum ibidem thesauros suos asservasse 3.^o De Assuero dicitur, præ cæteris uxoribus eum Esther adamasse, eique diadema imposuisse. Idem autem refert Herodotus de unâ uxore Darii Hystaspis. 4.^o Denique de Assuero dicitur quod omnes insulas sibi tributarias effecerit: idem autem de Dario testantur Tucidides & Plato in Menæo.

Quamvis autem hæc sententia satis plana & certa videatur, duo tamen contrâ illam obijciuntur; Primum est quod de Assuero dicitur cap. 16. eum à Persarum Regibus ortum dixisse, quod tamen de Dario verificari non potest: cum constet eum filium fuisse Hystaspis, qui Rex non fuit. Secundum est quod Assuerus cap. 26. etiam Artaxerces appellatur. Quod nomen Dario nullatenus convenit. Sed facile est istas obiectiunculas diluere. Ad primam respondetur ex Herodoto Darium nostrum ex Regiâ Persarum stirpe descendisse. Ad secundam, nomen Artaxercis potuisse omnibus Persarum Regibus convenire, quemadmodum Cæsaris nomen Imperatoribus Romanis. Ad id autem quod addunt nonnulli Macedones tempore Darii nullius adhuc nominis fuisse, cum tamen in libro Esther asseratur Aman cogitasse de Regno Persarum ad Macedones transferendo. Respondetur ideò id cogitasse Aman quia genere Macedo erat. Insuper ex Iustini historiâ constat tunc temporis Macedones celebres & potentes jam extitisse.



§.

DE LIBRIS PROVERBIORUM,
Ecclesiastes, & Cantici Canticorum,
Sapientia & Ecclesiastici.

CERTUM est libros Proverbiorum, Ecclesiastes, & Cantici Canticorum à Salomone editos esse: Primò enim, quod ad Proverbiorum librum attinet, nemo est qui refragari unquam ausus sit, post expressum Scripturæ testimonium, tam 3. Reg. 4: quàm initio hujus libri ubi sic habetur: *Parabole Salomonis filii David.* Quamobrem quinta Synodus meritò damnavit Theodori Mopsuesteni impietatem qui has parabolas ex Divinâ & Propheticâ sapientiâ profluxisse negare ausus est. Nec satis à Theodoro recedit Grotius, cum asserit hæc Proverbia & alia à Salomone edita Syllogen fuisse sententiarum eorum qui ante ipsum vixerant. Hunc enim Grotii errorem præter antiquitatem Salomonis qui omnes Græciæ Sapientes Philosophos pluribus sæculis præcessit, satis confutat divina scriptura 3. Reg. 4. ubi postquàm de divinitus acceptâ à Salomone sapientiâ mentionem facit, statim subjungit, *cum locutum esse tria millia Parabolarum.* Id enim Scripturæ testimonium apertè indicat Parabolas istas non ab alio autore emendicatas esse, sed à Salomone divinitus acceptâ sapientiâ prædito profectas. Licet autem omnes conveniant hunc librum Salomoni tribuendum, usque ad caput trigèsimum exclusivè; non idem tamen omnes sentiunt de posterioribus capitibus: trigèsimum enim nomen præfert Ageri filii Zachari: ultimum verò Lamueli Regi tribuitur. Undè nonnulli authores concludunt ista posteriora capita Salomonis non esse; sed postmodum prioribus fuisse addita: maximè cum styli quoque diversitas, quæ in his duobus capitibus occurrit, recentiorem manum probet. Alii vero contendunt totum librum Salomonis esse

qui nomina ista assumpsit, quæ mysticam significationem in se continent. Sed certè probabilior est prima sententia; vel saltèm sic temperari debet posterior, ut dicatur ista duo capita Parabolas quidem Salomonis continere; sed ab Agero & Samuèle collectas: quemadmodum ea quæ à capite 25. ad 30. continentur à Scribis Ezechiae Regis collecta esse perhibentur.

Secundò de libro Ecclesiastes quin Salomoni quoque tribuendus sit, nemo veterum unquam dubitavit. Licet enim Ecclesiastes nomen præferat, manifestum tamen est istud vocabulum non authoris nomen, sed officium & libri materiam indigitare. Cum enim totus sit author istius libri in prædicandâ & suadendâ rerum humanarum & omnium creaturarum vanitate; meritò Ecclesiastis seu Concionatoris nomen accepit. Talmudistæ hunc librum Ezechiae Regi tribuunt, sed gratis omninò. Grotius Zorobabeli illud adjudicat: sed nullam suæ sententiæ rationem præter inanes conjecturas affert. Etsi enim quatuor in eo vocabula reperiantur, quæ minùs Hebraica esse Grotio videntur: quis Grotio revelavit ea saltèm sub ultimis Salomonici Regni temporibus nondum fuisse in usu? Vel quis ipsi demonstravit ea saltèm posteriori ævo non fuisse ab Esdrâ vel alio addita? Certè quod initio libri dicitur, Ecclesiasten fuisse Regem, manifestè demonstrat hunc librum à Zorobabele non esse editum. Quod verò passim de eximiâ authoris hujus libri Sapientiâ dicitur nec non cap. 2. de ejus divitiis & potentiâ, satis ostendit non alteri Regi quàm Salomoni ista verba posse convenire. Caterùm ex iis quæ de hujus sæculi vanitate passim continet, maximè verò ex eo quod in illo dicitur: *Deum time & mandata ejus observa hoc est enim omnis homo &c.* Multi colligunt eum à Salomone jam senex & à peccatis suis pœnitente & resipiscente conscriptum fuisse; proindeque ipsum Salomonem salvatum esse. Quod confirmant ex 2. Paral. 11. versu 6. ubi de populo Roboam piè vivente dicitur: *ambulaverunt in viis David & Salomonis tribus annis.* Huic sententiæ favent ex antiquis Cyrillus Hierosolimitanus catechesi 2. Epiphanius hæresi 42. Hilarius in

psalmum 52. Author apologiæ 2^a. pro Davide, inter opera Ambrosii cap. 3^o. Bacharius in epistolâ ad Januarium de recipiendis lapsis &c. Sed, ut ingenuè loquar, valdè incerta est. 1^o. enim Ecclesiastici 47. Davidis pœnitentia valdè commendatur; & tamen de Salomonis resipiscentiâ ne verbum quidem; quamvis ibidem peccata ejus acriter reprehendantur. 2^o. Si Salomon à peccatis resipuisset, & pœnitentiam egisset, proculdubiò idola quæ coluerat, & fana eorum destruxisset: atqui tamen id non præstitit: siquidem id multis post Salomonem sæculis Josiæ pietati tribuitur 4. Reg. 23. his verbis: *excessa quoque quæ erant in Jerusalem quæ edificaverat Salomon Rex israel Astaroth idolo Sidoniorum, & Chamos ostensioni Moab, & Molech abominationi filiorum Ammon, polluit Rex, & contrivit statuas & succidit lucos.* Ex quibus multi veterum colligunt Salomonem impenitentem mortuum esse. Ita Cyprianus epistola 7. & lib. de unitate Ecclesiæ. Augustinus lib. 22. contra Faustum, & lib. 17. de civitate cap. 20. Author lib. de prædictionibus Dei inter opera Prosperi cap. 7. Gregorius magnus lib. 2. moralium cap. 2. Venerabilis Beda quæst. 29. in librum Regum &c.

Tertiò. Canticum Canticorum eidem etiam Salomoni tribuendum esse vox communis est Ecclesiæ & Synagogæ antiquæ; licet Talmudistæ absque ullo fundamento illud Efdæ tribuant.

Denique Salomoni vulgò etiam tribuuntur libri Sapientiæ & Ecclesiastici: sed neutrum illorum Salomonis esse jam pridem convenit ipse omnes eruditos. Sapientiæ liber à nonnullis olim, referente Hyeronimo in præfatione ad libros Salomonis, Philoni tribuebatur. Sed istius sententiæ falsitatem, præter Hyeronimi & Eusebii silentium in catalogo operum Philonis, satis probat veterum Patrum autoritas, qui primis Ecclesiæ sæculis hunc librum cum aliis veteris Testamenti libris sæpè citarunt; quod tamen nunquam facturi fuissent, si ante Philonem, qui sub Cæso Imperatore vixit, non extitisset. Præter authores autem quos suprà dissertatio-
ne undecimâ retulimus, eundem librum citant & ejus auctoritate sub Scripturæ nomine utuntur, Justinus Martyr in

dialogo cum Triphone , Origenes lib. 8. in epistolam ad Rom. Athanasius in Synopsi , Concilium Sardicense in epistolâ synodicâ apud Theodoretum lib. 2. Historiæ Ecclesiasticæ cap. 8. Basilius lib. 5. contrâ Eunomium. Hilarius in psalmum 128. Epiphanius hæresi 76. & lib. de ponderibus & mensuris. Optatus lib. 1. & 4. adv. Parm. Author libri de prædictionibus inter opera Prosperi p. 2. c. 9. &c. Ex quibus patet librum istum non à Philone compositum esse , sed ab aliquo Judæo Hellenista seu Græco multò anteq̃ Christi adventum. Et quoniam stilum & sensum Salomonis passim imitatus est , sicut & author libri Ecclesiastici , hinc factum est ut libri isti Salomonis vulgò dicantur , & sub ejus nomine ab antiquis Patribus sæpè laudentur.

Libri Ecclesiastici authorem satis prodit prologus ejusdem , nimirum Jesum filium Sirach , qui hunc librum Hebraicè scripsit circâ tempora Ptolomæi Philadelphi , & ut vult Divus Hyeronimus tempore Simonis Pontificis Oniæ secundi filii. Nonnulli ex antiquis hunc librum Salomoni olim tribuerunt teste Divo Hilario. Sed istam opinionem præterquàm abundè confutat præfatio ejusdem libri quæ cum Siracidi asserit , penitus etiam evertitur ex iis quæ in eodem continentur , nam c. 47. multi laudantur , qui nonnisi post Salomonis tempora vixerunt : sicque à Salomone laudari minimè potuerunt. Porro hunc Siracidis librum in Græcum convertit ejus nepos Siracides , qui sub Ptolomæo Energete scripsit ; ut ipsemet testatur in eodem librò.

Cæterum hunc librum ut sacrum , vel etiam ut divinæ authoritatis præter superiùs adductos citarunt Origenes Homil. 8. in num. Atha. in Synopsi , & author libri de Virginitate. Synodus Alex. in ep. Syn. apud eundem Athan. apol. 2. Cyrillus Alex. in Hom. Ephesi habitâ. Isidorus Pelus. l. 1. ep. 106. Eusebius l. 8. præpar. Evang. Cyrillus Hierosolim. cathechesi 6. Basilius in cap. 8. Elaiæ , & in Regulis fusiùs disputatis q. 104. Greg. Niss. Hom. 3. in Ecclesiast. Greg. Nazianz. orat. adv. Julianum. Chrysostomus Hom. 33. ad popul. Antioch. Epiph. in anchorato. Palladius in vitâ Chrysostomi. Joan. Maxentius præfat. in dial. adv. Nestorianos.

Anast. Antioch. l. 9. in exam. Joan. Damasc. orat. 3. de dormit. Deiparæ. Hilar. in psal. 144. Optatus l. 3. contra Parm. Jeron. ep. 33. Augustinus l. 2. de doct. Christiana c. 8. l. de curâ pro mortuis c. 15. & l. 17. de civ. c. 20. S. Paulinus apud Jeron. ep. 14. Maximus Taurin. Hom. 1. de Elemos. Leo serm. 8. de jejuniis septimi mensis & alii plurimi. Constat nihilominus apud omnes eruditos prologum hujus libri non esse Canonicis Scripturis accensendum, cum hic prologus non sit Authoris, sed Interpretis.

DISSERTATIO VIGESIMA QUARTA DE PSALTERIO DAVIDIS,

*Libris quatuor Machabæorum, tertio &
quarto Esdræ, & de Oratione Regis
Manassæ.*

§ 1.

De Psalterio Davidis.

PSALTERIUM ideò Davidis vulgò dicitur; vel quia David omnes psalmos de facto composuit, vel quia eorum materiam invenit, vel saltèm quia, ut ait Athan seu author Synopsis inter ejus opera, primus spiritum psallendi à Deo accepit, primusque psalmos composuit & scripsit. Ad di potest vel denique, quia David fuit egregius & præcipuus Psalter, qui hunc musicalem laudandi Dei modum & si fortè non primus in Sinagogam introduxit, saltèm mirum in modum provexit.

Itaque diversæ sunt tum apud veteres, tum apud recentiores circa auctorem psalmorum sententiæ. Alii enim volunt omnes psalmos à Davide scriptos fuisse; alii verò plerosque ab Asaph

Asaph Idithun filiis Chore &c. sic ad modulum compositos asserunt, ut velint saltèm Davidem omnium materiam designasse. Alii denique contendunt eos solos Davidi tribuendos esse, qui ipsi in titulis tribuuntur; alios verò iis quorum nomina præferunt. Primam sententiam amplectuntur Chrysostomus in psal. 50. Ambr. præf. in Psal. Cassiodorus in prol. Psalm. Euthymius, præcipuèque Phylastrius qui hæres. 126. contrariæ sententiæ propugnatores hæreseos insinuat. Augustinus verò etsi in expositione psalmorum contrariam sententiam tradere videatur, hanc tamen ut probabiliorē amplectitur l. de hæres. hæres. 26. & l. 17. de Civ. cap. 14. Secundam sententiam tuentur referente Nat. Alexandro in append. ad sæc. 4. nonnulli recentiores qui eam etiam Augustino in psal. 1. scribingenti tribuunt. Tertiam denique propugnant Athan. seu author Synopsis, Hilar. præf. in Psal. Hieronimus epist. 134. ad Sophron. & epist. 139. ad Cyprianū &c.

Quenam autem ex his sententia cæteris præferenda sit, non est facile definire. Certum tamen videtur non omnes psalmos à Davide scriptos esse, cum plurima in iis disertè referantur, quæ non nisi longo post Davidem tempore contigerunt, ut captivitas Babilonica; nomina Jeremiæ, Salomonis, Ezechielis, Zenadab &c. saltèm si tituli psalmis sit corævi. Licet enim impossibile non sit ea potuisse à Davide conscribi, cum potuerint ei ista omnia revelari: quia tamen nullum habere possumus Scripturæ testimonium, quo id quod possibile fatemur, factum probetur, multò verisimilior est Hyeron. sententia hos psalmos à multis scriptos, ab Ecdra postmodum in unum corpus fuisse collectos. In hoc tamen nobis probari nequit ejusdem Hyeronimi sententia, quòd iis psalmos incunctanter tribuat, quorum nomina præferunt. Cum enim duplicem ob causam eorum nominibus inscribi potuerint, vel quia ab eis compositi fuerant; vel quia iis ad canendum destinati erant, hoc secundum aequè probabile est ac primum; imò multò etiam probabilius videtur; siquidem ex Scripturâ habemus eos his psalmis canendis deputatos fuisse: at de nullo eorum præterquam de Asaph legimus, psalmos ipsos quos canebant

Ec

composuisse. In hoc etiam peccat ista sententia quòd eos psalmos qui inscribuntur ipsi David, ab ipso David scriptos fuisse neget; & ab aliis editos, ipsi dicatos asserat. In hoc, inquam, peccat; siquidem constat ex ipsiusmet Christi Domini testimonio psalmū 109. qui titulum ipsum præfert, ipsius tamen David esse. Sed quidquid sit de authore aut diversis psalmorum autoribus, constat, ut inquit Theodoretus, præ in Psal. *Divini spiritus afflatu universos esse conscriptos.* Unde passim in aliis Scripturæ libris tam veteris quam novi Testamenti citantur: neque unquam de eorum autoritate in Sinagogâ, vel in Ecclesiâ dubitatum est.

Sed quod spectat ad psalmorum titulos non conveniunt inter se Doctores Catholici an pro Canonicis & divinitus inspiratis habendi sint; an verò humana tantum autoritate polleant. Alii enim docent eos pro Canonicis habendos esse; alii verò contrarium sentiunt. Qui affirmativam partem tenent his rationibus fundantur, primò quòd antiquissimi sint, & ipsis psalmis æquales esse videntur: siquidem accurate distinguunt eorum nomina vel qui eos scribebant, vel quibus destinati erant, quæ à sequioris sæculi autoribus nunquam ita distingui potuissent. Secundò, quia ad intelligentiam psalmorum maximè conferunt. Tertiò, quia nonnulli eorum in aliis Scripturæ libris referuntur iisdem verbis quibus etiamnum psalmis præfixi leguntur. Quartò, quia Sancti Patres sedulam in iis exponendis semper navarunt operam, ex iisque ut plurimum psalmorum ipsorum intelligentiam haurerunt.

Qui verò contendunt psalmorum titulos humanam duntaxat auctoritatem mereri, his sententiam suam suliunt argumentis. Primò, quòd plurimorum psalmorum tituli in Latinis, græcisque codicibus legantur; in Hebraicis verò nulloatenus, quod satis demonstrat eos ab initio non extitisse, sed processu tantum temporis psalmis præfixos fuisse. Secundò, quòd nonnullis psalmis hodiè præfixi conspiciantur, qui primis Ecclesiæ sæculis nullum habebant titulum, ut de nonagesimo constat, quem titulo olim caruisse præter commentarios Augustini in quibus desideratur, dilèctè testantur

Hieronimus, Theodoretus, & Euthymius. Tertiò quòd licet Sancti Patres eos plerumque exposuerint ut potè antiquos, & ad psalmorum intelligentiam nonnihil conferentes, nunquam tamen divinam auctoritatem iis tribuerunt, ut ex eo patet quod S. Augustinus psalmorum 89. & 95. titulos litteraliter sumptos explodat; Theodoretus verò psalmorum 64. & 136. titulos penitus rejiciat. Harum autem sententiarum eam quisque eligere potest, quam probabiliorē judicavit.

Verùm hic silentio prætereundum non est illustrissimum Bossuetum Meldensem Episcopum in dissertatione, quam suæ psalmorum editioni præfixit, utramque sententiam sic conciliare, ut fateatur eos psalmorum titulos quos versiones sive Græca sive Latina ab Hebraicâ veritate mutuata non sunt, Canonicos non esse, sed humanâ auctoritate Scripturæ additos: præsertim cum asserat Theodoretus, eos in genuinâ septuaginta Interpretum editione minimè extitisse: contendat verò eos omnes pro Canonicis habendos qui in Hebraico textu reperiuntur; quam sententiam Augustini auctoritate probare molitur. Verum, pace tanti viri dixerim, loca quæ ex Augustino affert id satis clarè probare mihi non videntur. Cum enim nullibi, quod sciam, distinxerit Augustinus inter auctoritatem titulorum qui in Græco tantum aut Latino habentur, & eorum qui leguntur etiam in Hebræo; nisi contrâ mentem illustrissimi Episcopi statuamus ex Augustino omnes psalmorum titulos pariter esse Canonicos; id de solis qui in Hebraico textu habentur statuere ex eodem Augustino nunquam poterimus. Ex quo infero nullâ hucusque auctoritate aut sufficienti ratione statutum, titulos ejusdem cum psalmis esse auctoritatis.

Porro, antequam ad alia transcamus, non inutile fuerit hic investigare quænam & à quo facta sit psalmorum versio quæ in Vulgatâ reperitur, & quâ nunc passim utitur Ecclesia. Circâ quod duplex potissimum est hodiè sententia: prima est Joannis Bonæ Cardinalis l. 2. rerum litur. & Monachorum à Congregatione Sancti Mauri præf. in 4. tom. operum Divi Augustini, docentium psalterium Gallicanum.

Ec ij

quo olim Gallicana utebatur Ecclesia, quodque vulgatum hodiè nuncupatur, eo quòd omnes Ecclesiæ Vaticanâ & aliis paucis exceptis, eo jam utantur, idem esse cum versione quam Divus Hyeronimus rogatus à Paulâ & Eustochio ad Exaplorum fidem convertit vel emendavit. Suam autem sententiam probant primò ex testimonio Valafradi Strabonis l. de rebus Ecclesiasticis c. 25. ubi hanc sententiam disertè tradit his verbis : *Psalmos autem cum secundum LXX. Interpretes Romani adhuc habeant, Galli & Germanorum aliqui secundum versionem quam Hyeronimus Pater de 70. editione composuit, psalterium cantant, quam Gregorius Turonensis Episcopus à Patribus Romanis mutuata in Galliarum dicitur Ecclesiis transfuisse.* Ut autem locus Strabonis intelligatur qui versionem 70. eidem versioni opponere videtur, advertendum cum Divo Hyeronimo in Ep. ad Suniam & Fretellam, ut jam superius à nobis observatum est, duplicem olim fuisse *τὴν* editionem : alteram quæ *κοινὴ* communis dicebatur : alteram quæ in Exaplis habebatur. Ubi ergo Valafridus loquitur de Psalterio quo Romani utebantur, eam editionem intelligit quæ communis dicebatur, vel prout ante Hyeronimum extabat, vel saltèm prout primis Hyeronimi curis jussu Damasi à crassioribus nœvis expurgata erat. Ubi verò loquitur de Psalterio, quod Gallis usui erat, eam Hyeronimi versionem vel editionem intelligit, quam posterioribus curis idem Sanctus Doctor à Paulâ & Eustochio rogatus ad Exaplorum fidem penitus restituerat. Probant secundò ex eo quòd ista secunda versio Divi Hyeronimi obelis & altericis interpolata erat, ut notat idem Sanctus Doctor : at in Vulgati seu Gallici psalterii antiquis M. SS. eadem Divi Hyeronimi notæ etiamnum conspiciuntur. Probant denique quia in iis locis quæ de Exaplorum editione refert Divus Hyeronimus tanquam diversis à vulgari & communi editione M. SS. Vulgatæ codices cum emendatione Divi Hyeronimi conveniunt. Quæ omnia simul sumpta satis apertè demonstrant, vulgatum psalterium illud ipsum esse quod ad Exaplorum fidem emendavit olim Divus Hyeronimus.

At verò Ludovicus Ferrandus vir magnæ eruditionis præfat. paraph. in psalmos c. 6. contendit rem aliter se habere, fallique hujus sententiæ authores. Arbitratur autem ipse in Romanâ Ecclesiâ usque ad Damasum solam Italam versionem usitatam fuisse. A tempore verò Damasi usque ad annum circiter 700. partim Italam, partim eam quam jussu Damasi correxerat Divus Hyeronimus: ab anno verò 700. solam Hyeronimi in omnibus Romæ Ecclesiæ usitatam fuisse usque ad Pium V. qui veterem Italam ubique restituit. Addit autem in Galliarum Ecclesiis ab earum initio Italam versionem in usu fuisse usque ad obitum Caroli Magni, quo tempore secundam Hyeronimi versionem assumpserunt. Licet autem Ferrandus nonnulla haud omninò contemnenda proferat ut suam sententiam fulciat, & Monachorum nostrorum rationibus respondeat; cum tamen vix aliter ab eorum rationibus se expediat, & suam sententiam stabiliat, quàm supponendo juxtâ mentem Concilii Tridentini Divum Hyeronimum vulgatæ Bibliorum versionis nullatenus authorem esse posse, quod nulli unquam in hâc luce litterarum persuasum faciet Ferrandus, idèò priorem sententiâ multò probabiliorem esse existimamus.

§ 2.

De Libris Machabæorum.

QUOD spectat ad libros Machabæorum, constat eos non esse ab eodem autore conscriptos. Primò, quia primus & secundus non eandem chronologiam sequuntur. Secundò, quia in stylo non conveniunt. Tertio, quia in rerum narratione etiam in eo differunt, quòd secundus narrationis seriem ab eo loco non sequatur quo primus desierat, sed rem ab altiori repetat. Primum Hebraicè conscriptum fuisse admodum probabile est. Sed à quo id actum sit, incertum. Secundus à quodam Jasonis breviatore conscriptus est, ut elucet ex præfatione ejusdem libri, quæ c. 2. v. 20. incipit. Tertius liber sicut & quartus incertorum authorum sunt.

{ Ec iii

Tertius narrat mirabilem ereptionem Judæorum quos Phisico in amphiteatro furori Elephantum exposuerat. Hoc autem contingere potuit 50. annis ante historiam Machabæorum, in prioribus libris descriptam. Quartus verò Hircani historiam refert.

Superius à nobis ostensum est duos priores Machabæorum libros Canonicis annumerandos esse. Sed quoniam nonnullas difficultates adversus eos objiciunt Eterodoxi, operæ pretium est eas elucidare, & inanes adversariorum impetus retundere.

Prima difficultas est, quòd author libri Machabæorum asserat Alexandrum cum adhuc viveret suis divisisse regnum, cum tamen Cornelius nepos referat divisionem istam nonnisi post mortem illius contigisse. Secunda quòd subjungat Principes & Satrapas Alexandri post mortem sibi imposuisse diademata; cum tamen ex eodem Cornelio nepote habeamus id nonnisi post multos ab Alexandri morte annos contigisse. Tertia, quòd asserat Antiochum vivum captum à Romanis, quod tamen verum non est nec ullus historicus testatum facit. Quarta, quòd idem author tradat Romanos Eumeni Indiam & Mediam dedisse. cum tamen certum sit Eumenem istas Provincias nunquam gubernasse; imò nec tunc temporis in Romanorum ditione fuisse. Quinta, quòd 310. Senatores numeret, cum tamen nullus meminerit eos fuisse suprà 300. Sexta quòd uni summam potestatem apud Romanos traditam fuisse memoret; cum tamen certum sit duos semper extitisse Consules. Septima, quòd Alexander dicatur ab eo Antiochi filius; cum tamen certum sit cum fuisse suppositum. Denique quòd Darius dicatur tunc fuisse Rex Lacædemoniorum; cum tamen Lacædemones nullum istius nominis Regem habuerint.

Sed difficultates illæ non sunt insuperabiles. Ad eas enim sic responderi potest. Ad primam, istam divisionem non fuisse in diversos principatus absolutos, sed in satrapias: vel divisionem istam nihil aliud fuisse præter designationem, vel etiam donationem ex hypothesi quòd filios non haberet, vel ad ætatem regnandi non pervenirent: vel denique dicendum quod

quod licet Alexander adhuc vivus regnum suum satrapis suis divisisset : nihilominus post ejus mortem satrapæ ipsius, idem inter se dividerunt , quemadmodum post mortem Ludovici Pii filii ejus contigit. Ad secundam, asserere quidem auctorem Principes istos diademata sibi imposuisse post mortem Alexandri ; sed non dicere id statim post mortem ejus contigisse. Ad tertiam , dum dicit Antiochum captum , id de apprehensione propriè dictâ non esse intelligendum , sed significare eum in summas angustias fuisse redactum , coactumque Romanorum jugum recipere. Ad quartam , hic errorem librarii esse , substituendumque pro Indiâ Myndiam , & pro Media Mysiam ; sicque nullam difficultatem superfuturam. Ad quintam , numerum rotundum ab aliis observatum esse qui 300. tantum Senatores numerarunt , vel non eos omnes de quibus meminit auctor fuisse Senatores , sed aliquos è populo à Magistratibus assumptos ad deliberandum. Ad sextam , quòd licet duo semper essent Consules , alternatim tamen sive per dies , sive per menses potestatem suam exercebant , sicque verum erat summam potestatem apud Romanos penes unum semper esse. Ad septimam , Alexandrum dictum Antiochi filiam vel ex opinione vulgi ita sentientis , vel quia se talem jactabat. Ad octavam denique , scribæ erratum esse , ac pro Dario substituendum esse Arium , sicque omnem difficultatem ablatam fore.

Alias rursus difficultates adversus eundem librum opponunt Eterodoxi , ægrè ferentes librum in quo preces pro defunctis commendantur , inter Canonicos recenseri. Prima ex eo petitur quòd asserat auctor libri primi Alexandrum Magnum primum regnasse in Græciâ : cum tamen plures Reges ante eum extiterint. Secunda est , quòd Epocham regni Antiochi illustris assignet anno 137. regni Græcorum , cum tamen juxtâ Græcorum historias & Eusebium assignanda sit anno 153. regni Græcorum. Tertia quod l. 1. c. 4. purgatio templi assignetur anno uno ante mortem Antiochi : cum tamen l. 2. biennio post ejusdem Antiochi obitum consignetur. Quarta quod Judas qui l. 1. c. 9. occisus dicitur an. 152. regni Græcorum , cum tamen l. 2. c. 1. scripserit epistolam post

triginta annos ab istâ epochâ, nimirum anno 188. regni Græcorum. Quinta, quod l. 1. cap. 6. Antiochus dicatur mortuus Babilone præ tristitiâ; cum tamen l. 2. c. 1. dicatur in templo Nannææ occisus à Sacerdotibus, & capite abscisso membratim discerptus. Sexta, quod l. 2. c. 2. dicatur Jeremiam tulisse tabernaculum, arcam & altare incensi in direptione urbis à Chaldæis, & eâ deportatâ in montem Nebo, abscondisse in speluncâ, quod tamen non videtur potuisse facere neque tempore obsidionis cum esset incarceratus; neque tempore direptionis cum id facere non esset permissus à Chaldæis. Septima est quod author libri secundi astruere videatur præces pro damnatis, cum ii pro quibus Judas misit Jerosolimam offerri sacrificium, peccassent lethaliter abscondendo sub tunicis de donariis Idolorum, à quibus Lex prohibebat. Octava, denique quod l. 2. cap. 14. actio Raziæ qui seipsum occidit, tanquam bona commendetur; cum tamen malam fuisse certum sit.

Respondetur primò quod licet aliquas difficultates ex iis quæ nobis obijciuntur solvere non possemus, non ideò rejiciendos forè hos libros: siquidem certum est in aliis libris quos omnes ut Canonicos recipiunt, maximas nihilominus difficultates occurrere. Respondetur secundò istas omnes difficultates non minùs quàm præcedentes posse elucidari. Ad primam itaque respondetur, Alexandrum, primum fuisse, qui in totâ Græciâ regnarit, etsi nonnulli antea essent Reges particulares. Ad secundam: Epocham authoris lib. 2. Machab. non incipere à regno Alexandri, sed à regno Seleuci qui decem annis post Alexandri mortem regnare cepit; quibus annis si quinque conjunguntur quibus regnavit Alexander, utraque Chronologia conveniet. Ad tertiam: purgationem templi referri quidem l. 2. Mach. cum aliis rebus quæ biennio tantum post mortem Antiochi contigerunt, sed ad illud tempus ab autore non referri, nec tunc tantum contigisse affirmari. Ad quartam: vel Epocham illius epistolæ esse clausulam epistolæ præcedentis, non initium sequentis; vel epistolæ illius authorem aliam Chronologiam Regni Græcorum secutum esse quam author libri immutare

immutare noluerit. Ad quintam : quod licet milites Antiochi membratim discerpti fuissent in templo Nannæ , ipseque Antiochus percussus etiam fuisset , nihilominus inde adhuc vivus evasit , ac paulò post Babiloniam profectus ibi præ tristitiâ in morbum lethalem incidit. Ad sextam : potuisse Jeremiam istud præstare , vel sub Rege Joachim , sub quo , (Jerosolimam obsidente Nabucodonosor ,) liber erat Jeremias , ut patet ex ejusdem c. 27. & 29. vel post urbis excidium , cum gratissimus esset Chaldæis , jussissetque Nabuchodonosor ut ei concederetur quodcumque petiisset. Jer. 39. Ad septimam : potuisse istos excusari à lethali , vel ob paupertatem , vel ob ignorantiam , vel etiam ob paucitatem materiæ , ut notat Grotius , vel denique piè existimasse Judam eos vel aliquos eorum facti sui penitentes obuisse. Ad octavam denique : referri quidem Raziæ actionem , & ut actum virilis animi commendari : sed non ut actum virtutis laudari , ut jam pridem notavit D. Augustinus l. contrâ Epistolam Gaudentii c. 23. & ep. 61.

Cæterùm hi libri dicuntur Machabæorum à Juda Machabæo qui cognomen istud sortitus est ab insigni sententiâ Exodi 15. quam suis vexillis inscribi curaverat , nimirum. Micamoca Be Elim Jehova , id est , *quis similis tui in fortibus Domine.*

§ 3.

De libris tertio & quarto Esdræ.

QUOD spectat ad tertium & quartum Esdræ , quamvis utriusque auctor incertus sit , certum tamen est eos non ab eodem auctore conscriptos esse. Primus enim altero multò antiquior est ; præterquam enim Græcè primò conscriptus est , cum alter tantum Latine habeatur ; citatur interdum à veteribus , ut Athanasio , Ambrosio , & Augustino. Alter verò omnibus veteribus incognitus fuit. Deinde prior nihil fidei aut bonis moribus contrarium continet ; cum nihil aliud sit præter duorum præcedentium compendium. Alter verò præter visiones , somnia , & nantias quibus respersus est ,

Ff

226 DISSERTATIONES HISTORICÆ, &c.
aliquibus etiam scatet erroribus. Præterea stili diversitas diversos
etiam arguit authores. Denique idem etiam ex eo ostenditur
quòd author prioris 19. generationes ab Aarone ad se nu-
meret, alter verò non recenscat nisi quindecim.

§ 4.

De Oratione Manassæ Regis.

DENIQUE quod attinet ad Orationem Manassæ, scien-
dum est 2. Para. 33. §. 19. mentionem fieri de quâdam
ejus Oratione quâ conversus ad Dominum Deum suum mi-
sericordiam ab eo obtinuit : ibidemque asserti, tam illam
Orationem, quàm multa alia, quæ ad Manassæ spectâ-
bant, scripta haberi in sermonibus Hozai. Cum autem hi
sermones hodiè non ampliùs extant, nec proindè ex illis
examinari possit utrùm Oratio, quæ in calce Bibliorum
nostrorum Manassæ tribuitur, eadem sit quam olim protu-
lit, quæque in illis sermonibus continebatur : ideo licet ea
quam habemus nihil contineat quod fidei aut bonis mori-
bus repugnet ; imò multa ad ædificationem fidelium conti-
neat : licet etiam sæpè à Patribus Latinis laudata sit ; nihilo-
minùs inter Scripturas Canonicas non numeratur, maxi-
mè cum nec Græcè nec Hebraicè habeatur sed Latinè tan-
tùm.



DISSERTATIO VIGESIMA QUINTA DE DIVISIONE OMNIS

Ævi secundum Gentiles, Judæos & Christianos. Nec non de temporis initio.

HACTENUS præcipuas Scripturæ difficultates, quæ ad historiam Sacram spectant attigimus, & elucidare tentavimus. Superest ad instituti nostri rationem, ut eas quæ quæ circa ipsius historiæ formam, sive Chronologiam occurrunt, breviter perstringamus. Ut autem ordinem aliquem in his quæ dicturi sumus, observemus, & iis quæ passim in Chronologicis quæstionibus de diversis mundi ætatibus dicturi sumus, lucem aliquam afferamus; hic de diversâ apud diversos temporis & ævi divisione nonnulla præmittemus: tum ipsius temporis initium juxta probabiliorẽ sententiam assignare tentabimus. Itaque.

Quod spectat ad totius ævi divisionem, in eâ pro vario diversæ religionis & vitæ instituto, variasse reperiuntur diversi scriptores. Aliam enim excogitarunt Pagani, aliam fecerunt Judæi, aliam secuti sunt Christiani. Rursus apud Paganos aliam finxerunt Poëtæ, aliam invenerunt Historici. Poëtæ qui, ut omnibus notum est, primi fuerunt Gentilium scriptores, tempus omne in quatuor ætates partiti sunt, auream nimirum, argenteam, æneam, & ferream. Auream ætatem ordiebantur ab initio regni Saturni, & usque ad ejus expulsionem à regno producebant. Quibus & aliis similibus quæ primæ mundi ætati tribuerunt tempus illud indicasse videntur, quo primus parens in Paradiso ante peccatum vixit. Argenteam ætatem eam dixerunt, quæ aureæ immediatè successit & sub quâ diversæ artes inventæ sunt. Quod optimè convenit iis quæ in Scripturis narrantur

Ffij

de tempore quod ab Adamo pulso ad diluvium usque fluxit. Hanc ætatem excepit anea, quæ in variis bellis ferè tota consumpta est, tandiùque duravit, quandiù regnaverunt Heroës seu Semidei, inter quos eos numerant qui apud Thebas Boetias pugnaverunt propter oves Oedipi, qui ad expeditionem argonauticam profecti sunt, & bello Trojanano præfuerunt. Hoc autem tempus satis commodè exponitur de iis ætatibus, quibus post diluvium varia Regna condita sunt, & varia bella gesta, usque ad tempora Samuëlis. Denique ferream ætatem incepisse volunt ab Oreste, seu ab ætate bellum Trojanum proximè subsecutâ: hic enim in recensendis heroibus sistunt Homerus, Æschiles, Sophocles, Euripides & alii Poëtæ.

Historici verò tres tantùm totius ævi partes fecerunt, tempus enim omne diviserunt in *ἀσφάλον μυθικόν*, & *ιστόρικον. ἀσφάλον*, seu incertum vel ignotum, complectebatur tempus omne quod ab initio rerum usque ad priorem Cataclysmum seu Oigigis, sive ad ætatem Jacobi Patriarchæ effluxit. *μυθικόν* seu fabulosum, quod pertinebat ad originem Deorum Græciæ, putâ Jovis, Martis, Mercurii & cæterorum Deorum, nec non & Heroum, usque ad Olympiadem primam seu tempora Ozix Regis Juda extendebatur, Historicum verò quod narrationes continebat ab Olimpiade primâ cæpit & ad nos usque perduravit.

Judæi in Talmude fol. 9. c. 1. tempus omne in tres partes dividunt, quorum singulæ bis mille annos continent; hancque sententiam ex traditione domus Eliæ se hausisse contendunt. Sic enim habetur loco citato: *Sex m'ilia annorum mundus, & deinde conflagratio. Duo millia inane, duo millia Lex, duo millia Lex Messie, & propter peccata nostra quæ multa sunt decerunt anni qui decerunt.* Duos priores annorum milliarios vocant inane, quia his temporibus maxima pars orbis erat inanis seu absque habitatoribus. Duos sequentes milliarios nomine Legis appellant; sed per illam Legem alia non est intelligenda præter legem Circumcisionis, & promissionem Abraham factam, quæ contigit circiter post bis mille annos ab orbe condito. Cæterùm probabile

non est hunc Eliam à quo istam divisionem acceperunt , fuisse Thesbitem ; sed multò verisimilius est fuisse alterum Eliam , qui , ut vult J. Gerardus Vossius , durante secundo templo vixerit. Contendunt autem nonnulli Eliam istum conjecturam istam hausisse ex duobus principiis. Primum , quod in primo versu libri Genesis littera Aleph quæ apud Hebræos millenarium designat , sexies reperiatur : undè cum insuper sex dies opificio mundi tribuantur , dicaturque in psal. *Mille anni ante oculos tuos tanquam dies hesternæ quæ præterit* ; indè Eliam collegisse volunt , mundum 6000. annis duraturum. Secundum principium est , quod tantum tribuendum videtur Legi gratiæ , quantum Legi naturæ & Legi Circumcisionis : atqui Lex utraque 2000. annis duravit. Ex quo collectum volunt totidem etiam annis Legem Mesiæ duraturam , sicque totam mundi durationem 6000. annis concludendam.

Christiani authores tempus omne in diversas mundi ætates vulgò partiuntur. Alii quidem in plures , alii autem in pauciores. Divus Augustinus sex tantum enumerat , prima est ab Adamo ad Noë , secunda à Noë ad Abraham , tertia ab Abraham ad David , quarta à David ab captivitate Babilonicam , quinta à captivitate ad Christi Incarnationem , sexta denique ab Incarnatione Christi ad finem mundi. Idem statuunt Gregorius Magnus Hom. 19. in Evang. & Nicetas in orationem 42. Gregor. Naz. excepto quòd tertiam ætatem ad Moysen tantum perducunt ; quartam verò ad captivitatem usque pertrahunt. Joannes verò Damascenus l. 2. c. 1. quem sequuntur Judoc. Cliton. Comment. in Damasc. & nonnulli recentiores , utriusque sententiæ diversas partitiones adoptando , septem ætates numerant. Denique ex recentioribus nonnulli decem ætates admittunt , alii pauciores ; ita ut in re , quæ ex cujusque arbitrio pendet , liberum sit unicuique quam maluerit divisionem sequi.

Uit igitur aliquem in hisce Chronologicis rationibus ordinem sequamur , sex ætates ab exordio mundi ad Christum usque statuemus. Prima erit à Creatione ad diluvium. Secunda à diluvio ad Abraham. Tertia ab Abraham ad libe-

rationem de captivitate Ægyptiacâ per Moysen. Quarta ab exitu Israëlitarum de Ægypto ad initium ædificationis templi Jerosolimitani per Salomonem. Quinta à constructione templi ad captivitatem anno undecimo Sedeciz. Sexta denique à captivitate ad Christum. Sed antequàm ulterius progrediamur, & ad singulas ætates descendamus; nonnulla de temporis initio præmittenda sunt. Itaque.

Quòd spectat ad temporis initium, cum inter Chronologos hætenùs certò definiri nequiverit, quo tempore mundus editus fuerit id unum omnes statuunt, saltèm hieme non esse creatum. Sed de cæteris tempestatibus inter se disputant. Alii enim, ut Scaliger, Petavius, Tornielius, & plures alii in autumnno: alii, ut Gerardus Mercator in æstate; alii denique complures in vere, rerum temporumque primordia statuunt. Qui primam sententiam amplectuntur eam vulgò probant, primò quia eo tempore mundum creari congruebat, quo fruges maturæ sunt ad usum hominis & bestiarum, itemque quo arbores pleræque fructus maturos proferunt; quod etiam de factò sic ordinatum fuisse Scriptura discretè testatur: atqui ista tempestas est autumnus. Secundò, quia plerique Orientales populi ab antiquissimis temporibus, quorum assignari nequit initium, annum ab autumnno inchoant, quod de ipsis etiam Israëlitis apertum est ex Scripturâ Exodi 23. ubi sic habetur: *solemnitatem quoque in exitu anni quando congregaveris omnes fruges tuas: & capite 34. solemnitatem quoque ages, quando redeunte anni tempore cuncta conduntur.* Cuique autem notum est solemnitatem istam esse festum tabernaculorum, quod celebrabatur mense Tirsî, qui responder nostro Septembrî vel Octobrî. Eadem autem ratio inde etiam confirmatur, quòd postquàm Moyses anni sacri principium in mense Nisan collocavit, nihilominùs anni civilis exordium in mense Tirsî numerari non desit, ut testis est Josephus libro primo antiquitatum capite quarto.

Qui verò pro secundâ sententiâ decertant, eam statuere conantur, primò ex Genesis 8. ubi columba quam Noë de Arcâ emisit, ad eum rediisse dicitur cum ramo virentis

olivæ : atqui oliva teste Plinio libro 18. cap. 25. virefcere incipit circâ æstatem, testaturque Scriptura Noë de Arcâ exiisse secundo mense 27. die mensis, proindèque ex hoc sequi videtur annum ab æstate tunc temporis incepisse. Secundò idem confirmant ex antiquâ Arabum consuetudine, qui teste Julio Firmo libro 3. & Macrobio libro de somnio Scipionis, annum inchoabant ab æstate. Cum autem Arabes factis vicini fuerint Mesopotamiæ in quâ Paradisum olim sitû fuisse vulgò creditur, nec longè distentâ Chaldæâ, primo omnium regno, hinc probabile creditur, ab exordio mundi, annum ab æstate incepisse.

Denique authores tertiæ sententiæ suam opinionem probant, primò ex restitutione initii anni verno tempore à Mose factâ Exodi 12. volunt enim ibi Moysen mutasse tantum consuetudinem, quam ab Ægyptiis mutuati fuerant, incipiendi annum ab autumno, & consuetudinem Abrahæ & aliorum Patriarcharum, qui annum à mense Nisan semper inceperant, restituisse. Secundò ex Consilio Palæstino sub Theophilo Cæsariensi tempore Victoris Papæ circâ controversiam Paschæ habito, de quo meminit Eusebius libro 5. cap. 23. cujus etiam acta referuntur à Bedâ libro de ætate mundi, in quo unanimi Patrum istius consilii consensu definitum est, mundum editum fuisse verno tempore. Tertiò ex Sanctis Patribus tum græcis tum latinis, quibus addi possunt innumeri penè Theologi & Ecclesiastici Scriptorum, qui unanimi consensu eandem sententiam amplectuntur. Quartò denique ex recto ordine divinæ providentiæ, cujus suavi dispositioni non congruebat ut Noë de Arcâ egrederetur rigente hieme, & eâ tempestate quâ cunctis frugibus, tum ipse, tum cuncta animalia, ad vitam sustentandam destituerentur, quòd tamen necesse sequeretur ex priori sententiâ, quæ initium anni in autumno statuit.

Cæterum etsi in priorem sententiam, quam hodiè tuentur plerique doctiores, magis propendeamus, fatendum tamen est nullam istarum sententiarum satis firmas posse asserre rationes, ut alias excludat. Quod ut manifestius fiat, singulas cujusque sententiæ hic expendemus. Itaque ad primam

prioris sententiæ rationem , respondetur fructuum & frugum maturitatem æquè verno tempori ac autumnali convenire posse ; cum in plerisque Orientalibus regionibus bis in anno fruges colligi possint. Nisi fortè dicatur id de iis solis regionibus verum esse , quæ sitæ sunt in zonâ torridâ , non verò de iis quæ sunt in zonâ temperatâ. Advertendum est etiam contrâ istam rationem , quòd in Palæstinâ messis verno tempore fiebat mense secundo , vel tertio anni sacri , imò quandoque primo ut patet tùm ex lib. Jos. tùm ex multis aliis locis. Ad secundam , distinguendum esse annum civilem cujus initium ex cujusque rationis arbitrio pendet , à naturali qui à creatione mundi incepit. Ad rationes autem secundæ sententiæ , respondetur ad primam , eam nihil omninò probare , cum certum sit toto anni tempore olivam vivere. Ad secundam , consuetudinem istam Arabum , quæ tamen non adeo certa est quin aliqui eam negent , præponderare nec posse nec debere aliorum Orientalium consuetudini , qui annum ab autumno incipiebant. Denique ad rationes tertiæ sententiæ respondetur ad primam , eam esse meram conjecturam , quæ nullum habet in Scripturâ fundamentum ; proindèque facilè potest rejici ; præcipuè cum parùm probabile sit aut Jacobum Patriarcham qui primus Ægyptum cum filiis incoluit , rationem anni à majoribus acceptam immutare voluisse : deindè ejus nepotes eam postea reliquisse , ut Hebræorum consuetudinem revocarent. Ad secundam , Consiliorum definitiones in hujusmodi rebus non habere auctoritatem infallibilem : maximè cum in definitionibus suis rationem potius sequuntur quàm traditionem ; quod in isto concilio contigisse certum est. Ad tertiam , in rebus quæ fidem aut bonos mores non spectant , unumquemque abundare posse in suo sensu. Ad quartam denique , hyemis rigorem maximè temperatum esse in Armeniâ ubi Arcam quievisse post diluvium Scriptura testatur : neque abundantiam frugum & victus Noë deesse potuisse ; cum omnia necessaria usque ad novas fruges Arca eadem suppeditare potuerit. Cum itaque nulla ex istis opinionibus certa sit , nulla suis rationibus careat , eam quisque poterit amplecti ,

amplecti, quæ magis probabilis ponderatis omnibus cõ
visa fuerit.

DISSERTATIO VIGESIMA SEXTA DE ANNIS SOLIS ET LUNÆ,

*Mensibus, Cyclis, Indictionibus, Periodo
Julianâ, & eorum omnium usu.*

ANNUS juxtà quòd ab omnibus nationibus definitur
est, tempus quoddam est quod per duorum syderum
conversionem computatur, Solis nimirum & lunæ. Solis au-
tem circuitus à magnitudine circuli annus dictus est, cum
breviores circuli non anni sed annuli dici consueverint. Por-
rò duplex est annus, solaris nimirum & lunaris. Solaris au-
tem iterum duplex est; tropicus seu Astronomicus, & ci-
vilis. Tropicus concluditur spatio dierum 365. horarum 5. &
scrupulorum 49. sicque scrupuli undecim ad complementum
horæ sextæ desiderantur. Civilis qui à communi usu ita dic-
tus est, & à Julio Cæsare qui cum in orbem Romanum
introduxit; Julianus etiam nuncupatur, constat diebus 365.
& 6. horis integris quæ intrà quatuor annorum spatium si-
mul junctæ diem faciunt, qui ante 6. Kalendas Martias
collocatus quarto quoque anno bissextilem annum efficit.
Quia verò hic annus undecim scrupulis longior est tropico,
ita ut intrà 131. annos omnes isti scrupuli simul juncti diem
efficiant, contigit ut anno 1582. annus tropicus decem die-
bus integris Julianum anteverteret; ex quo eveniebat ut
nec æquinoxium vernum rectè in Calendariis annotaretur,
nec consequenter Paschalis solemnitas ritè, seu debito tem-
pore celebraretur. Idcirco, ut in meliorem formam anni
reducerentur, autoritate Gregorii 13. factum est ut decem
dies anni prædicti expungerentur. Etne deinceps idem in annis

error posset obrepere, cautum est ut intra circulum 400. annorum tribus primis centuriis vertentibus dies unus bissextilis perimeretur. De his autem consule Calvium in Calend. correct. & Petavium Rat. temp. part. 2. cap. 1. & de Doctrinâ temp. lib. 5. & 7. Porro hæc anni Juliani forma quoniam expeditior est, ab omnibus qui Chronica, vel Annales ab initio mundi scripserunt usurpata est, & adhibita. Immo probabile est, ut infra dicemus, eam ab ipso rerum exordio apud primos Patriarchas usitatam fuisse.

Annus lunaris est intervallum uno lunæ circuitu duodecies descriptum. Hic autem circuitus seu mensis lunæ, duplex est. Primus dicitur periodicus, quia nudâ lunæ periodo clauditur, estque dierum 27. horarum 7. minut. prim. 43. & 7. secund. quod spatium temporis in suo circulo conficiendo luna impendit. Alter dicitur synodicus quo luna à sole digressa eundem assequitur, estque dierum 29. horarum 12. minut. 44. secund. 3. Constat autem annus lunaris ex mensibus synodicis non ex periodicis: proindeque habet dies 354. horas 8. prima minuta 48. secunda circiter 38. Nihilominus cum præter duplicem mensem lunarem mox relatum sit & alius mensis civilis quo vulgò utimur constans 29. & 30. diebus alternatim, quasi mensis periodicus ultrâ 29. dies 12. etiam horas integras nec ultrâ includeret, non erit inutile annotare nonnullos Orientales populos, ut Arabes & Turcas, ex istis mensibus lunaribus suos annos conficere.

Cyclus decemnovennalis est revolutio solis & lunæ ab uno anno ad novemdecim: quâ peractâ iterum ad unum reditur. Ideo autem hic Cyclus excogitatus est, quia terè omnes populi qui lunarem annum amplexi sunt, cum cum solari conjunctum, & uno velut orbe seu cyclo inclusum adhibuerunt. Hic autem solis & lunæ circuitus variè tentatus est, licet necdum omninò compertus, & multiplici annorum intervallo finitus. Primum bicennii, deinde quadriennii seu tetraeteridis; postea ogdoeteridis spatium maximè placuit, quasi intra illud solis & lunæ circuitus iterum in eodem puncto convenirent. Sed nec hic Cyclus satis accuratus deprehensus est: ideoque excogitatus est novem-

decim annorum cyclus , tanquam eo convertente annorum numero , amborum syderum ab eodem puncto ad idem fieret reversio , quanquam res non omninò ita se habeat , ut modò dicemus. Hujus Cycli author fuit apud Græcos Metho insignis Astrologus , qui Athenis floruit Olympiadis 86. an. 4. hoc est ante Christum 432. hujusque Cycli usum ceteræ postea nationes receperunt ; eumque Christiani ad Paschalem celebritatem & sacrorum tempora ordinanda transfulerunt. Porro dictus est etiam aureus numerus eo quòd aureo caractere primùm describi soletet. Hæc autem est ratio hujus Cycli. Quilibet annus Julianus constat diebus 365. horis 6. quæ summa per 19. multiplicata efficit 6959. & horas 18. Anni verò lunares sic ducti cum suis diebus constant ferè 6732. hor. 23. 24. primis & 3. secundis quæ faciunt menses lunares seu Syzигias 228. Addunt ergò 7. menses ejusdem generis qui certis annis simplicibus additi intercalares dicti sunt. 7. verò lunares Syzигiæ efficiunt dies 206. horas 15. prima 8. secunda 22. quâ summâ ad menses 228. additâ efficiunt dies 6939. horas 16. prim. 32. secund. 27. quæ in totum Syzигias lunares efficiunt 235. Hæc est lunaris enneadecaeteris , seu Cyclus decemnovennalis qui Julianis 19. annis minor est horâ 1. primis 27. secundis 32. circiter. Quapropter annis 19. vertentibus non fit præcisè peræquatio motuum uniuscujusque syderis ; neque luna ad idem diei punctum revertitur undè erat digressa : sed horâ unâ. 27. primis. 32. secundis antevertit primam Epocham. Quod discrimen diù neglectum paulatim maximam labem in noviluniorum calculos invexit. Quippe anno 1582. quo Fasti à Gregorio 13. correcti sunt , antecessio lunaris deprehensa est quatruidi circiter , à tempore Nicænæ synodi , id est ab annis 1257. qui sunt enneadecaeteridis paulò plus 66.

Cyclus Solis est revolutio annorum ab uno ad viginti octo per litteras Dominicales , quâ revolutione peractâ , iterùm reditur ad primum & eandem litteram Dominicalem. Explicatur : quemadmodum singuli cujusque mensis dies cyphrâ designantur , ita hebdomadam dies septem litteris A. B. C. D. E. F. G. designantur. Nota autem cuilibet diei semel affi-

gnata, eadem semper esset si annus 52. hebdomadas non excederet: sed quia uno die quotannis superabundat, hinc fit ut annus sequens non ab eadem feriâ, à quâ præcedens, sed à sequenti incipiat; proindèque nec jam quælibet feria eandem litteram habeat quam præcedenti anno habebat, sed sequentem: & sic successivè per singulos annos. Cum autem septem tantùm sint litteræ, quælibet dies post septennium ad eandem litteram redire deberet, nisi quolibet quadriennio annus bissextilis unum etiam diem superadderet sexto Kalendas Martii. Ex quò fit ut post illum diem quælibet feria litteram quam ante 6. Kalendas Martias habebat, in sequentem mutet. Undè non jam post septennium quælibet feria ad eam litteram redit; sed tantùm post elapsum quater septennium, idest post viginti octo annorum spatium, quod spatium Cyclus Solis, seu littera Dominicalis nuncupatur.

Indictio, est revolutio ab uno ad quindecim; quâ peractâ reditur ad primum. Hujus autem Cycli origo & usus primarius in historiâ maximè obscurus est. Genset Baronius, qui de eo fusè agit ad annum Christi 312. cum ab Imperatore Constantino inventum esse ad stipendia militum numeranda singulis annis usque ad decimum quartum militiæ quo tantquam emeritis privilegia veteranorum concedebantur. Aliud tamen de indictione sentit Jos. Scaliger. lib. 5. de emend. temp. & Calvisius in suâ Chronolog. quos quisque consulere potest.


Periodus Juliana est orbis annorum ex triplici cyclo lunæ solis & indictionum contextus, ex quibus inter se multiplicatis resultabit periodus an. 7980. si enim 19. & 28. multiplicentur in se exurgent anni 532. qui numerus per 15. multiplicatus facit summam annorum 7980. Dicta autem est Juliana hæc Periodus, quia ad methodum anni Juliani & ejus Cyclorum accommodata est ab authore illius Josepho Scaligero. Hæc autem est ratio hujus Periodi, ut quilibet illius annus suis cyclis sit præditus, cujusmodi omnes & singulos nullus alius in totâ Periodo possidet; cum nonnisi post elapsos 7980. annos redire possint. Et cum prius annus hujus

Periodi habeat cyclum solis 1. lunæ 1. indictionis 1. in annis 7980. nullum reperire est cui tres illi cycli simul conveniant.

Porrò maximus est hujus Periodi usus, maximaque utilitas in chronicis & chronologiis, quæ vel ab exordio rerum, vel ab aliâ quælibet epochâ ante æram Christianam inchoantur. Cum enim tanta sit opinionum diversitas in annorum serie ab orbe condito numerandâ; ut vix duo auctores inter se consentiant; indè fit ut cum eventum aliquem tali vel tali anno assignatum ab aliquo auctore reperimus, non possimus illius anni à nobis distantiam scire, nisi prius investigaverimus quot annos auctor iste ab orbe condito ad primû æræ Christianæ nostræ annum numeret, quod in singulis libris & chronicis requirere valdè molestum est. Præterea cum in diversis historiis & epochis plerùmque diversâ sint annorum initia, ita ut nonnulli vernâ tempestate, scilicet Martio incipiant, ut anni urbis Romæ; alii à solstitio æstivo seu Juliano, ut Græci. Alii ab autumno seu Octobri, ut Judaici & Seleucidarum anni; alii à brumâ seu Januario ut Juliani, faciliè in tantâ diversitate potest oriri confusio, maxime cum in diversis illis annorum initiis explanare necesse sit utrûm in initio, medio, vel fine anni res relata contigerit, ut eventus cum annis Julianis conciliari possit. Ab his autem ambagibus se expedit qui Periodum Julianam adhibebit. Cum enim omnia chronicorum qui hodiè passim apud eruditos recipiuntur, initia antecedit, quantumlibet inter se discrepantes mundi epochæ suum in illâ periodo situm obtinent.

Ut autem magis in particulari pateat hujus Periodi utilitas, statuenda est aliqua epocha in quâ omnes Chronologi conveniant. Præcipua autem inter alias omnes Epochæ est æra Christiana, in quâ omnes Christiani consentiunt, licet de vero natali Christi anno inter se dissideant. Hæc autem caput est & limes in quem confluent omnia Chronologorum ratiocinia. Illam autem collocant omnes anno Periodi Jul. 4714. ita ut primus ille æræ Christianæ annus Cyclum habeat lunæ 2. solis 10. indict. Rom 4. quod quisque reperiet, si 4714. dividat per 19. 28. & 15. hanc enim annorum summam

dividendo per 19. restabunt duo, qui erit cyclus lunæ; si per 28. supererunt decem, qui est Cyclus solis. Si per 15. supererunt 4. qui est numerus indictionis illius anni. Quapropter ab initio periodi Julianæ ad primum æræ Christianæ annum exclusivè integri numerandi sunt anni 4713. Nemo est autè ex Latinis Chronologis, paucissimis exceptis, de quibus infra, qui mundi primordia non multo posterius hac annorum summâ constituat: nam alii 4000. alii 4050. alii 100. plus vel minùs annis intervallum istud definiunt; ideo citrà Periodi Julianæ initium istorum annorum principia consilunt. Hoc posito facilè quamlibet aliam epocham cum Periodo Julianâ conciliare. Si enim quæras, verbi gratiâ, quo anno hujus Periodi conditus sit mundus, cum juxtâ rationes Chronologicas inferiùs tradendas anni 4004. ab orbe condito ad æram vulgarem numerandi sint, si totidem annos ex periodo prædictâ an. 4714. auferas, supererunt anni 710. undè inferendum est orbem conditum esse anno 710. Periodi Julianæ: hic autem annus habet cyclum lunæ 7. Solis 10. & indict. 5. ut quilibet perspicere potest dividendo summam an. 710. per 19. 28. & 15. quod in quâlibet aliâ summâ annorum observatum Cyclos facilè exhibebit. Caterùm quisque facilè intelligit cujuscunque Epochæ temporis quod æram vulgarem præcesserit, annum in periodo Julianâ facilè & certò inveniri posse: dummodo enim numerus annorum assignatus à numero 4714. auferatur, qui supererunt anni, locum illius Epochæ in periodo Julianâ indicabunt. Verbi gratiâ, si quærat quò anno Periodi Jul. primus Olympiadis primæ annus assignandus sit, cum annus primus Olymp. primæ sit 776. antè æram vulgarem, statim deprehendetur ablato isto numero ex 4714. superesse 3938. sicque primum annum Olympiadis primæ, anno periodi Julianæ 3938. assignandum esse, quod idem, ut patet, æquè facilè inveniri poterit in aliâ quâlibet Epochâ.



DISSERTATIO VIGESIMA SEPTIMA
 DE ANNIS PRIMORUM
*Patriarcharum. De annis Hebræorum &
 Ægyptiorum, simul & de Chronologia sa-
 cræ initio usque ad diluvium.*

§ I.

De annis primorum Patriarcharum.

CIRCA annos primorum Patriarcharum sciendum est; multis olim præsertim medicis incredibile visum esse primos homines tot annorum Centuriis vixisse, nonnullosque illorum superasse 900. annos nostris æquales. Undè alii per annos, menses lunares intellexerunt, quos nimirum annos dici posse crediderunt, quòd quolibet mense luna integrum Zodiaci circulum perficiat. Alii existimaverunt, annos istos fuisse 36. dierum, qui numerus est quadratus ex senario sex ducto, efficitque circiter decimam partem anni nostri. Alii denique annos istos antiquo Ægyptiorum more computandos esse censent, qui olim (ut infrà dicitur) annos trimestres, vel quadrimestres numerabant.

Verùm annos Patriarcharum in Genesi relatos nostris fuisse similes, facile est ex eâdem Genesi demonstrare. Et quidem duæ priores sententiæ falsitatis haud difficilè convincuntur ex annis quibus illi Patriarchæ generare cœperunt. Cum enim Malaleel & Enoch anno sexagesimo quinto genuisse dicantur, si mensuri tantum fuissent eorum anni, vel etiam triginta sex dierum, sequeretur eos anno quinto vel sexto suæ ætatis genuisse, quod absurdum est. Posterior verò sententia de annis trimestribus, vel quadrimestribus æquè facilè refellitur

ex historiâ diluvii. Cum enim in eâ septimi & decimi mensis nec non & vigesimæ septimæ diei mensis fiat mentio, manifestum est annos illius temporis non fuisse annos trimestres vel quadrimestres.

Jam verò istos annos nostris similes fuisse, ex eâdem etiâ diluvii historiâ non obscure elicitur. In eâ enim narratur diluvium incœpisse anno sexcentesimo vitæ Noë, mense secundo, die decimâ septimâ mensis, & anno sexcentesimo primo vitæ ejusdem, mense primo, primâ die mensis, immutatas esse aquas super terram. At inter decimam septimam diem secundi mensis, & primam diem primi mensis anni sequentis, numerantur à Scripturâ centum quinquaginta dies; postea fit mentio septimi mensis, tum decimi. Et post primam diem decimi numerantur adhuc dies quadraginta & bis septem. Insuperque datur intelligi plures etiâ dies in corvi egressionibus & reversionibus elapsos esse; proindeque satis etiâ innuitur eorum annos nostris omnino similes fuisse. Cum tamen ex centum quinquaginta diebus appareat menses omnes æquales fuisse, nimirum triginta dierum, statuendum est alios quinque dies exactis duodecim mensibus additos fuisse.

Confirmatur hæc sententia ex eo quòd nullibi Scriptura ideam, quam de anno semel tradidit, mutasse repèriatur. Cum itaque constet progressu temporis, verbi gratiâ, in tertiâ mundi ætate & deinceps annos Hebræorum nostris æquales fuisse, ut modo dicemus, idem etiâ procul dubio de annis Patriarcharum asserendum est.

§ 2.

De annis Hebræorum.

QUOD spectat ad annos Hebræorum, constat ex historiâ sacrâ in libro Exodi eos ante exitum ex Ægypto nostris omnino æquales fuisse; siquidem evoluta anno eadem semper tempestas redibat, & eadem peragenda in Lege paulo post datâ Israëlitis indicebantur. Nec dubitari sinit, ut
modo

modo dicebamus, series Scripturæ, quæ in singulis Genesis & Exodi capitibus annos eodem modo semper numerat, hos Israëlitarum annos eosdem prorsus fuisse, qui olim fuerant primorum Patriarcharum, à quibus eos acceperant.

Porrò hi anni ante exitum de Ægypto, à mense Tyfri, qui initium significat, & nostro Septembri vel Octobri responderet, incipiebant: quia nimirum existimabant Hebræi mundum ab autumno incœpisse. Undè notat Divus Hieronimus in cap. 1. Ezech. antiquissimas nationes in hoc anni initio cum Hebræis consensisse. Ab exitu verò ex Ægypto, anni initium in mense Abib seu Nisan, Martio nostro vel Aprili respondente, collocatum est ex mandato Dei, ut patet ex libro Exodi cap. 12. *Ÿ. 2. ubi habetur: mensis ille vobis initium mensium, primus erit in mensibus anni.* Hæc tamen mutatio de solo anno sacro intelligenda est, secundum quem festa anni & Neomeniæ celebrari debebant. Annus enim Civilis & Sabbaticus etiam post Exodum à mense Tyfri inchoari non destitit, ut colligitur ex cap. 23. Exodi *Ÿ. 16.* ubi festum tabernaculorum celebrandum dicitur in exitu anni; cum tamen circà mensem Septembrem celebraretur. Id etiam res familiaris exigere videbatur: si enim annus Sabbaticus à mense Nisan cœpisset, Israëlita nihil ex fructibus terræ per duos annos collegissent. Testatur etiam Philo lib. de opif. mundi, contractus civiles, ut venditionis, elocationis, &c. juxtà calculum hujus anni Civilis ordinatos fuisse. Cæterùm hi anni, solares erant, non lunares: siquidem menses ex quibus constabant, erant triginta dierum, ut suprà dictum est. Post captivitatem tamen Babylonicam, vel saltè post Seleucidarum jugum receptum, anno usi sunt lunari 354. dierum, quibus addebant undecim dies cum sex horis, ut illum solati accommodarent. Nec tamen mutarunt situm anni designatum, neque menses aut hebdomadas, quas sabbata vocant, ut constat ex multis Josephi & Philonis locis.



De annis Ægyptiorum.

ANNUS Ægyptiacus constabat diebus trecentis sexaginta quinque, absque bissextili. Ex quo fiebat, ut quarto quoque anno, initium anni prioris uno die anteverteret, ut elapsis 1461. annis ad idem punctum rediret; ita ut si v. g. annum Ægyptiacum hoc anno 1699. observare inciperemus; fieret ut anno 1703. annus à 31. nostri Decembris inciperet; sicque deinceps usquequò dimensis 1461. annis ad primum Januarii rediret. Hæc anni formâ usi sunt Ægyptii in Fastis suis usque ad cladem Antonii & Cleopatrar. Initio tamen sui status annis mensuris aliquandiù usi sunt; postea verò trimestribus, vel quadrimestribus, ut constat ex Solino in Polihistoro c. 2. Plutarcho in vitâ Numæ Pompilii, Plinio lib. 7. c. 8. Macrobio l. 1. Saturn. c. 12. Diodoro Siculo l. 1. Varrone apud Lactantium l. 2. c. 13. & Augustino l. 12. de civ. Dei cap. 10. quod idem de Chaldeorum annis notat idem Diodorus. Hæc autem sunt Plutarchi verba; *apud Romanos ab exordio constitit decem mensibus annus, ut apud nonnullos Barbaros tribus, & in Graciâ apud Arcados quatuor, sex in Acarnaniâ, Ægyptiis mensurius annus fuit, mox quadrimestris ut ferunt, qui quamvis regionem colant maxime novitiam, habentur vetustissimi, & numerum annorum in annalibus supputant in infinitum mensibus inter annos annumeratis.*

*De initio Chronologia sacra
usque ad Diluvium.*

HIs de diversis antiquorum annis prælibatis, tempus est ut ad initium Historiæ Sacræ veniamus, & nonnullas difficultates minoris momenti, quæ in annis antediluvianis occurrunt, expediamus.

Prima est circà tempus quo duravit innocentiae status, & quo primi parentes de Paradiso eiekti sunt. Circà quam probabiliter asserere possumus primos parentes peccasse die decimâ tertiâ mundi feriâ sextâ sequentis hebdomadæ à suâ creatione, eâdemque die post increpationem divinam è Paradiso eiektos esse. Ratio est, quia plerique Sancti Patres existimant eâdem die Christum passum esse, quâ Adam lignum comedit, & de Paradiso eiektus est. Jam verò credibile non est Adamum eâdem feriâ sextâ quâ creatus est, peccasse, cum tam multa eo die peracta esse narrentur, ut vix superesse potuerit tentationi & peccato locus, maximè cum status sui felicitatem eos aliquandiù experiri ante peccatum congruum esset. Item non debet ultrâ præfatum decimum-tertium mundi diem protendi tempus hujus transgressionis; nam constat primos parentes in Paradiso Virgines mansisse: alioquin Caim ille primogenitus reproborum sine peccato conceptus fuisset. Cum igitur aliundè urgeret eos mandatum Dei, quo benedicens eis præceperat dicens: *crescite & multiplicamini*, non videtur eorum eiektio ultrâ sextam feriam secundæ mundi hebdomadis protelanda.

Secunda difficultas spectat tempus quo Caim & Abel geniti sunt. Ad quam respondeo nemini dubium esse quin Caim & Abel fuerint duo primi filii Adæ, & quidem diversis Evæ partibus editi, ut Scriptura dilucidè ostendit. Quapropter statuendum est Caim natum esse sub finem primi anni mundi, Abelem verò sub finem secundi.

Tertia difficultas versatur circà tempus quo Abel à fratre occisus est. Ad quam respondeo eum occisum esse anno ætatis suæ centesimo vigesimo octavo, Adami verò centesimo trigésimo. Nam paulò post occisum Abelem natus est Seth, qui nomen istud sortitus est eo quod Deus illum posuisset & suffecisset in locum Abelis occisi. Constat autem Seth anno centesimo trigésimo Adami genitum esse; proindeque statuendum est etiam Abelem ejusdem anni initio fuisse occisum.

Quarta difficultas petitur ex annis quibus Patriarchæ genuerunt; utrùm scilicet pro completis, an pro currentibus

sint accipiendi? Ad quam respondeo contrà Petavium, eos pro completis absque ullâ dubitatione accipiendos esse. Cum enim vix negari possit scriptores sacros exactam nobis ab orbe condito chronologiam tradere voluisse, maximè cum in majoribus epochis menses & dies annotare soleant; necesse est etiam fateri annos generationis Patriarcharum pro completis sumendos esse: alioqui passim nutaret chronologia sacra; nec quidquam certi in eâ statui posset. Non est tamen in singulis generationibus res adeò strictè accipienda, ut nequidem unicus dies anni completi defuerit; sed quòd ita plus minùs in singulis contigerit, ut in omnibus simul numerus completus conveniat.

Duo tamen objicit Petavius. Primum est quòd diluvium dicitur contigisse anno sexcentesimo vitæ Noë, quod incertum est an de anno corrente, an verò de completo intelligendum sit. Secundum est quòd c. 10. Sem dicitur genuisse Arphaxad *cum centum esset annorum*. Sed objectiones istas diluere non est difficile. Ad primam enim responderetur certum esse ex Scripturâ annum fuisse currentem; nec tamen id esse contrarium nostræ sententiæ: tum quia agimus tantum de annis generationis Patriarcharum: tum quia Scriptura totum hunc annum per spatium quo duravit diluvium, percurrit, & ad initium anni sequentis perducit. Ad alterum verò, secundam mundi ætatem non pendere ab ætate Semi, sed à biennio post diluvium.

Quinta difficultas spectat tempus generationis Patriarcharum; utrùm scilicet à conceptione, an verò à nativitate numerari debeat? Respondeo certum videri vocem generandi in Genesi pro tempore nativitatis accipiendum esse: tum quia alioqui nihil incertius esset illo computo, quippe cùm incertum esset tempus quo quisque in utero permansisset: tum quia certum est in aliis plerisque Scripturæ locis vocem generandi tempus nativitatis designare. Ita Matth. 2. v. 1. primæ Petri 2. v. 2. Genes. 40. v. 20. Osee 2. v. 3.



DISSERTATIO VIGESIMA OCTAVA
D E*Annis Chronologicis primorum Patriarcharum
IN QUA**Diversorum computorum rationes diversa re-
feruntur. Et inquiritur potissimum, utrum
Hebraicus Scripturae textus versioni Graeca
septuaginta Interpretum, in rebus chrono-
logicis sit anteponendus.*

NON omnes anni Patriarcharum chronologiae sacrae stabiliendae inserviunt. Sed ii soli quibus filiorum suorum nativitatem precesserunt, quique propter istam rationem chronologici appellantur. Ex eorum summâ duæ priores mundi ætates constituuntur. Undè nullum esset in istarum ætatum duratione definiendâ negotium, si nulla esset in diversis calculis circa annos istos diversitas. Sed cum in utrâque illâ ætate enormis sit varietas inter diversos Scripturae codices: hinc maxima oritur difficultas cui demum computo standum sit. Græca versio τῶν ὁ in utraque ætate, singulis ferè Patriarchis addit centum annos suprâ textum Hebraicum, ante παιδγοσίαν, quos totidem detrahit post παιδγοσίαν. Ex quo fit ut licet utriusque linguae codices in summâ annorum cujuslibet Patriarchae conveniant: nihilominus chronologia τῶν ὁ propter rationem modo allatam multis sæculis Hebraici textus chronologiam in utrâque ætate superet. Ita ut cum juxtâ Hebraicos codices & Vulgatam versionem in primâ ætate, nimirum ab initio mundi usque ad diluvium anni dumtaxat 1656. numerentur; juxtâ versionem τῶν ὁ 2242. reperiantur; vel etiam 2262. secundum alios codices, quibus usus est Divus Augustinus, in quibus Mathusalem dicebatur genuisse, non anno ætatis suae 187. ut legimus hodiè, sed anno 167. Utriusq; differentiae specimen melius exhibebit schema infra positum.

Schema Chronologicum primæ mundi ætatis.

Juxtà textum Hebræum & Vulgatam versionem

Anno ætatis	genuit	vixit postquam genuit	in totum	Anni mundi nativitatis	mortis
Adam	130	800	930	1	930
Seth	105	807	912	130	1042
Enos	90	815	905	235	1140
Caïnan	70	840	910	325	1235
Malaleel	65	830	895	395	1290.
Jared	162	800	962	460	1422
Enoch	65	300	365	622	transfertur 987
Mathufala	187	782	969	687	1656
Lamech	182	595	777	874	1651
Noë	500.	450	950	1056	2006

Diluvium cœpit anno mundi 1956. duravit uno anno, desuit anno 1657.

Schema Chronologicum prima mundi ætatis.

Juxta Sixtinam editionem τῶν δ

Anno ætatis	genuit	postquam genuit vixit	in totum	Anni mundi nativitatis	mundi mortis
Adam	230	700	930	1	930
Seth	205	707	912	230	1142
Enos	290	715	905	435	1340
Caïnan	170	740	910	625	1535
Malaleel	165	730	895	795	1690
Jared	162	800	962	960	1922
Enoch	155	200	365	1122	transfertur 1487
Mathufala	a 167 b 187	802 782	969	1287	2256
Lamech	188	565	753	1454 1474	2207 2227
Noë	500	450	950	1642 1662	2592 2612

a computum Hieronimi, Augustini & Eusebii. b editio Græca.
 Diluvium cœpit 2242. duravit uno anno, desit anno 2243.

Quæritur ergo quisnam calculus, Græcus an Hebraicus, sit alteri præferendus ? Circà quòd observandum est omnes antiquos Scriptores, qui primis Ecclesiæ sæculis de Chronologiâ scripserunt, secutos esse calculum LXX. Interpretum; licet multi eorum Hebraicum calculum Græco præferendum duxerint. Antiquorum opinionem & computum amplexi sunt etiam, qui postmodum Martyrologia scripserunt, aut de rebus chronologicis aliquid ediderunt usque ad initium præteriti sæculi. Contrà verò quicumque ab initio superioris sæculi res chronologicas tractarunt, ferè omnes Hebraici textûs, aut Vulgatæ versionis, autoritate ducti, calculum τὰν ὁ rejecerunt, & Hebraico textui adhaerunt. Non defuerunt tamen viri eruditi, licet pauciores numero, qui collabentem chronologiæ LXX. Interpretum autoritatem suis humeris fulcire conati sint. Celebriores inter alios fuerunt nostris diebus Isaacus Vossius Vintoniensis in Angliâ Canonicus, & post ipsum R. P. D. Paulus Pezeron collegii Parisiensis Cystercientium moderator: ille in syntagmate de LXX. Interpretibus; hic in libro gallico anno 1687. edito cui titulus est: *antiquitas temporum restituta & propugnata adversus Iudæos & recentiores chronologos*. Uterque causam suam quantâ potuit acritate defendit, & quanto potuit argumentorum genere munivit. Sed licet eorum argumenta non sint omnino contemnenda, multumque eruditionis in se contineant, iis tamen assensum præbere non possumus ob rationes modo referendas. Itaque.

Dicendum est textus Hebraici calculum versioni τὰν ὁ esse præferendum. Hæc assertio non eget aliis probationibus ab iis quas retulimus dissertatione tertiâ ad demonstrandum textum Hebraicum datâ operâ non fuisse à Judæis corruptum. Nam clarum est, idque fatentur ultrò adversarii, diversitatem quæ inter Hebraicos Græcosque codices reperitur, nec amanuensium negligentia, nec ulli casui tribui posse: sed mutationem istam consultò & datâ operâ factam esse. Ex quo sequitur quòd si nusquam Judæi suos codices datâ operâ immutarint, aut depravarint, nusquam etiam seriem annorum in sacrâ chronologiâ inverterint aut mutilarint.

Cum

Cum itaque priorem illam sententiam firmissimis argumentis totâ dissertatione tertiâ munierimus, necesse non est ut de hâc assertionem probandâ deinceps laboremus.

Addam nihilominus primò nullam omninò afferri posse probabilem rationem cur istam depravationem in Hebraicis codicibus tentassent Judæi; cum è contrâ plures occurrant, cur id ab aliis in Græcis fieri potuerit. Vel enim qui primus versionem τῶν δ' ex eorum autographo descripsit, quem hujus depravationis authorem fuisse suspicatur S. Augustinus l. 15. de civ. c. 13. hanc mutationem induxit; quia cum annos in primâ mundi ætate menstruos tantum fuisse putaret juxta antiquum Ægyptiorum morem suprâ memoratum, judicavit absurdum, Hebræorum calculo in annis generationis Patriarcharum insistere, ex quo nimirum sequi non dubitaret nonnullos Patriarchas annis ætatis suæ quinto, sexto, vel septimo liberis operam dedisse. Vel ipsi etiam LXX. Interpretes potuerunt authores esse istius mutationis, ut ex additione istâ fidem Scripturæ sacræ conciliarent apud Ægyptios, qui mundum multò antiquiorem Mosaico computo faciebant, & se multis annorum millibus cæteros homines præcessisse gloriabantur.

Secundò advertendum est plerosque ex Sanctis Patribus, quos in dissertatione tertiâ laudavimus, de difficultatibus chronologicis agere, cum textum Hebraicum Græcæ versionis præferendum esse definiunt.

Tertiò illis addi potest venerabilis Beda, qui licet eo tempore vixerit quo passim Scriptores omnes chronologiam τῶν δ' sequebantur, nihilominus re maturius discussâ, & utroque calculo maturè examinato, Hebraicum sinceriorem esse profitetur, eumque non solum Augustini & Hyeronimi, sed etiam Josephi autoritate confirmat. Hæc sunt ejus verba in præfat. ad chronicum Eusebii: *Ego confidenter profiteor quod non reprehendo veteres chronographos, qui versionem LXX. Interpretum modò secuti sunt, modò prout libuit, probantur habuisse contemptui: sicut etiam in processu hujusce opusculi monstrabitur. Sed omnibus his Hebraica veritatis integram præfero puritatem qua*

constaret Messiae adventum & legem post quartum demum millenarium esse collocanda.

Secundò falsum est quod tam audacter asserunt viri docti SS. Patres hoc sexti millenarii argumento potissimum uris-
se Judæos, ut probarent Messiam jam advenisse. Docuerunt quidem pro suâ computandi ratione Christum sexto mundi millenario apparuisse: sed nequaquam numerum istum contra Judæos pro adventu Messiae adstruendo adhibuerunt, tantum abest ut fortissimum suæ causæ præsidium in eo collocarint. Sciebant profectò Sancti Patres se firmiorem habere propheticum sermonem, cui & attendebant diligenter, & ex eo Judæos de adventu Messiae præterito facile convincerent. Undè si Judæi, ut argumenta Sanctorum Patrum eluderent, Scripturas ipsas depravate voluissent, proculdubio non in chronologiâ veterum Patriarcharum, quæ ad eorum disputationem nihil conferebat; sed in prophetiis Esaiæ, Danielis, & aliorum, id tentassent.

Tertiò quæcumque profert doctissimus Pezeronus de tempore corruptionis factæ sub Imperio Trajani, tam facile à nobis rejiciuntur, quàm gratis ab eo asseruntur. Tantum enim abest, ut hujus facti ullum testimonium asseri possit ex Patribus; ut ne vestigium quidem ejus in totâ antiquitate appareat. Primò enim fictitia sunt, ut modo vidimus, quæ profert vir doctus de argumento tunc temporis à Patribus petito ex sexto mundi millenario, quò Messiam adventurum esse fatebantur Judæi; præcipuè cum tempore Trajani Imperatoris vix alii præter Clementem Romanum, Hermam, & Ignatium scripsisse reperiantur; apud quos tamen verbum quidem de hoc argumento. Secundò quod asserit vir doctus Akibam hujus depravationis authorem fuisse, satis abundè confutatur ex iis quæ de eodem Akiba profert in eodem capite ad commentum istud adstruendum. Refert enim ex Hyeronimo in cap. 8. Esaiæ Akibam istum sub Adriano Imperatore persuasisse Judæis Barcoxebari quemdam Judæum esse verum Messiam, & ut cum tamquam Messiam reciperent, effecisse. Quomodo igitur suis persuadere potuit sub Adriani imperio Messiam de facto

versione LXX. Interpretum legimus, habuerunt, non eam quæ hodiè in Hebraicis codicibus extat.

Respondeo primò istos authores, etsi ab Hebraico textu longius discrepent in computo, neque tamen inter se, neque cum versione $\tau\acute{\alpha}\nu$ è convenire: sicque eorum testimonia non tantam mereri auctoritatem, quantam vir doctus illis tribuit. Secundò mirum non fore, etsi cum versione $\tau\acute{\alpha}\nu$ è in omnibus convenirent, neque id quidquam ad Hebræorum computum evertendum facere posse. Cum enim authores isti longè post factam versionem LXX. Interpretum scripserint, hocque in Ægypto, ubi versio ista potissimum innoverat; mirum non foret eos chronologiam gentis Judaice hausisse ex versione, quæ tunc in illâ regione evulgata erat, & à Judæis recepta; maximè cum lingua Hebraica Gentilibus prorsus esset ignota, Judæis verò ipsis tunc temporis non admodum familiaris. Ut ergo aliquid ex antiquis authoribus pro suâ opinione adstruendâ elicere posset vir doctus, aliquem nobis proferre deberet, qui antè confectam versionem $\tau\acute{\alpha}\nu$ è scripsisset, & tamen eandem computi rationem secutus esset. Quod cum facere non possit, manifestum est authorum istorum calculum ex versione LXX. Interpretum tanquam à fonte repetendum esse, proindèque Pezeroni sententiam non juvare.

Objicit secundò. Fl. Josephus palàm profitetur præfat. ad lib. antiq. se historiam gentis suæ, quam viginti libris antiquitatum complexus est, ex Hebraicis litteris transfulisse; atqui Josephus eundem serè profert calculum, quem in versione $\tau\acute{\alpha}\nu$ è legimus, ac termè sex annorum millia ad suam usque ætatem numerat. Ergo tempore Josephi non solum codices versionis Græcæ huic computo favebant; sed etiam textus Hebraicus illud exhibebat. Proindèque Judæi à tempore Josephi calculum sacrum in codicibus Hebraicis decurtarunt.

Ad hunc docti viri Achillem, omisâ eorum responsione qui contendunt Josephum linguam Hebraicam ignorasse, tria responderi possunt, quorum unumquodque suam habet probabilitatem, nimirum vel hodiernos Josephi codices depravatos

esse, vel mutare historici fidem, vel denique ejus verba non eum sensum habere quem ipsi tribuunt Pezronus & Vossius.

Primò itaque depravatos esse hodiernos Josephi codices hæc persuadere possunt. Primò quòd numeri, qui nunc extant in Josephi libris, non conveniant in omnibus cum editione τῶν ὀ, sicut nec cū Hebræo conveniunt. Differunt enim in annis quibus Sem dicitur genuisse Arphaxad post diluvium, in annis quibus Nachor dicitur genuisse Thare, in annis vitæ Isāaci, in annis regni Salomonis &c. Secundò quòd summa annorum, quàm à diluvio ad Abrahamum numerat, sit tantum 292. cum tamen numerus, qui ex particulari calculo colligitur, mille annos superet. Tertio quòd epochæ, quas alibi de prioribus mundi ætatibus tradit Josephus, cum iis nullatenus conveniant quæ ex primis antiquitatum libris colliguntur. Docet enim tum præf. ad lib. antiq. tum præf. ad lib. 1. contrā App. historiam quam in libris antiquitatum complexus est, fuisse 5000. annorum, cum tamen singulorum librorum calculus adunatus circiter 6000. nobis exhibeat. Docet etiam lib. 1. contrā Appionem cap. 2. ab exordio rerum, seu creatione mundi, ad mortem Moysi, tria ferè annorum millia effluxisse; cum tamen juxtà priores quatuor antiquitatum libros quatuor ferè annorum millia reperiantur. Docet insuper lib. 4^o. de bello Judaico cap. 31. urbem Chebron, seu Hebron in Idumæa, in quâ urbe Abrahamum habitasse credunt, ante annos dumtaxat 2200. fuisse ædificatam; cum tamen juxtà calculum, quem alibi statuere videtur de Legis duratione, plusquàm 3500. aut 3600. statuendi sint. Quartò librorum editorum tum Græcorum, tum Latinorum historiæ Josephi calculus valdè diversus est à plerorumque M. SS. codicum calculo; cum tamen dubitari nequeat quin editiones istæ ad fidem aliorum M. SS. adornatæ sint; ac proindè quin M. SS. codices in hoc Josephi calculo à seipsis tam diversi, incertum Josephi calculum efficiant.

Secundò etiam si fateremur ista omnia posse inter se conciliari, ac Josephi chronologiam cum LXX. Interpretum calculo apprimè convenire, insuper etiam Josephum historiam

suam ex Hebræo desumpsisse : nihilominus meritò dubiam haberemus ejus fidem in recensendâ verâ codicis Hebraici chronologiâ. Cum enim jamdiù vulgata esset apud Gentiles versio septuaginta Interpretum quæ aliam ab Hebraico textu chronologiam exhibebat, multò probabilius est Josephû, etiamsi reliqua ex Hebræo vertisset, eam tamen Chronologiam secuturum fuisse, quæ jamdiù in 70. Interp. versione Gentilibus innotuerat : ne si eam exhiberet, quæ in Hebræo habebatur, tam aperta inter textum & versionem contradictio totam historiam Sacram eorum ludibrio exponeret. Hoc autem eò probabilius videtur, quò magis constat Josephum, cæterò qui facundissimum & doctissimum virum, in antiquitatibus Judæorum scribendis minùs sincerum fuisse ; idque maximè cavisse ne si res gestas eo modo quo in Scripturis Sacris habentur, enarraret, historia gentis suæ ut minùs commendabilis in contemptum Gentilium veniret. Hinc sæpè maximorum miraculorum, v. g. transitus maris rubri, fidem enervat, dum aut historiæ dubiam fidem relinquit, aut ea naturalibus causis tribuere conatur. Hinc idololatriam populi in deserto penitus omittit, ne in punitâ adoratione vituli, Romanos, Apis Ægyptiorum cultum approbantes, reprehendere videretur, ut notat Grotius. Hinc pondus argenti à Davide Salomoni relicti ad structuram templi ita minuit, ut pro mille millibus talentis, quæ in Scripturâ referuntur, centum millia substituat ; ne major quantitas incredibilis Gentibus videretur. Hinc Bethlehemicum Herodis infanticidium penitus reticuit, ne ista narratio de tot infantibus ob causam Regis Mesiæ occisis Vespasiano minùs placeret. Denique major suæ gentis antiquitas, quam ex versione LXX. Interp. eruebat, sola eum movere potuit, ut illius calculum, relicto Hebraico, adhiberet. Undè cum certum sit Josephum fidem suam non liberasse, quâ promiserat antiq. lib. 1. cap. 10. & l. 10. c. 11. se ea omnia relaturum quæ in Hebræorum voluminibus habebantur, neque subtrahendo quidquam, neque addendo ; quis tandem absque temeritate possit affirmare eundem repertam in Hebraicis codicibus chronologiam

non immutasse, nec versioni LXX. Interp. accommodasse; maximè cum hæc versio majorem genti suæ antiquitatem conciliaret?

Tertiò non ita certum est Josephum antiquitatum suarum historiam ad Hebraicum exemplar concinnasse, quin aliter possint ejus verba explicari. Præterquàm enim satis apparet ex ipsis locis, quæ ab adversariis produciuntur, Hebraicas litteras idem sonare apud Josephum ac sacros Scripturæ libros; quidni dicere potuisset Græcos habituros historiam Judæorum ex litteris Hebraicis translatam; etiamsi versionem τῶν ὁ ad Historiam suam concinnandam adhibuisset? siquidem constat versionem illam ex Hebraicis litteris desumptam esse.

Itaque, quoquo modo res exponatur, certum esse debet Josephi chronologiam fidem Hebraico calculo derogare non posse; nec probare, aliter tunc temporis habuisse codices Hebraicos, ac nunc habeant: præcipuè cum à tempore Domitiani, sub quo libros antiquitatum scribebat Josephus, ad tempora Hadriani, quibus certum est, ipsis adversariis fatentibus, istos codices eandem chronologiam habuisse quam nunc exhibent, impossibile fuerit omnes Hebraicos codices per totum mundum, quo jam dispersi erant Judæi, vitari, ut suprà demonstratum est.

Objicit 3°. Ex ipsis Judæis facillè probari potest eorum chronologiam vitiatam esse: tradunt enim in libro *Breschis Rabba*, Adamum post mortem Abelis à procreandis liberis per 130. annos abstinuisse: atqui non aliter veritas hujus historię subsistere potest, quàm si rejecto Hebræorum calculo statuatur cum LXX. Interp. Sethum anno duntaxat 230. Adami natum esse: ergo &c.

Respondeo mirum esse cur vir doctus sententiæ suæ patrocinium ex fabulis Judæorum, quos plerumque valdè ignaros in rebus sacris fuisse constat, quarere voluerit. Si enim ea omnia quæ in suis libris tradunt Recutiti, pro genuinis historiis habenda essent, aut validum in iis argumentum fundari posset, nulla jam foret tanta absurditas, quæ & asseri & ex eorum autoritate confirmari non posset. Non debuerat

debuerat itaque vir doctus ejusmodi nugis attendisse. Sed si istam objectionem protulit tanquam argumentum ad hominem contra Judæos, advertere debuerat eosdem ex suis iidem fabulis ejus objectionis vim facile evasuros. Docent enim, tùm in eodem libro *Breschit Rabba*; tùm alibi, Evam nocte quâ primum cum Adam congressum habuit quinque tam filios quàm filias concepisse, & eâdem nocte quinque istos peperisse: quidni ergo dicere potuerint, eâdem die, quâ nati sunt, adolevisse, eâdemque Abelem à Caino occisum fuisse, proindeque Adamum licet anno 130. vitæ suæ Sethum genuerit, totis tamen 130. annis à procreatione liberorum abstinuisse?

Objicit 4°. Temerarium est eam sententiam rejicere, quam omnes Sancti Patres & authores antiqui secuti sunt, eam verò amplecti quam pauciores admodum antiqui admiserunt; atqui calculum LXX. Interp. secuti sunt omnes Sancti Patres, & ferè omnes antiqui Scriptores, qui de rebus chronologicis ad præteritum usque sæculum scripserunt; pauci verò admodum computum textus Hebraici Græco prætulerunt. Ergo &c.

Respondeo cum distinctione, temerarium quidem est antiquorum Scriptorum & Sanctorum Patrum communes sententias deferere in iis quæ fidem spectant & bonos mores, concedo: cum enim ea quæ credere debemus & agere, Deo revelante per Christi & Apostolorum prædicationem habuerimus, non aliundè de credendis & agendis certi esse possumus, nec aliundè valemus addiscere, quam ex iis fidelibus qui Christum & Apostolos prædicantes audierunt; aut qui ab Apostolorum discipulis eruditi, aliis sequentium sæculorum Christianis tùm scriptis tùm vivâ voce utrumque reliquerunt, ut hi quoque posteris suis per continuam traditionem credenda & agenda eodem modo relinquerent. Undè temerarium semper est & valdè periculosum, in hisce rebus, neglectis antiquorum Patrum sententiis, suis opinionibus & incertis rationibus indulgere. At in rebus criticis, & historicis quas revelatione divinâ non habemus, unicuique licitum est in suo sensu abundare, & eas opiniones.

veras tenere quas majoribus rationum momentis fultas esse perspexerit. In præfenti verò quæstione certum est neutram sententiam, neque nostram, neque adversariorum, ad fidem pertinere; neque moribus informandis quidquam nocere vel prodesse, utram opinionem tuearis. Quid ergo impedit quominus hæc quæstio, juxta severiores Criticæ leges discutatur, eaque vera habeatur quæ firmiores pro se rationes habuerit, etiamsi Sancti Patres rebus majoris momenti intenti, aliam sententiam secuti sunt?

Sed id etiam maximè advertendum est Sanctos Patres chronologiam LXX. Interp. magis secutos esse, quàm eam propugnasse. Cum enim eorum tempore nullâ aliâ versione Ecclesia uteretur præterquàm versione LXX. Interp. mirum non est si eam computandi rationem secuti sint, quam in eâ Scripturæ versione repererant, quâ Ecclesia utebatur. At nunquam docuerunt versionis suæ chronologiam textûs Hebraici calculo præferendam esse: cum id nequidem unquam ad examen revocarint. Unum excipio Julium Tolerantum septimi sæculi authorem, qui communem illius temporis chronologiam acriter tueretur contrà Judæos & eam calculo Hebraico præferre non dubitat. Sed cum nonnulli antiquiores Patres, præcipuèque Divus Hieronimus, & Divus Augustinus, qui istam quæstionem extrâ disputationis æstum & absque ullo præjudicio agitarunt, chronologiam Hebraicam alteri, licet eorum sæculo magis receptæ, præferendam judicarent, non debet unius Juliani judicium Sanctorum Hieronimi, & Augustini judicio præponderare; sed è contrà eorum sententia verior judicari, quibus nihil omninò nocuisset (quod maximè de Augustino verum est), alteram sententiam prætulisse. Itaque tantum abest, ut in hac quæstione; sententiæ nostræ noceant Sancti Patres, quin è contrà non parùm eam juvent. Sic enim possumus argumentari: Ferè omnes Sancti Patres qui chronologiam ^{THEO} secuti sunt, eam absque examine receperunt: quicumque verò ex antiquis primorum sæculorum Patribus eam ad examen revocarunt, & cum Hebraico textu contulerunt, hanc alteri præferendam esse censuerunt. Ergò

potior debet haberi ratio doctissimorum Patrum, licet numero pauciorum, qui hanc quæstionem moverunt & discussuerunt, quàm aliorum Patrum, licet numero plurium, qui contrariam sententiam absque ullo prævio examine receperunt.

Sunt & aliæ difficultates quas pro chronologiâ τὸν δὲ contrā nostram sententiam movet vir doctus. Sed eas sequentibus dissertationibus examinandas relinquimus. Certum itaque hætenus manere debet, chronologiam textus Hebraici & vulgatæ versionis, alteri τὸν δὲ chronologiæ esse præferendam. Proindeque primam mundi ætatem à creatione mundi ad diluvium usque extrā annos 1656. extendendam non esse.

DISSERTATIO VIGESIMA NONA DE ANNO DILUVII, ET

metâ vitæ hominum post diluvium.

QUÆRITUR 1°. circâ Diluvium quo anno evenit? Josephus Scaliger in Elencho orationis chronologicæ Paræ censet diluvium evenisse anno 599. vitæ Noë. Sed nihilominus respondetur evenisse anno sexcentesimo vitæ Noë, mense 2°. 17. die mensis. Præterquàm enim id diversis verbis Scriptura asserit, idem etiam apertè colligitur ex summâ annorum quam toti vitæ Noë tribuit. Docet enim Gen. 9. v. 28. Noë vixisse 350. annis post diluvium; in totum verò 950. Atqui si diluvium contigisset anno 599°. vitæ ejus, non jam 950. annis, sed 949. vixisse dicendus esset, contrā expressam Scripturæ auctoritatem: ergò pro certo statuendum est diluvium contigisse anno sexcentesimo vitæ Noë currente.

Quæritur 2°. utrùm menses, qui in historiâ diluvii vocantur secundus, septimus, & decimus, sic nuncupentur per

relationem ad annum currentem ; an verò per relationem ad sexcentimum annum vitæ Noë.

Respondeo 1°. Cajet, Pererium, Tornicellum, Salianum, & nonnullos alios docere, sic nuncupatos esse per respectum ad annum sexcentimum vitæ Noë : ita ut cum cæpit diluvium, Noë natus fuerit annos sexcentos, duos menses, & 17. dies. Rationes eorum sunt 1°. quia alioqui nimis obscurè locutus fuisset Moses, modo de annis Noë loquendo, modo de annis currentibus. 2°. quia hic videtur esse mos computandi ; cum enim dicimus aliquid contigisse tali anno, tali mense, talis Principis, mensis ad annum Principis referri solet. 3°. quia sicut dies 17^{us}. ad proximè nominatum mensem, ita mensis ad proximè nominatum annum referri debet. At annus proximè nominatus est annus vitæ Noë.

Respondeo 2°. menses istos ad annum currentem non verò ad annum sexcentimum vitæ Noë referri debere. 1°. Quia id ubique observat Scriptura, ut quoties de mensibus agit, semper menses recenscat per respectum ad annum currentem, nisi contrarium expressè declaratur ; ut videre est 3^a. Reg. 6. & 4^a. Reg. ult. 2°. Quia usitatum est etiam in rebus politicis ut menses ad annum currentem, non ad annum Principis referantur ; ut cuique historias consulenti patebit. Quemadmodum ergò Romani ab urbe condita numerabant, & Christiani à Christo nato numerant : sic valdè probabile est primos Patriarchas ab orbe condito numerasse. 3°. Quia alioqui majores fierent æquivocationes & frequentiores, si menses semper numerarentur per respectum ad annos illius personæ, de cujus ætate ultimo loco facta fuisset mentio. Ex quibus patet responsio ad rationes in contrarium allatas, quæ omnes falsum supponunt, & usui contrariæ sunt.

Quæritur 3°. Utrum 40. dies pluvix includantur in 150. sequentibus, an verò seorsim ab illis numerandi sint ? Hoc secundum contendunt Tostatus, Tornicellus, & Salianus ; quia alioqui, inquiunt, annus diluvii brevior fuisset cæteris, 40. diebus. Cum enim summæ omnes particulares dierum, quæ in historiâ diluvii referuntur, efficiant tantum 365. ex qui

bus annus coalescit, manifestum est, quod si 40. illi dies in 150. sequentibus includerentur, annus diluvii 40. diebus minor esset cæteris. Nihilominus respondeo illos 40. dies in 150. sequentibus debere includi. Supposito enim, quod modo probatum est, secundum, septimum, & decimum menses, non ad alium & alium annum referri debere, sed semper ad annum sequentem, manifestum est 40. dies in 150. sequentibus contineri: alioquin darentur dies multò plures quàm contineri possent intrà diem decimum septimum mensis secundi & vigesimum septimum mensis septimi; 40. enim dies additi 150. diebus efficiunt 190. dies; cum tamen à 17^o. mensis 2. ad 27^{um}. mensis 7. non possint numerari nisi 153. dies in sententiâ de mensibus lunaribus, vel 160. in sententia de mensibus solaribus. Deindè fatentur etiam omnes intrà spatium istud dies aliquot pro decremento aquæ esse statuendos, sicque 40. illos dies à 150. sequentibus non posse sejungi. Hanc autem sententiam tuentur Divus Ambrosius lib. de Noë & Arcâ cap. 17. Hugo de Sancto Victore, Genibrardus ad annum mundi 1653. Scaliger lib. de emend. temp. &c. Neque tamen indè concludi potest hunc annum cæteris minorem fuisse ut suprà ostensum est, dissertatione 27. Quibus addi potest spatium aliquod reponi posse inter ultimam emissionem columbæ & primam diem anni sexcentissimi primi vitæ Noë.

Quæritur 4^o. An Arca requieverit suprà montes Armeniæ vigesimo septimo die mensis septimi, ut habet textus Hebraicus, vel decimo septimo ejusdem mensis, ut habet editio Græca?

Respondeo standum esse textui Hebraico cujus lectiones hic constanter retinuit Hieronimus, tam in editione Latina quam composuit, quàm in correctione Vulgatæ quam jussu Damasi Papæ ad Græcum textum contulit. Idem dicendum est circa tempus durationis diluvii, quod textus Hebraicus & Vulgata unius anni & decem dierum faciunt, versio verò τὰννὸς unius anni præcisè.

Quæritur 5^o. Quodnam fuerit spatium vitæ hominum post diluvium? Respondeo plures ex veteribus, ut Josephum, Phi-

lonem, & Laetantium, ex recentioribus verò Abulensem, existimasse metam vitæ hominum non ultrà 120. annos communiter esse protendendam. Hanc autem sententiam fundant potissimum in illo Gen. 6. *Non permanebit spiritus meus in homine in aeternum, quia caro est, eruntque dies illius 120. annorum.* Sed alii ut Augustinus lib. 15. de civit. Dei cap. 4. Hieronimus, Hugo Cardinalis &c. hunc locum meliùs interpretantur de metâ vitæ hominum ante diluvium, quàm de metâ vitæ eorundem post diluvium. Ratio est quia non apparet ex Scripturâ, hominum post-diluvianorum tam brevem statim fuisse vitam: cum è contrâ plerique 400. & 500. annis vixisse legantur. Nec vita hominum ad tantam brevitatem redacta esse videtur ante Mosis sæculum. Sensus igitur istius loci Gen. 6. est, quod cum Deus statuisset delere omnem carnem, ob multam malitiam quæ super terram increverat; concesserit nihilominus hominibus adhuc 120. annos ut ad pœnitentiam converterentur. Hanc autem expositionem confirmat Paraphrasis Chaldaica in hunc locum, ubi sic habet: *Non permanebit generatio hæc pessima coràm me in aeternum, ed quòd caro sunt & opera eorum pessima, & terminus dabitur eis 120. annorum, si fortè convertantur.* Sed difficultatem facit contrâ hanc expositionem quòd ait Scriptura eo tempore quo divinum oraculum pronuntiatum est, Noë fuisse quingentorum annorum. Cum enim diluvium contigerit anno sexcentesimo vitæ Noë, spatium 120. hic reperiri non potest.

Respondent nonnulli ut Hieronimus, in quæst. Hebra. & Augustinus epistolâ ad Hesych. tempus istud 20. annis brevium fuisse ob incrementum malitiæ hominum, qui tempore ad pœnitentiam sibi concessò abutebantur.

Respondet 2°. Divus Augustinus lib. 15. de Civi. Dei cap. 94. hoc oraculum pronuntiatum fuisse anno 480. vitæ Noë; quod tamen tempus ob numeri rotunditatem Scriptura dicit fuisse 500. annorum.

Sed probabiliùs respondetur, istud spatium non ad numeri rotunditatem, sed ad Hyperbaton referri debere, quâ nimirum Scriptura non rarò ea refert posterius quæ antea conti-

gerunt, & è contrà. Hic autem peculiaris erat ratio ut priùs ætas Noë proferretur, quàm nimirum tres liberos genuit, quàm humani generis condemnatio à Deo prolata referretur; licet hæc pluribus annis anterior fuisset. Cum enim Scriptura toto Gen. cap. 5. omnes Adæ posteros usque ad Noë recensuisset, congruum erat ut etiam Noë genealogiam cæteris conjungeret; quò genealogia hominum ab Adamo ad diluvium completa esset; deindè causam inducti diluvii simul cum ejus historiâ connecteret. Id autem factum esse præter alia hinc etiam liquet, quòd Scriptura causam inducti diluvii repetat à tempore quod ætatem & maximè παρογορίαν Noë longè præcessit, nimirum à multiplicatione hominum super terram.

Licet autem hac sententia de futurâ hominum ætate post diluvium intelligenda non sit; fatendum nihilominus est longè breviorē fuisse hominum ætatem post diluvium quàm erat antea, eamque ferè ad dimidiam partem priorum Patriarcharum, id est ad 500. aut 400. annos redactam esse.

Quæritur 6°. circà biennium quod à diluvio effluxit ad nativitatem Arphaxad, an illud biennium completum fuerit; an verò tantum inchoatum. Respondeo cum plerisque veteribus, biennium completum fuisse. Licet enim in versione τὴν ὁ habeatur Arphaxadi nativitatem contigisse ἀντίπερὶ τοῦ μετὰ τὸν καταλίσσας, in textu tamen Hebraico difficultas omnis removetur. Habetur enim quòd *Sem genuit Arphaxad duobus annis post diluvium*: cum quo conveniunt, tum Paraphrases Chaldaicæ, tum Rufiniana Josephi versio, quæ habet *post duos annos*. Ex quibus patet errasse nonnullos ex veteribus ut Theophylum Antiochenum, Julium Africanum, authorem fastorum Siculorum: & ex recentioribus Josephum Scaligerum, dum existimarunt Arphaxad natum esse statim post finem diluvii. Hinc autem provenit error, quòd putarent authores isti Sem fuisse Noemi primogenitum. Ex hoc enim intulerunt, necessarium esse ut Arphaxad statim post diluvium natus sit, siquidem Scriptura disertè asserit Sem fuisse tantum centum annorum quandò genuit Arphaxad. Sed certum est cos primogenituram Semo malè detulisse;

cum apertè dicat Scriptura Japhetum fuisse Semo majorem, ut modò ostendetur.

Queritur 7^o. Quis fuerit ordo filiorum Noë ? Respondeo nonnullos authores asserere Semum fuisse filiorum Noë minimum, Japhetum verò primogenitum. Ad id autem quod objici posset, Semo primum locum tribui Gen. 6. inter filios Noë, respondent id fieri ordine inverso; quemadmodum Gen. 11. Thare dicitur genuisse *Abraham, Nachor & Aram*. Sed ista sententia conciliari nequit cum Scripturâ quæ disertè asserit Cham fuisse natu minimum Genes. 9. v. 24. vox enim quæ in Vulgatâ, minor, redditur, idem sonat ac, minimus. Undè Josephus etiam apertè pronuntiat Cham fuisse filiorum Noë *visitator*. Neque istud ad Chanaan Chami filium referri potest; cum clarum sit Scripturam de Chamo loqui. Superest igitur tantum difficultas circà Japhetum, quem plerique Semo minorem fuisse contendunt, ad suam sententiam detorquentes verba Scripturæ Gen. 10. quæ sic habent: *de Sem verò fratre Japhet majore &c.*, ut sensus esse videatur Semum fuisse fratrem majorem Japheti. Sed certè nec versio Græca nec textus Hebraicus æquivocationi locum relinquunt; non enim habent *fratre Japhet majore* sed *fratre Japhet majoris*. Saltèm vox Hebraica tam aptè reddi potest per genitivum quàm per ablativum. Cum ergò Scriptura disertis verbis asserat Noë cum 500. esset annorum, liberos habere cepisse, & Semum, biennio post diluvium elapso, centum tantum annos habuisse, clarum est cum primogenitum esse non potuisse.



DISSERTATIO TRIGESIMA DE SECUNDA MUNDI

atate ; Et utrùm ejus duratio melius assignetur in versione septuaginta Interpretum quàm in textu Hebraico.

NON minor est difficultas in assignandâ verâ secundæ mundi ætatis duratione , quæ ex omnium consensu incipit à fine diluvii , & desinit in anno vocationis Abrahamæ , quàm in primâ stabiliendâ. Præterquàm enim versio Græca plerisque Patriarchis post diluvium centum annos supra textum Hebraicum addit ante *παλαιγενίαν* ; quemadmodum in primâ mundi ætate , duas alias hæc ætas continet etiam difficultates. Prima quòd versio Græca quendam Cænan inter Arphaxad & Sale constituat , cujus textus Hebraicus omninò non meminit. Secunda , quòd Scriptura asserere videatur Abrahamum natum esse cum Nachor esset tantum septuaginta annorum , quod tamen cum aliis Scripturæ locis convenire non potest. Hinc fit ut Chronologi in varias sententias abierint circà hanc ætatem. Alii enim ut Genebrardus Hebraico textui in omnibus adherentes , & nativitatem Abrahamæ in annum septuagesimum Tharæ collocantes , numerant tantum 232. annos usque ad ejus nativitatem : quibus si addantur 75. qui effluerunt usque ad ejus vocationem , efficiunt annos 307. Alii ut Jacobus Usserius Cænan quidem expungentes , sed annum nativitatis Abrahamæ usque ad annum 130. Tharæ differentes ; annos 426. huic ætati tribuunt. Alii rursus , Hebraicum quidem calculum sequentes , sed tamen Cænan admittentes , eique annos triginta ante *παλαιγενίαν* tribuentes , secundam ætatem faciunt annorum 456. Alii denique & Cænan admittentes , & chro-

nologiam τὸν δ̄ sequentes, huic ætati 1257. vel 1207. annos tribuunt. Nobis autem verior apparet sententia Jacobi Usserii; cum & pro certo habeamus Cainan omnino fictitium esse, & Abrahæ nativitatem ad annum Tharæ 130. differendam esse certò constet ex Scripturis, ut sequenti dissertatione demonstrabimus. Cum autem hic calculus sit ipsa chronologia textus Hebraici, quod nemo diffiteri potest, sufficienter probatus manet ex iis quæ tùm dissertatione tertiâ, tùm vigesimâ octavâ, hanc in rem à nobis dicta sunt. Quapropter disquisitionem de fictitio Cainane & anno nativitatibus Abrahæ ad sequentem dissertationem remittentes, cæteras tùm Morini, tùm Pezeroni & Wossli objectiones pro calculo septuaginta Interpretum adstruendo, diluamus. Itaque.

Objiciunt 1°. Scriptura Sacra refert terram divisam esse inter posteros Noë circâ nativitatem Phaleg; proindèque supponit jam tùm temporis genus humanum sufficienter multiplicatum fuisse, ut totam terram impleret. Juxtâ calculum autem textus Hebraici nonnisi 102. anni fluxerunt à diluvio ad nativitatem Phaleg. In tam brevi autem spatio genus humanum non potuit ita multiplicari, ut omnem terram replere posset; ergo calculus Hebraicus rejiciendus est, & calculus septuaginta Interpretum in ejus locum substituendus.

Respondeo 1°. Divisionem istam capisse quidem circâ nativitatem Phaleg; sed nonnisi progressu temporis perfectam fuisse; siquidem inter eos, qui dispersi sunt, plures filii Jectan fratris Phaleg referuntur; proindèque sufficere posset si circâ nativitatem Phaleg multiplicari cepisset genus humanum, hæcque multiplicatio in dies magis aucta esset.

Respondeo 2°. Genus humanum sufficienter potuisse per centum annos multiplicari, & populum ferè innumerabilem conficere, ut quique, in doctrinâ numerorum vel mediocriter docti facile poterunt computare, & infra etiam à nobis ostenderetur. Nec est quod Morinus objiciat nobis, non jam fore mirum quòd septuaginta viri qui ingressi sunt in Ægyptum tantum multiplicari potuerint, quòd tamen Scriptura tanquam mirum quoddam recenset, si ex tribus viris tanta potuit nasci multitudo intrâ centum annos.

1°. Enim falsum est Scripturam Sacram multiplicationem Israëlitarum in Ægypto ad miraculum referre; cum ne id innuat quidem. 2°. Maxima est inter utrumque tempus differentia: tempore enim servitutis Ægyptiacæ multum abbreviata erat hominum vita, citiusque senectus adveniens, eos multiplicationi minus idoneos reddebat, & mors præmaturior ferè omnes post unius sæculi vitam rapiens, multitudinem minuebat. At verò ante dispersionem Gentium homines multò diutius vivebant; sicque humani generis propagationi aptiores erant; nec senum morte numerus hominum minuebatur, sicut in Ægypto, quippe quos nec ducenti, nec trecenti anni ad senectutem venire faciebant.

Obiiciunt 2°. Scriptura Sacra statim post dispersionem Gentium, Regum plurium regnorumque meminit. At dato quòd intrà centum annorum spàtium genus humanum sufficienter multiplicari potuerit, ut homines in varias regiones dividi & dispergi possent, nemo sibi certè unquam persuadebit ad tantam eos multitudinem venire potuisse, ut statim amplissima regna componerent. Respondeo 1°. Falsum esse regna ista, de quibus Scriptura statim post dispersionem meminit, fuisse illo tempore amplissima; cum è contrà Scriptura innuat apertè contrarium, dum narrat Abrahamum cum trecentis decem & octo vernaculis facilè vincere potuisse quatuor potentissimos illius temporis Reges. 2°. Dato quòd aliqua regna tunc temporis jam fuissent amplissima, non defuturos fuisse homines qui tempore Abrahamæ regna amplissima componere possent.

Obiiciunt 3°. Tanta brevitæ secundæ mundi ætatis conciliari non potest cum iis quæ postea refert Scriptura de natiuitate Isaac, eam nimirum miraculū fuisse; cum jam *mortuum esset Abrahæ corpus*, & *Sara desisset fieri muliebria*. Potissimum verò nulla erat ratio tanti stuporis in Sarâ ut dicere posset: *Postquam senni & Dominus meus verax est volup-tati operam dabo*? Et iterum: *num verè paritura sum anus?* Et rursum: *quis crederet audisurum Abraham quòd Sara lactaret filium quem peperit ei jam seni*? Ut quid, inquit, tanta causâ mirandi? Si enim ea fuerit secundæ mundi ætatis

brevitas, quam textus Hebraicus exhibet, Sara faciliè videre potuerat plures alias mulieres non solum post nonaginta, sed post ducentos annos parientes, & viros non post centum tantum, sed post trecentos annos generantes. Quid igitur aliud verba Saræ & Abrahæ mirantium innuunt, nisi id quod tunc temporis contingebat, omninò præter ordinem & inauditum fuisse? proindeque jam à longo tempore defunctos fuisse omnes illos Patriarchas qui tandiù vixerant, & in ætate tam serâ liberos habuerant, quod tamen stante computo textus Hebraici verum esse non potuit.

Respondeo, 1°. Longam priorum Patriarcharum ætatem, & in longævâ ætate progeniem, non obesse posse quin Sara de tam sero partu mirari potuerit; ad hoc enim sufficere poterat ut inter mulieres, quæ ejusdem erant ætatis & temporis cum Sarâ, id esset insolitum: comparatio enim ut legitima sit, institui debet inter æquales. 2°. Advertendum esse quod etiam inter æquales alii aliis citiùs consenscant, idque Saræ & Abrahæ ex divinâ dispensatione contigisse. Nec enim præcisè propter ætatem mirum videri debuit, quod Abraham centenarius genuerit: nam cum centum & septuaginta quinque annos vixerit, tam faciliè gignere potuit centenarius, ac nunc qui septuaginta annos vivit, gignere potest quadragenarius. Deindè ipse Abraham anno centesimo trigésimo Patris sui natus erat, ut infrâ probabitur. Præterea Jacob, Abrahæ nepos, plusquam centenarius erat, quando genuit Benjamin; nec tamen id miraculo deputatum est. Denique ipse Abraham octoginta sex annos natus, absque ullius miraculi intervenitu, Ismaëlem genuerat, & post mortem Saræ plures filios ex Cheturâ habuit. Dicendum est igitur, quod, ut magis eluceret divina potentia, ex peculiari dispensatione ejus providentiæ factum est ut Abraham à tempore nati Ismaëlis ad annum usque ætatis centesimum, omninò senesceret, ejusque corpus omninò mortificatum evaderet. Postea verò, divinâ virtute tam vegetum redderetur, ut post triginta septem indè annos, alios filios gigneret.

Obijciunt 4°. Scriptura Sacra non diù post Gentium

dispersionem varia bella & dissensiones inter diversos populos & Reges refert, eo tempore quo juxta computum Hebraicum, Noë, Sem, & plerique alii Patriarchæ adhuc vivebant. At quis credet, inquit Morinus, si Noë tunc adhuc vixisset, cum dissensiones non fuisse compositurum, & bella sedaturum? aut nepotes ejus ob avi reverentiam ab ejusmodi jurgiis statim non abstinuisse? Sed 1°. Nunquid Noë aut Sem ubique locorum esse poterant, ut lites omnes & jurgia compescerent? 2°. Nunquid reverentia Patris aut avi filios nequam movere potest? Nunquid movit Caïn ne Abelem occideret, num Absalom ne fratrem trucidaret, num ipsos Noëmitas ne turrin ædificarent, aut Nemrod ne sibi imperium in alios arrogaret? Adde quod distantia locorum propinquos velut extraneos sibi invicem reddit, ut patet de Ismaëlitis & Madianitis, qui Joseph propinquum suum emerunt, & Ægyptiis postea servum vendiderunt.

Objiciunt 5°. Chronologia textus Hebraici post diluvium conciliari non potest cum antiquissimis historiis Ægyptiorum, Chaldæorum, & Serarum, quos Sinas vulgò appellamus. Certum est enim ex illorum regnorum historiis, Chaldæorum quidem regnum cœpisse plusquam 3000. annis ante Christum. Ægyptiorum verò plusquam 2960. Serarum denique plusquam 2950. Atqui certum est juxta canonem Hebraicum, non posse numerari à diluvio ad Christum nisi annos circiter 2400. Ergò si vera esset Hebraici textus epocha, sequeretur istorum regnorum initia pluribus sæculis ante diluvium cœpisse; quod & absurdum est, & historiæ contrarium, quâ certum est Menem unum ex Chami posteris fuisse primum Ægyptiorum Regem, & Nemrod regni Chaldæorum multis annis post diluvium prima jecisse fundamenta. At ista omnia facile conciliantur cum calculo septuaginta Interpretum, quo patet ista omnia regna nonnisi post nativatem Phaleg, & terræ dispersionem cœpisse. Ergo dubitari nequit quin chronologia τῶν, à calculo Hebræorum sit anteponenda.

Respondeo primò, istorum regnorum historias non magis

posse convenire cum versione τῶν δ', quàm cum Hebraico-textu ; quod facile est demonstrare. Præcipuum fundamentum quo Pezeronus nititur Hebraici textus chronologiam evertere , & calculum τῶν δ' statuere , petitur ex autoritate antiquorum Patrum à quorum semitis & calculo recedere piaculo ducit. Id enim demùm toto opere præstare contendit , ut chronologiam antiquorum restituat , & recentiorum computum evertat. Nihilominùs fatetur pluribus in locis authores omnes Eusebio antiquiores numerasse tantùm ab orbe condito ad Christum usque 5500. annos , Eusebium verò & eos qui post eum vixerunt , maximèque Occidentales , numerasse duntaxat 5200. Atqui nec cum Eusebii computo , nec cum antiquorum calculo convenire possunt regnorum istorum historiæ ; ergo non magis conciliari possunt cum versione τῶν δ', quàm cum textu Hebraico. Ergo istorum regnorum epochæ malè adversùs textum Hebraicum obijciuntur.

Jam vero historias illas cum antiquorum Patrum calculis conciliari non posse facile est demonstrare. Et primo quidem de calculo Eusebii quem propiùs ad veritatem accedere quàm antiquorum infra demonstrabimus , res manifesta est. Cum enim juxtà hunc calculum à diluvio non reperiuntur nisi 2938. anni aut ad summum 2958. usque ad Christũ : Imperium autem Chaldæorum , juxtà Pezeronum , cœperit annis ante Christum 3686. clarum est Eusebii chronologiam talem antiquitatem pati non posse. Idem etiam dicendum est de regno Ægyptiorum , quod idem author cœpisse contendit 2969. annis ante Christum. Idem denique de regno Serarũ cujus initium collocat vir doctus anno 2952. ante Christũ. Quod si ad antiquorum sententiam veniamus , quam Eusebii computo perperam à viro docto prælatam esse , suo loco ostendemus ; non erit nobis magis difficile demonstrare , eam non posse , juxtà Pezeroni sententiam ejusque rationes , cum istis historiis convenire. Primò enim initium istorum Imperiorum convenire nequit cum epochâ primæ divisionis terræ , quam in nativitate Phaleg cum aliis communiter collocat vir doctus. Cum enim nativitas Phaleg , juxtà illum , contigerit anno mundi 2787. manifestum est principium.

regni Chaldaeorum quod 3086. Christum præcessisse dicitur, non potuisse collocari post diluvium ab iis Patribus qui duntaxat 5500. annos à creatione mundi ad Christum usque admiserunt. Idem etiam patet de aliis regnis, quorum epochas modo retulimus, ut cuivis eas consulenti patebit.

At erit fortassis, qui regnorum illorum initia ante nativitatem Phaleg collocare velit, ut eorum historias cum chronologiâ τὴν δὲ conciliet. Sed præterquàm id Scripturæ contrarium foret, saltèm quoad regnum Chaldaeorum, quod nonnisi post dispersionem filiorum Noë contigisse Scriptura testatur, & quoad regnum Serarum, quod nonnisi multo tempore post illam divisionem incipere potuisse clarum est: Chaldaeorum imperii initium, juxtà illam explanationem, collocandum esset anno 152. aut ad summum 172. post diluvium; Ægyptiorum autem anno 269. vel ad summum 289. post diluvium: Serarum denique anno 286. aut ad summum 306. post diluvium. Atqui omnes qui pro chronologiâ τὴν δὲ contrà Hebraicum textum astruendâ pugnant, contendunt tam breve spatium sufficere non potuisse, ad tantam hominum multiplicationem, quanta necessaria erat ad tot regna & imperia componenda; præsertim cum juxtà illorum sententiam homines tunc temporis non ante annum 130. aut circiter liberis operam dare inciperent. Denique etiam contrà istam hypotesim redirent omnes rationes quibus suprà respondimus, quas adversarii contrà computum Hebraicum proferunt.

Cum itaque regnorum illorum historiæ conciliari nequeant cum historiâ sacrâ, sive calculum Hebræorum sequaris, sive chronologiam septuaginta Interpretum, quam, fatente Pezerono, secuti sunt omnes veteres; manifestum est historias illas, nonnisi inter fabulas computari posse, quæ cum regulâ veritatis convenire nequeunt. Manifestum est etiam Pezeronum operam perdidisse, cum in suo libro conatus est, non historias illas cum Scripturis conciliare, sed Scripturam ipsam tanquam regulam Lesbiam historiis illis accommodare. Id enim aliter præstare non potuit vir doctus, quàm omnium Sanctorum Patrum & antiquiorum

chronologiam (quam solam agnoscendam & sequendam esse toto libro contendit) deferendo , & aliam ab ipsorum calculo diversam substituendo. Sicque dum antiquorum chronologiam restituere velle se simulat , suam in ejus locum invehit ; & dum calculum textus Hebraici novitatis arguit , ipse alium magis novum & ante Isaacum Vossium inauditum inducit.

Sed quia non desunt etiam argumenta quibus prædictarum historiarum falsitas demonstrari , aut saltèm vanitas suspecta reddi possit : ideò non erit inutile rem paucis expedire. Itaque.

Respondeo secundò , jactatam à Chaldaïs , Ægyptiis & Seris antiquitatem fabulis accensendam esse. Licet enim non diffiteamur populos illos omnium antiquissimos esse ; incunctanter tamen asserimus , multò minorem esse eorum antiquitatem quàm vulgò præ se ferant : quod de singulis demonstrandum est.

Primò itaque quod Chaldaeos attinet , cum ea omnia quæ de eorum maximà antiquitate jactantur , non alium authorem præter Berosum habeant , à quo , fatente Pezerono , p. 130. alii authores mutuati sunt ea quæ de Chaldaïs scripserunt , manifestum est majorem esse non posse tantæ Chaldaeorum antiquitatis fidem , quàm sit certitudo historię Berosi. At eam incertissimam esse , imò fabulis respersam , facile suaderi potest. Primò quia Berosus Chaldaeorum historiam conscripsit tempore Seleucidarum paucis ante Christum sæculis. Atqui fatentur quotquot in rebus Criticis tantillum exercitati sunt , incertissimas semper reputari debere eorum historias , qui de iis rebus scribunt , quæ pluribus ante eos sæculis contigerunt , si de iis ante eos nullus quidquam scriptis prodiderit. At Berosus juxtà Pezeroni rationes , scripsit de iis rebus quæ tribus ferè annorum millibus ante eum evenerant : quidni ergo fabulis annumerentur ea omnia quæ de tantâ suæ gentis antiquitate narrat , aut saltèm pro incertissimis habeantur , nec aliter recipiantur ut verisimilia , quàm si cum omnibus aliis historiis conveniant ?

Dicet fortasse aliquis Berosum ea quæ scripsit desumpsisse

ex antiquissimis Chaldaeorum archivis. At præterquam referunt historici Nabonassarum Chaldaeorum Regem omnium ante se Regum facta eurasse abolenda, ut à se novum principium rerum & regnantium duceretur, quis præter fabulas ac figmenta ab iis sperare potuit, qui mundum æternum esse crediderunt, & astrorum observationes à suis factas per 170000. annos jactaverunt, ut refert Cicero lib. 2. de divinatione, & Diodorus Siculus lib. 2. Bibl. cap. 30 ? Secundò tanta est, ipso latente Pezerono, convenientia inter ea quæ Berossus de prima suorum origine scripsit, & ea quæ de rerum exordio à creatione mundi usque ad Abrahamum refert Moses, ut unum ex altero desumptum esse dubitari non possit. Si ergo pro veris agnovit Berossus quæcunque in libro Genesis de mundi exordio refert Moses, quis non videat ea omnia, vel ipso invito, fabulis accensenda, quæ cum historiâ Sacrà non convenienter atque tractatam à Beroso Chaldaeorum antiquitatem cum eâ convenire non posse jam à nobis ostensum est. Tertiò manifestè fabulosum esse concedit vir doctissimus, quòd Berossus initium regni Chaldaeorum à primo homine incipiat : ad quid ergo eam omnem ætatem, quam suis tribuere contendit Berossus, post diluvium collocare tentat vir doctus, cum ipse Berossus ejus initium à primo homine sumat ? Quartò, ea quæ de septem Regibus Chaldaïs & sex Arabibus quos omnes Belù præcessisse ex Africano & Eusebio refert Pezeronius, non minùs fabulosa sunt. Cum enim fateatur antiquos ea, quæ de Regibus istis retulerunt, ex Beroso maximè desumpsisse : clarum est iis majorem non deberi fidem, quàm aliis fabulis, quæ ab eodem referuntur : maximè cum neque Herodotus, neque Ctesias multò antiquiores, quidquam de Regibus istis tradiderint. Deinde etsi eorum Regum seriem, ex Africano referat Eusebius ; malè tamen hinc infert vir doctus, Eusebium Reges illos pro veris habuisse : contrarium enim patet, ex eo, quòd nullum eis locum in suo computo reliquerit. Nam chron. lib. 1.º pag. 9. refert mortem Belì ad annum Tharæ vigesimum octavum, cum tamen nonnisi post annos plusquam ducentos quinquaginta

ginta referenda esset, si Reges isti fabulosi non essent. Præterea cogitur vir doctus in suo computo admittere Nemrodum trecentis annis regnasse, cum nihilominus certum sit tempore dispersionis Gentium vix trecentis circiter annis vixisse homines, juxta chronologiam *תנ"ך* è, multò verò paucioribus juxta textum Hebraicum. Denique ea omnia, quæ de regni Assyriorum duratione per 1460. annos refert, unius Syncelli autoritate nituntur, suntque antiquis authoribus contraria. Ctesias, & ex eo Diodorus, referentibus Agathiâ lib. 2. pag. 63. & Syncello in chronico, Assyriorum regnum intra annos circiter 1300. claudit. Idem habet Trogus Pomp. apud Just. lib. 1.^o Castor iis tribuit tantum 1280. Velleius Paternulus 1070. Eusebius 1240. Divus Augustinus lib. 18. de civit. cap. 20. 1305. Ut ergo sileam etiam istam antiquitatem 1300. circiter annorum valde incertam esse, eamque non immerito à viris doctissimis in dubium revocari; cum unius Ctesias, à quo omnes alii desumpserunt, autoritate nitatur: Herodotus multò antiquior nonnisi 520. annos durationis huic regno tribuit. Ut etiam sileam in Scripturâ Sacrà de regno Assyriorum, ne verbum quidem ante templi constructionem reperiri: certum est saltè, Eusebium malè à Pezerono carpi, quòd quatuor Reges Chaldæorum eraserit, & eorum Monarchiæ minùs quàm 1460. annos assignarit. Cum è contrà reprehendendus potius veniat vir doctus, qui unius Syncelli autoritate fretus, contrà omnium veterum ipsiusque Ctesias autoritatem, quatuor istos Reges addiderit, & eorum regni durationem, multò plusquàm par erat, produxerit. Sed hætenùs de regno Chaldæorum & Assyriorum. Ex quibus patet, quàm levibus fundamentis vir doctus ex Chaldæorum & Assyriorum antiquitate Hebraici textus chronologiam evertere contendat.

Quod spectat ad Ægyptios, non minùs certum est jactatam ab eis suæ gentis antiquitatem fabulosam esse, quàm Chaldæorum. 1.^o Enim fateri id omnes coguntur, de iis quæ de Deorum & semideorum regnis referuntur à Manethone & veteri Chronico, à quibus solis habemus id omne quod de Ægyptiorum Dynastiis jactant nostrâ Chronologi. At cur

ea potius rejiciunt , quæ de Deorum & semideorum regnis tradiderunt , quàm quæ iidem de regnis hominum nobis reliquerunt ? Aut cur potius non utrumque inter fabulas reputabitur ? Si fortè idèò regna Deorum & semideorum rejiciunt , quia cum Scripturis convenire non possunt ; ergo ex Scripturâ chronologia regnorum illorum metienda est , non verò ex eorum duratione Scripturæ Sacræ chronologia extendenda. At neque etiam ea , quæ de hominum Ægyptiorum regnis traduntur , cum Scripturis Sacris convenire posse , jam à nobis ostensum est. Si verò idèò rejiciuntur ista regna priora ob nomen Deorum & semideorum , id fit sine ullo fundamento ; cum è contrario juxtà Pezeronum primi cujusque Gentis Reges , Deorum nomen & cultum apud posteros consecuti sint.

2°. Licet ex Syncello constet , tam in Chronico , quàm apud Manethonem , fuisse tantum triginta Regum Ægyptiorum Dynastias , computatis inter eas quindecim prioribus , nimirum Deorum & semideorum : nihilominus adversarii , licet Deorum & semideorum regna tanquam fabulosa rejiciant , adhuc tamen post Africanum 30. Dynastias numerant. Quis ergo non videat saltè plerasque illarum fictitias esse & ad arbitrium efformatas ?

3°. A quo habuerunt adversarii 30. Dynastiarum Ægypti sexdecim priores collaterales fuisse , (ut volunt ,) cæteras verò successivas ? An idèò hoc ab eis suppositum , quia successio omnium Dynastiarum cum Chronologiâ Sacrâ accommodari non poterat ? Atqui hoc omnium Dynastiarum fidem suspectam reddere debuerat , non verò adversarios movere ad ea cogitanda , de quibus authores istarum Dynastiarum ne per somnium quidem cogitarunt. Sed nec istæ collaterales Dynastiæ seu principatus , quos ad tempora Moysis perseverasse volunt , satis conveniunt cum iis , quæ Scriptura Sacra de Ægypto nobis trahit : ubique enim Ægyptum nobis repræsentat tanquam ab uno Rege gubernatam ; neque unquam plurium meminit aut plures saltè insinuat sive tempora Abrahami spectes , sive Josephi , sive denique tempora oppressionis Israëlitarum. Quin imò Josephum in

totâ terrâ *Ægypti* dominatum fuisse docet , & circumvisse omnes *Provincias Ægypti*, ut frumenta colligeret. Itemque eundem emisit *universam terram Ægypti*, & subiecisse eam Pharaoni à *novissimis terminis Ægypti usque ad extremos fines ejus*. Præterea neque etiam stare possunt collaterales istæ *Dynastiæ* cum iis , quæ tradunt antiqui authores de regnî illius duratione. Diodorus enim lib. 1. cap. 44. refert ex antiquis *Ægyptiorum* monumentis, Reges homines *Ægypto* præfuisse annis 15000. indigenas verò annis 4700. quod aperte demonstrat , neque Diodorum , neque alios existimasse *Dynastias* illas collaterales fuisse. Cum autem tantum annorum spatium *Chronologiæ Sacræ* aperte repugnet , quidni etiam omnium istarum *Dynastiârû* series ut fabula rejiciatur?

4°. Etiam si daremus adversariis , regnum *Ægyptiorum* tot annis durasse , quot volunt adversarii ; adhuc tamen ejus duratio conciliari posset cum calculo *Hebraico* ; supposito , quod *Ægyptiorum* anni minores fuerint annis *Hebræorum* ; atqui multò minores fuisse suprà ostendimus , ex omnibus antiquis , qui tradunt primorum *Ægyptiorum* annos menstruos tantum fuisse ; postea verò quadrimestres. Ergo frustrâ nobis obijciunt adversarii antiquitatem *Ægyptiorum* , ut *chronologiam* nostram rejiciant. Ergò cum in *Dynastiis Manethonis* , nulla fiat annorum menstruorum sub primis Regibus distinctio , ab annis aliorum qui postea sequuti sunt , manifestum est *Dynastias* illas inter fabulas esse numerandas ; neque ex illis difficultatem adversus *Chronologiam Sacram* efformari posse.

Seras denique seu *Chinenfes* quod attinet , non est quod tanti faciant adversarii eorum *chronologiam* , ut eam *Scripturæ Sacræ* authoritati apponant. Etsi enim ridiculum foret omnem eorum historiam & Regum seriem rejicere ; fateri nihilominus coguntur vel ipsi adversarii , *historiæ* illius initia ante tempora *Fohi* primi Regis , plerisque fabulis esse respersa. At immeritò negant , quiddam fabulosum reperiri posse à tempore istius Imperatoris. Quis enim non videat fabulosam esse Regis illius nativitatem ; quem à matre absque viri consortio natum volunt ? Deindè non ita

constans est omnium Chinenſium ſententia de primo illius gentis Rege , ut volunt adverſarii : refert enim J. Gonzales de Mendozâ , ex Serarum traditione , primum eorum Regem fuiſſe Vitium non Folium. Prætercâ quis non habeat valdè ſuſpectum regionem illam , quæ ad præteritum uſque ſæculum omnibus Europeis , imò verò toti ferè orbi ignota fuit , tam citò cognitam fuiſſe à filiis Noë , ut 3200. annis ante Chriſtum , id eſt , juxtà computum antiquorum , qui chronologiam τὸν δὲ ſunt ſequuti , 50. circiter annis poſt diluvium habitata fuerit ? Deindè quis non meritò ſuſpectum habeat tam diuturnum octo priorum Regum imperium , quos per annos 745. regnaſſe volunt adverſarii , dum iisdem temporibus 13. Reges in Chaldæâ per 440. duntaxat annos , & quindecim priores Ægypti Reges per annos tantùm 510. regnaſſe volunt ? Itaque in iſtis omnibus hitoriis , ſi initia fabuloſa ſecernantur à ſerie hitoriâ , facilè quiſque percipiet earum calculum chronologiæ textus Hebraici minimè repugnare ; proindèque malè nobis ab adverſariis initia fabuloſa regnorum iſtorum opponi , ut eo pacto Scripturæ Sacræ tot ſæculis confirmatam auctoritatem evertant. Sed de his jam ſatis.



DISSERTATIO TRIGESIMA PRIMA
 DE CAINANO ARPHAXADI
 filio & de annis nativitatibus Tharæ &
 Abrahæ.

SECTIO PRIMA.

De Cainano Arphaxadi filio.

QUOD spectat ad primum, celebris est nec minimi momenti quæstio in rebus chronologicis, utrum Cainan Patriarchis post-diluvianis sit annumerandus. Affirmant omnes qui Chronologiam *τὴν* sequuntur; plerique etiam eorum, qui in aliis adhærent calculo textus Hebraici. Negant verò plures alii, quorum sententia nobis multò probabilior videtur, ob rationes sequentes. 1^o. Quia nulla extat mentio hujus Cainanis, nec in vulgata versione, nec in Hebraico textu, nec in Pentateucho Samaritano, quorum omnium autoritas absque dubio prævalere debet anticipatæ quorundam de isto Cainanæ opinioni. Si enim Cainan. ignotus fuit Moyfi, ut ignotum de facto non dubitabit quisquis perpenderit Moysen eum nunquam fuisse omitturum, si illum agnovisset. Cum etiam clarum sit ex distinctâ cæterarum generationum relatione, Moysen exactam chronologiam tradere voluisse: quis sibi persuadere poterit eum generatione illâ prætermisâ chronologiam suam aut vitare voluisse, aut saltè vitiasse. Ita ferè Pererius lib. 16. in Genes. sect. 174. Similia habet Petrus Possinus Dial. Theologic. Generalogic. his verbis: *Magnis viris assensior Abulensi, Eugubino, Cajetano, Cornel. Iansenio, Sixto Senensio, Genebrardo, Pererio, Cornelio à Lapide, Dyon. Petavio,*

aliisque antiquioribus multis, nullum unquam fuisse inter homines Cainanem, qui Arphaxadi quidem filius, Salei verò pater fuerit. Id invictò argumento conficere mihi videor ex disertâ affirmatione Moſis genitum ab Arphaxado Saleum narrantis. Quod testimonium quin prout sonat, ac prout iacet accipiendum sit causa nulla idonea potest afferri. Si ergo cum idem Moſes eodem loco genitum aut à Semo Arphaxad, aut à Saleo Heberum divinâ quâ valuit auctoritate revelat, creditur propriè & ἀκριβως Heberum Sala fuisse patrem, Semo Arphaxad filium: adeò ut qui proferre auderet alios quosdam quorum generatio media inter illos fuisset, continud repellendus videretur tanquam temerarius & divina revelationis, per Moſen Spiritus Sancti Interpretem nobis oblata contemptor contumax: non video quis superesse possit locus isti de insuetudine Cainane sententia. Hæc ille.

2º Nulla fit mentio hujus Cainanis, neque in libris Paralipomenon, neque apud Onkelosi Paraphrasin: neque apud Flavium Josephum, nec apud Berosum Chaldaeum, ab eodem Josepho citatum; siquidem Abrahamum in decimâ post diluvium generatione collocat. Sed neque apud Eusebium ab Alexandro Polyhistoro productum, & ab Eusebio relatam lib. 9. præpar. Evangelicæ. Nec denique in sinceris exemplaribus versionis τῶν δ, ut ex objectionum solutione constabit. Itaque.

Objicitur 1º. Cainanis generatio in editione τῶν δ inter Arphaxad & Sale reperitur: ergo non debet repudiari; maximè cum omnes antiqui Patres versionem illam plurimi fecerint; nonnulli verò etiam à Deo inspiratam crediderint.

Respondeo 1º. Negando consequentiam: septuaginta enim Interpretes fuerunt erroris obnoxii non prophetae, ut ait D. Hieronimus. Quod si Patres aliqui in eis prophetarum auctoritatem agnoverint, monet Bellarminus lib. 2. de verbo Dei cap. 6. illos in hoc piè quasissè rationes excusandas & defendendi eam versionem, quâ tunc Ecclesia utebatur. Verùm hoc loco in quantum extollitur versio τῶν δ, in tantum Vulgata deprimitur. Deinde plerique adversariorum qui septuaginta Interpretes tantum hic predicant, ex eorum numero

ut notant Eustathius in Hexameron pag. 55. & Georgius Syncellus chron. pag. 86. Idem quod Africanus præstant Hefychius apud Anastasium Nycænum quæst. 95. in Script. Suidas in Phaleg, Georgius Cedrenus in chron. &c. 3°. Ante Africanum Theophilus Antiochenus lib. 3. ad Autholicum, calculum chronologicum juxta editionem τῶν δ' instituens, Caïnanis tamen nullatenus meminit; quamvis Caïnanis nomen in versionem latinam per errorem, vel Interpretis audaciam irreperit. 4°. Eusebio subungi possunt ferè omnes veteres, qui de rebus chronologicis aliquid scripserunt, Quintus Julius Hilarion in libello de duratione mundi, Martyrologia Rom. Ussardi, Rabani, Adonis &c. Orosius lib. 1. cap. 1. Idacius, Prosper, Marcellinus Comes, Cassiodorus, Isidorus, Gregorius Turon. &c. qui omnes tempora Caïnanis omiserunt. 5°. Idem probat quòd neque in Græco codice Vaticano, neque in Bibliorum Jayahorum versione Arabicâ, neque in Ruthenicâ sive Illyricâ translatione adhuc inserta sit Caïnanis generatio in lib. 1. Paralipomenon, ubi series generationum quæ fuerant ante & post diluvium recensentur.

At reclamant adversarii contrà hanc responsionem. Philippæus quidem Eusebium, etsi in chronico Caïnanis non meminerit, alibi tamen cum recensere, ut patet ex libello Latino quem Scaliger Eusebii chronico adjunxit. Pezeronus verò contendit omnes authores qui ante Origenem scripserunt, Caïnanum inter Patriarchas post-diluvianos numerasse: imò in Hebraico textu olim recensitum esse, & à Josepho memoratum; sed à Judæis tam ex Josephi historiâ, quam ex Hebraico textu datâ operâ erasum esse. Sed certè cavillantur hic adversarii dum nihil habeant boni quod respondeant. 1°. Enim certum est istum libellum Eusebii non esse, ut jam pridem ostendit Josephus Scaliger, ex diversitate chronologiæ, quæ inter hunc libellum, & Eusebii chronicon intercedit. Certum est etiam Eusebium Caïnanem constanter rejecisse: siquidem id in eo notat & reprehendit Georg. Syncellus chronici pag. 86. 2°. Gratis contendit Pezeronus ante Origenem Caïnanem ab omnibus veteribus numeratum fuisse.

Debuerat ergo respondisse ad testimonia Josephi , Berosi , Theophili Antiocheni , Eupolemi , Textus Samaritani &c. Quod si se posse evadere putat asserendo Josephi libros malitiosè corruptos , restat ut & Berosi , Eupolemi & Theophili Antiocheni libros etiam malitiosè vitiatos esse contendat , quod quam absurdum fuerit asserere , nemo non videt.

Objicitur 2º. B. Lucas Spiritus Sancti amanuensis Cāinanem in Christi Genealogiā inter Salem & Arphaxadum collocavit , ergo nullus superest dubitandi locus , quin reverā talis homo extiterit. Respondent aliqui negando consequentiam ; quia Sanctus Lucas id ex propriā sententiā non fecit ; sed ex aliorum opinione , qui id in aliquibus τὰν ὁ exemplaribus legebant : *multa quippe* , inquit Sanctus Hieronimus in cap. 28. Jeremiæ , *dicuntur juxta opinionem illius temporis quo gesta fuerunt , & non juxta quod rei veritas continebat. & in lib. 2º. adversus Helvidium Evangelista* , inquit , *vulgi opinionem exprimentes. , que vera historia lux est , patrem dixerunt Ioseph Salvatoris.* Similiter ergo , inquirunt , Evangelista Lucas omnes primogenitores Salvatoris tam vulgò ita habitos , quàm veros recensendos sibi proponens , genealogiam ejus sic exorsus est , *ὡς ἐνομήσατο ὁ υἱος τοῦ ἰσραὴλ τῷ Ἰσραὴλ , τῷ μαθῶν , ἐκείνους ὡς ἐνομήσατο ὁ υἱος τοῦ ἰσραὴλ τῷ Ἰσραὴλ* Eli &c. In progressu quoque Cāinan inter patres Christi nominare potuit : non quòd talis reverā ipse esset , sed quòd à Judæis Hellenistis , quorum plurimi nomen ejus in suis Bibliis legebant , talis putaretur. Enim verò non improbabili-ter conjici potest ex chronologiā Demetrii , quam refert Alexander Polyhistor apud Eusebium lib. 9º. præpar. Evangelicæ , Cānanis nomen jam ante Christum in aliquā versio- nis τὰν ὁ exemplaria irrepsisse. Cum enim ab Adamo ad Jacobi descensum in Ægyptum numeret annos 3624. à dilu- vio annos 1360. vel potiùs 1362. ab Abrahami verò peregrina- tione 215. videtur suum ætati Cānanis tribuisse locum. Sed ne fortè hæc responsio , etsi conformis principiis Divi Hieronimi , aliquos offendat , parùmque venerationi & au- thoritati Scripturarum convenire videatur.

Respondeo negando antecedens. Cum enim certum sit

Caïnanis nomen , neque in Hebraico textu , neque in Samaritano ; sed neque in codicibus versionis τὰν ο̃ melioris notæ , tempore D. Lucæ extitisse , ab omni verisimilitudine alienum est Sāctum Lucam ejus mentionem fecisse. E contrā verò probabilissimum , ab aliquo amanuensi sciolo , qui Caïnanis nomen in aliquibus versionis τὰν δ̃ exemplaribus legerat , in Christi genealogiam fuisse intrusum , ac deinceps istud nomen in aliis exemplaribus etiam locum invenisse. Hoc autem eò verisimilius efficitur , quòd non ita in omnibus codicibus prævaluerit ista lectio , apud Sāctum Lucam ; quin adhuc aliqua reperiantur exemplaria , quæ Caïnanem istum prorsus omittunt. Extat enim codex Beati Lucæ Græco-latinus in antiquissimis membranis , litteris majusculis sine spiritibus & accentibus descriptus ubi in Græco ita extetè legitur. τὸ Φαλὲγ τὸ Ε'βερ , τὸ Σαλὲ , τὸ Α'ρφαξὰδ , τὸ Σὺμ. *Et in Lātino ; qui fuit Phaleg , qui fuit Heber , qui fuit Sale , qui fuit Arphaxad , qui fuit Sem ,* Caïnanis mentione prætermisā. Porro codex ille ex Galatiā in Galliam olim allatus est , & in Monasterio Sācti Irenæi in suburbio Lugdunensi repositus , ibique tempore civilis belli anno 1562. repertus , anno 1581. à Theodoro Bōzā Academiæ Cantabrigiensi donatus est. Adde quòd Divus Irenæus hunc Caïnanem apud S. Lucam non legebat ; siquidem numerat tantum septuaginta duas generationes ab Adamo usque ad Christum : cum tamen , si Caïnanem nuncres , septuaginta tres inveniantur. Cæterum quæ de istius Caïnanis prosapiā & vitā nonnulli referunt , tam fictitia sunt , quàm ipse fuerit. Id solum notandum est , Eusebium de istā prosapiā nullibi esse locutum.



SECTIO SECUNDA.

D E

annis Nativitatis Tharæ & Abrahæ.

QUOD spectat ad annum nativitatis Tharæ, non est magna difficultas: constat enim tum ex Eusebio, tum ex aliis veteribus, nec non ex editione Venetâ versionis τὴν ὁ Nachorem genuisse Tharam anno ætatis suæ septuagesimo nono; proindeque errorem irrepsisse in editionem Sixtinam, & Complutensem, ejusdem versionis in quibus pro 79. legimus 179. Ex quo mirari subit, cur Pezeronus huic generationi assignet annum Nachoris 129. juxta calculum Josephi, quem hic nobis pro calculo τὴν ὁ venditat: cum tamen fateatur, vel ipse Isaac Vossius, Josephum in hoc à codicibus versionis τὴν ὁ diversum esse.

Sed multò gravior est difficultas circa natalem annum Abrahæ. Scriptura enim expressè tradere videtur, cum anno septuagesimo Tharæ natum esse; cum tamen eadem Scriptura, Genes. 12. asserat eum, cum egrederetur de Haran, fuisse tantum septuaginta quinque annorum: & tamen Patrem ejus ducentis quinque annis natum, jam tunc mortuum fuisse, paulò ante asserat. Sed quia hoc ultimum, ex quo præcipuè exurgit difficultas, non ab omnibus admittitur; ideo hic illud paulò fusiùs stabiliendum est.

Probatur itaque primò, ex connexionè quæ reperitur, inter mortem Tharæ & vocationem Abrahæ: postquam enim Scriptura retulit mortem Tharæ, statim subjungit: & duxit Dominus ad Abram: egredere de terrâ tuâ &c. Ex quo patet istam Abrahæ profectionem tunc demùm contigisse. Undè etiam Scriptura ibidem memorat Abram tulisse animas quas fecerant in Haran. Secundò quia ex eadem Scripturâ constat, Tharam profectum esse ex Mesopotamiâ cum filio, ut irent in terram Chanaan, & venisse in Cha-

ran , ubi mortuus est : ergo cum Abram profectus sit de Haran , constat quòd ejus peregrinatio nonnisi post mortem Tharæ cœperit. Quia tamen urget Scriptura Abrahamum anno Tharæ septuagesimo natum esse , & tamen septuaginta quinque duntaxat annorum fuisse , quando egressus est de Haran , clarèque ex eo sequi videtur , Tharam tunc temporis necdum fuisse mortuum : idèò nonnulli censent mortem Tharæ hic per prolepsim in Scripturâ relatam , ut totius deindè peregrinationis Abrahæ series texeretur. Sed quoniam Scriptura contrarium apertè docet Actorum 7. ubi Beatus Stephanus disertè asserit *Abraham translatus esse de Charan , postquam mortuus est Pater ejus*. Hinc plures tantam difficultatem hic viderunt , ut indissolubilem eam putarent. Ita Hieronimus in quæst. Hebraicis , & Josephus Scaliger in Elencho secundæ orationis Paræi. Nonnulli etiam eò devenerunt , ut hujus loci Actorum , fidem in dubium revocaverint ; vel asserentes , ut Melchior Canus , B. Stephanum æstu disputationis raptum , memoriâ lapsum esse : aut ut Buecholcerus , Acta ad Genesim esse examinanda : non verò Genesim ad Acta. Sed certè utriusque responsio valdè temeraria est : quasi verò , non idem omninò Genesis haberet quod Acta , aut quasi Spiritus Sanctus minùs Acta inspirasset quàm Genesim ; vel minùs per os B. Stephani , qui eo plenus erat , quàm per os Moïsis locutus sit ? Nec magis audiendus est Sethus Calvisius , Isag. Chronol. cap. 35. cum in septuaginta Interpretes rejicere satagit quem B. Stephano tribuit errorem : siquidem nihil in Septuaginta Interpretibus , hoc loco , habetur , quod non etiam in Hebraico textu reperitur.

Alii ut Syncellus , Masius , & Nicolaus Abram , mortem istam Tharæ , volunt intelligi de morte mysticâ , per idololatriam. Sed certè satis clarum est , non magis esse mysticam hanc , de quâ B. Stephanus loquitur , mortem , quàm sit mystica illa de quâ Scripturâ loquitur , Genesis 12. ad quam Sanctum Stephanum respexisse dubium non est. Neque usquam ostendi poterit ex Scripturâ Tharam , ex quo de Ur profectus est , in idololatriam lapsum esse.

Alii igitur ut Abulensis, & Pererius, duas statunt in Chanaan profectioes, unam ante mortem Tharæ, alteram post mortem ejus; de quarum priore Moyses egerit, & de posteriore B. Stephanus meminerit. Sed præterquàm duplex illa profectio abundè confutatur à Tornielo, Saliano, Bontrerio Harvillæo, & aliis, manifestè etiam repugnat D. Pauli verbis, Hebr. II. qui de primis Patriarchis, & Abrahamo potissimùm, loquens, ait: *Siquidem patriamores fuissent, de quâ exierant, habebant oportunitatem ad revertendum.*

Alii ut Ludovicus de Dieu, unicam quidem statuunt profectioem; sed illam translationem post mortem Tharæ de quâ Act. 7. intelligunt esse de terrâ Chanaan in genere, ad peculiarem illius terræ locum, qui postea Tribui Judæ fuit destinatus. Sed præterquàm improprie diceretur translatus, cum regionem non mutasset, huic evasioni locum abstulit B. Stephanus: asserit enim translationem illam factam esse ex Charan, indeque *exiit, postquam mortuus est pater ejus &c. cum non esset ei filius.* Quæ ultima verba cõfodiunt etiam istam explicationem; siquidem, juxta Ludovici de Dieu hypotesin, Abraham tunc agebat annum 137. proindeque habebat filium. Nec valet quod asserit Petavius verba ista, *cum non esset ei filius*, non esse cum prioribus conjungenda, sed tantùm promissionem jam antea factam designare. Contrarium enim clarum est, tum ex verbis B. Stephani, tum etiam, ex verbis Moysis, ac utriusque intento. Ex quibus omnibus patet, aliundè quàm ex istis solutionibus, querendam esse nodi hujus resolutionem.

Itaque ad solutionem difficultatis quâ dicitur in Genesi Abram anno septuagesimo Tharæ natum esse; cum tamen eum nonnisi centesimo trigesimo natum oporteat; siquidem anno ducentesimo quinto patris sui erat tantùm annorum septuaginta quinque: dicendum est, de facto Abraham non ante annum 130. Tharæ natum esse; nec contrarium tradi in Scripturâ: sed tantùm quod Thara Pater ejus anno septuagesimo generare cœperit. Cum enim Scriptura asserat Tharam anno septuagesimo ætatis suæ, genuisse Abram,

Nachor, & Haran; nec tamen tres uno anno nasci poterint, res ita accipienda est ut dicatur Tharam primum filium suscepisse anno septuagesimo ætatis suæ; alios verò postea. Neque difficultatem facere potest quòd Abram primo loco nominetur; id enim contigit non quòd primogenitus esset, sed quòd spectarent ad eum Dei promissiones. Vel etiam quia is est stilus Scripturæ Sacræ ut generationes ordine retrogrado referat, quod facillimum esset infinitis exemplis demonstrare. Enimverò clarum est ex Scripturâ, Haran duobus aliis longè seniore fuisse; non solum quia longè ante eos obiit; sed maximè quia Nachor habuit uxorem Melcha filiam Haran: Abraham verò Sarai, quam eandem esse cum Jeschâ ejusdem Haran filiâ tradunt non solum ex Hebræis omnes veteres, sed etiam plerique ex Christianis, & nominatim D. Augustinus lib. 16. de Civitate Dei cap. 12. & 19. Neque etiam in contrarium facit, quod objicit Bellarminus, Scripturam per nativitatem Abrahamæ texere chronologiam; proindeque statuendum, cum natum esse anno septuagesimo Tharæ; id enim falsum est: immò clarum est ex Scripturâ non à nativitate Abrahamæ, sed à promissione, quæ illi post mortem Tharæ facta est, ducendum esse calculum chronologicum. Ex quo timendum non est ne fortè annus nativitatis Abrahamæ incertus remaneat; siquidem, deductis septuaginta quinque annis, à tempore quo facta est illi promissio, facillimè invenitur, quo demùm anno, Tharæ nimirum centesimo trigésimo, Abraham natus sit.

Ceterum, absolutis difficultatibus quæ secundam mundi ætatem spectant, antequàm ad tertiam veniamus, operæ pretium est hic eam, tam secundum calculum Hebraicum quem sequimur, quàm secundum versionem *triv* o ob oculos exponere.



Anni Patriarcharum post diluvium.

Anni mundi		ante παίδεργον Juxtā		post παίδεργον Juxtā		anni ante Christum
		Hebr.	Græc.	Hebr.	Græc.	
1658	Sem	2	2	500	500	2346
1639	Arphaxad	35	135	403	330	2311
	Cainan	0	130	0	330	
1723	Sale	30	130	403	330	2281
1757	Heber	34	134	430	270	2247
1787	Phaleg	30	130	290	209	2217
1819	Ragau	32	132	207	207	2185
1849	Saruch	30	130	200	200	2155
1878	Nachor	29	79	119	125	2126
1948	Thare	70	70	135		2056
2083						1921

Abraham profectus est ex Charan
anno ætatis 75. ætatis Tharæ 205.

Summa tertiz mun-
di ætatis an. 427.



DISSERTATIO TRIGESIMA SECUNDA
DE TERTIA MUNDI ÆTATE,
ejus initio , duratione & fine.

HUjus ætatis duratio expressè definitur à D. Paulo ad Galatas cap. 3. ver. 17. ubi asserit , inter promissionem Abraham factam , & Legem datam , quadringentos triginta annos reperiri ; proindeque hujus ætatis duratio non videtur posse amplius in dubium revocari. Dubitari tamen posse asserit Petavius , tum de ejus initio , tum de fine. Cum enim non definiat Apostolus , an illi quadringenti triginta anni , completi fuerint , an verò incompleti ; dubitari potest primò , an incunte ; an verò completo anno septuagesimo sexto Abrahami , illius periodi sumendum sit initium. Secundò an in initio , an verò potiùs in fine quadringentorum triginta annorum , finis ejus constituendus sit. Sed absque ratione dubium istud movet Petavius : de utroque enim certiores nos reddit Scriptura. De primo quidem , cum non solùm Genesis 12. dicat , Abrahamum fuisse septuaginta quinque annorum , cum exiret de Charan ; sed etiam Genesis 16. v. 3. numeret decem annos expletos ab initio peregrinationis , quando ingressus est ad Agar ; & versu 16. dicat , eum octoginta sex annorum fuisse , cum Agar peperit. Ex hoc enim sole clarius elicitur Abrahamum cœpisse annum septuagesimum sextum quando egressus est de Haran. De secundo verò cum Exodi 12. vers. 41. expressè dicit : & factum est post finem quadringentorum triginta annorum , ut eodem ipso die egrederentur omnes exercitus Domini de terrâ Ægypti.

Sed magnam difficultatem facit locus Exodi 12. v. 41. in quo dicitur : peregrinatio autem filiorum Israël , quâ commorati

sunt in Ægypto fuit quadringentorum triginta annorum. Si enim tantum temporis in Ægypto fuerint Israëlitarum, profectio ista Periodus Exodi, non sumit initium à profectioe Abraham de Charan.

Sed primò advertendum est vocem Hebraicam, quæ voci peregrinationis respondet, quamcunque migrationem è patriâ designare. Quod idem dicendum est de voce Græcâ *παροικία*.

Secundò terram ipsam Chanaan ab Abraham, Isaac, & Jacob, pro terrâ peregrinationis habitam, ut constat ex Genesis 18. v. 4. 26. v. 7. 28. v. 1. Exodi 6. v. 4. &c. Sic autem peregrinatio Patrum tribuitur filiis, sicut possessio filiorum tribuitur Patribus, loquendi modo Scripturis usitato, ut ex pluribus Scripturæ locis facile probari posset. v. g. Deuteronomii 26. v. 5. Judicum 10. v. 11. & 12. & primi Regum 12. v. 11. Si igitur ista peregrinatio numeretur ab egressione de Charan, facilè reperientur quadringenti triginta anni, & omnia concordabunt.

Tertiò vox Hebraica, quæ in illâ phrasi respondet voci, *quâ commorati sunt in Ægypto*, æquè aptè reddi potest per vocem (qui) ut Polyglotta Antuerpiensia, & Parisiensia legunt, hoc modo: *habitatio autem filiorum Israël qui manserunt in Ægypto &c.* quâ particulâ sic mutatâ, nulla nobis superest difficultas. Ideò verò Moses, in istâ peregrinatione commemorandâ, Ægypti tantum meminit; quia in terrâ Chanaan erant numero brevi paucissimi & incola ejus, ut dicitur in Psalmo: cum è contrâ in Ægypto valdè multiplicari sint. Nec est quòd hæc sententia tam severè habeatur à Stapleton, in antid. Apostolorum ad Act. 7. quasi hæretica esset, cum eam non solum docuerit Lyranus; sed ex veteribus etiam approbarint Augustinus quæst. 47. in Exodum. Theophilus Antiochenus lib. 3. ad Autolicum. Sedulius in caput tertium ad Galatas. Beda in libro de sex mundi ætatibus, ut nunc taceam Judæos in Seder-olam Rabba, & in comment. tam ad Genesis 15. quàm ad Exodi 12.

Quòd autem ab ingressu Jacob in Ægyptum isti quadringenti triginta anni non possint numerari sic probatur.

Primò. Caat jam natus erat, cum Jacob intravit in Ægyptum, vixitque duntaxat centum triginta tribus annis. Amram verò filius ejus, pater autem Moysis vixit tantum centum triginta septem annis; Moses verò erat octoginta annorum cum eduxit Israël de Ægypto. Ergo etiam si omnes isti anni numerarentur simul; nec dum haberentur quadringenti triginta anni, sed tantum trecenti quinquaginta; proinde filii Israël non potuerunt esse quadringentis annis in Ægypto. Porro dicere cum Genebrardo, vel Amram vixisse plusquam centum triginta septem annis, vel alias personas inter ipsum & Moysen inferendas, hariolari est.

Secundò. Jacobed fuit mater Moysis; atqui ipsa erat filia Levi, quæ nata est ei in Ægypto ex Numerorum 26. v. 59. Levi autem in Ægypto vixit ad summum nonaginta tribus; verius autem octoginta septem annis. Quibus subductis, cum octoginta quibus natus erat Moyses, cum Israëlitas eduxit de Ægypto, ex quadringentis triginta supersunt adhuc ducenti quinquaginta septem anni. Sicque dicendum erit, Jacobed genuisse Moysen anno ætatis suæ ducentesimo quinquagesimo septimo, quod plusquam absurdum est.

Tertiò Hestron, qui cum Jacob descendit in Ægyptum, sexaginta annorum factus, ductâ filiâ Machir genuit Segub. At Segub genuit Jaïr, qui post quadraginta annos ab Exodo elapsos, possedit villas Basan ejus nomine appellatas. Ex primi Paralipomenon 2. v. 21. Numerorum 32. v. 40. & Deuteronomii 3. v. 14. Ergo &c. Simile argumentum duci potest ex Genealogiâ Core contradictoris; habuit enim avum Caath filium Levi, Dathan verò & Abiron habuerunt avum Ruben, ex Numerorum 16. v. 1. & 26. v. 8. & 9.

Quartò. Ex versione τὸν δὲ, quæ sic habet: *Peregrinatio autem filiorum Israël quâ peregrinati in terrâ Ægypti & in terra Chanaân, ipsi & Patres eorum, fuit annorum quadringentorum & triginta.* Licet autem clausula; *ipsi & Patres eorum*, non habeatur in Vaticano codice, habetur tamen in Alexandrino, & in omnibus aliis atque ita legerunt olim; Eusebius in chron. Q. Jul. Hil. lib. de duratione mundi. Augustinus quæst. 47. in Exodum &c.

Quintò. Divus Paulus ad Galatas 3. expresse docet, Legis promulgationem factam esse post quadringentos triginta annos, à promissione Abraham factâ. Atqui promissio illa plusquàm ducentis annis præcessit ingressum in Ægyptum: non possunt itaque numerari quadringenti triginta anni ab ingressu in Ægyptum. Licet autem diversimodè cavillentur adversarii, ut vim istius autoritatis eludant & Apostoli verba aliò detorqueant: nihilominus adeò clara est ejus sententia, ut quisquis locum attentè inspexerit, omnes adversariorum cavillationes absque ullâ difficultate sit soluturus.

Verùm contrà hanc sententiam magnam facit difficultatem insignis locus Genesis 15. in quo sic habetur: *Scito prænosces quod peregrinum futurum sit semen tuum in terrâ non suâ, & subjicient eos servituti & affligent eos quadringentis annis.* Ex quo inferunt adversarii moram Israëlitarum in Ægypto fuisse quadringentorum ad minus annorum; proindeque hanc tertiam ætatem ultrà quadringentos triginta annos esse extendendam. Sed evanescet ista difficultas, si quæ ad locum Exodi 12. modo diximus huic etiam simili loco applicentur.

Sunt & aliæ difficultates quas pro diuturniore Israëlitarum in Ægypto morâ movent adversarii, ut v. g. quòd Scriptura octo generationes recenseat inter Ephraim & Josuam; licet Josuè quinquagesimum tertium saltèm annum expleisset, quando ingressus est in Ægyptum: quòd Israëlità in tantum multiplicati essent, ut quando egressi sunt de Ægypto exercitum penè innumerabilem conficerent, &c. Sed præterquàm istæ difficultates prævalere non debent adversùs auctoritatem D. Pauli, disertè asserentis, inter promissionem Abraham factam & Legem datam, nonnisi quadringentos triginta annos effluxisse: facile est etiam eas resolvere. Ad primam enim respondeo 1º. plerosque eorum qui in Vulgatâ versione inter Ephraïmi nepotes numerantur, ab ipsomet genitos fuisse; ut patet ex Hebraico textu, in quo inter ejus filios referuntur. Hujus autem textus lectio indè confirmatur, quòd in divisione terræ Sheera inter filias ab Ephraïmo genitas recensetur, quam tunc natam oportuit, saltèm centum

quadraginta annis. At si Israëlitarum mora in Ægypto fuisset quadringentorum annorum, ut volunt adversarii, Sheera trecentessimum trigessimum annum tunc superasset, quod incredibile est; nec cum ætate hominum istius ut sæculi convenit. 2°. Dato quòd octo essent generationes inter Ephraim & Josué, necdum tamen istæ octo generationes, diuturniorem moram in Ægypto evincerent; siquidem singulis istarum generationum, possent assignari viginti anni; quod spatium jam tunc temporis sufficiebat ad unam generationem, ut patet ex ætate quâ duodecim Patriarchæ liberis operam dare cœperunt. Ad secundam respondeo, nihil esse in hac multiplicatione quod sententiæ nostræ adversetur; cum non solum septuaginta viri, qui ingressi sunt in Ægyptum, sed multò pauciores, potuerint intrâ ducentos annos tantam multitudinem procreare, ut cuivis attendenti facile patebit.

Verùm exurgit alia difficultas circà initium hujus ætatis. Alii enim in anno septuagesimo quinto Abrahæ; alii ante, alii denique post annum istum, illud collocant. Cum enim duplicem Abrahæ vocationem Scriptura memoret, plerique initium hujus ætatis à primâ numerantes, eam ab anno septuagesimo Abrahæ in quo vocationem istam collocant ordiuntur; alii verò hanc ætatem à secundâ tantùm Abrahæ vocatione, vel etiam seriùs incipientes, initium ejus sumunt vel ab anno septuagesimo quinto, vel à septuagesimo septimo, vel ab octogesimo quinto. Nobis verò probabilius videtur utramque Abrahæ vocationem anno ejus septuagesimo quinto contigisse, & tamen initium hujus ætatis, nonnisi à secundâ quæ post mortem Tharæ contigit, esse desumendum. Primum hinc colligi potest, quòd Scriptura docet Tharam de Ur Chaldæorum, cum Abrahamo exiisse, animo eundi in terram Chanaan. Cum igitur in Charan substitit ibique mortuus fuerit, valdè probabile est eum ultimum vitæ annum tunc agentem, ibi morbo correptum fuisse, nec longius in itinere procedere potuisse; sed ibi diem ultimum obiisse. Secundum verò inde probatur, quòd ex consensu omnium tertia ætas incipere debeat à

Anni mundi	<i>Tabula tertia mundi ætatis.</i>	Anni ante Christum
2083	Abraham 75. annorum erat cum ex Chanaan profectus est in terram Chanaan ut patet ex Genesis 12. v. 4.	1921
2108	A Profecione Abrahæ ad nativitatem Isaac, anni sunt 25. ex Genesis 21. ver. 5.	1896
2168	A Nativitate Isaac ad nativitatem Jacob anni sunt 60. ex Gen. 25. ver. 20. & 35. ver. 28.	1836
2298	A Nativitate Jacob ad ejus descensum in Ægyptum anni sunt 130. ex Genesis 47. ver. 9.	1706
2315	A Descensu Jacob in Ægyptum ad nativitatem Caâth filii Levi anni sunt 17.	1689
2355	A Nativitate Caâth ad nativitatem Amram anni sunt 40.	1649
2439	A Nativitate Amram ad nativitatem Mo- sis anni sunt 78.	1571
251	A Nativitate Moſis ad exitum de Ægypto, anni sunt 80. ex Exodi 7. ver. 7.	1491
Summa totius tabulæ anni 430.		



DISSERTATIO TRIGESIMA TERTIA DE QUARTA MUNDI

Ætate, ab egressione nimirum Israëlitarum, usque ad Templi Salomonis adificationem.

CIRCA hujus ætatis durationem, (quæ initium sumit ab egressu Israël de Ægypto, & definit in anno quarto Salomonis, seu initio ædificationis templi, ut habetur tertii Regum cap. 6.) tot sunt authorum sententiæ, ut nulla sit in totâ Scripturâ difficultas, quæ tot & tam diversas opiniones pepererit. Licet enim Scriptura expresse definiat, loco citato, hanc ætatem fuisse duntaxat quadringentorum septuaginta novem annorum, dum ait : *Et factum est quadringentesimo octuagesimo anno egressionis filiorum Israël de terra Ægypti, in anno quarto, mense Zio, ipse est mensis secundus Regni Salomonis super Israël, ut ædificare inciperet domum Domino.* Quia tamen Apostolus Actorum. 13. videtur asserere tempus Judicum à morte Josuë usque ad Samuelem fuisse quadringentorum quinquaginta annorum : hinc est quòd omnes ferè, qui de rebus chronologicis hucusque scripserunt, unanimi consensu asseruerint, hujus ætatis spatium, ultrà tempus assignatum esse protrahendum. Et quia in spatio, ut iis quidem videtur, libero, suo quisque genio indulget, suasque rationes sequitur, tot ferè sunt diversæ sententiæ, quot sunt authores. Alii enim ut Severus Sulpicius hist. sacr. lib. 1. errorem irrepsisse in librum tertium Regum suspicati, illud quingentorum octoginta octo annorum fecerunt. Alii, eodem fundamento nixi, sexcentorum octoginta, ut Serrarius in lib. 3. Regum ; vel quingentorum octoginta, ut Ludovicus Capellus, chron. sacræ tab. 9. numerantur.

merarunt. Alii, ut Melchior Canus lib. ii. locorum Theolog. cap. 5. hanc ætatem quingentorum nonaginta annorum cum Josepho conficiunt. Alii, ut Laurentius Codomanus, exitum de Ægypto usque ad partitionem terræ continuantes, huic ætati quingentos quinquaginta octo annos assignant. Alii, ut Michaël Mœstlinus, eandem rationem secuti, hanc ætatem intrâ annos 592. includunt. Alii, ut Dyonisius Petavius, & Petrus Possinus, per istum exitum Israëlitis de Ægypto quadraginta tantum peregrinationis annos intelligentes, ætatem integram 520. annorum esse definiunt. Alii, ut Nicolaus Abram, eundem exitum ultra septem annos protrahentes, 527. annos ætati tribuunt. Alii, ut J. Volterus 620. annos statunt. Alii, ut Pezronus tempus Moysis ad Inachi sæculum referentes hanc ætatem in tantum augent, ut eam ferè duplo majorem faciant quam in Scripturâ statuatur; cum ejus durationem ad 873. annos extendant. Alii denique, loco citato tertii Regum inhærentes, chronologiæ in eo statutz insistendum, & locum Apostoli aliter intelligendum esse, contendunt.

Quamvis autem, ex tantâ opinionum varietate, satis appareat, hanc quæstionem satis perplexam & implicatam esse: nihilominus ea nobis probabilior videtur & Scripturæ conformior quæ 479. annos statuit.

Primò enim, hoc spatium expresse notatur in Scripturâ; proindeque, modò locus Actorum 13. cum hoc tertii Regum conciliari possit, nemo est qui non videat hanc sententiam cæteris longè esse præferendam: atqui locum Apostoli faciliè explicari, & componi posse cum hac sententiâ, infra ostendemus.

Secundò. Quia ne levis quidem suspicio esse potest, hunc annorum numerum à scribis seu amanuensis immutatum fuisse: cum non solum omnes manuscripti codices, tam antiqui quam recentiores, sed etiam omnes antiquæ versiones, eandem absque ullâ varietate lectionem nobis repræsentent, & ita omnes Sancti Patres constanter semper legerint.

Tertiò. Quia hic calculus faciliè conciliatur cum iis quæ

Scriptura refert de generationibus , quæ à Josuë usque ad Davidem effluxerunt. Scriptura enim tres tantum generationes recenset , nimirum Booz , Obed , & Jesse , qui fuit Pater Davidis , cum tamen inter utrumque tempus pluraquam 350. anni reperiantur. Si enim supponamus Salmon , qui tempore Josuë adhuc erat juvenis , quadraginta duobus annis post ingressum in terram Chanaan , genuisse Booz : hunc autem anno 102. genuisse Obed , qui genuerit Jesse anno ætatis centesimo undecimo ; pari verò anno Jesse genuisse Davidem ; nihil omnino incredibile aut admodum difficile à nobis proferetur. Præterquam enim hujusmodi generationum exempla nostris etiam diebus non desunt , ut refert Usserius de majori Britannia , & nos aliquam ex his Provinciis possemus addere ; certum est istis temporibus , de quibus agimus , homines diutius adhuc vixisse , quam nunc vivant ; cum sæpe omnes , quorum Scriptura refert ætatem , ad centesimum annum propius accesserint , aut etiam ætatem illam superaverint. Constat etiam ex eadem Scripturâ , Booz fuisse omnino senem , cum genuit Obed ; & Jesse pariter fuisse senem grandævum quando Davidem genuit. Nihil itaque difficultatis faciunt istæ generationes , in nostrâ sententiâ. At in eorum calculis qui hanc ætatem , ad majus annorum spatium protrahunt , prorsus inexplicabilis est ista series generationum , & ita difficilis ipsis adversariis videtur , ut Lyranus , & nonnulli alii cum secuti , ad istud delirium confugerint , ut tres fuisse Booz comminiscerentur ; quorum primus fuerit filius Salmon , tertius verò Pater Obed. Quod certe si non est ludere de Scripturâ , quæ tribus in locis generationes istas recenset , nec ullibi nisi unius Booz meminit , quodlibet commentum Scripturæ verbis facile poterit superstrui. Itaque cum in unâ nostrâ sententiâ difficultas illa possit superari , dubium esse non potest quin ea sit cæteris omnibus anteponenda. Unde superest ut ad eam magis confirmandam tam cum verbis Apostoli Actuum 13. quam cum libro Judicum eam conciliemus.

Quod itaque spectat ad locum Apostoli Act. 13. ubi dicitur Deum dedisse Judices per annos quadringentos

quingenta usque ad Samuëlem, faciliè cum nostrâ sententiâ conciliabitur, si ista ætas, ad tempus quod Judices præcessit, non ad tempus Judicum referatur; ita ut sensus sit: à tempore quo Deus per nativitatem Isaac, elegit Patres nostros, ut in Isaac vocaretur Abraham semen, eos peculiari modo servavit, & in Ægypto auxit, postmodumque eos ab Ægyptiacâ servitute eruens, terram promissionis, eis paritum est post 450. annos. Dehinc verò dedit Judices usque ad Samuëlem. Ut autem verba Apostoli sic intelligantur, facit primò constans lectio omnium exemplarium & versionum libri tertii Regum, quæ, ut modo diximus, nonnisi 479. annos completos exhibent ab Exodo usque ad initium ædificationis templi. Secundò, quod istâ lectione admisâ, nulla supersit in hâc ætate distribuendâ difficultas. Tertiò quod à nativitate Isaac usque ad terræ divisionem à Josuâ factam, totidem reperiantur anni, quot assignantur ab Apostolo nimirum 450. Quartò quod Vulgata eodem modo sensum Apostoli nobis representet: sic enim habet: *Deus plebis Israël elegit Patres nostros & plebem exaltavit..... & destruens gentes septem in terra Chanaan forsè distribuit eis terram eorum quasi post 450. annos; & post hæc dedit Judices usque ad Samuëlem.* Quibus verbis nihil clarius esse potest pro nostrâ expositione asserendâ. Quintò denique quia etiam textus Græcus, in editione Roberti Stephani, quæ judicio eruditorum, optima est omnium, & in nonnullis antiquissimis codicibus, ut in Cantabrigiensi, quod olim Beza fuerat, in Alexandrino, & in Velezianis, eodem modo habetur, quo in Vulgatâ; nimirum: *κατελθὼν δέδωκεν αὐτοῖς τὴν γῆν αὐτῶν, καὶ μετὰ ταῦτα ὡς ἑκατὶ τέτρακοις καὶ πενήκοντα ἔδωκε πρὸς τοὺς Σαμουὴλ τὴν προφήτην.*

Jam verò, ut hic noster calculus, cum libro Judicum concilietur, nihil aliud requiritur, nisi ut anni quietis & Anarchiæ in annis cujuslibet Judicis numerentur, ita ut, cum refertur v. g. terram quieviſſe annis quadraginta sub Othoniele, sensus sit, quietem illam ab Othoniele partam esse, anno quadregesimo ab eo tempore, quo sub Josuè devictis quinque Regibus primùm quieverat. Si enim ex annis, qui

in lib. Judicum referuntur, sic computatis, summa conficiatur, numerus 480. in libro tertio Regum notatus, facile reperietur. Proinde dubitari non debet, quin ita sit intelligendum.

Id autem confirmatur primò ex ætate Othonielis fratris Caleb: facile enim intelligitur eum supervivere potuisse aliquandiu senioribus Israël, & liberasse populum suum, anno quadragesimo à partitione terræ, seu ab extinctione Regum Chananæorum, suisque etiam aliquandiu præfuisse. At incredibile omnino est eum, juxtà adversariorum sententiam, præfuisse quadraginta annis, post mortem Josuë, & omnium aliorum, qui unà cum Othoniele Josuæ supervixerunt. Cum enim constet Othonielem jam fuisse strenuum bellatorem, tempore partitionis terræ, ut patet ex Josuë 15. & Judicum 1. fateri necesse est, eum jam tunc temporis, triginta saltè annis natum fuisse, quibus si addantur viginti septem, quibus volunt nonnulli, Josuam populo præfuisse; deindè totidem, vel etiam amplius, quibus seniores post Josuam præfuerunt, postremoque quindecim, aut etiam amplius, tam Anarchiæ, quàm servitutis, dicendum erit, Othonielem fuisse centenarium, quando bellum adversus Mesopotamiæ Regem aggressus est, transactoque bello, usque ad centesimum quadragesimum annum, populo præfuisse. Quis autem credat, Othonieli centenario in animum venisse, ut bellum aggrediretur; aut populo ut ducem centenarium, id est ætatis decrepitæ sequeretur. Certè multò verisimilior cuilibet videbitur ea sententia, quæ id muneris ei tribuit, cum corpore adhuc vegeto, & ad bellum aggrediendum satis robusto esset, qualem cum adhuc fuisse quadragesimo anno à divisione, nemo negabit.

Confirmatur secundò, ex eo quòd satis clarè insinuet Scriptura servitutis annos in ipsis Judicum annis includi. Nam Judicum quartò dicitur, quòd Debora judicabat populum, eo tempore, quo Jabin Rex Chanaan eum servitute opprimebat. Statim enim postquam Scriptura commemoravit servitutem, quâ eos opprimebat spatium viginti an-

morum subdit : *Erat autem Debora prophetis uxor Lapidoth qua judicabat populum in illo tempore : sedebatque sub palma ascendebantque ad eam filii Israël in omne iudicium. Qua misit & vocavit Barac filium Abinoës &c.* Clarius adhuc rem eandem exprimit Scriptura , de Samfone loquens ; disertè enim asserit Samsonem judicasse populum , *in diebus Philistinum* , viginti annis. Cum igitur expressè de duobus illis asserat Scriptura , eos judicasse , ipso tempore servitutis , falsum est , quod asserunt adversarii , tempora servitutis à temporibus Iudicum esse distinguenda : proindeque corrui corum sententia.

Unum tamen est , quod scrupulum facere posset in sententiâ nostrâ , nimirum quod Scriptura , dum annos iudicum refert , non dicit terram quievisse tali anno v. g. quadregesimo ; sed absolute , quievisse *quadraginta annis*. Verum præterquàm epocha libri tertii Regum , & aliæ rationes adductæ , modum nostrum computandi sufficienter probant , sciendum est , quod licet in Vulgarâ ita translatum habeatur , nihilominus voces hebraicæ nostram expositionem faciliè admittant , ut notat Franciscus Ribera lib. i. de Templo cap. i.

His ita statutis , id unum nobis superesset , ad hujus ætatis quæstionem absolvendam , ut numerum annorum 479. in suas partes distribucremus & singulas in tabulâ exhiberemus. Sed quia doctissimus Pezronus , nuper sibi visus est invicta argumenta protulisse , pro antiquitate temporum restituendâ , & hæc potissimum ætate mirum in modum dilatandâ , operæ pretium est , in ejus hypotesi discutiendâ paulò diutius immorari , & singulas ejus rationes æquâ iudicii lance , juxta Scripturæ auctoritatem ponderare.

Contendit itaque vir doctus , hanc ætatem mirum in modum decurtatam esse , ab omnibus qui hætenus de rebus chronologicis scripserunt ; cum enim omnes , quingentos tantum , aut ad summum circiter sexcentos annos ei tribuant ; non dubitat vir eruditus , eidem octingentos septuaginta tres annos assignare. Duplici autem ejus sententiâ nititur fundamento.

Primum est¹, quod omnes antiqui, tam Pagani, quàm Judæi, aut Christiani, qui de Mosis ætate, ante Eusebium locuti sunt, eum Inacho cœvum fecerunt, non Cæcropi, ut præstiterunt plerique, qui post quartum sæculum de hisce rebus egerunt, Eusebii errorem secuti.

Secundum, quod Josephus & Philo testentur Legis tempus, seu durationem, fuisse annorum bis mille: idemque confirmetur ex antiquâ traditione domus Eliæ, ut in Talmude commemoratur. Atqui, ait vir doctus nec Lex durasset duobus annorum millibus, nec Moyses Inacho fuisset cœvus; nisi hæc ætas, plusquàm octingnetorum annorū esset. Cum enim certum sit, à condito templo, ad nativitatem Christi, non effluxisse mille & centum annos, nunquàm posset demonstrari, aut verificari, Legem durasse duobus annorum millibus, usque ad tempora Josephi, nisi spatium, quod à tempore Legis datæ, usque ad templi ædificationem intercessit, fuisset circiter nongentorum annorum. Sed neque etiam demonstrari posset, Mosén fuisse Inacho cœvum, quod omnes veteres testantur: siquidem Inachus, ex omnium consensu, ferè nongentis annis templum præcessit. Ergo pro certo haberi debet, hanc ætatem, octingentorum septuaginta trium annorum fuisse, quot requiruntur ad duas illas epochas conciliandas. Ita ferè Pezeronus.

Sed, pace viri docti dixerim, ejus sententia, neque invictis, ut putat, argumentis, nititur; ut infra ostendemus: neque cum Scriptura satis cohæret. Immò verò, certis ab eadem Scripturâ, ductis argumentis, multimodè impugnari potest.

Primò enim epocha tertii Regum, eam penitus convellit: siquidem hanc ætatem, duntaxat quadringentorum septuaginta novem annorum facit: cum tamen juxtà Pezeroni calculum, ferè duplo majus spatium debuisset ei assignare. Neque valet ejus responsio, dum contendit Scripturam Sacram, fausta duntaxat tempora, in hoc numero computasse; ut moris tunc erat Orientalibus populis, & ipsi Scripturæ familiare. Primò enim eam apertè excludunt

Scripturæ verba , quæ sic se habent : *factum est ergo quadringentesimo & octogesimo anno egressionis filiorum Israël de terra Ægypti , in anno quarto mense Zio : ipse est mensis secundus regni Salomonis , super Israël , edificari capit domus Domino.* Cum enim ibi asseratur istam epocham & summam continere numerum annorum , qui effluxerunt ab Exodo , ad ædificationem templi , id de solis annis prosperitatis intelligere , non de omnibus indiscriminatim , hoc non est Scripturam exponere , sed , ut verum dicamus , Scripturæ illudere est. Quid enim aliud est quàm Scripturis illudere , earum verba sic exponere ; ut dum clarè recensent temporis spatium , quod inter duo extrema effluxit , additis etiam mensibus superfluis ; ex earum tamen verbis , impossibile sit deprehendere , quot reverà inter utrumque spatium anni & menses intercesserint. At quis , dum verba Scripturæ modo relata legerit , poterit suspicari non 479. annos sed 873. ab Exodo usque ad templi ædificationem intercessisse ? Secundo , quidquid sit de Orientalibus populis , falsum est istum modum numerandi , Scripturis familiarem esse ; aut ullum exemplum talis calculi , ex iis proferri posse : immò contrarium , multis exemplis comprobari potest v. g. Corruptio generis humani , per annos plusquàm ducentos ante diluvium , quamvis tempus valdè infauftum fuerit ; nihilominùs in Scripturâ , æquè ac alia tempora , numeratur. Ipsa diluvii duratio exactè refertur. Post diluvium verò , totum tempus captivitatis Ægyptiacæ in Exodo computatur. Item in libro Numerorum , tempus quadraginta annorum , quibus Israëlita erraverunt in deserto , ibique mortui sunt. In libro Judicum , tempus quo diversis regibus Israëlita servierunt. In libris Regum tempus quo Israëlitis Reges , & plerique Reges Juda , cæsi non minùs impii , quàm Salomon ultimis regi annis fuerit , recensentur. In libris Prophetarum tempus captivitatis Babylonicæ. In libris Machabæorum , tempus afflictionis Judæorum , ab Antiocho & aliis. Denique ista omnia tempora , non minùs apud Josephum quàm in Scripturis notata reperiuntur. Falsum est igitur , quod asserit vir doctus , morem Scrip-

turæ , & Orientalium esse , infausta tempora penitus reticere ; ac proindè falsum Scripturam 3. Regum 6.^o non omnia tempora , quæ ab Exodo fluxerunt , numerare voluisse.

Secundò Pezeroni calculus cum Jephthe Galaaditæ calculo , ab eo evidenter in libro Judicum relato , conciliari non potest ; imò confutatur. Cum enim Jephthe , Judicum undecimo , disceptaret cum Rege Ammonitarum , graviter ferente , Israëlitas possidere terram Amorrhæorum , quam ad se pertinere contendebat ; Jephthe ex diuturnâ possessione terræ illius , à filiis Israël , qui eam tulerant ex Amorrhæis , præscribebat contrà jus allegatum , à Rege filiorum Ammon , tempusque illius possessionis , quantum poterat extendens , ut par est credere , prout omnibus præscribentibus consuetum est , assererat jam à trecentis annis , terram illam ab Israëlitis possessam fuisse. At , si verus esset Pezeroni calculus , non debuisset Jephthe , trecentos tantum annos , sed sexcentos allegare. Quis autem credat Jephthem , contrà Ammonitas præscribentem , cum posset sexcentos possessionis annos , contentum fuisse , trecentos tantum commemorare ? Quis igitur non videat multò minorem , id est totis ad minus trecentis annis , esse calculum Scripturæ , calculo Pezeroni : Proindèque hunc calculum rejiciendum esse ; ut potè falsis & Scripturæ repugnantibus nixum fundamentis ?

Tertiò. Confutatur idem Pezeroni calculus , ex genealogiâ Davidis , quæ saltèm tribus in locis Scripturæ refertur ; nimirum Ruth ultimo , 1 Paralip. 2.^o & Mathæi 1. his verbis : *Salmon genuit Booz , Booz genuit Obed , Obed genuit Isai , Isai genuit David.* At certum est , Salmon non genuisse Booz , nisi post terræ partitionem ; siquidem genuit Booz de Rahab meretrice ; proindèque constat tres tantum reperiri generationes , inter Salmon & Davidem. At numerus iste generationum , nunquam conciliari poterit , cum calculo Pezeroni. Nam juxtà rationes ejus , inter natum Booz & natum Davidem , intercesserunt ad minus septingenti quinquaginta anni : proindèque dicendum esset , juxtà ejus computum , Booz annos natum ducentos quinquaginta , genuisse Obed. Similiter Obed pari anno genuisse Jesse : ac denique

denique Jesse pari annorum numero Davidem procreasse. Quis autem non videat, ridiculum esse, statuere tres istos Patriarchas anno ætatis ducentesimo quinquagesimo, potuisse gignere; cum tunc temporis, nullus ad centesimum quinquagesimum saltè annum vixisse reperiatur, ætasque vulgaris hominum, paulò post ista tempora, esset tantum septuaginta aut octoginta annorum.

Neque respondere potest Pezeronus, Scripturam generationes aliquas præteriisse. Præterquàm enim id gratis omnino, & contrà Scripturæ autoritatem, assereretur: cum in omnibus locis, quibus Scriptura genealogiam istam recenset, non plures quam tres illas recenseat; faciliè etiam confutari potest ex aliis genealogiis, quæ in libro Paralipomenon referuntur. Nam 1. Paralip. 6. Ab Aaron usque ad Sadoch, qui tempore Davidis Sacerdotio fungebatur, novem tantum generationes referuntur. A Levi autem usque ad Etan qui eodem tempore florebat, tredecim tantum recensentur: atqui juxtà Pezeroni calculum à Phinees usque ad Sadoch octingenti saltè anni effluerunt, à Levi autem usque ad Etan circiter mille centum. Dicendum igitur erit, si Pezerono credamus, istos omnes aut centenarios aut ferè centenarios genuisse; quod cum nemo non videat, in tantâ temporum serie, totque secutis generationibus, vix esse possibile; apparet Pezeroni subterfugium, ridiculum esse & falsum, cum asserit in genealogiâ Davidis generationes esse omissas.

Quartò confutatur etiâ idem calculus ex ætate Othonielis, quem constat, juxtà Pezeronum, judicasse Israël quadraginta annis, post primam oppressionem. At juxtà eundem authorem initium judicaturæ ejus contigit annis centum viginti post ingressum in terram Chanaan. Negari autem non potest, quin tempore ingressûs illius, Othoniel quem Scriptura fratrem Caleb appellat, strenuumque bellatorem ostendit, natus fuerit saltè triginta aut circiter annis: proindèque dicendum erit Othonielem centum quinquaginta annis natum, bellum aggressum esse, postmodumque quadraginta annis suo populo præfuisse. At tempus istud

convenire non posse cum ætate quâ tunc vivebant homines, nequidem ipse, ut puto, diffitebitur Pezeronus. Ex quo fateri cogetur, calculum à se confectum stare non posse.

Porro ex his omnibus satis liquet, systema Pezeroni, quoad hanc ætatem, nullatenus posse subsistere, aut cum Scripturis conciliari: ac consequenter, falsa esse argumenta, quibus illud systema conatur adstruere. Non esset itaque necesse, in iis confutandis diutius immorari. Sed quia difficile non erit eorum falsitatem, aut saltèm incertitudinem, aliundè etiam demonstrare: ideò pleniorẽ eorum discussionem hic aggredi non pigebit. Itaque

Ad primum argumentum respondeo, verum quidem, id traditum esse à Josepho & aliis veteribus, dum contrà paganos disputarunt: sed à plerisque eorum absque ullo examine admissum. Josephus quidem, id asseruit in libris contrà Appionem; sed aut id præstitit, ut fictâ illâ antiquitate, gentis suæ antiquitatem magis extolleret; præsertim cum ibidem inferat Mosem præcessisse bellum Trojanum annis ferè mille, quod falsum esse nec ipsemet Pezeronus diffitebitur: aut ibi usum esse contrà Appionem argumento, ut vocant, ad hominem. Cum enim plerique gentilium scriptores, qui de Mose locuti fuerant, cum Inacho æqualem fecissent, eo quòd in Scripturâ divinâ, præsertimque in echronologiâ, non satis essent versati: Josephus, eorum testimonio nixus, ipsi hanc tribuit antiquitatem, quò facilius Appionis temeritatem & imperitiam argueret. Sed dum idem Josephus in suis antiquitatibus, singulas singulorum ætates paulò severius, & magis historicè discuit, satis ostendit parùm fundatam esse, imò ficticiam illam antiquitatem. Tantùm enim abest, ut Moysen statuatur mille annis ante bellum Trojanum; vel saltèm nongentis ante templum Salomonicum, & in temporibus Inachi: ut è contrà constanter statuatur libro 8^o. cap. 2^o. inter Exodum & templi ædificationem, non intercessisse plusquàm quingentos nonaginta duos annos. Insuper cum juxta Pezeroni echronologiam inter Inachi & Samuëlis tempora, octingenti anni numerentur,

Josephus è contrà libro 5°. numerat tantum circiter quingentos. Præterea idem author, ab ingressu Abrahami in terram Chanaan, ad quartum Salomonis annum, numerat annos mille viginti; cum tamen numerare debuisset plusquam mille trecentos, si Moysen Inacho æqualem fecisset. Denique lib. 10. cap. 11. templum, quod juxta ipsum, stetit annis quadringentis septuaginta, statuit eversum annis post Exodum 1062. Atqui ab Inachi tempore, usque ad illam everfionem, intercesserunt juxta Pezeronum, plusquam mille trecenti quinquaginta anni: ergo pro certo haberi debet, Josephum nullatenus putasse, Moysen Inacho æqualem fuisse; dumque id contrà Appionem asserbat, vel aliud cogitanti id elapsum esse, vel studio paritum & antiquitatis suæ gentis id asseruisse, vel argumento ad hominem usum esse: vel denique in errorem ex hoc inductum, quod pastores, de quibus Manetho loquitur, Israëlitas esse putaverit: cum tamen sola lectio Manethonis abundè sufficiat, ad contrarium statim persuadendum. Enimvero pastores isti, juxta Manethonem, statim Memphiticum regnum invaserunt, cum exercitu ducentorum quadraginta mille hominum, plures Reges habuerunt, per annos quingentos, Ægyptios servitute oppræsserunt, & tributarios fecerunt; tandemque longâ obsidione victi exire compulsi sunt. Quæ omnia Israëlitis convenire non possunt.

Porro ex his patet etiam responsio ad secundum argumentum. Si enim Josephus ab Exodo ad templi ædificationem non plures annos quam quingentos nonaginta duos numeravit, ut modò probatum est; clarum est etiam, nec id ipse diffitebitur Pezeronus, cum non potuisse bis mille annos Legi tribuere, cum juxta ejus calculum, vix 1600. reperiantur. Nihilominus adversus istam Pezeroni objectionem, & tantam Legis durationem, aliam adhuc probationem supereditat nobis idem Josephus, in libris de bello Judaico. Refert enim lib. 4°. cap. 31. urbem Chebron seu Hebron, esse antiquissimam omnium urbium Idumæ, imò etiam Memphitiorum antiquiorem; cum ab annis bis mille trecentis ædificata esset: subditque Abrahamum, cum primum venit

in terram Chanaam , in eâ habitasse. Quod totum confirmat , ex superstitie tunc temporis inscriptione marmoris insculptâ & gemmis ornatâ , quæ in eâdem urbe vilebatur. Ex hâc enim epochâ apertè colligitur , Legem non potuisse durare bis mille annis ante Josephum. Nam primò , certum est inter peregrinationem Abrahami , & Legem datam , intercessisse quadringentos triginta annos , ut suprà ostendimus. At etiamsi urbs illa Abrahami profectioe non fuisset antiquior , cum ab ejus ædificatione ad Josephum essent tantùm bis mille trecenti anni , sequeretur Legem juxtà illud computum non potuisse durare nisi mille octingentis septuaginta annis : ergo &c. Secundò , certum est ex illâ Josephi narratione , urbem illam fuisse multò antiquiorem Abrahamo ; siquidem in eâ habitavit , & jam ante Memphim ædificata erat. Atqui juxtà rationes Pezeroni , Memphis ædificata est ferè quingentis annis ante Abrahamum , juxtà nostras verò , plusquàm ducentis quinquaginta : ergo tantùm abest juxtà Josephi narrationem , & epocham ejus tempore marmoris insculptam , ut Lex durarit bis mille annis , usque ad Josephum ; ut è contrà , dicendum esset , juxtà rationes Pezeroni huic narrationi applicatas , nequidem mille quadringentis annis durare potuisse : juxtà nostras verò circiter mille sexcentis. Quod satis etiam demonstrat Josephum nostram sequutum esse supputationem ; non eam quæ ipsi à Pezerono tribuitur.

Fatendum est ergo , Josephum , dum alibi asseruit Legis tempus fuisse bis mille annorum , aut parùm sibi attendisse , aut nimiam antiquitatem jactasse , aut , quod probabilius est , Legis initium desumpsisse ex Lege Circumcisionis Abrahæ datâ annis circiter bis mille ante Josephum ; idemque de Talmudistis satis commodè dici potest. Quod autem spectat ad Philonem ; cum apertè profiteatur , se tempus datæ Legis ignorare , & aliundè certum sit , eum rerum Judaicarum parùm fuisse peritum ; non est quod in ejus testimonio confutando diutius immoremur.

Ceterùm omnes veteres , qui ea de antiquitate Mosis & Legis protulerunt , quæ refert vir doctus ; vel ea desumpse-

runt ex Josepho, vel ex Gentilibus historicis, antiquitatum Hebraicarum prorsus ignaris; proindèque nullius ponderis esse debent. Sed tempus est ut hanc ætatem in singulas partes dividamus.

Cum verò, præter rationem computandi à nobis suprà memoratam quam sequitur Jacobus Usserius, aliam non minùs concinnam, nec minùs verisimilem exhibeat Joannes Marshamius, supponendo nimirum, neque servitutes omnes, de quibus loquitur liber Judicum, fuisse successivas; sed alias aliis fuisse *συγκέλευστος*; neque omnes Judices totum Israël semper judicasse; sed quandoque plures Judices, diversas populi partes, eodem tempore, judicasse; quod satis verisimile judicabit, quisquis librum Judicum attentè legerit: ideò antequàm hanc quartam mundi ætatem juxtà Usserii calculum exhibeamus; istam Marshamii sententiam, quàm cunctæ difficultates quæ ex Judicum successione oriuntur, facilè cum nostrâ epochâ conciliari possunt, indicandam judicavimus: ut si cui magis arriserit, eam adire possit, apud eundem Marshamium, in Canone Hebraico, edito *Lyphiæ*, anno 1696.



Schema Chronologicum quarta mundi ætatis.

Anni mundi		Anni Judicij	Anni ante Christum
2555	Ab exitu Israëlitarum de Ægypto ad ingressum in terram Chanaan anni sunt. - - -	40	1451
2559	Indè ad finita bella & ad quietem datam à Josuâ anni sunt. -	6	1445
2599	Indè ad quietem per Othonielem an- ni sunt. - - -	40	1405
2679	Indè ad quietem per Aod datam oc- cifo Eglon Moabitarum Rege an- ni sunt. - - -	80	1325
2719	Indè ad quietem per Deborah & Barac, occiso Jabin Chanaanæo- rum Rege anni sunt. -	40	1285
2759	Indè ad quietem per Gedeonem Madianitis devictis anni sunt. -	40	1245
2768	Indè ad initium regni Abimelech filii Gedeonis anni sunt. -	9	1236
2816	Abimelechi, Tholæ & Jairi anni sunt. - - -	48	1188
2822	Jephthæ anni sunt. - - -	6	1182
2848	Ipsan, Elon & Abdonis anni sunt.	25	1157
2887	Samsonis & Heli anni sunt. -	40	1117
2908	Samuelis anni sunt. - - -	21	1096
2949	Saülis Regis anni sunt. - -	40	1055
2993	A morte Saülis ad jacta fundamen- ta templi anni sunt. - - -	44	1012

Summa annorum.

479.

DISSERTATIO TRIGESIMA QUARTA DE QUINTA MUNDI

*Ætate, ab initio adificationis Templi,
ad ejusdem destructionem.*

LICET, in hâc ætate constituendâ, non sit tanta varietas sententiarum, quàm in superiori; neque tanto temporis spatio inter se distent authores: est tamen adhuc aliqua inter eos diversitas. Alii enim; ut Pezeronus, Josephi chronologiam secuti, & octoginta annos regno Salomonis tribuentes, eam quadringentorum septuaginta annorum faciunt. Alii ut Isaacus Vossius, quadringentorum triginta annorum, esse definiunt. Alii, ut Jacobus Usserius quadringentorum viginti quatuor annorum esse volunt. Alii denique ut Joannes Marshamius ad annos quadringentos eam restringunt. Sed quia nimis tædiosum, & parùm utile esset, uniuscujusque rationes & calculum hic referre, & discutere, cum aliundè distantia non sit multorum annorum: idèò cæteris omissis, Usserianum computum hic sequemur; postquàm Pezeroni sententiam de annis regni Salomonici paucis discusserimus.

Itaque, contendit vir doctus, necessariò admittendum esse juxtâ sententiam Josephi, Salomonem non quadraginta annis, ut Scriptura disertè affirmat, sed octoginta annis regnasse; hancque sententiam, non solum Scripturæ contrariam non esse nisi in speciem; sed etiam, ex iis quæ Scriptura de Salomone refert, eam necessariò elici. Probat autè suam sententiam, primò, tum ex maximâ Josephi eruditione & diligentia: tum ex securitate quâ diversis in locis ætatem illam Salomoni tribuit. Secundò ex eo quòd Scriptura refert, cor ejus depravatum fuisse in senectute per

mulieres ; cum tamen senectus , nequaquam ei tribui potuisset , si quadraginta tantum annis regnasset : siquidem tota ejus vita , quinquaginta duobus annis concluderetur. Tertio ex ætate Roboami , qui ut refert Scriptura , quadraginta annorum erat , quando Salomon mortuus est. Quis enim sibi persuadeat , Salomonem undecim annos natum filium gignere potuisse ? Quis credat jam tum duxisse uxorem Ammonitidam. Quandoquidem Scriptura refert , tunc primum cum adamasse mulieres Ammonitidas , cum senex factus est ? Ex quibus concludit vir doctus , melius esse , & historię Sacrę convenientius statuere , Salomonem octoginta annis regnasse , quàm quadraginta. Sed his viri docti conjecturis aperte refragatur Scripturę divinę autoritas ; quę cum non plures quàm quadraginta annos Salomonis regno tribuat , temerarium videtur , ex meris conjecturis contrā perspicuum ejus testimonium , hunc numerum duplicare. Respondet quidem vir doctus , ut ab hac difficultate se se expediat , ideo Scripturam quadraginta duntaxat annorum fecisse mentionem , quia hos annos pię & sanctę transēgit Salomon ; ceteros verò omisisse , quia in impietatibus & impudiciis eos consumpsit ; prout ei consuetum est in aliis locis , talia tempora penitus omittere. Sed hanc responsionem superius abundē confutavimus. Et certē ejus falsitas , in libris Regum manifesta est ; nam plerique Reges Juda feliciter auspicati , infeliciter ultimos regni annos in impietate transēgerunt : vel infeliciter auspicati , feliciter obierunt : vel denique totum tempus regni in impietate consumpserunt. Cur ergo eorum omnium annos refert Scriptura ? Cur in iis , qui partim pię , partim impię regnarunt , non idem præstitit quod in Salomone ? Cur v. g. ultimos annos Joas , & priores Manassis , non omisit ? Si id in Salomone egit ex consuetudine Orientalium , cur non idem etiam egit in aliis Regibus ? Aut quomodo asseri potest , id eam egisse in Salomone , cum certum sit in aliis Regibus contrarium omninō præstitisse ? Maneat itaque certum , ex Scripturę testimonio , Salomonem non octoginta , sed quadraginta annis regnasse.

Porro

Porro præter Scripturæ auctoritatem, idem etiã apertè probatur ex chronologiã Regum Tyriorum, à Josepho, ex Menandro relata lib. 1. contrà App. cap. 5.º. quam quidem chronologiam Menander . eodem Josepho teste , ex authenticis Tyriorum archivis hauserat. Constat enim ex 3.º. Regum 16. Achab duxisse filiam Ethbaalis Regis Sydoniorum. At juxtà Menandri calculum , Ethbaal , seu Itobaal regnare cœpit septuaginta tribus annis aut circiter , post initium regni Salomonis , & triginta tribus regnavit : ergo si Salomon regnasset octoginta annis , ut vult Pezeronus , Ethbaal ipso adhuc vivente regnare cœpisset , & cum eo septem saltèm annis regnasset , consequenterque mortuus esset triginta sex annis ante initium regni Achab , quod contigit tantùm anno sexagesimo primo post mortem Salomonis ; ac proindè nullatenùs verisimile esset , Achab ejus filiam in matrimonium duxisse : quod cùm asserat Scriptura , eosque simul regnasse innuat , sequitur Salomonem , non octoginta , sed tantùm quadraginta annis regnasse.

Respondet Pezeronus , istum Ethbaal , de quo Scriptura loquitur , non fuisse Regem Tyriorum , sed tantùm Sidoniorum ; hincque deceptum esse Josephum , quòd putaverit , unum Regem duabus urbibus præfuisse ; cum tamen ex Jeremiã 25.º. & 27.º. constet , Sidonem suos Reges peculiare habuisse. Sed præterquàm nomen & ætas istius Ithobaalis , satis ostendunt , ipsum esse de quo Scriptura loquitur plurimum ad hoc confert Josephi auctoritas , qui cum Tyriorum archivos legisset ignorare non potuit , utrum tempore Salomonis , Tyriorum Reges Sidone etiam regnassent , proindèque nunquam asseruisset , eundem esse quem Scriptura Sydoniorum Regem facit ; nisi id ex Tyriorum historiã cognovisset. Sed & Menandri historia quam refert idem Josephus , loco citato , idem satis apertè insinuat ; cum docet Hiram , adducto ad Tyrum exercitu , Tyrios coegisse , ut tributum , quod ipsi solvere recusabant , præstarent. Id enim satis demonstrat , eum aliã etiam ditionem præter Tyrum habuisse. At , quæ alia esse poterat præter vicinam Sydoniorum urbem ? Malè ergo in

Rr

dubium revocatur, Tyriorum Reges utrique urbi tunc præfuisse; licet postmodum utraque Reges peculiaries habuerit. Et certè quòd Reges Tyri etiam Sidoniis præfuerint, præterquàm Esaias Propheta cap. 23. ruinam Tyriorum prædicens, apertè sub Tyriorum regno & ditione, Sidonios etiam comprehendit; ut ex contextu capitis quilibet potest conspiciere: Menander à Josepho citatus lib. 9. antiq. cap. ult. apertè demonstrat Sydonem Tyro subiectam fuisse, cum refert in suis chronicis eam sub Elulæo Tyriorum Rege circà Salmanasaris tempora à Tyriorum ditione defecisse ad Assiriorum Regem. Ex hoc enim clarum est, & Sidonem ad ea usque tempora, Regibus Tyri subditam fuisse, & secutis temporibus, ab ejus ditione fuisse immunem: ex quo verisimile est, utramque urbem suum Regem consecutam fuisse, urbe Tyri in antiquâ possessione permanente, & Sidone Regem tributarium ab Assyriorum Rege consecutâ.

Ad rationes verò ab erudito viro allatas responderi potest: ad primam; Josephi historiam ex sacris codicibus emendandam esse, non sacros codices ad normam historiæ Josephi, corrigendos: proindèque cum Scriptura disertè asserat, Salomonem non nisi quadraginta annis regnasse, Josephus non nisi per errorem contrarium potuit asserere.

Ad secundam, per senectutem Salomonis, intelligi ultimos vitæ illius annos, seu senectutem relativam non absolutam; ut ipse Pezeronus fateri cogitur, cum Salomonis impietatem ab anno ejus quinquagesimo cœpisse statuit. Et certè nemo est, qui non videat, Salomonem, qui semper in voluptatibus & deliciis vixit, iisque incredibiliter addictus fuit, citius senescere debuisse, quàm Davidem, qui tamen cum necdum septuaginta annorum esset, jam prorsus ad generationem ineptus erat. Qui igitur fieri potuit, ut Salomon filius ejus, usque ad nonagesimum annum, juxtà sententiam viri docti, libidinibus suis indulserit, & in tantâ ætate vix mille mulieribus satiari potuerit?

Ad tertiam, primò, incredibile non esse, Salomonem in ætate tam præmaturâ genuisse: siquidem legimus

4. Reg. 18. Ezechiam viginti quinque annos natum fuisse, cum Pater ejus Achaz, qui non amplius quàm triginta sex annis in totum vixit, mortuus est. Et 4. Reg. 22. Josias refertur vixisse duntaxat triginta novem annis, & tamen Joachin tribus mensibus post mortem ejus, in regno succedens, dicitur fuisse viginti quinque annorum. Secundò probabilius esse, Roboam natum esse tantùm annos sexdecim, cum mortuus est Salomon; prout in versione *תנ"ך* legitur. Hanc autem lectionem veriore esse hinc confirmatur, quòd constet ex Scripturâ, Roboam tunc temporis fuisse adhuc maximè juvenem; siquidem refertur, eum neglecto seniorum concilio, junioribus *qui cum eo nutriti fuerant* adhæsisse. Si enim, tunc annos quadraginta natus fuisset; non in juniorum, sed in seniorum sententiam inclinasset. Ex quo patet, Roboam natum esse, duntaxat vigesimo quarto anno Salomonis, quò verisimile est, eor ejus jam fuisse depravatum, vel saltèm ad mulieres alienigenas jam inclinatum.

Hâc igitur difficultate superatâ, tempus est ut Regum Judæ & Israël's tempora invicem conferamus, & secum invicem conciliemus. Ad quod non parùm juvât prænotasse annos Regum Judæ, de quibus Scriptura meminit, ut plurimùm esse annos completos: è contrâ verò annos Regum Israël's, ut plurimum, duntaxat inchoatos. Itaque post mortem Salomonis, regnum Israëliticum in duas partes scissum est, & Roboamo quidem duæ, Juda nimirum & Benjamin, remanserunt; Jeroboamo verò aliæ tribus cesserunt. Porro uterque simul, exceptis fortasse aliquot mensibus, regnare cœpit. Roboam 17. annis completis regnavit; siquidem Abia filius ejus successit anno 18. Jeroboam ineunte. Hic verò regnavit annis 22. sed ultimo duntaxat inchoato.

Abia igitur tribus annis completis regnavit, usque ad finem anni 20. Jeroboami. Sub cuius anni finem, Abiæ successit Asa, qui 41. annis completis, regnum Judæ tenuit. Hujus anno secundo, Nabad in regno Israël'tico, Jeroboamo parti successit, regnumque non nisi ad secundum annum perduxit. Huic successit Baza, qui regnum 24. annis tenuit.

Rr ij.

nimirum ad 26. regni Aſa ; quo anno ſucceſſit ei Ela , qui duobus tantum annis regnavit : ſiquidem interfecit eum Zamri anno 27. Aſæ. Zamri autem non regnavit niſi ſeptem diebus , quia populus , regnum contulit Amri ; à quo Zamri obſeſſus , ſeipſum in domo regiæ combuſſit. Tunc autem ſchiſma factum eſt in regno Iſraëlitico , aliis , Tebni Regem conſtituentibus , aliis , qui poſtea prævaluerunt , Amri ſequentibus. Hoc autem ſchiſma quatuor annis duravit. Quintò autem id eſt 31. Aſæ , Amri ſolus regnare cœpit , & uſque ad 38. Aſæ inchoatum regnavit. Hocque modo intelligi debet , quod 3. Reg. 16. dicatur Amri regnare cœpiſſe anno 31. Aſæ , eique 12. anni regni aſſignentur , cum tamen ibidem Achab filius Amri dicatur patri ſucceſſiſſe anno 38. Aſæ. Si enim dicamus eum regnaſſe cum Tebni à 27. anno Aſæ , inveniemus quomodo 12. annis regnare potuerit , & tamen anno 31. ejuſdem Aſæ ſolus regnare cœperit.

Anno itaque 38. Aſæ , Achab mortuo patre regnare cœpit ſuper Iſraël , regnumque perduxit uſque ad annum 22^{um}. Huius anno 4. deſinente Joſaphat patri Aſæ ſucceſſit in regno Judæ , & 25. annis completis regnavit. Huius anno 17. Achab filium Ochoziam in ſocietatem regni admiiſit , ac ſimiliter Joſaphat , eodem anno filium ſuum Joram , vicarium regni fecit. Sicque intelligendum eſt , quod 4. Reg. 3. dicitur Ochoziam Regem Iſraël , qui patri Achab , interfecto in Ramoth Galaad , ſucceſſit anno Joſaphat 18. regnare cœpiſſe anno ſecundo Joram Regis Juda. Similiter etiam quomodo Ochozias , qui ad ſummum , octo menſibus , poſt mortem Achab regnavit , dicatur tenuiſſe regnum annis duobus. Ochoziâ itaque deſuncto , Joram filius ejus regnare cœpit ſuper Iſraël , anno 18. Joſaphat Regis Juda , ut habetur 4. Reg. 3. & regnavit 12. annis.

Joſaphat verò anno 23. regni ſui , Joram filium ſuum , quem antea vicarium regni jam conſtituerat , in conſortium regni adſcivit. Hincque intelligi datur , quomodo Joram Rex Juda , qui anno 12. Joram Regis Iſraël mortuus eſt , ut habetur 3. Reg. 8. nihilominus octo annis regnaverit , ut ibidem dicitur.

Porro Joram Rex Juda morbo insanabili laborans , ultimo regni anno , filium Regem fecerat. Hincque intelligitur , quod 4. Reg. 9. dicitur eum regnare cœpisse anno 11°. Joram Regis Israël , cum tamen 4. Reg. 8. dicatur , successisse patri anno 12. Joram , & uno anno regnasse.

Itaque anno 12°. Joram Regis Israël desinente , & primo Ochoziæ Regis Juda , Jehu utrumque interfecit , & 28. annis regnavit super Israël. Interim in regno Judæ , Athalia , omnibus filiis Ochoziæ interfectis , uno excepto , quem Josabeth soror Ochoziæ , & uxor Joiadæ Pontificis furtim de cæde eripuit , ac in templo clam enutrivit , regnavit 6. annis : 7°. autem anno Joiadas interfectâ Athaliâ , Joas septenni regnum restituit. Hic autem annis 40. regnavit in Jerusalem , ut habetur 4. Reg. 12.

Anno 23°. Joas Regis Juda , Joachaz patri Jehu successit , & 17. annis regnavit super Israël , ut habetur 4. Reg. 13. Anno autem 37. Joas Regis Juda , Joas filius Joachaz , in consortium regni , à patre assumptus est , duobus vel tribus annis , antequàm Joachas moreretur , 16. autem annis regnavit. Sic autem rem se habuisse constat ex 4. Reg. 13. ubi dicitur Joas Rex Israël cœpisse regnare 37°. anno Joas Regis Judæ.

Anno secundo Joas Regis Israël , mortuo Joas Rege Juda , Amasias filius ejus regnare cœpit in Jerusalem , & 29. annis regnavit , ut habetur 4. Reg. 14. Hujus Regis anno quarto , Joachas regni sui quinto , filium suum Jeroboam secundum , in regni consortium assumpsisse videtur : alioqui explicari non posset , quod 4. Reg. 15. dicitur Oziam seu Azariam regnare cœpisse anno Jeroboam vigesimo septimo , nisi fortè , errore librariorum , 27. obreplerint , pro 17. Hic porro , mortuo patre Joas , cœpit solus regnare , anno 15. Amasie Regis Juda , & quadraginta & uno anno regnavit , ut habetur 4. Reg. 14. Anno igitur 27°. Jeroboam Regis Israël , ab eo scilicet tempore , quo in consortium regni adscitus est ; à quo verò solus regnare cœpit 17°. Ozias filius Amasie , regnare cœpit in Jerusalem , & annis 52. regnavit in Juda ; ut habetur 4. Reg. 15. Cæterùm mortuo

Jeroboam Rege Israël, regnum in Anarchiam decidit, quæ duravit annis undecim; siquidem mortuus est Jeroboam anno Ozîæ 26. ut ex summâ annorum regni ejus colligitur; & Zacharias filius ejus qui sex mensibus regnavit, successisse dicitur anno 38°. Ozîæ Regis Juda 4. Reg. 15.

Notandum verò hic obiter contrâ Rabbinos & Procop. Gaz. lib. 7. in Esa. Oziam sub finem vitæ, leprâ percussum fuisse, non verò circâ annum 25. ut volunt. Cum enim Scriptura doceat per id tempus, quo Rex ægrotavit Joathan filium ejus regnum administrasse, id non potuit contingere circâ annum 25: eo enim tempore Joathan necdum natus erat; siquidem ex 4. Reg. 15. constat, cum nonnisi 25. annis natum fuisse, cum mortuo patre regnare cœpit.

Anno 25. regni Ozîæ, circâ æstatem numeratur prima Olympias vulgaris, quâ Chorebus victor extitit. Ex quo verò Iphitus ludos Olympicos restituit, vigesima octava numeratur.

Anno 28. Ozîæ, Zacharias, post regnum semestrem, interfectus est corâ populo, à Sellum filio Jabes, qui & ipse post mensem, à Memaneche filio Gadi, Samariæ interfectus est, ut habetur 4. Reg. 15. Hic autem, cum uno anno anceps fuisset, obtinuit regnum à Phul Rege Assiriorum, quem Deus suscitaverat ad invadendam terram Israël. Quo obtento, regnare cœpit sub finem anni 39. Ozîæ, & decem annis regnavit, ut habetur 4. Reg. 15. Anno 50. Ozîæ Regis Judæ, regnavit Phaceia filius Manahem, & duobus annis regnavit, quibus transactis, Phaceia filius Romeliæ, eo interfecto in palatio regio, regnavit pro eo 20. annis à 52. Ozîæ. Anno secundo Phaceiæ filii Romeliæ Regis Israël. Joathan patri Ozîæ successit, & 16. annis regnavit. Hujus Regis anno quarto, vel ut alii volunt undecimo, Romæ condita est 12. Kal. Maii.

Anno 17. Phaceæ desinente, mortuo Joatham, Achaz filius ejus regnare cœpit, & 16. annis regnavit in Jerusalem, ut habetur 4. Reg. 16. Phaceæ, cum Achaz implorasset Theglathphalasar, Regis Assyriorum auxilium, hic magnam partem Israëlitarum, maximèque eos, qui habitab-

bant Damasci, transtulit in Assyrios, ut dicitur 4. Reg. 16. Eodem anno, vel sub initium sequentis, idem Phaceæ interfectus est, ab Oseâ filio Elæ, qui post istud facinus, statim regnum invasit anno 20. Joatan filii Ozîæ, ut ibidem dicitur, id est anno 4°. Achaz. Sed propter turbas & seditiones, quæ supervenerunt in Israël, regno non est potius, nisi post novem annos. Undè 4. Reg. 17. dicitur, quòd Osee regnare cœpit super Israël anno duodecimo regni Ahas Regis Judæ, cujus regnum novem annorum fuit. Hunc, statim ab initio regni, Salmanasar Rex Assyriorum, sibi tributarium effecit. Sed cùm circà annum sextum regni ejus, comperisset quod rebellare moliretur, ascendit contrà eum, & captâ Samariâ post triennem obsidionem, totum Israël transtulit in Assyrios, sub finem anni sexti Ezechîæ Regis Judæ, & Oseæ noni. Hicque finis fuit regni Israëliti; postquàm 254. annis stetisset, à regno Judæ junctum.

Anno 16. Achaz Regis Judæ, Ezechias in regni confortium à patre adscitus est; siquidem Scriptura 4. Reg. 18. testatur, eum regnare cœpisse anno tertio regni Oseæ; & 29. annis regnavit in Jerusalem. Huic mortuo successit Manasses anno ætatis suæ 12°. & 55. annis regnavit in Jerusalem. Eum ob suas impietates, in manus Regis Babilonis traditum esse, & captivum in Babilonem ductum, Scriptura memorat 2. Paral. 33. Similiter eum hâc calamitate conversum esse ad sinceram pœnitentiâ, quam reliquo vitæ tempore non retractavit, ob quam etiam in regnum restitutus est. Hoc autem contigisse volunt Judæi, in Sederolam, anno regni sui vigesimo secundo. Quod si verum est, dicendum erit resipiscentiâ ejus fuisse triginta trium annorum. Post mortem Manassis Ammon filius ejus regnum suscepit, sed cum esset valdè impius, post duos annos à servis suis occisus est, èique successit Josias filius ejus, Rex piissimus, ac zelo Dei flagrantissimus, qui cùm octo annorum esset regnare cœpit, & triginta duobus annis regnavit in Jerusalem.

Vulnerato Josiâ in Mageddo, ab exercitu Neaonis Regis

Ægypti, & Jerofolymis mortuo, populus filium ejus minorem, Joachaz nomine, Regem constituit. Sed hic tribus tantum mensibus regnavit. Nam Necao reversus ab Assyriis, Eliacim seniore ejus fratrem, Regem constituit, eumque Joachim appellari voluit. Joachaz verò captivum duxit in Ægyptum. Porro Joachim undecim annis regnavit, ac primis quidem regni sui annis servivit Regi Babylonis. Sed cum post triennium servitutis rebellasset, misit Rex Babylonis latrunculos, qui universam Judæam vastarunt; undecim verò regni annis expletis captus est ab exercitu Chaldæorum, eoque mortuo projectum est ejus cadaver insepultum, juxta quod à Jeremiâ Prophetâ prædictum fuerat, Jerem. 22°. Joachim autem filius ejus, postquam tribus mensibus regnavit, translatus est, cum matre, uxore & Eunuchis Babylonem. Hic autem Joachim dictus est Jeconias. Sufficit autem Rex Babylonis, in ejus locum, Mathaniam, cui nomen Sedeciz imposuit. Hic autem undecim annis regnavit. Cum autem rebellasset adversus Regem Babylonis, hic cum ingenti exercitu obsedit eum in Jerusalem, & urbe post biennium captâ, Sedeciz oculos eruit, templum incendit, & omnes Judæos, plebeiis exceptis, transtulit Babylonem. His expositis superest ut nonnullas difficultates in hac ætate occurrentes, quæ chronologos hucusque valdè torserunt, breviter perstringamus.

Prima petitur ex 2. Paral. ib. ubi dicitur quòd anno Asæ Regis Judæ trigésimo sexto, Basa ædificavit Ramam; cum tamen 3. Reg. 15°. dicatur Basa regnare cœpisse anno tertio Asæ, & viginti quatuor annis regnasse. Et cap. 16°. dicatur Ela successisse Basæ, anno vigésimo sexto Asæ. Qui ergo post viginti quatuor annos regni mortuus est, vigésimo sexto anno Asæ, quomodo ejusdem Asæ trigésimo sexto potuit ædificare Rama? Quidam, ut Cajetanus & Canus, nodum secantes, dicunt numerum libri secundi Paralipomenon esse corruptum. Sed alii, hanc solutionem improbant, dicunt in 2°. Paral. Regnum Asæ pro regno Judæ sumendum esse, à tempore nimirum divisionis sub Roboam. Probant autem suam sententiam ex alio loco ejusdem

eiusdem libri ; nimirum ubi dicitur Aſa reversus à bello Æthiopico anno regni sui decimo quinto ; cum tamen in eodem capite dicatur quòd bellum non fuerat usque ad annum trigésimum quintum regni Aſæ. Si enim annis Aſæ quindecim, addantur septem-decim Roboami, & tres Abiæ, exurgent anni triginta quinque, regni Judaici ab Israëliti-
co scjuncti.

Secunda difficultas petitur ex 2. Paral. 22. ubi Ochozias dicitur fuisse quadraginta duorum annorum, cum regnare cœpisset, & tamen ex 2. Paral. 21. constat Joram patrem Ochoziæ non vixisse plusquam quadraginta annis, dicitur enim, quòd triginta duorum annorum erat, cum regnare cœpisset, & octo annis regnarit. Sed hæc difficultas evanescet, si dicamus pro quadraginta duobus annis, viginti duos esse reponendos, prout habetur 4. Reg. 8°. nec non etiã 2. Paral. 21. in versione Syriacâ ; cui etiam ferè consentit Sixtina editio Græca, quæ tamen viginti pro viginti duobus numerat.

Tertia difficultas ex eo petitur quòd 4. Reg. 15°. dicitur quòd Ozias seu Azarias Rex Juda regnare cœperit anno Jeroboami secundi vigésimo septimo, cum tamen secundum priorum Regum chronologiam, regnum ejus cœperit anno ejusdem Jeroboami decimo sexto. Ad quod dicendum est (nisi solutio superiùs allata magis placeat,) Oziam quidem successisse paterno regno anno decimo sexto Jeroboami : sed cum tunc temporis quatuor tantum annorum esset, regnum administratum fuisse à tutoribus usque ad vigésimum septimum annum Jeroboami, quo Azarias, sexdecim annorum factus, per seipsum regnare cœpit.

Quarta difficultas petitur ex Jeremiæ 52. ubi tres Judæorum deportationes à Nabuchodonosor factas, sic recenset : *Iste est populus quem deportavit Nabuchodonosor anno septimo. Iudeos 3023. Anno decimo octavo Nabuchodonosoris deportavit de Ierusalem animas, 832. Anno vigésimo tertio Nabuchodonosoris, deportavit Nabuzardan præfectus militia de Iudeis animas 745. omnes animæ sunt 4600.* Hæ autem deportationes & tempus earum, nec non & numerus, valde

ejus, juxta prophetiam Jeremiæ; decem & octo verò annis natum, solum regnare coepisse. Alii denique cum tunc octo annorum fuisse, nimirum à jugo Regis Babylonis suscepto. Sunt qui contendunt eum reverà fuisse tantum octo annorum: sed ista sententia stare non potest, cum iis quæ de ipso Scriptura refert, nimirum quòd fecerit malum in conspectu Domini, & quòd uxores habuerit. His difficultatibus superatis, reliquum est ad hujus dissertationis absolutionem, ut cujuslibet Regis annos hîc in tabulâ exhibeamus.

Schema Chronologicum quinta mundi ætatis.

Regnavit usque ad annum mundi.	Reges Juda	Regnavit annis	Regnavit annis	Reges Israël	Regnavit usque ad annum ær. vulg. R. Jud.	Regnavit usque ad annum ær. vulg. Reg. If.
3030	Salomon ab inceptâ templi ædificatione an.	37			975	
3046	Roboam	17	22	Jeroboam ab anno 1. Roboami.	938	954
3049	Abia	3			955	
3090	Afa	41	2	Nadab ab anno 2. Afa	914	953
			24	Basa ab anno 3. Afa		930
			2	Ela ab anno 26. Afa		929
				Zamri ab anno 27. Afa diebus 7.		
			5	Amri ab anno 27. Afa vivente Tebni qui parti populi præerat		925

Regnavit
usque ad
annum
mundi

Regnavit in totū
Reg. Ju. Reg. If.

Regnavit usque
ad annū ante æ-
ram vulgarem
Reg. Jud. Re. If.

			6	Zamri mor- tuo Tebni ab anno 31. Afx.		918
			22	Achab ab an- no 38. Afx		897
3114	Josaphat	25	2	Ochosias ab anno 17. Josaph. partim cum patre partim solus.	882	896
3119	Joram ab anno 23. Jo- saphat cui so- cius in regno fuit	8	12	Joram ab an- no 19. Josaphat	885	885
3120	Ochosias ab anno 7. pa- tris cui so- cius fuit.	2			884	
3126	Athalia fi- lia Achab u- xor Ochosiæ.	7	28	Jehu ab anno 1. Athaliæ	878	857
3165	Joas	40	17	Joachaz ab an- no 23. Joas R. J.	339	840
			16	Joas ab anno 37. Joas R. J. vivente Patre Joachaz cum eo regnare cœ- pit & in totum regnavit an.		826

3194	Amasias	29	41	Jeroboam II.	810	784
3245	Ozias sive Azarias ab æstate anni	52		ab anno 15. A- masiæ R. J. vide tur tamē jã an- te annos decem	759	
	35. hujus re- gis, mūdi ve- rò 3228. nu- meratur pri- ma Olim- pias quā Chorebus victorexitit, terminatur- que tempus quod à Var- rone <i>μυθικόν</i> seu fabulosū dicitur.		II	in regni confor- tium à patre as- sumptus. Hic numera- tur Anarchia undecim anno- rum ab anno videlicet 26. O- ziæ ad ejusdem an. 38. Zacharias an- no 38. Oziæ sex tantum mensi- bus regnavit. Sellum anno 39. Oziæ unico mense regnavit. Manahem ab anno 39. Oziæ. Phacee filius Manahē ab an. 50. Oziæ		773
			10			762
			2			760

Regnavit usque ad annum mundi		Regnavit in totū Reg. Ju. Reg. If.		Phacee filius Romelir ab an- no 52. Ozir. Hofea regna- re cœperat an- no quarto A- chaz seu vigesi- mo ex quo Joa- than regnare cœperat ut ha- hetur. 4. Reg. 15. Sed seditioni- bus & turbis re- gnum per annos novem ad quan- dam Anarchiā redactū est, quī- bus expletis re- gnavit ab anno 12. Achaz annis novem quousq; Samarīā post triennem obsi- dionem à Sal- manasar Affirio- rum Rege expu- gnatā Israëlītæ translati sunt in Assyriā regnum- que Israël finem accepit postquā 254. annis steti- set à Juda se- junctum.	Regnavit usque ad annū ante æ- ram vulgarem Reg. Jud. Re. If.
		20			
3262	Joathan	16	9	742	740
3277	Achaz	16		727	
3306	Ezechias anno ulti- mo Achaz in Regni confortiū assumptus	29	9	698	721

3361	Manasses	55		643
3363	Amon	2		641
3394	Jofias	31		610
	Joachaz tri- bus tantum mensibus re- gnavit			
3405	Joachim	11		599
	Jechonias tribus tan- tum mensi- bus regna- vit & decē diebus.			
3416	Sedecias	11		588
	Hujus Re- gis anno un- decimo ex- pleto captā à Chaldeis Jerosolimā direptāque civitate ac templo ejus incenso , Rex Sede-			

cias vinctus catenis effossis oculis asportatus est Ba-
bilonem ac cum eo omnis Juda, exceptis paucis
è populo. Porro captivitas ista Judæorum contigit
anno 425. ab ædificato templo, ab initio Regni Da-
vidis 468. à decem tribuum distractione 388. ab
Israhelici Regni excidio 134. verum anni 78. capti-
vitatibus initium ducunt à primā populi abductione
sub Joachim circa an. mundi 3398.

Summa quintæ mundi ætatis

424. an. 3. mens. 8. die.

DISSERTATIO TRIGESIMA QUINTA
 DE SEXTA MUNDI
*Ætate , à combustionē primi Templi
 ad Christum.*

CIRCA hanc ultimam veteris populi ætatem, nulla est ferè inter Chronologos difficultas. Quamvis enim, necdum inter se ita conveniant omnes Interpretes, ut nulla supersit omnino diversitas; cum tamen in summâ annorum vix paucis annis, alii alios superent; tam leve spatium non exigit, ut singulorum calculum ad examen revocemus, & annos cum annis conferamus. Quamobrem hic, quemadmodum ferè in superioribus ætatibus, solius Usserii chronologiæ adharebimus. Porro cùm historiæ sacræ series in septuaginta captivitatis Babilonicæ annis finiatur: hanc ætatem magis ex historiis prophanis, quàm ex Scripturis Sacris eruemus.

Itaque urbs Jerosolima capta est anno undecimo Sedecia completo, Nabuchodonosoris verò decimo nono, ut habetur 4. Reg. 25. & Jerem. 32. Hic verò post excidium templi vixit adhuc 25. annis, in totum enim regnavit solus 43. ut videre est apud Eusebium lib. 9. præpar. Evang. capite ultimo: cum patre verò 20. mensibus, ut ex eo constat, quòd juxta Scripturam regnare cœpit sub finem anni tertii Joachim Regis Juda, siquidem expeditionem adversus Joachim anno 4. regni ejus suscepit, ut diximus supra.

Mortuo Nabuchodonosor, successit ei filius ejus Evilmerodach, qui paulò plus duobus annis regnavit, ut docet Berosus à Josepho citatus lib. 1. contra App. Hunc excepit Neriglissar, qui quatuor annis regnavit juxta eundem Berosum. Neriglissari successit filius ejus Laborsorarchod, qui

novem

Novem tantum mensibus regnavit, ex eodem. Quo ob morum improbitatem ab amicis interfecto, in ejus locum successus est Nabonides, quem Scriptura Baltasarum appellat, qui Nabuchodonosoris nepos, & Evilmerodachi filius erat, regnumque tenuit 17. annis teste Beroso lib. 3. hist. Chaldaeorum.

Anno 17. Baltasaris, Cyrus, qui jamdiu Babilonem obsidione cingebat, cum ingentibus Medorum, Persarumque copiis, eam tandem debellavit, cum die festo agerentur convivium per totam urbem; cujus urbis tanta erat magnitudo, ut cum capti jam essent, qui extremas ejus partes incolebant, ii, qui mediam habitabant urbem, id non adverterent: ut narrat Herodotus lib. 2. cap. 191. Baltasaro igitur eadem nocte interfecto, quâ, in prophano convivio, vasa templi Jerosolimitani prophanarat, Cyaxares seu Darius Medus, Chaldaeorum imperium à Cyro patre accepit, illudque duobus annis tenuit; donec eo mortuo, Cyrus ejus gener, in ejus & patris Cambyasis regnum succedens, Medorum Persarumque imperium conjunxit, eoque septem annis potitus est. Hic anno primo regni sui, Judæis jam 70. annis, nimirum ab anno quarto Joachim, Babylonem translatis, revertendi in natale solum potestatem concessit; simul etiam templum reedificandi, ad cujus ministerium, omnia vasa, quæ à Nabuchodonosore deportata fuerant restituit, ex 2. Paral. 36. & Esdræ 1. 5. & 6.

Cyro defuncto, Cambyses, filius ejus nati major, imperavit annis septem, & mensibus quinque; ex Herodoto lib. 3. cap. 62. & Jos. lib. 11. antiq. cap. 3. quo mortuo magus, qui se Smerdim Cyri filium esse simulabat, septem mensibus imperavit, ex Herodoto ibidem. Quibus expletis fraude cognita interfectus est à Persis, imperiumque Dario Histaspis, pacto inito, quasi sortè contigit. Cum enim regni Primates consensissent ac statuissent eum Regem constituendum, cujus equus sub solis ortum primus hinnitum edidisset, hoc auspiciu Dario, arte ejus Equisonis obtigit, sicque imperio potitus est. Ex Herodoto lib. 3. cap. 80.

Cum Darius 36. annis imperium tenuisset, declarato

Xerce Rege cum in Græciam ire pararet, supremum diem obiit. Ex Herodoto lib. 7. cap. 4.

Xerces itaque in historiâ Græcâ tam celebris 13. annis Persarum imperio potitus est, quibus expletis, cum ab Artabano, satellitum regionum Principe, noctu in lectulo jugulatus esset, successit ei Artaxerces filius ejus minor, qui dictus est Longimanus, quod manum dexteram haberet alterâ longiorem. Ex Ctesîâ, Diodoro, & Justino lib. 3. cap. 1. Hic 49. annis imperium tenuit. Diodorus ad annum 4. Olymp. 88. ac vigesimo imperii sui anno, Nehemiæ pro patriâ suâ supplicanti unâ & præfecturam Judææ, & urbis Jerosolymorum reedificandæ potestatem concessit. 2. Efd. 2. Hincque hebdomadarum Danielis sumitur exordium. Dan. 9.

Artaxerces defuncto successit ei filius ejus Xerces; sed ad unum duntaxat annum. Diod. loco citato. Cum enim in quodam festo ebrius esset, & in regiâ suâ dormiret, frater ejus Secundianus & Pharnacias eunuchus ingressi, eum interfecerunt. Ex Ctesîâ. Itaque imperare cœpit Secundianus, vel ut aliis placet, Sogdianus; sed regno non amplius quàm septem mensibus potitus est. Cum enim fratrem suum Ochum, quem Artaxerces Hircanis præfecerat, sæpiùs accerferet, hic magno exercitu se munivit; cumque Rex declaratus esset, Secundianum fratrem suum dolo tentum, & in cinerem conjectum, interfecit: sicque, Darii nomine accepto, regnare cœpit, sub finem anni primi Olymp. 89. ex Tucyd. lib. 8. & Diod. lib. 12. Cum autem 19. annis imperasset, mortem obiit successorem relinquens filium suum Artaxerces qui 43. annis regnavit, ex Diod. Sic. ad annum 4. Olymp. 93. Porro hic Artaxerces, qui, referente Ctesîâ ejus medico, Arsaces antea vocabatur, ex felicitate memoriæ Mnemonis cognomen obtinuit.

Post Artaxerces regnavit Ochus filius ejus 23. annis, qui & ipse Artaxerces appellari voluit. Hic cum pater ejus moerore, quem ex morte filii Arsamis, Ocho jubente interfecti, conceperat, extinctus esset, Ochus mortem ejus decem mensibus dissimulavit, donec ab omnibus provinciis, patre ejus edicante, Rex agnosceretur: cum autem

crudelissimus in regno suo fuisset, pluresque regni Proceres immaniter trucidasset, cum ægotantem Bogoas Eunuchus, militum Tribunus, Medici operâ usus, veneno sustulit. Diod. ad annum tertium Olymp. 104. & ad annum secundum Olymp. 111. Ocho autem interfecto Bogoas, Arsen filium ejus natu minimum, omnibus fratribus ejus interfectis, Regem constituit. Diod. ibidem. Sed cum idem Bogoas tertio imperii Arses anno, deprehenderet Regem, scelorum pœnas ab eo velle repetere, ipsum cum omnibus liberis interfecit. Cùmque nullus ex stripe regiâ jam superesset, qui regnare posset, idem Bogoas Darium Arsanis filium, amicum suum, Regem constituit. Ex Diod. lib. 7. ad annum secundum Olymp. 111. & Alexandro apud Curtium lib. 6. cap. 4. Sed cum hunc quoque Darium interficere idem Bogoas cogitaret, re Dario compertâ, ipsum veneno necavit, ut ibidem refert Diodorus. Itaque Darius, occiso proditore, imperium sex annis tenuit: cùmque ab Alexandro magno pluries victus esset, cumque fugeret, tandem à suis primùm vinctus, & catenis aureis oneratus, postmodum, Alexandro eos propiùs urgente, & Dario fugam, quam illi suadebant, detrectante, ab iis occisus est: sicque finitum est Persarum imperium 200. annis, postquàm à Cyro conditum fuerat. Just. lib. undecimo cap. 15. & Plutarch. in Alexandro.

Alexander post mortem Darii imperavit annis circiter septem, ut docet antiquus Chronographus, qui sub Severo scripsit. Apud Henric. Canisum tom. 2. antiquarum lectionum pag. 600: in totum verò annis duodecim. Ex 1. Mach. 8. Eratosthene, apud Clem. Alex. lib. 1. Strom. Tertull. contrâ Judæos, Joseph lib. 12. antiq. cap 2. Orof. l. 3. cap. 23. &c. Quibus completis, cum in convivio apud Medicum, quemdam Macedonem, cum poculo duos congios continente, provocasset, ab hoc vicissim cum eodem poculo provocatus, abundantiam vini ferre non valens; poculo ex manibus demisso, statim in pulvinar decubuit, indeque morbo correptus interiit. Ex Diodoro, Plutarcho, Senecâ Epist. 83. Athenæo lib. 11. & Macrobi. lib. 5. Saturn. cap. 21.

¶ Alexandro mortuo post sedatum dissidium, quod inter pedites & equites ortum erat, tandem Aridæo Philippi Macedonis ex scorto filio, rerum summa delata est. ex Just. lib. 13. cap. 2. Sed cùm hic mentis satis compos non esset, Perdicæ Orontis filius, cui Alexander moriens annulum suum tradiderat, regni gubernator & procurator designatus est. Refert autem Diodorus Sic. lib. 2. ad annum quartum Olymp. 118. Alexandrum testamentum de toto regno à se confectum in Rhodiorum civitate deposuisse; eoque testamento omnem nationem in successoris unius jura translata. Amm. Marc. lib. 23. innuit. Docet verò Q. Curtius lib. 10. cap. 13. credidisse quosdam, testamento Alexandri distributas esse provincias; sed famam, inquit, hujus rei, quamquam ab authoribus tradita est, vanam fuisse comperimus. Hanc tamen sententiam author 1. Mac. sequutus esse videtur. Quid sit de isto testamento, referunt plerique authores, istam Provinciarum dispositionem à Perdiccâ fuisse factam. Ita Diodorus lib. 18. Justinus lib. 13. c. 4. Curtius lib. 10. cap. 13. Arrianus apud Photium cod. 92. &c. Cæterum plerique isti provinciarum præfeti, paulò post in Reges evaserunt, & regiam quidem auctoritatem ab initio habuerunt: sed regium nomen non assumpserunt, nisi postquam omnes filii Alexandri mortui sunt, ne quemquam justum principis sui heredem, fraudare viderentur. Ita Just. lib. 15. cap. 2.

Undecim circiter annis post mortem Alexandri nimirum anno 2°. Olymp. 117. ut refert Diodorus Siculus, Seleucus, valido potitus exercitu, cum Mediam Susianam, & alia loca vicina, ditioni suæ subjugasset, regium nomen assumpsit. Undè ab hoc anno, æram Seleucidarum orditur Eusebius, eamque in suo calculo sequitur author libri Machabæorum. Cum autem Seleucus, qui ob victorias, quas de hostibus retulit, Nicatoris nomen adeptus est, annis 32. regnasset, propè locum *Argos* dictum, circa Lydimachiam à Ptolomæo Cerauno, Ptolomæi Soteris filio, à tergo aggreffus & confossus est anno Seleucidarum 32. & ab exitu Alexandri 43. ut docent Justinus lib. 17. cap. 2°. Appianus Syriac. pag. 128. & 129. Seleuco-Nicatori, successit Antiochus

Soter, qui regnum Syriæ, annis 19. obtinuit. Ex Porphir. & Sever. Sulp. Dicitur est autem Soter eò quòd Græciam, ab irruptione Gallorum in Asiam, servasset. Huic mortuo successit Antiochus ejus filius, quem Milesii ob sublatum eorū tyrannum primi, ^{βίος} cognominaverunt. Huic, Berosum Chaldaicæ historiæ libros dicasse, asserit Tatianus, & Orat. adversus Gentes. Postquàm autem regnavit annis 15. à Laodice uxore veneno interfectus est, eique successit filius ejus Seleucus, qui à victoriis Callinici, à Barbâ verò Pogonis nomen accepit, regnavitque annis 20. Euseb. in chron. Polyb. lib. 2. p. 155. postea verò equo præcipitatus interiit, duobus filiis Seleuco & Antiocho relictis. Seleucus, qui Ceraunus dictus est, post tres regni annos veneno in Phrygiâ periit. Polyb. ibidem. Just. lib. 29. cap. 1. Jeron. in Dan. 11. Antiochus verò, post Cerauni mortem, ab exercitu qui erat in Syriâ, de Babylone evocatus est ad regnum, cum adhuc esset admodum juvenis. Polyb. lib. 4. p. 271. Just. ibidem. Vixit autem in regno annis 36. & magni cognomen adeptus est. Euseb. & Porphir.

Antiocho propè Elimaidem interfecto, eò quòd templum Jovis infinitis repletum divitiis spoliasset, successit ei Seleucus, cognomento Philopater, quem Josephus lib. 12. antiq. cap. 3. Soterem appellat; regnavitque annis duodecim. Ad hunc autem Seleucum, spectare videtur quod habetur 2. Macab. 3. Eo verò, insidiis Heliodori sublato, successit Antiochus ejus frater: qui postea dictus est illuftris; regnavitque annis undecim. Anno verò 3. regni sui Jerosolimam aggressus est, eaque captâ, 40. quidem Judæorum millia intrâ triduum peremit, totidem verò captivos vendidit, insuper & templo profanato, vasa ejus omnia diripuit; deincepsque reliquo regni tempore, Judæos mirum in modum afflixit. Ex 2. Macab. 5. & Jos. lib. 1. de bello cap. 1. necnon lib. 6. Sed cum gravioribus pœnis eos afficere, penitusque abolere decerneret, immedicabili viscerum dolore correptus, impietatem suam seriùs agnovit, proceribusque regni sui jussit, ut Judæis suo nomine satisfacerent, omnibusque restitutis, à quibus eos spoliaverat,

omni beneficiorum genere afficerent ; nec tamen simulata ejus pœnitentia impedire potuit , quominus tunc moreretur. 2. Mac. 9. & 1. Mac. 6. Anno 149. regni Græcorum Antiocho mortuo successit ei Antiochus filius ejus , qui dictus est Eupator , regnavitque annis duobus , ex Jos. lib. 12. cap. 16. & Euseb. in chron. cumque à Demetrio Seleuci filio esset occisus , hic in ejus locum successus est , regnavitque annis 12. ut referunt Polyb. lib. 3. p. 161. Porphir. Euseb. Sever. Sulp. &c.

Post Demetrium Alexander regnum Syriæ suscepit ; illud annis circiter 5. id est quatuor & septem mensibus tenuit. Quo mortuo successit ei Demetrius , Demetrii Soteris filius , anno regni Græcorum 167. ex 1. Mac. 11. sed 2°. regni anno , expulsus est à Triphone , qui Antiocho puero , Alexandri Balæ filio , regnum Syriæ restituit. Sed necdum Antiochus Theos duobus annis regnum tenuerat ; cum Triphon , medicorum operâ usus , 2°. anno regni eum peremit , regnumque Syriæ invasit , 1. Macab. 13. Liv. lib. 55. Just. lib. 36. cap. 1°. Sed post quatuor regni annos , regno & vitâ privatus est ab Antiocho Sidete , Demetrii fratre , qui devicto Tryphone , novem annis regno potitus est , ab an. 174. regni Græcorum & deinceps , 1. Macab. 16. Porphir. & Euseb. donec post annos novem in prælio à Parthis occisus est. Just. lib. 38. cap. 10. & 39 cap. 1. Josephus lib. 13. cap. 16. Euseb. in chron. &c.

Post mortem Antiochi , Demetrius iterum regno potitus est quatuor annis , quibus expletis , Syri regni ejus petiti , a Ptolomæo Phiscone postularunt , ut Regem ex Seleuci genere eis daret : ad quos Phischo Ægyptium quemdam captivum misit , quem illi susceperunt , à quo Demetrius profugus , paulopost Tyri , non invitâ ejus uxore Cleopatrá , occisus est , Just. lib. 39. cap. 1°. Livius lib. 60. &c.

Itaque Alexander Zebinas , (sic enim appellabatur hic Ægyptius) regnum 4. annis tenuit , donec Cleopatra an. 2. Olymp. 164. Seleuco filio , qui post Demetrium , successivè regnum inierat , interfecto , Antiochum Gryphum in ejus locum

sufficit. Ex Porphir. in Gry. Euseb. Scal. p. 227. Ab hoc enim Zebinas captus & interfectus est. Just. lib. 29. cap. 2. Gryphus verò cum annis octo quietè regnasset, ab Antiocho Ciziceno, fratre ejus uterino, Antiochi Sidetæ filio victus, & regno pulsus est. An. 1. Olymp. 167. Porphyr. ibidem. Anno tamen sequenti, Gryphus Syriam recuperavit, fratre ejus Coclesyriam occupante. Idem ibidem. Porro post 18. annos, Seleucus Gryphi filius, multis coactis copiis, patruo Ciziceno bellum intulit, eum devicit, & interfecit; aut certè ipse Cyzicenus se victum conspiciens, peremit. Ex Porphir. ibidem. & Josepho lib. 13. cap. 21. Post cujus mortem, Seleucus regno potitus est; sed anno sequenti ipse Seleucus, ab Antiocho Eusebe seu Pio, Ceziceni filio, prælio victus est, & è totâ Syriâ pulsus, ex Joseph. ibidem, Appian. in Syriac. p. 133. Profugus autem Seleucus apud Mopsuestiam, cum tributa ab iis exigeret, à Mopsuestianis, simul cum regiâ concrematus est. Josephus ibidem. Antiochus verò Eusebes ab anno 1°. Olymp. 171. regnare cœpit, cumque duobus annis regnum tenuisset, occisus à Parthis, vel potiùs ad Parthos confugiens, regnum duobus Gryphi filiis, Philippo & Demetrio Eucaro, reliquit. Ex Joseph. ibidem. Postea verò redux Antiochus Pius, varia bella cum Philippo & fratribus ejus per octo annos gessit, donec tot motuum & bellorum pertæsi Syri, seipsos Tygrani Armeniæ Regi subjecerunt. Just. lib. 40. cap. 1°. Tygranes igitur, regno Syriæ suscepto, per annos 18. eo potitus est, donec devictus est à Pompeio, qui Syriam Romanis subjecit. Secundo verò post devictum Tygranem anno, idem Pompeius, Antiochum Asiaticum, Antiochi Pii filium, qui regnum paternum quadriennio ante, Luculli beneficio receperat, eodem regno, & paternâ hereditate privavit. Just. lib. 4°. cap. 2°. & Appian. in Syriacis.

Post biennium, Pompeius obsessâ Jerosolimâ, eam debellavit, eâque occupatâ, duodecim Judæorum millia peregit. Hoc autem contrigit Antonio & M. Tullio Cicero-
ne Cons. an. 1°. Olymp. 179. Josephus lib. 14. cap. 8. &

Euseb. demonstr. lib. 8. cap. 2. Illud verò memoriâ dignum est, quòd vigesimo octavo mensis Casseu, qui 20. nostri Decembris respondet, templum à Babyloniis captum, eodem die à Pompeio post 543. annos captū sit, ac denique, eodē etiam à Sosio, cum Judæi Idumæis servire cœperunt. Hic porro annus est 79. ab anno regni Græcorum 170. quo 1. Mach. 13. dicitur jugum Gentium ab Israëlē sublatum fuisse.

Pompeius captâ Jerosolimâ, summum Sacerdotium, seu Pontificatum Hircano reddidit, coque Hircanus per annos 24. potitus est. Josep. lib. 20. cap. 8. Ab hoc autem anno, usque ad Augusti primum consulatum, à quo initium imperiî ejus numeratur, 20. anni elapsi esse reperiuntur. Anno autem Augusti ab hoc Consulatu 39. Herodis 33. Augusto 12^m. & Corn. Syllâ Coss. 4. integris annis ante aram vulgarem Salvator noster juxtâ eruditorum calculum in Bethleem Judæ nascitur. Sed hæc omnia ex infra positis tabulis melius intelligentur. Interim nonnulla de 70. hebdomadibus Danielis hic adjicienda sunt.

Itaque convenit hodie inter eruditos, initium istarum hebdomadarum, ab anno vigesimo Artaxercis Longimani, esse desumendum. Hocque patet ex ipsâ Danielis prophetiâ, quæ initium istarum hebdomadarum desumit, *ab initio sermonis ut iterum ædificetur Jerusalem.* Atqui initium illud contigit anno Artaxercis 20. siquidem ante eum nullus de urbe reædificandâ edictum concesserat. Ab hoc autem anno 20. Artaxercis, usque ad an. 33^{um}. æræ vulgaris, quo mortuū esse Salvatorem, refert etiam probata sententia, reperiuntur 486. anni, qui efficiunt 69. hebdomadas cum dimidiâ, in quâ occiso Christo defecit hostia & libamen, Lege veteri abrogatâ, & novâ institutâ. Ex quo manifestum est in Christi Domini morte impletam esse celebrem illam Danielis prophetiam; sicque Judæos negare amplius non posse, quin jure meritò ipsum pro vero messîâ habeamus. Sed de veteri historiâ hæctenus.

Schema Chronologicum sexta mundi ætatis.

Vixit usque

ad annū
mundiRegnavit
annis

REGES BABILONIS

Vixit usque ad annū
ante arā vulgarem.

3442	25	Nabuchodonosor cœpit Jerusalem anno regni sui 19. vixitque post excidium templi annis 25.	562
3444	2	Evilmerodach annis paulò plus deobus.	560
3448	4	Neriglissar annis quatuor.	556
		Laboro soarchod novem tantum mensibus.	
3466	17	Nabonides qui & Baltasar annis 17.	538

REGES PERSARUM AC MEDORUM

3468	2	Darius Medus an. 2.	536
3475	7	Cyrus an. 7. hujus anno 1 ^o . finem acceperunt 70. captivitatis anni.	529
3482	7	Cambyses an. 7.	522
3519	36	Darius Hytaspis an. 36.	485
3532	13	Xerces an. 13.	473
3579	49	Artaxerces Longimanus an. 49.	425
3580	1	Xercès II. anno uno. Secundinus mensibus septem.	424
3600	19	Ochus seu Darius an. 19.	404
3643	43	Artaxerces II. dictus Mnemon an. 43.	361

Schema Chronologicum sextæ mundi ætatis.

Vixit usque
ad annum
mundi.

REGES PERSARUM
ATQUE MEDORUM

Vixit ad annum an-
te æram vulgarem.

3666	23	Ochus qui & Artaxerces dictus est an. 23.	338
3668	3	Artes an. tribus aut circiter.	336
3674	6	Darius an. sex.	330

REGES MACEDONUM ATQUE
SYRORUM.

3681	7	Alexander Magnus Dario mortuo an. 7.	323
3692	II	Aridæus & post eum plerique Provinciarum præfecti an. II.	311
3724	32	Seleucus annis 32.	280
3743	19	Antiochus Soter annis 19.	261
3758	15	Antiochus cognominatus ^{hidor} à Milesiis annis 15.	246
3778	20	Seleucus dictus Callinicus & Pogon an. 20.	226
3781	3	Seleucus Ceraunus annis 3.	224
3817	39	Antiochus Magnus annis 39.	186

PRÆFATIO.

nibus recesserim , ut cuique legenti patebit. Post absolutas de quibus tractat Waltonus quæstiones , in Dissertatione de Canone Scripturarum , eos libros Ecclesiæ asserui , quos ob Canonem Hebræorum , Reformati rejiciunt , satisque clarè , ni fallor , ostendi immeritò eos in hoc , cum à suæ sectæ principiis , tum à præcipuâ & primavâ antiquitate recedere ; nec aliud dari Criterium infallibile , præter Ecclesiæ vocem , quo libri divinitus inspirati discernantur à non inspiratis. In sequenti Dissertatione , ea breviter elucidare & statuere curavi , quæ ad diversos Scripturæ sensus agnoscendos & eruendos pertinent , easque regulas ad id tradidi quæ cum sint , maximâ ex parte , à Sanctis Patribus desumptæ , plurimum conferre possunt ad intelligentiam Scripturarum.

His universalioribus absolutis , ad specialiora transitum feci , ac Pentateucho priùs Moyli adversùs quosdam Neotericos vindicato , præcipuas quæ circà Genesim moveri solent quæstiones agitavi , & paucis eas absolvere studui. Deindè ut aliis Pentateuchi libris lucem aliquam assererem , statum Reipublicæ Judæorum tam quoad Civiliam quàm quoad Sacra exposui. Circà libros Josue & Judicum quæ de eorum authoribus à diversis proferuntur retuli ; remisissisque ad Dissertationes Chronologicas diversis , quæ librum Judicum attingunt , quæstionibus , in libro Josue miraculum stationis Solis adversùs cujusdam temerarii scriptoris calumnias defendi. Circà libros Regum præter quæstiones Chronologicas ; quas suis locis tractavi , celeberrimam tam apud veteres , quàm recentiores Theologos quæstionem , de Pythonissâ seu Ventriloquâ , & Samuëlis apparitione , satis fusè agitavi. Quoad cæteros demùm Scripturæ libros historicos , ut sunt libri Tobie , Judith , Esther , Job & Machabæorum , nec non circà morales , quales sunt libri Psalmorum , Proverbiorum , Ecclesiastes , Cantici , Sapientiæ & Ecclesiastici , eas quæstiones non prætermisi , quæ circà illos moveri consueverunt.

Quibus difficultatibus superatis , eas omnes quæ Chronolo-

PRÆFATIO.

giam Sacram spectant elucidandas suscepi. Et in iis quidem Jacobum Usserium ducem secutus sum, ejusque calculo in omnibus adhæsi. Sed cum, ut suprà dicebam, nuper vir doctus adversùs Hebraici textus Chronologiam, quam sequitur Ussèrius, novas intendisset machinas novoque eam argumentorum apparatu impugnasset; manus cum eo, pro tuendâ veritate Hebraicâ conferere, necesse habui. Id autem officium eâ sedulitate implere studui, ut sperandum habeam, neminem deinceps adversùs Hebraici textus calculum, viri eruditî objectionibus movendum, aut pro sententiâ oppositâ manus daturum. Faxit Deus ut quod ad veritatis elucidationem suscepi & ut aliis prodesse posset edidi, hoc secundùm votum meum eveniat.



PRÆFATIO.

NON erat animi mei, cum has Dissertationes primùm scripsi, eas publici juris facere. Scripseram eas ut religiosis, quorum studia mihi fuerant concredita, post absolutum Theologiæ scholasticæ cursum, aliquam tradere Scripturarum Divinarum notionem, eosque imbuerem iis cognitionibus, quæ ad earum intelligentiam, necessariæ videbantur. Evolveram priùs cum iis, plerosque Criticorum & Interpretum libros, qui de quæstionibus Scripturæ Prolegomenis, aut rebus Chronologicis hoc sæculo scripserant, Joannis Morini, Waltoni, Simonii, Capelli, Muisii, Usserii, Pererii, Masii, Tornielli & aliorum. Visum est ex iis omnibus quod utilius & magis solidum videbatur decerpere, & in unum colligere. Hoc præstiti anno 1687. eo ipso tempore quo R. P. Pezeronus librum edidit, in quo calculum septuaginta Interpretum, adversus receptam textus Hebraici Chronologiam, asserere conatus est. Hæc mihi fuit occasio ejus librum peculiariùs discutiendi, & rationes ejus in Dissertationibus meis ita expendendi, ut nullam alicujus momenti sine responsione, ut mihi videbatur, satis firmâ, prætermitterem. Quin etiam totum systema Pezeroni mihi videbar non contemnendis impetivisse argumentis: ita ut iis perpensis, restitutam ab eo temporum antiquitatem, non invitam corruiere, faciliè quisque perspiceret. Nec desuissèm, prout viro docto ante editum ejus librum promiseram, quin aliquid circà disputationem istam in lucem proferrem, nisi paulò post alii hanc in se Provinciam suscepissent, & textus Hebraici Chronologiam vindicassent. Sed cum post aliquot annos Dissertationes meæ, pluribus, qui eas legerant, clariores viderentur, nec minùs forsàn accuratæ, variis hæc de re lucubrationibus, quas fusiori stylo, diversi scriptores nuper ediderant; authores mihi fuerunt, qui eas legerant, ut eas publici juris facerem, asserentes fore multis gratum & utile, ea omnia compendiosè, & ad scholæ methodum tractata, in mediocris magnitu-

PRÆFATIO.

dinis volumine reperire , quæ aut apud diversos auctores in grandioribus operibus sparsa , aut ab aliquibus in multis voluminibus paulò fortassis obscuriùs essent congesta. Rem contuli cum viris doctis , qui consilium istud non improbarunt. Jamque eo deveneram , ut diplomate Regio munitus , eas propediem daturus essem in lucem , cum ob rationes quasdam animum mutavi , præcipuè quòd accepissem ab amicis D. Ludovicum Pinium simile opus moliri quod brevi dare decrevisset. Cum enim vix primum , nec nisi reluctante animo , consilii amicorum , de Dissertationibus meis edendis , acquievissem , hanc mentem cò faciliùs deposui , quo etiam non dubitarem fore ut Doctor ille rem meliùs exequeretur. Neque de iis edendis deinceps cogitassem ampliùs , nisi qui priùs consilium probaverant , cum multis annis jam elapsis , nihil vir doctus proferret in lucem , me ad paratum opus tradendum iterùm incitassent. Parvi monitis eorum & votis satisfeci. Sed cum maxima pars hujus libri typis jam esset edita , accepi eo ipso tempore , D. Pinium primum volumen meditati operis tradidisse. Statim illud mihi comparandum curavi , eoque pervoluto deprehendi nos , in plerisque quæstionibus , quæ nobis communes sunt , convenire , paucis exceptis , in quibus à præjudicatis olim opinionibus vir eruditus non recessit. Nihilominùs , cum & meditatum ab eo opus compendiosius executus sim , & uno volumine , nec magnæ molis , satis clarè ni fallor , comprehenderim pleraque eorum , quæ multis & amplis voluminibus , tradenda disponit , spero hunc librum , saltèm Theticæ Theologiæ tyronibus , non ingratum fore nec inutile.

Ut autem , sicut editionis , sic & editi operis aliquam rationem reddam , notatum velim me in primis Dissertationibus eas quæstiones tractasse , quæ generatiores sunt , vulgòque Prolegomenorum nomine nuncupantur. In iis Waltonum præcipuè secutus sum : ita tamen ut & multa de meo & ex aliis addiderim ; nec semel ab ejus opinio-

*Schema Chronologicum sexta mundi aetatis.*Vixit us-
que ad
annum
mundiRegnavit
annis.

REGES SYRORUM.

Vixit usque
ad annū ante æ-
ram vulgarem

3829	12	Seleucus dictus Philopater an.	175
		12.	
3840	11	Antiochus Epiphanes seu Illuf- lustris annis undecim.	164
3842	2	Antiochus Eupator annis 2.	162
3854	12	Demetrius dictus Soter an.	150
		12.	
3859	5	Alexander Balas an. 5. aut cir- citer.	146
3860	2	Demetrius Soteris filius qui dictus est Nicator an. circiter duobus.	144
3861	2	Antiochus Alexandri Balæ fi- lius an. 2. aut circiter.	143
3865	5	Tryphon an. 5.	139
3874	9	Antiochus Sidetes frater De- metrii Soteris an. 9.	130
3878	4	Demetrius Nicator à Parthis primum captivus factus, ab iis- dem postea restitutus in re- gnum.	126
3882	4	Alexander dictus Zebina an.	122
3892	8	4 Antiochus Gryphus Demetrii fi- lius an.	112

Schema Chronologicum sexta mundi ætatis.

Vixit us-
que ad Regnavit
annum annis
mundi.

REGES SYRORUM.

Vixit usque ad
annum ante æ-
ram vulgarem.

3910	18	Antiochus dictus Sizicenus an.	95
	18.		
3911	1	Seleucus an. 1.	93
3912	2	Antiochus dictus Eusebes seu	92
		Pius an. 2.	
3921	8	Philippus & Demetrius dictus	83
		Eucares an. 8.	
3938	18	Tigranes Rex Armeniæ postu- latus à Syris an. 18.	66
		Pompeius regnum Syriæ Ro- manis subditum reddit	
3941		Urbem Jerosolymorum obsesā simul cum templo capit	63
3961		Octavianus Cæs. Augustus pri- mum init Consulatum 19. mensis Augusti die.	43
4000		Anno 39. ab hoc primo Con- sulatū Christus Dominus in Be- thleem Judæ nascitur 25. Decem- bris. Herod. Reg. an. 33. Au- gusto duodecimum & Cornelio Syllā Consulibus.	4

FINIS.

INDEX

A

Abdias, Quo tempore & quando vixerit p. 189.

Abel. Ejus greges ovium ad quid ? p. 126. & 138. Quo anno occisus p. 127. & 243.

Abraham quo sensu dictus pater omnium credentium p. 157. quo anno ætatis Tharæ natus ? p. 284. an ab anno nativitatibus ejus, an vero ab anno vocationis Chronologia pendeat ? p. 287. quo ætatis anno vocatus p. 289. & 293.

Achaz, Quo ætatis anno genuerit ? p. 315.

Acta. Locus insignis actorum explicatur p. 298. & seq.

Adamus, Ejus lingua fuit Hebraica p. 10. An fuerit primus homo p. 120. & seq. an infans creatus ? p. 125.

Adamus & Eva an ex carnibus animalium vixerint p. 138.

Ægyptii an invenerint Characteres p. 6.

Ægyptiorum ficta antiquitas p. 128. Eorum annus qualis primò & postea p. 242.

Ægypti regnum quam antiquum p. 269. & seq. jactata ejus antiquitas fabulosa p. 274. & seq.

Æra Seleucidarum p. 332.

Ætas prima mundi, ejus duratio p. 256. Ætas mundi tertia quot duravit annis p. 289. & seq. locus Exod. explicatus ibid.

Ætas quarta mundi. Diversa cir-

cà illam sententiæ p. 296. & seq.

Ævi seu Chronologiæ divisio juxta Paganos, Judæos & Christianos p. 227.

Africanus. Ejus sententiæ circa nomen Hebræorum p. 9. In suo computo Cainanem non agnoscit p. 280.

Aggæus quo tempore & quando vixerit p. 189.

Axibas Judæus an textum Hebraicum depravarit p. 255.

Alexander Magnus an primus in Græciâ regnarit p. 224. quot annis post mortem Darii regnarit ? p. 331. in totum ibid. quomodo mortuus ibid. ejus testamentum p. 332. quomodo regnum post mortem ejus divisum p. 332.

Alexander Rex Syriæ p. 334. dictus Balas. ibid. Alexander dictus Zebinas ibid.

Allatius. Ejus sententiæ de Engastrimytho p. 198.

Alphonfus à Castro. Ejus sententiæ de evocatione Samuëlis p. 198.

Ambrosius docet originarios Scripturæ textus versionibus esse præferendos p. 22. Ejus sententiæ de igne in aditu Paradisi p. 236. Censet Polygamiam Patriarchis fuisse licitam p. 167. Ejus sententiæ de apparitione Samuëlis p. 198. de auctore Psalmorum p. 217.

Amos quo tempore & quando vixerit p. 188.

Amram quot annis vixerit p.

291.

Anabaptistarum error de Jobo p. 170.

Anarchia in Regno Israëlítico p. 318.

Anarchiæ an admittendæ in quartâ mundi ætate p. 301.

Anastasiûs Antiochenus. Ejus sententia de evocatione Samuëlis p. 197.

Angeli. Eorum potestas in mentes hominum p. 4. nusquam cum mulieribus peccaverunt ut potè incorporari p. 139.

Animalia quæ in Regione primum creata ? p. 125. fabulæ de quorundam longævâ vitâ p. 129.

Annus quid ? undè denominatus ? p. 233. Solaris & Lunaris ibid. anni primorum Patriarcharum æquales nostris p. 239. & seq. Hebræorum quales.

Annus Ægyptiorum primum menstruus, hinc quadrimestris, postea dierum 365. p. 242.

Anni Chronologici Patriarcharum fuerunt anni completi p. 244.

Anni Ægyptiorum primum menstrui, postea quadrimestres p. 276.

Antiochus quomodo captus à Romanis p. 223.

Antiochus Magnus Rex Syriæ p. 333. Antiochus illustris ibid. quomodo Judæos afflixerit. ibid. ejus ficta pœnitentia, & mors p. 333.

Antiochus Soter Rex Syriæ p. 333. Antiochus ðios dictus ibid. & p. 334.

Antiochus Sidetes ibid.

Antiochus Eupator p. 334.

Antiochus Pius 335.

Antiquitas temporum à Chaldæis, Ægyptiis & Seris facta fabulosa p. 272. & seq.

Apostoli an citarint Scripturam juxta versionem Græcam, an juxta textum Hebraicum p. 68. & seq. communius versione quàm textu usi sunt p. 70.

Aquila. Ejus versio Græca Scripturæ p. 60.

Arca Noë. Quænam fuerit ejus materia ? p. 148. quæ magnitudo ? p. 149.

Arca fœderis. Quid continebat p. 179. Propiciatorium quid.

Arias Montanus. Ejus sententia de Masorâ p. 40.

Aridæus Rex Macedonum p. 332.

Aristæas. Ejus historia de versione 70. Interpretum p. 47. Quid de eâ senserint SS. Patres p.

47. Videtur supposititia & fabulis respersa p. 49. & seq. Plures notæ suppositionis p. 56. Ejus sinceritatem aut suppositionem nunquam discusserunt Sancti Patres p. 57.

Aristobulus Judæus quando nam vixerit ? 57. Ejus scriptum supposita ibid. & seq. Josepho incognitus p. 58.

Arphaxad an duobus annis completis post diluvium natus. p. 263.

Artes Rex Persarum p. 331.

Artaxerces Dariæ Ochi filius p. 330. dictus Mnemon ibid.

Artaxerces Rex Persarum dictus Longimanus 330. Quo ejus anno hebdomadæ Danielis incipiant ibid.

Artaxerces Ochus ibid. quomodo Regnum occupavit ibid. quomodo interfectus p. 331.

Assuerus maritus Esther, quis? p. 210.

Assirii. An primi invenerint Characteres? p. 72.

Assyriorum Regnum quot annis duraverit p. 274.

Asteriscus & Obelus quid? in exemplis Origenis p. 77. eorū usus ibid.

Asterisci & Obeli in editionibus Luciani & Hesichii undè? p. 78.

Astronomicæ observationes Chaldaeorum per an. 170000. fabulosa p. 273.

Athanasius. Ejus sententia de auctore Psalmorum p. 217.

Augustinus. Ejus sententia circa numerum linguarum p. 5. circa vocem seu nomen Hebraei p. 2. Docet originarios Scripturæ textus versionibus esse præferendos p. 22. Ejus sententia de creatione mundi in instanti p. 129. Censet Polygamiam Patriarchis fuisse licitam p. 167. Ejus sententia de evocatione Samuëlis p. 198. de auctore Psalmorum p. 217.

Augustus Imperator. Quo ejus anno Christus natus? p. 336.

B

Babylonia quando & quomodo à Persis capta? p. 329.

Baltasar Rex Babylon. p. 329.

Barkochebas quis? pro Messia jactatus p. 251.

Baruch quo tempore & quantum vixerit p. 189.

Basa quando ædificaverit Rama? p. 320.

Basilius. Ejus sententia de serpente qui Evam seduxit p. 135. confutatur ibid. Ejus sententia de Engastrimytho p. 198.

Beda. Ejus sententia circa Characteres Hebræorum p. 13. pro calculo textus Hebraici contra Chronologiam τὸν α̃ p. 249.

Beli Historia an Canonica? p. 29.

Bellarminus, quid de Vulgata sentiat p. 92. plures adhuc naves in eā agnoscit ibid. Ejus sententia circa Polygamiam p. 166.

Benedictinorum è Congregatione Sancti Mauri sententia circa versionem Psalterii Gallicani p. 220.

Berosus. Quam ejus incerta fides p. 272.

Bochartus. Ejus sententia circa numerum linguarum p. 5.

Bonæ Cardinalis sententia circa versionem Psalmorum quā utitur Ecclesia Gallicana p. 220. & seq.

Bossueti Episcopi Meldensis sententia de titulis Psalmorum p. 219.

Buteo. Ejus tractatus de Arcâ Noë optimus p. 150.

Buxtorfius. Ejus sententia circa Masoram p. 40.

C

Cadmus non fuit primus inventor Characterum p. 7. eos à Phoenicibus acceperat. ibid. ejus Patria ibid.

- Cajetanus. Ejus sententia circa de autore Psalmorum p. 217.
 Poligamiam p. 166.
 Cain quomodo agriculturam exercere potuerit p. 126. quo anno Abelem occiderit p. 127. An ipse aut ejus posterii ante diluvium in idololatriam inciderint p. 144. quo anno mundi occiderit fratrem p. 243.
 Cainan an Patriarchis post-diluvianis annumerandus p. 278.
 ignotus fuit Onkeloso, Josepho, Berofo, & Eupolemo. p. 279.
 De ejus ætate dissentiunt inter se authores p. 280. an olim in omnibus codicibus versionis תנ"ך extaret p. 280. cum non agnoscunt plerique veterum in suis computis ibid. etiam ii qui ante Origenem vixerunt. Ejus nomen an olim in exemplaribus versionis 70. Interpret. p. 283.
 Calvisii sententia de an. nativit. Abrahæ rejicitur p. 285.
 Cambyfes Rex Persarum p. 320.
 Canon Scripturarum quid ? p. 94. Canon Hebræorum ejus divisio, ibid. quot libros contineret. ibid. an libros Esther & Baruch. ibid. Quare aliquos libros non receperint p. 97.
 Cantores apud Judæos. Eorum officia p. 186.
 Capellus quid de Masorâ senserit ? p. 39. Ejus. Critica Sacra iniquior erga textum Hebraicum p. 26. Ejus sententia de voto Jephte p. 195.
 Carnium esus an ante diluvium prohibitus p. 137. & seq.
 Cassiodorus docet originarios Scripturæ textus versionibus esse præferendos p. 22. Ejus sententia
 Cataclysmus Ogigis quando ? p. 228.
 Cellulæ 70. Interpretum fictitiæ p. 66. & 67.
 Chaldaica lingua. an sit omnium prima p. 11. quando in usu esse coeperit apud Judæos. ibid.
 Chaldæorum ficta antiquitas p. 128.
 Characteres à quibus inventi p. 6. & seq. quo tempore ? p. 8. an ante diluvium ibid. quando & à quo mutati apud Judæos p. 12.
 Cherubim in aditu Paradisi collocatum quid ? p. 136. Variæ sententiæ. ibid.
 Chrysostomus. Ejus sententia circa nomen Hebræorum p. 9. quid senserit de Scripturarum depravatione à Judæis p. 23. de autore Psalmorum p. 217. locus ejus circa Paradisum terrestrem p. 132.
 Christianis Polygamia vetita p. 169.
 Christus. An ejus tempore sacri codices essent depravati p. 20. An in Scripturæ testimoniis, Usus sit versione 70. Interpretum, an textu Hebraico. p. 68. & seq. usus est solo textu Hebraico. ibid.
 Dominus quo anno natus ? p. 336.
 Chronologia. Quid de jactatâ à plerisque gentibus antiquitate sentiendum ? p. 128. Chronologia libri Machabæorum undè incipiat p. 224. Chronologiæ divisio juxta Judæos, Gentiles, & Christianos p. 227. & seq. juxta Sanctos Patres

INDEX.

p. 229. Chronologia textus Hebraici diversa ab eâ quæ est τὸν δ, quæ præferenda ? p. 245. & seq. undè ista diversitas p. 249. Quid ex antiquitate Regnorum Ægypti Chaldæorum & Serrarum conficiatur contrà Chronologiam textus Hebraici p. 270. & seq. Chronologia Sacratam infausta quàm fausta tempora numerat p. 303. Chronologia Regum Juda & Israël conciliatur p. 315. & seq.

Clemens Alexandrinus. Ejus sententia de numero linguarum p. 5.

Coccius. Ejus sententia de evocatione Samuëlis p. 198.

Concilium Cartaginense tertium. Ejus decretum de Canone Scripturarum p. 96. Romanum sub Gelasio, eisdem libros Canonicos agnoscit quos Tridentinum p. 27. Palæstinum sub Theophilo, quid de creatione mundi statuat p. 231.

Clemens Alexandrinus. Ejus sententia de congressu Angelorum cum mulieribus p. 139. rejicitur ibid.

Creatio mundi an sex tantum diebus perfecta p. 129.

Cubitus in Scripturâ quid contineat p. 149.

Cyclus decemnovennalis quid ? Undè dictus numerus aureus ? p. 234. & seq. Cyclus solis quid ? p. 235.

Cyrellus. Ejus sententia de serpente qui Evam seduxit p. 135. rejicitur.

Cyrus Cambyſis filius captivitatem Babylonicam Judæorum sol-

vit p. 329.

Cyrus Rex Persarum Babyloniâ debellavit, quo anno ? p. 329.

D

Dæmones incubi an cum mulieribus aliquando peccaverint p. 140.

Daniel quo tempore & quantum vixerit ? p. 189. ejus hebdomadz quando incipiant p. 330. & 336. explicatur prophetia. ibid.

Darius Hystaspis an idem qui Assuerus p. 210. Quomodo Rex Persarum factus ? p. 329.

Darius Ochus Rex Persarum p. 330.

Darius Arsanis filius Rex Persarum p. 331. ab Alexandro M. victus ibid.

David an omnium Psalmorum author p. 216. & seq. sententia probabilior p. 217. Ejus Genealogia explicatur p. 298. & 304.

Demetrius Phalereus. An in honore habitus à Ptolomæo Philadelpho ? p. 50. & seq. Quid de ejus morte tradant veteres historici ibid. & 52. an Bibliothecz Alexandrinæ aliquando præfectus p. 54.

Demetrius Rex Syriæ p. 334.

Diluvium ob quod peccatum à Deo immisſum p. 141. an fuerit universale p. 151. & seq. ejus generalis memoria apud omnes gentes p. 152. an etiam antipodas operuerit p. 154. quo anno ætatis Noë evenierit. p. 259.

Dynastiæ Ægyptiorum magnâ

ex parte fabulosa p. 275. an aliquarum collateralis ibid.

Dositheus. Ejus error. p. 29. an scripturas depravit? ibid. & seq.

Durandus. Ejus sententia circa Polygamiam p. 166.

E

Ecclēsia quo Criterio Canonicos libros discernit à non Canonis p. 96 non ex novà revelatione, sed ex traditione ibid.

Ecclesia Græca eundem scripturæ Canonē agnoscit a latina p. 97.

Ecclesiastici liber citatus à Patribus ut Canonicus p. 98.

an à Salomone scriptus p. 213. Author ejus Jesus filius Sirach p. 215.

à quibus veterum citatus ut scriptura sacra. ibid. ejus Prologus non est Canonicus p. 216.

Eden. An sit nomen appellativum p. 133.

Eleazarus Pontifex. Ejus epistola ad Ptolomæum Philadelphū. p. 52.

Elias quo tempore vixerit p. 188.

Elizæus quo tempore vixerit p. 188. Emerobaptista. Eorum errores pag. 190.

Encania quid? apud Judæos, & quot fuerint p. 182.

Enoch. An aliquid scripto reliquerit. p. 2 an sit mortuus? p. 146. non est mortuus ibid. Cur? ibid. Quò translatus sit p. 147.

an in cælum post Christi ascensio- nem? ibid.

Enos. An initium dederit Idolatriæ p. 143.

Epiphanius. Ejus sententia circa numerum linguarum. p. 5. de exaplis Origēnis p. 74. & de

octaplis p. 76.

Ephraim. difficultas circa ejus Genealogiam explicatur p. 192.

Esaias. Quo tempore & quandiu vixerit p. 188.

Esdras. Characteres Judæorum post captivitatem mutavit p. 12.

scripturæ ab eo facta editio pag. 37. quid de eâ plures ex veteribus senserint. ibid. non solius memoriz beneficio facta ibid. multa in

diversis libris claritatis causâ addidisse videtur p. 38. Ejus libri à quo scripti p. 206. tertius & quartus à

quo scripti? Quid de iis sentiendum? p. 225.

Esseni. Eorum vita p. 190. D. Epiphanius hypocritas fuisse asserit ibid.

Esther. An ejus liber fuerit in Canone Judæorum p. 94. an sit Canonicus? p. 95. à quo scriptus p. 109 quando ejus hystoria contigerit p. 210. Additiones ad hunc librum sunt Canonicæ p. 209.

Ethbaal Rex Tyriorum quando vixerit? p. 313.

Estius. Ejus sententia circa Polygamiam p. 166. de evocatione Samuelis p. 198.

Eva quo die creata juxta Judæos p. 123.

Evilmerodach. Rex Babilon. quot annis regnavit p. 328.

Eumenes Rex Trojanorum, quando Bibliothecam adornari? p. 53.

Eusebius. Ejus sententia de numero linguarum p. 5. circa denominationem Hebræorum p. 9. circa characteres Hebræicos p. 12. Lo-

cus ejus insignis de exaplis Origēnis p. 74. Ejus calculus Chrono-

INDEX.

logicus p. 270. malè à Pezerono notatus p. 274. Cainanem in suo computo non agnoscit p. 280.

Eustathius Antioch. Ejus sententia de apparitione Samuelis p. 198.

Euthymii sententia de authore Psalmorum p. 217.

Exapla Origenis quid fuerint & unde hoc nomen habuerint p. 73. & seq. non ex numero columnarum, sed ex numero versionum p. 74.

Ezechiel quo tempore & quantum vixerit p. 189.

Exodus. Locus insignis explicatur p. 290. & seq.

F

FAbula de septem conditis ante cælum & terram p. 134.

Fabulæ de ætatibus animantium p. 129.

Ferrandus. Ejus sententia circa depravationem Hebraici textus p. 27. circa versionem psalterii Gallicani p. 221.

Festa Judæorum p. 181. & seq.

Fides. In rebus fidei & morum periculosum est à sanctis Patribus recedere, & quare p. 257.

Filii Dei. Quid per eos intelligendum in Genesi p. 139. & seq. Sententia plurium ex veteribus? ibid.

Fohi an primus Serarum Rex? p. 277.

G

GAlatinus. Ejus sententia de Evocatione Samuelis p. 198.

Gaillardus. Ejus error circa Melchisedecē p. 155. confutatur p. 156.

Gaulonitæ qui? p. 191.

Gehon fluvius non est idem cum Nilo p. 133.

Genebrardus, confutatur circa numerum an. Amram p. 201.

Gentiles ex eadem sunt stirpe quâ Judæi p. 122.

Georgius Syncellus explicatur p. 32.

Gerfonis sententia circa Polygamiam p. 166.

Gigantes an extiterint aliquando? p. 141. & seq. Veterum sententia p. 142.

Græci à quo characteres primùm habuerint p. 7.

Græcus textus novi Testamenti an unquam datâ opera corruptus p. 26.

Gregorius magnus. Ejus sententia singularis de libris Machabæorum p. 98. Quid sentiat de creatione mundi p. 130.

Gregorius Nyssenus. Ejus sententia de linguarum origine p. 2. confutatur ibid.

Grotius. Ejus sententia circa primam linguam p. 10. de tempore quo Jobi liber scriptus est p. 174. de historiâ Judith rejicitur p. 207. de libro Proverbiorum rejicitur p. 212. & de libro Ecclesiastis p. 213.

Gryphus Rex Syriæ p. 335.

H

HAbacuc. Quo tempore & quandiu dixerit p. 189.

Hecates Abderites. Quando vixerit? p. 54.

Hieroglyphicæ litteræ à quo inventæ p. 6.

Hebdomadæ Danielis. Earum initium.

Hebræi unde sic dicti? p. 9. & seq. Diversæ veterum & recentiorum sententiæ. ibid. Non ab Hebero, sed à voce Hebrî quæ transitorem significat ibid.

Hebraica lingua. Ejus antiquitas p. 10. & seq. an sit omnium prima? ibid. quandiu apud Judæos fuerit vernacula p. 11. an esset Judæis vernacula tempore Christi p. 62. & seq.

Hebraici characteres quinam ab initio fuerint? p. 12. & seq. quando immutati? ibid.

Hebraicus scripturæ textus an fuerit à Judæis depravatus p. 19. & seq. an à Christo & Apostolis usurpatus p. 68. & seq. Sententia singularis p. 70.

Hebræi. Apud eos duplex annus facer & prophanus p. 230. hic circa menslem octobrem, ille circa aprillem inchoabat. ibid. & seq. qualis eorum annus p. 240.

Hebron. Urbis quæ antiquitas juxta Josephum p. 307.

Hellenistæ Judæi, unde dicti? p. 61. & seq. Diversæ sententiæ ibid.

Herodianî qui? eorum error p. 191.

Hermippus. Quid de morte Demetrii Phalerei scripserit p. 50. Quæ ei adhibenda fides? p. 51.

Hesichius. Ejus editio versionis 70. Interpret. p. 78.

Heterodoxi. Malè quosdam scripturæ libros ut apocryphos rejiciunt p. 95. Nec in hoc suis principiis insistant ibid. Quid juxta illos requiratur ut liber aliquis

sit Canonicus, & quomodo talis dignoscatur, ibidem. Eorum principia pro dignoscendis scripturis sacris confutantur p. 100. & seq. Ad omnem impietatem viam sternunt, ibid.

Hildebertus Cœnomanensis censet Polygamiam Patriarcharû fuisse licitam. p. 167.

Hilarius. Ejus sententia de auctore psalmorum p. 217.

Hircanus Pontifex Judæorum p. 336.

Historici prophani quomodo tempora dividebant p. 227.

Hobbius. Ejus sententia de auctore Pentateuchi confutatur p. 112. & seq.

Hody. Ejus dissertatio de historiâ Aristæ p. 49. & seq.

Hottingeri sententia de antiquitate Pentateuchi Samaritani p. 33.

Huetius. Ejus sententia de exemplis Origenis confutatur p. 74.

I

Jacob. Ejus prophetia de Christo in benedictione Judæ p. 156. & seq. quomodo exponi debeat p. 161. & seq. an de solâ tribu Juda vel de totâ gente 163. & seq.

Janitores templi. Eorum officium p. 186.

Japhet fuit Primogenitus filiorum Noë p. 264.

Idololatria. An ante diluvium cœperit p. 143. Diversæ sententiæ. ibid. Quo tempore cœperit incertum p. 145.

Jechonias quo anno regnare cœperit.

Iepthe. An mactarit filiam suâ?

INDEX.

p. Diversæ sententiæ, ibid. Negativa statuitur p. 196. Præscriptio quæ utitur contra Ammonitas p. 304.

Jeremias quo tempore & quando vixerit p. 189. quando arcam absconderit p. 225. Jeremiæ locus exponitur p. 321. & seq.

Jeronimus. Ejus sententia circa characteres Hebræicos p. 12. Docet originarios scripturæ textus versionibus esse præferendos p. 22. Jeronimi locus explicatur p. 32. Ejus sententia de 70. Interpretibus. Rejicit historiam de Cellulis. p. 66. Interpretes fuisse errori obnoxios docet, non prophetas ibid. Paulo severior in editionem exaplorum Origenis p. 78. Ejus versio scripturæ an & quando in Ecclesiâ recepta p. 84. paucis ab hinc annis restituta p. 85. an in eâ faciendâ à Spiritu sancto afflatus sit p. 90. & 92. Quid de Paradiso terrestri senserit? p. 131. confutatur p. 132. Quid de Engaltri mytho? p. 198. Ejus sententia de autore psalmodum p. 217. in aliquo non probatur ibid. Ejus duplex vel etiam triplex versio psalmodum p. 220.

Jerosolyma quo anno capta à Chaldeis p. 328.

Jesus filius Sirach author libri Ecclesiastici p. 215.

Indictio Romana quid, & quando cœperit? p. 236.

Innocentiæ status quandiu duravit p. 243.

Innocentius primus. Eundem Canonem scripturarum textum quem postea Conc. Trid. p. 27.

Job. Unus fuit ex posteris Esau p. 173. non fictus, sed verus homo p. 171. Ejus sepulchrum p. 172. Quis fuerit & quando vixerit p. 172. & seq. Ejus liber à quo scriptus incertum p. 174.

Jonas quo tempore & quandiu vixerit p. 188.

Josephus. Ejus testimonium circa characterum antiquitatem p. 8. Ejus sententia circa nomen Hebræi, p. 9. de congressu angelorum cum mulieribus confutatur. p. 140. Ejus sententia de evocatione Samuelis p. 197. Quam secutus sit Chronologiam in sua historiâ p. 253. Libri ejus videntur in chronologicis corrupti p. 254. Potius 70. Interp. quam Hebræicum textum secutus est ibid. Ejus sententia de ætate Moïsi p. 306. cur eum Inacho æqualē fecerit. ibid. de annis Salomonis confutatur p. 312. Ejus historia ex scripturâ factâ emendanda p. 314.

Josias quo ætatis anno genuerit? p. 315.

Josue liber à quo scriptus? p. 202. Diversæ sententiæ ibid. incertum ibid.

Irenæus non docet Judæos scripturam depravasse p. 23.

Isidorus. Ejus sententia de Engaltrimytho p. 198.

Juda. An ante Christū sceptrū defecerit in tribu Juda? p. 162. & seq.

Judæi. Quando desierint Hebræice loqui p. 11. Chaldaicam linguam in captivitate didicerunt. ibid. Eorum antiqui characteres p. 13. an duplicis generis fuerint. ibid. Eorum moneta an alicujus hominis figuram aut vultum prætulerit p.

14. Puncta vocalia, quando inventa. 15. & seq. Sacros scripturæ libros datâ operâ nunquam depravarunt p. 19. & seq. nec post Christum depravare potuerunt p. 21. Eorum reverentia erga sacros codices, ibid. Versionem Græcam primum maximi fecerunt, postmodum eandem contempserunt & jejunium ob eam factam instituerunt p. 60. & 61. Unde apud eos Profelytarum nomen p. 62. In Synagogis scripturas Hebraicè legébant juxta Epiphanium ibid.

Judæi & Gentiles an ex eadem stirpe? p. 122.

Judæi fabulosè docent septem ante cælum & terram fuisse condita p. 134.

Judæorum sententia de initio Idololatriæ p. 143. Male inficiantur Jacob Patriarcham adventum Christi prophetasse p. 160. & seq. Status civilis p. 175 & seq. Quotuplex fuerit eorum status ibid. Eorum festa p. 187. & seq. Sacrificia p. 183. Pontifex & ejus officia 184. Sacerdotes & eorum distributio in viginti quatuor classes p. 185. Levitæ eorum officia & cantorum p. 186. Janitores & Nathinzi ibid. Scribæ p. 187. Prophetæ ibid. Eorum Chronologiæ divisio p. 228. A quo ex captivitate Babylon. soluti? p. 329. Quomodo ab Antiocho afflicti p. 333.

Judices, Eorum tempus & ejus partitio p. 299. & seq.

Judicum liber à quo scriptus? p. 203. Diversæ sententiæ ibid.

Judith liber à SS. Patribus pro Scripturâ sanctâ agnitus p. 28. A quo scriptus? quando ejus historia

contigerit p. 206. & seq. Non est allegoria p. 207.

Juliani Toletani sententia circa corruptionem textus Hebraici in Chronologiâ p. 250. & seq.

Justinus Martyr non docet Judæos textum Hebraicum depravasse p. 23. Ejus sententia de evocatione Samuelis p. 197. De congressu Angelorum cum mulieribus p. 139.

K

Keri & Ketib, Quid? p. 39.

L

Laborosoarchod Rex Babylon. p. 328.

Lactantius. Sensit Angelos initio cum mulieribus peccasse p. 139. confutatur p. 140.

Leo à Castro, Ejus sententia de historiâ Aristæ. p. 49.

Levitæ, Eorum officia p. 186.

Lex Mosaica quandiu duravit? p. 308.

Lemniscus & Hypolemniscus quid? in editione originis p. 77. eorum usus ibid.

Linguarum origo pag. 1. & seq. Sententia Vitruvii & Lucretii ibid. confutatur p. 2. & 3. Lingux Deum authorem habent p. 2. & seq. Linguarum confusio unde orta p. 3. & seq. à Deo ibid. Quot linguæ ex Babelicâ confusione emerferint p. 4. & 5. Diversæ sententiæ ibid. incertum ibid. Linguarum diversitas unde orta juxta Origenem p. 4.

Lingua Hebraica, Ejus antiquitas

p. 10. & seq. an sit omnium prima? ibid. Lingua Hebraica seu Syrojerolimitana tempore Christi Judæis Palæstinis fuit vernacula p. 63. & seq.

Linguarum peritia utilis ad scripturarum intelligentiam p. 109. præcipuè idiotismi linguæ Hebræicæ p. 111.

S. Lucas. An inferuerit Cainanem inter Patriarchas p. 282. & seq.

Lucas Burgenfis, Paraphrasis Chaldaicæ utilitatem apologiâ defendit. p. 45. Ejus sententia circa Vulgatæ correctionem à Clemen. VIII. factam p. 92.

Lucianus. Ejus editio versionis 70. Interpretum p. 78.

Lucretius. Ejus sententia de linguarum origine p. 1. & seq.

Lutherus. Ejus error de Jobo, p. 171.

Lyranus. Ejus sententia circa sensus scripturæ rejecta p. 104.

M

Macedones. Eorum Regnum p. 211.

Machabæorum libri Canonici p. 96. Eorum Divina inspiratio agnita ab Ecclesia ibid. & seq. & 98. A quibus scripti? p. 221. Inter Canonicas scripturas numerandi p. 222. Nihil contra fidem historię continent ibid. & seq. neque contra fidem Catholicam p. 224. Eorum Chronologia unde incipiat ibid.

Machabæi unde dicti p. 225.

Malachias. Quo tempore & quando vixerit p. 189.

Manassis oratio non est canonica. p. 226. Latine tantum habetur ibid. Quo anno in regnum restitutus? p. 319.

Mariana. Quid de Masorâ senserit? p. 40.

Marshamit sententia circa quartam mundi ætatem p. 309.

Martianus. Ejus testimonium de authore Vulgatæ p. 85. Versiōnem D. Jeronimi puram restituit, p. 85.

Martinus Lutherus sensum scripturæ spiritualem rejicit p. 103. confutatur p. 105.

Masora quid? quam utilis ad scripturæ intelligentiam p. 38. & seq. Textui scripturæ nunc adjungitur p. 40. quotuplex p. 41.

Masorethæ. An & quando puncta vocalia litteris hebraicis addiderint p. 16. & seq. Masorethæ qui? p. 38. Eorum opus ibidem & seq. quam utile p. 39. & seq.

D. Mathæus in citationibus veteris Testamenti utitur textu Hebraico p. 69.

Melchior Canus. Ejus sententia de quarta mundi ætate p. 297. notatur p. 285.

Melchisedech inter Idololatrias vivebat p. 146. Varii errores circa ejus personam p. 155. Quomodo Abrahamo præstantior. p. 156. Quo sensu dictus sine patre & sine matre ibid. Quomodo ejus sacerdotium præstantius Aronico p. 156. Quis fuerit? p. 158. Non fuit Sem ibid. fuit unus ex posteris Chanaam ibid. juxta plerisque SS. Patres.

Melchisedeciani Hæretici, cur sic dicti p. 155. confutantur p. 156.

Memphis, quando ædificata p.

308.

Menedemus an apud Philadelphum legatione functus sit p. 54.

Menes primus Rex Ægyptiorum quis? p. 269.

Messias, Insignis de eo Prophetia in Genesi p. 161. Messiae adventus quando? juxta Judæos p. 250. quomodo à Patribus contra eos probatur p. 251.

Messis quo tempore fieret in Palestina p. 182.

Methodii sententia de Engastri-mytho p. 198.

Michazas. Quo tempore & quando vixerit p. 188.

Morinus. Ejus sententia de tempore quo puncta vocalia inventa sunt p. 17. & seq. de Pentateucho Samaritano p. 30. rejicitur p. 31. & seq. Quid de Masorâ scribitur? p. 39. Ejus sententia singularis circa Vulgatam p. 93.

Moyſes. An primus Characteres adinvenit p. 7. An alios libros scripserit à Pentateucho p. 117. An author Pentateuchi? multis affirmativa statuitur p. 112. & seq. quo tempore eum scripserit p. 120. An Inacho æqualis p. 302. & seq.

Multiplicatio hominum post diluvium an concilietur cum Chronologiâ textus Hebraici? p. 266. & seq.

Mundus an in instanti creatus? p. 129. & seq. Mundi duratio juxta traditionem domus Elia p. 228. unde ejus hypothesis p. 229. Mundus qua anni tempestate creatus p. 230. & seq. non hyeme ibid. sed vere vel autumno ibid.

N

NAbonides Rex Babylon. p. 329. qui & Balthasar ibid.

Nabuchodonosor, quot annis regnavit? p. 328.

Nachor. Quo anno ætatis Tharam genuerit? p. 284.

Nahum. Quo tempore & quando vixerit p. 189.

Nathinzi quid? p. 186.

Nazaræi. Eorum errores p. 190.

Nemrod. Quando regnare cœperit p. 269.

Neomenia quomodo observata à Judæis p. 181.

Neriglissar Rex Babylon. p. 328.

Nilus Fluvius. An unus ex quatuor Paradisi terrestres p. 133.

Nobilius. Veterem vulgatam quantum potuit, ex Patribus restituit p. 82.

Novum Testamentum. Textus ejus græcus nunquam fuit datâ operâ corruptus, p. 26.

O

OBeli & Asterisci in edit. Luciani & Hesychii unde? pag. 78.

Obeliscus & Asteriscus quid? in Exaplis Origenis p. 77. Eorum usus ibid.

Ochozias. Quo ætatis anno regnare cœperit p. 321.

Octapla nusquam edidit Origenes p. 76.

Ogygis Cataclysmus quando? p. 228.

Orientales à quâ tempestate annum inchoabant p. 230.

Origenes. Ejus sententia de lin-

guarum diversitate unde profluxerit. p. 4. de nomine Hebræorum p. 2. Non sensit textum Hebraicum fuisse à Judæis depravatum p. 23. Ejus editio versionis 70. Interpretum p. 72. & seq. Duplex fuit exaplorum, & tetraplorum p. 73. & seq. Sed tertiam cui nomen octaplorum indiderit non edidit p. 76. Quam accuratus fuerit in hoc labore p. 72. & seq. Quid in sua editione versionis 70. Interpretum ediderit p. 76. Quid asteriscus? Quid obelus? p. 77. Quo sine iis usus sit ibid. Quid lemniscus & bypolemniscus? p. 77. male à D. Jeronimo ob asteriscos & obelos reprehensus p. 78. Ejus error circa personam Melchisedecis p. 155. confutatur p. 156. Quot generationes à Noë ad Abrahamum numeret p. 280. quot ab Adamo ad Abrahamum ibid. Non agnoscit Cainanem ibid. Ejus sententia de evocatione Samuelis p. 197.

Origo linguarum p. 1. & seq.

Osèc. Quo tempore & quandiu vixerit p. 188.

Ozias. Quo anno regnare cœperit? p. 321.

P

Paradisus terrestris in qua regione creatus? p. 131. & seq. Quæ de eo dicuntur in scripturis non sunt ad allegoriam detorquenda ibid. An in terrâ creatus? ibid. An adhuc subsistat? p. 132.

Paralipomenon libri quo tempore scripti? p. 205. Paraphrases Chaldaicæ undæ ortæ? p. 42. Quæ hodie extant, quam

antiquæ p. 43. Quam utiles p. 45. in quos libros? p. 43. Sanctis Patribus incognitæ ibid. Diversæ Catholicorum circa eas sententiæ. 45. quid tenendum p. 46.

Pascha non celebrabatur à Judæis feriis quartâ aut sextâ p. 182.

Pastores à Manethone memorati, qui? p. 307. an iidem cum Israëlitis? ibid.

Patriarchæ. An eorum Polygamia fuerit illicita p. 165. & seq. Antediluviani cur plures uxores non habuerint? p. 169. Patriarcharum Uxores, an omnes legitimæ p. 170. Eorum anni Chronologici pro completis sumendi p. 243 tempus nativitatis filiorum designant p. 244.

Pentateuchus an à Moyse scriptus? male à nonnullis negatur p. 112. & seq.

Peterius. Quid senserit de voce Hebræi? p. 9. Quid de translatione Enoch sentiat? p. 147.

Periodus Juliana quid, & à quo inventa p. 236. Quis ejus usus? p. 237. & seq.

Petavius. Ejus sententia de tempore quo versio 70. Interpretum facta est p. 52. Confutatur. ibid. de octaplis Origenis confutatur p. 76. de quartâ mundi ætate p. 297.

Pezeronus. Ejus rationes pro Chronologiâ versionis 70 à discussæ p. 250. & seq. Quam suo instituto contrarius. p. 269. & seq. male notat Eusebium p. 274. circa Cainanem confutatus p. 281. circa annum nativitatis Tharæ p. 284. Ejus sententia de quartâ mundi ætate exponitur & confutatur p. 301. & seq. Rationibus ejus

respondetur p. 306. & seq. de
quintâ mundi ætate p. 311. confu-
tatur ibid. & seq.

Phænices. An sint primi cha-
racterum inventores? p. 7. à qui-
bus eos acceperint? ibid.

Pharisei. Eorum vita p. 190.

Philastrius. Ejus sententia circa
numerum linguarum p. 5. de au-
thore psalmorum p. 217.

Philo Judæus. Ejus locus infi-
gnis de 70. Interpretibus p. 68.
Ejus sententia circa sensum scriptu-
ræ p. 104. confutatur ibid. de con-
gressu angelorum cum mulieribus
confutatur p. 140.

Phison fluvius non est idem cum
Gange p. 133.

Plutarchi locus de anno Ægy-
ptiorum p. 142.

Poëtæ quomodo tempora divi-
debant p. 217.

Polygamia an jure naturali veti-
ta? p. 165. & seq. an aliâ lege pro-
hibita ibid. Diversæ sententiæ: ne-
gativa adstruitur p. 165. Christia-
nis lege Evangelii vetita p. 165.

Pompeius. Quando Regnum Sy-
riæ occupavit? p. 335. quando Je-
rosolymam coeperit? ibid.

Pontifex apud Judæos. Ejus vesti-
menta & officia p. 184.

Possini insignis locus de ficto
Cainane p. 278. Ejus sententia de
quarta mundi ætate p. 397.

Præadamitarum author. Ejus
sententia de autore Pentateuchi
confutatur. p. 112. & seq. Præa-
damitarum confutatio p. 111. & seq.
Authoris sententia de diluvio p.
151. circa miracula solis sub Josuâ &
Ezechiâ confutatur p. 192.

Prophetæ quousque durarint

apud Judæos p. 98. quo sensu dicti
in scripturis p. 118. quid apud Ju-
dæos? p. 187.

Prophetia Danielis explicatur.
p. 336.

Propiciatorium arcæ seu oracu-
lum quid p. 179.

Prosper. Ejus sententia circa nu-
merum linguarum p. 5.

Profelyti Judæorum dicti Helle-
nistæ p. 62.

Proverbiorum liber à Salomo-
ne scriptus p. 212. sed forte non
totus ibid.

Psalterium seu liber psalmorum
à quo scriptus p. 216. & seq. An
omnes psalmi sint Davidis, & quo-
rum sint? ibid. Diversæ sententiæ
ibid. probabilior. p. 217. tituli an
sit Canonici. Sententia negativa
p. 218. Psalmodium versio quæ
Vulgatâ habetur, unde & à quo?
p. 219.

Ptolomæus Philadelphus quando
Arsinocen sororem in uxorem ac-
ceperit? p. 53. quando Bibliotheca-
m adornavit. ibid.

Puncta vocalia quando à Judæis
inventâ? p. 15. & seq. an extiterint
tempore D. Jeronimi ibid.

Pythonissa an verè evocaverit
Samuelem p. 197. & seq.

R

Rabanus Maurus. Ejus senten-
tia de Parad. terrestri p. 131.
confutatur p. 132. de evocatione
Samuelis p. 198.

Razix actio in lib. Machab. an
laudanda? p. 225.

Regna Deorum & Semideorum
apud Ægyptios fabulosa p. 274.

Regnorum initium post Diluvium p. 267. minima fuerunt initio ibid.

Regnum Chaldaeorum quàm antiquum p. 269. & seq. Eorum observationes Astronomicæ fabulosæ p. 273. Israëlīs quot annis steterit p. 319.

Regulæ ad intelligentiam scripturarum p. 108. & seq.

Regum libri à quibus & quo tempore scripti? p. 204. & seq. Insignis locus refertur & asseritur p. 303.

Retrogradatio solis sub Ezechia an fuerit in sole, an tantum in horologio? p. 192.

Roboam Ejus ætas. p. 315.

Ruffinus. Ejus sententia de Exaplis Origenis p. 74. de usu Asteriscorum & obelorum confutatur p. 77.

Ruth liber à quo & quando scriptus p. 204.

S

Sabbathum quando celebrari cœptum p. 181.

Sacerdotes filii Aron. Eorum familiaria & divisiones in 24. classes p. 185. Summi sacerdotes qui? ibid.

Sadducei qui? Eorum errores p. 190.

Salmasius. Ejus sententia circa nomen Hellenistæ. p. 61. & seq. Ejus sententia singularis. p. 70.

Salomon author libri. Proverbiorum, Ecclesiastis & Cantici Canticorum p. 212. & seq. An à peccatis ante mortem respuerit? p. 213. & seq. Diversæ sententiæ ibid. Quot annis regnaverit p. 311.

& seq. Quo anno Roboam genuerit p. 315.

Salmeron. Ejus sententia de historiâ Aristæ rejicitur p. 49.

Samaritani. Eorum Characteres p. 12. Eorum Pentateuchus p. 29. Ejus sinceritas p. 31. autoritas p. 32.

& seq. alicubi depravatus ibid. à Patribus citatus p. 31. Ejus antiquitas p. 33. & seq. An in exaplis Origenis, locum habuerit p. 75.

Samaritanorum origo & Religio p. 34. & seq. Post tempora captivitatis Babilon. non fuerunt Idololatriæ addicti ibid. Suos adhuc habent Sacerdotes. ibid.

Non sunt Sadducæorum erroribus infecti. ibid.

Samuel. An post mortem Sauli apparuerit p. 197. & seq. Diversæ sententiæ ibid. affirmativa probabilior p. 200.

Sapientiæ liber citatus à Patribus ut Canonicus. p. 98. Quis sit ejus author p. 214. Non Philo cui ab aliquibus tribuebatur. ibid. A quibus citatus sub scripturæ nomine ibid. & seq.

Scaliger. Ejus sententia circa nomen Hebræorum p. 9.

Scribæ. Eorum munus. Quando instituti p. 187. errores p. 190.

Scriptura sacra. Non perijt tempore Captivitatis Babylonice p. 37.

Ab Esdrâ ad Christum nulla nova extitit ejus, apud Hebræos editio p. 38. Editio Masoretharum p. 38. Dux aliæ insignes apud Judæos. p. 41. Unde habeamus librum aliquem pro scripturâ divinitus inspiratâ habendum p. 100.

Ab autoritate Ecclesiæ non à spiritu privato ibid. Quotplex sit

ejus sensus ? p. 102. & seq. Triplex sensus mysticus p. 106. litteralis an possit esse duplex p. 107. accommodatius quid. ibid. Eodem spiritu legenda quo scripta. p. 109.

Seleucus Nicator Rex Syriæ p. 332. à quo Æra Seleucidarum ibid. à quo interfectus ibid. Seleucus Callinicus p. 333. Seleuchus Gryphi filius p. 335.

Seleucus Ceraunus ibid. Seleucus Philopater ibid.

Sem non fuit primogenitus Noë, neque natu minimus p. 264.

Sensus scripturæ quotuplex p. 102. spiritualis male à quibusdam rejectus p. 103. male etiam litteralis ab aliis p. 104. quid litteralis quid spiritualis ? ibid. Sensus mysticus triplex explicatur p. 106. An unius loci possit esse duplex sensus litteralis p. 106. & seq. Sensus accommodatius quid ? p. 107. mysticus, an sit efficax ad res fidei demonstrandas p. 108. non facile recedendum à sensu litterali p. 109.

Serarum Regni jactata antiquitas fabulosa. p. 277.

Serpens qui Evam seduxit, an fuerit verus serpens p. 134. an simplex serpens ibid. & seq. An ejus historia allegorice exponenda ? p. 185. an ad verum serpente pœna à Deo inflicta resperxit p. 135.

Serrarius. Ejus sententia de historiâ Aristæ rejicitur p. 49. de auctore versionis Italæ rejicitur p. 82. de quartâ mundi ætate p. 296.

Seth. Ejus posterii cur dicti filii Dei p. 141.

Severus Sulpicius, Ejus senten-

tia de quartâ mundi ætate p. 296.

Simonius. Ejus sententia de linguarum origine p. 2. confutatur ibid.

Simonius. Ejus sententia de voce Hebræi. p. 9. de tempore quo puncta vocalia inventa sunt. p. 17. de exaplis Origenis confutatur p. 74. Item de octaplis, de auctore Pentateuchi confutatur p. 112. Et de scriptoribus publicis à Deo inspiratis p. 117. & seq.

Sinarum ficta antiquitas p. 128. Smerdis magus quomodo Rex Persarum factus ? Interficitur p. 329. Sogdianus Rex Persarum p. 330.

Solis statio sub Josuâ & retrogradatio sub Ezechiâ an ad litteram accipienda p. 192. & seq. Confutatur author libri Præadamitarum ibid. An possit conciliari cum observationibus astronomicis ? p. 194.

Sophonias, Quo tempore & quandiu vixerit p. 189.

Spinosa. Ejus sententia de auctore Pentateuchi confutatur p. 112. & seq.

Spiritus sanctus primarius scripturæ author p. 110.

Stapletonus, confutatur p. 290.

Sulpicius Severus male congressum filiorum Dei cum filiabus hominum de Angelis interpretatur p. 140. Ejus sententia de evocatione Samuelis p. 197.

Susannæ historia est Canonica p. 99.

Sydonii an Reges peculiare habuerint p. 313.

Synagogæ Judæorum, quo sensu fuerit divinitus inspiratum p. 118.

Synedrium

Synagoga Judæorum quid ? p. 186. Earum origo. ibid.

Synedrium Judæorum quo sensu fuerit divinitus inspiratum p. 118. Quando cœperit & quousque duravit p. 177.

T

TAbernaculum quid, & quomodo compactum p. 178. quandiu duravit p. 179.

Talmud. Agnoscit characterum mutationem apud Judæos ab Esdrâ factam p. 13. Quando confectum p. 18. Quid in eo habeatur circa lectionem scripturæ Græco idiomate in synagoga p. 64.

Talmudistarum error de Jobo Patriarchâ p. 170. Eorum sententia de auctore Ecclesiastis p. 213.

Templum ab Oniâ in Ægypto constructum p. 180.

Templum Jerosolymitanum quando constructum dirutum & restitutum, p. 180. quo die incensum à Chaldæis p. 336. à Romanis ibid. ab Idumæis ibid.

Tertullianus. Ejus sententia de evocatione Samuelis p. 198. Quid Judæis exprobet circa sacros codices p. 23.

Textus Hebræicus versioni תנ"ך in Chronologicis præferendus p. 248. & seq.

Thare. Quo an ætat. genuerit Abraham p. 284.

Theodoretus. Ejus sententia circa nomen Hebræorū p. 9. circa primam linguā p. 10. & 11. Ejus sententia de apparitione Samuelis p. 198.

Theodori Mopsuesteni error de libro Proverbiorū rejicitur p. 212.

Theophilus Antiochenus Cana-

nem in suo computo non agnoscit p. 281.

D. Thomas. Ejus sententia de evocatione Samuelis p. 198.

Tobix liber à SS. Patribus pro scripturâ sacrâ agnitus p. 97. à quo scriptus p. 206.

Torniellus. Ejus sententia de evocatione Samuelis p. 198.

Tostatus. Ejus sententia circa sensum mysticum p. 103. de Paradiso terrestri p. 132. confutatur ibid. circa Polygamiam p. 166. de evocatione Samuelis p. 198.

Trismegistus. An primus characteres invenerit p. 6.

Tygranes Armeniæ Rex p. 335.

Tyriorum Reges an à Sydoniorum Regibus distincti ? p. 313.

V

VAlafridus Strabo. Ejus locus de psalterio Gallicano p. 220.

Valesius (Francisc.) Ejus sententia de evocatione Samuelis p. 198.

Vega qui Concilio Tridentino interfuit, quo sensu Vulgatam declaratam Authenticam docet p. 88.

Versiones scripturæ unde primū ortæ ? p. 46. tot extiterunt quot fere linguas habuerunt Judæi vel Christiani p. 47. Unde tanta diversitas inter antiquas versiones & textum Hebræicum hodiernum p. 25. An semper ad textum Hebræicum vel græcum corrigendæ ? p. 27. & 28.

Versio scripturæ D. Jeronimi. Non statim recepta p. 84. Quando recepta ibid. minus accurata in descriptione Paradisi terrestri p. 133.

Versio Græca LXX. Interpretū.

Ejus historiâ à quo conscripta. p. 47. Quæ fides Aristæ libro habenda ibid. & seq. Quando facta juxta Aristam? p. 49. An sub Ptolomæo Lagi, vel post ejus mortem p. 52. An ab Interpretibus septuaginta p. 55. Cur 70. Interpretum nomen sortita sit. p. 59. magno in pretio habita à Judæis. p. 60. Post modum contempta & rejecta ibid. An eam in Synagogis legerint. p. 61. & seq. Quanti eam fecerint SS. Patres p. 65. Ejus authores Divinitus inspiratos asseruerunt. ibid. Prophetas fuisse ibid. Ejus autoritas quanta apud recentiores p. 66. & seq. Diversæ sententiæ. ibid. Non est corrupta quam nunc habemus p. 67. An eâ usus sit Christus Dominus? p. 68. & seq. An apostoli? ibid. Ejus insigniores editiones p. 72. tres fuerunt celebriores apud veteres. ibid. Editio Origenis in exaplis & tetraplis p. 72. & seq. Quid in eâ asterisci & obelisci p. 77. Editiones Hesichii & Luciani p. 78. cum obelis & asteriscis. ibid. Præter eam nulla alia extitit versio Græca p. 79. Duplex tantum fuit editio, communis, & quæ in exaplis habebatur. ibid. Editio Eusebii & Pamphili non differt ab exaplis ibid. Tres celebriores editiones ab inventâ Typographiâ Complutensis, Veneta & Romana. ibid. Quæ ex illis accuratior? p. 80. Diversæ sententiæ. ibid. Romana præstat aliis ibid. Suos tamen habet naves p. 81. Ejus Chronologia p. 245. & seq.

Versio Itala quæ? p. 81. quando facta? p. 82. An ejus author

fuerit infallibilis. ibid.

Versio Vulgata. Ejus author est Divus Jeronimus p. 82. & seq. Sed non omnium omnino librorum p. 83. Aliquid etiam immixtum habet ex veteri vulgata. ibid. Quid de eâ sentiant Heterodoxi p. 86. Merito & jure dici potest authentica p. 87. Quo sensu talis à Concilio Tridentino declarata. p. 87. & seq. non quod sit ab omni nævo immunis. ibid. Plurium Theologorum sententia circa Vulgatæ authoritatē p. 90. Rejicitur ibid. & seq. Plures adhuc habet naves p. 92. fatentibus iis qui ejus editioni sub Clem. 8.^o præfuerunt ibid.

Vita hominum post diluvium an ad 120. annos redacta? p. 261. Eorū multiplicatio usque ad divisionem temporibus Phaleg an possibilis ex calculo Hebraico? p. 266. & seq.

Vitruvius. Ejus sententia de linguarum origine p. 2. & seq.

Vossii sententia circa nomen Hellenistæ p. 61. de tetraplis Origenis confutatur p. 75. & de exaplis ibid. Eusebii locus ab eo corruptus ibid. circa Chronologiam versionis contra textum Hebraicū confutata p. 250. & seq.

Votum Jephthe qualiter impletum p. 196.

Usserius. Quid senserit de Penateucho Samaritano. p. 29. male illum rejicit p. 30. de duabus versionibus Græcis scripturæ confutatur. p. Locus ejus circa miracula solis sub Josuâ & Ezechia p. 194.

Waltonus. Ejus sententia circa nomen Hebræorum p. 9. circa punctorum inventionem p. 37. male confundit senten-

INDEX.

tias diversas circa Aristæ librum p. 49. Ejus sententia confutatur p. 50. & seq. Ejus sententia de exaplis Origenis confutatur p. 74. Item & de octaplis p. 76.
Vulgata versio. Ejus author est D. Jeronimus p. 82. & seq. An possit dici authentica? p. 87.

X

Xerxes Rex Persarum p. 330.
Xerxes filius Artaxercis

Rex Persarum p. 330. quomodo interfectus? ibid.

Ximenius Cardinalis. Ejus Bibliorum editio, cur absque Paraphrasibus Chaldaicis facta? p. 45. exceptâ Onkelosi. ibid.

Z

Zeno Veronensis. Ejus sententia de evocatione Samuelis p. 198.

FINIS.



21417



